

DISPUTATIONES

Suppl.

DE

RECTA RATIO-
NE PURGANDI, DOCEN-
TES QVOS, QVIBVS PHARMA-
CIS, ET QVO TEMPORE,
purgare deceat.

*In inclyta Argentoratensium Acade-
mia ingenij exercendi gratiâ
proposita:*

à

MELCHIORE SEBIZIO

Juniore : Doctore & Professore
Medico.

Joseph Ferron

ARGENTORATI

Typis JOANNIS REPPI,

ANNO MDCXXI.

RECTA RATIO

THE FIRST PART OF THE
ART OF THINKING
BY RICHARD BEECHER

IN THREE BOOKS
THE FIRST BOOK
OF THE ART OF THINKING

THE SECOND BOOK
OF THE ART OF THINKING
THE THIRD BOOK
OF THE ART OF THINKING

THE FOURTH BOOK
OF THE ART OF THINKING
THE FIFTH BOOK
OF THE ART OF THINKING

THE SIXTH BOOK
OF THE ART OF THINKING
THE SEVENTH BOOK
OF THE ART OF THINKING

THE EIGHTH BOOK
OF THE ART OF THINKING
THE NINTH BOOK
OF THE ART OF THINKING

DISPUTATIO
DE
PURGATIONE

PRIMA:

In inclyta Argentoratensium Aca-
demia ingenij exercendi gratiâ
proposita:

P R Æ S I D E

MELCHIORE SEBIZIO

juniore : Doctore & Professore
Medico :

Respondente

JOANNE SEIDELIO
Boleslaviâ-Silesio.

ARGENTORATI

Typis JOANNIS REPLI,

ANNO MDCXX.



*NOBILITATE, ERUDITIONE,
& Experientiâ Viris eminentissimis,*

Philosophis, Doctoribus, & Candidatis Medicinæ Clariss.

Dn. DANIELI BUCRETIO, Patricio, & Archiatro Reipub. Vratislaviensis.

Dn. NICOLAO AGERIO, Professori Physices apud Argentoratenses Academico.

Dn. CASPARO CVNRADO, M.D. Vratislaviæ excellentissimo, & Poëtæ Cæsareo.


Dn. MICHAELI SEIDELIO, Medico apud Vratislavienses felicissimo, ac meo Patruo.

Dn. IO ANNI DOBRICIO, M. D. & Mathematico apud Vratislavienses ingeniosissimo.

Dn. GEORGIO KOBERO, Physico Reipub. Boleslaviensis ordinario.

Dn. GEORGIO BINERO, Candidato Medicinæ dignissimo.

Dn. NICOLAO FROBENIO, M. Cand. & Practico apud Boleslavienses eximio:



*Patronis & Amicis meis Deorū Xēpas P.
& hoc de Purgandi ratione auspiciū
L. M. D. D. D.*

JOANNES SEIDELIUS,
Respondens.

P R O O E M I U M.

ANTA morbificarum causarum vis est atque potentia, ut verissimè Galenus l. 7. meth. med. c. 12. dixisse videatur: nullum affectum manente causa perfectè curari posse. Quod ipsum etiam divinus Hippocrates multis seculis ante Galenum docebat: ac propterea tam anxie, tamque sollicitè inquisitionem causarum morbos efficiendum Medico commendabat. Loca apud ipsum hac de re extant plurima: cum primis verò duo maximè illustria, quæ adscribere minimè pudet, nec piget. Libro de flatibus monet, unum hoc in omnium morborum *θεραπεία* necessarium esse, ut quæ causa sit, quod principium, quis fons, ex quo corporis vitia scaturiant, cognitum perspectumque habeatur. Nam qui morbi causas indagavit, is, ait, aptus est atque idoneus ad consulendum ea, quæ corpori utilia sunt & salutaria. Libro verò 2. epidem. sect. 4. scribit: oportere Medicum *διελθεῖν ἐπὶ τὴν πρόφασιν, καὶ τῆς προοίσιος τὴν ἀρχὴν*: hoc est, devenire ad causam, sive occasionem: & ad causæ principium: quod Galenus *γένεσιν καὶ πρώτῃν αἰτίαν* appellat.

Sunt autem morborum causæ duplices: externæ & internæ. Inter internas Hippocrates l. 2. de Nat. hum. principem locum tribuit diætæ & aëri, quem inspiramus. Nos haud immeritò ex internis plethoræ & cacochymiam reliquis præferre possumus. Sunt enim frequentissimæ: potentissimæ: & in cunctis ferè ægritudinum generibus conspicuæ. Pellitur autem plethora potissimum venæ sectione: cacochymia verò purgatione: juxta regulam Hipp. tùm l. 2. de Nat. hum. tùm aphor. 22. sect. 2. tùm etiam lib. de flatib. non longè à principio traditam: quoniam *τὰ ἐναντία τῶνναντίων ἵψματα*. Quapropter cum hactenus pluribus disputationibus de venæ sectione, remedio plethoræ, egerimus: visum fuit, quasdam etiam de purgatione, *κακοχυμίας* auxilio, proponere. Quod quidem ut faceremus, non solum petitio studiosorū artis nostræ, quorum studiis velificari æquissimum honestissimumque esse duximus: verum etiam propositæ materiei utilitas atque necessitas nos permovit. Utilitas quidem propterea: quoniam finem Medicinæ respicit: præsentis scil. sanitatis custodiam, & amissæ recuperationem. Nullus enim mortalium adeò probam in-

culpatamque victus rationem servat, quin vitiosos humores intra se colligat. Nulla ægritudo esse videtur, quæ si non principaliter ἀκρόχρυσια proficiscatur, aliquid saltem illius non habeat adjunctum. Itaque in utraque constitutione corporis, sana & ægra, purgatio utilis est atque proficua. Necessitas verò duabus de causis: tum quia gravissimæ controversiæ, & difficultates penè inextricabiles in ea se offerunt: quæ ut decendantur, diligenti indagine, & amica sententiarum collatione opus habent: tum quia in purgando cautè procedendum: & quidem partim propter cathartidorum malitiam ac vehementiam: partim verò propter subjecti, quod purgandum, nobilitatem atque præstantiam. Turpis enim est calamitas, inquit venerandus senex l. de purgant. medic. purgante pharmaco hominem è medio tollere: resque, ubi idem purgantium non ita se habet, quemadmodum vulgò putatur. Eodem namque medicamento purgantur, & non purgantur: quandoque alia purgantur, quàm quæ purgare solet. Interdum nimium purgat: nonnunquam quæ debet, facit. Cautè verò procedere non potest, qui quos purgare, quid purgare, quando purgare, per quæ loca purgare, quibus medicamenti purgare, quantum purgare, quomodo purgare debeat, ignorat.

PROBLEMA I.



Vtrum vox καθάρσις, purgationis, uno semper eodemque modo accipiatur? *Negatur. Ideò ὁμωνυμία vocabuli explicanda, ut de qua καθάρσις disputetur, appareat. Sumitur autem modis duobus: auctore Galeno l. 5. simpl. c. 20. & l. 14. meth. med. c. 7. nec non Orisbasio l. 14 coll. c. 43. Uno generaliter, pro quavis vacuatione, quæ animalis excrementa expurgantur. Hac ratione & errhina, & apophlegmatizonta, & bechica, & diuretica, & menses cientia, & similia alia, purgantia dicuntur. Altero specialiter, & quidam m, ut Galenus loquitur, κατ' ἐξοχὴν, pro ea solùm vacuatione, quæ fit per vomitum, & ventris dejectionem. Ex quibus illa quidem ab Hippocrate ἀνω παρμακείν aphor. 4. 6. 12. 17. & 18. sect. 4. & l. περί τρεφῆς: nec non ἀνω καθάρσις aphor. 13. sect. 4. hæc verò κάτω καθάρσις*

καθάρσις aphor. 25. sect. 2. & κάτω φαρμακεία aphor. 20. sect. 4. & ἡ πρὸς τοὺς πόθους appellatur. Utitur n. Hippocrates vocibus φαρμάκων καὶ φαρμακείας non in genere pro quovis medicamento & medicatione: sed in specie pro medicamento purgante, & ea medicatione, quæ purgantibus medicamentis peragitur: quemadmodum Galenus, solertissimus Hippocratis interpres, comm. 2. in libr. Hipp. de fract. t. 29. comment. 2. in l. 1. Prorhet. t. 37. comment. aphor. 37. s. 2. & comm. 4. in l. de vict. acut. t. 115. monet: idq. cuilibet perspicere licet ex aphor. 22. & 24. s. 1. & aphor. 36. & 37. s. 2. & aphor. 1. 2. 4. 5. 6. 10. 12. 17. 18. 19. 20. & 21. s. 4. & aphor. 29. s. 5. & aphor. 31. & 47. s. 6. Præter hæc duas καθάρσις & significationes, quarum secunda tamen, uti dictum, gemina est, etiam tertia apud Hippocratem reperitur: purgatio scilicet non à principio externo, hoc est, Medico & medicamentis instituta: sed ab interno: ipsa nimirum natura facta. Talis καθάρσις observatur in pleuriticis & empyicis: quando purulentam materiam extussunt: quam tamen Hipp. aphor. 8. & 15. sect. 5. ἀνακαθάρσιν vocat. Talis quoq. in mulieribus singulis mensibus fieri solet. Menstruas enim purgationes, quas Hippocrates aphor. 32. 33. 36. 39. 50. & 57. s. 5. καταμήνια: aphor. 28. s. 5. γυναικεία: aphor. 56. s. 5. πρὸν γυναικείον: in puerperis verò l. 1. de morb. mul. λοχία: & l. de exect. foet. λοχία appellat, etiam καθάρσις aphor. 60. & 61. sect. 5. nec non l. 1. de morb. mulier. l. de steril. l. de Nat. puer. l. de octim. partu, & alibi sæpè nominat. Vocē καθάρσις & hunc in modum explicata, dicimus, nobis hîc eam propositam esse, qua vitiosi humores per alium, & vomitum, non spontaneo natura motu: sed purgantibus pharmacis evacuantur.

III.

An purgantibus uti liceat pharmacis? Ridicula & absurda videri posset hæc quaestio. Licere enim corpus purgare, non solum authoritas omnium Græcorum, Arabum, & Latinorum, tam recentiorum, quam veterum Medicorum probat: verum etiam ratio dictitat: & experientia confirmat. Ratio: quia quæ præter

naturam sunt, & vel morbos causari possunt: vel ipso actu iam
causantur, eosq; fovent & augent, submovenda sunt. At vitiosi
humores ita se habent: morbosq; pariunt, & parere possunt. Itaq;
submovendi. Submoventi autem commodius & celerius nequeunt,
quàm medicinis purgantibus. Licitum ergo est, urgente necessita-
te usi. Experientia verò monstrat, purgationem tam in προ-
φυλάξει, quàm in θεραπεύειν summè utilem & necessariam esse. In προ-
φυλάξει quidem propterea: quoniam plurimi sunt ita corpore dispo-
siti, ut nisi neunte vere vel venam secant, vel purgans sumant, in
gravissimos affectus incidant. Id quod Galenus etiam observavit.
Videatur præceptum de vacuationibus vernalibus l. de cur. rat.
per S.M.c.7. & lib. quos & c. purgare conveniat: & felicissimus il-
larum effectus exemplis memorabilibus declaratus comm. aphor.
47. sect. 6. Ratio enim consentit: quia omnis προφύλαξις in eo con-
sistit: ut declinentur causæ, ne in corpore generentur: aut tollantur.
si jam sint collectæ: authore Galeno comm. aphor. 22. sect. 2. In θεραπεύειν
autem idèò, quoniam infinite affectiones curari non possunt,
nisi medicinis catharticiis causæ earum extirpentur. Verum ut ut
utilis & necessaria sit medicatio per purgantia: refert tamen Cor-
nel. Celsus l. 1. c. 3. Asclepiadem & vomitionem & purgationes ex-
pulisse. Et sunt quidā imperiti & ignobilis de grege vulgi, qui eam
adhuc hodiè prorsus damnant. Pro quorum hæresi stabilienda se-
quentes rationes adferri possunt. I. quia purgantia medicamen-
ta maligna sunt: imò prorsus deleteria: Gal. comm. 6. in l. 6. Epid.
t. 5. Ventriculum, & maximè eius orificium vehementer lædunt:
comm. 2. in l. de vict. acut. t. 26. & lib. quos & c. purgare oportet, in
fine. Contraria sunt concoctionibus, corpusq; vehementer moven-
do frangunt: comm. 4. in l. de vict. acut. t. 44. Vbi purgatione fru-
strantur, quasi in venenum vertuntur: lib. 3. simpl. c. 24. Calida
& acria sunt omnia: comm. 4. in l. de vict. acut. t. 7. & l. quos & c.
purgare oportet. & περιπαθήσεις cum periculosis efficiunt symptoma-
tibus: l. 3. simpl. c. 27. Cause sunt convulsionum & singulius: Hip-
pocr.

poet. aphor. 4. sect. 5. torminum ventris, vertiginis, nausea, mali
pulsus, & dissolutionis virium: Gal. comm. aphor. 9. sect. 2. & lib.
quos purg. oportet. Omnia adeo ingrato sapore prædita, ut quidam
ad illorum solum mentionem exhorrescant, atq; purgetur. II. quia
paucissimis videatur convenire naturis. Sanis enim illa derogat
Hippocrates aphor. 36. 37. sect. 2. & aphor. 16. sect. 4. itemq; Gal. in
comment. & in lib. quos purg. oportet. Neutris, qui pravo utun-
tur victu, itidem iisdem interdicit aphor. 36. s. 2. Ægros ad pur-
gationes ineptos pronūciat, qui acutis affliguntur morbis: aphor.
24. s. 1. qui inflammatione ventriculi & intestinorum laborant:
Gal. l. 13. meth. med. c. 11. qui eadem circa sedem, partesq; vicinas
dixantur: l. 13. meth. med. c. 6. qui nigra re vomunt, cibos fasti-
diunt, delirant, in pube dolent, intumescunt, vertigine molestan-
tur, debiles sunt, exoluti, decolores, in febris comatosi: Hipp. l. 1.
Prorhet. & Gal. comm. 2. in eundem t. 37. 38. & 39. qui inflamma-
tiones patiuntur viscerum: Hipp. l. de vict. acut. & Gal. comm. 4.
in eundem t. 22. qui aluum valde stipatam habent, quiq; dysen-
teriā & cæliaca prehensi: Gal. l. 2. de dynamidys c. de cathartici:
qui capite dolent ob exercitationes, cursum, iter, venationem, aut
quemvis alium intempestivum laborem, venerisve usum: qui rauci
sunt, decolores, lienosi, exangues, anhelosi, siticulosi, flatuosi: qui-
bus venæ sunt interceptæ: quibus intenta præcordia, latera, &
dorsum: qui torpent: & obscurè vident: quibus aurium tinnitus
est molestus: qui urinam non continent: qui ex ictero decumbunt:
quorum venter cruda egerit: quibus ex naribus, aut per sedem
sanguis vehementer erumpit: qui tubercula habent: & vehemen-
tes sustinent cruciatus. Ex his enim nullum purgandum censet
Hippocrates: quia inquit, agrum periculo expones, nihilq; juva-
bis: spontaneasq; liberationes ac judicationes tolles: l. de vict. a-
cut. & Gal. comm. 4. in eund. t. 115. Imò & pingues nimis, nimisq;
graciles, & multo abundantes sanguine, & frequenter deficien-
tes, & vix curabiles, & promptè quavis ex causa vomentes, &

pueros, & senes, & mulieres, quibus menstrua largiter fluunt, & qui bonā servant victus rationem, Galenus lib. 2. de dynamid. & Aetius tetr. 1. f. 3. c. 23. à purgatione excludunt. Quin etiam Galadeam non admittit eos, qui sæpè laborarunt cruditate: qui tenacibus & crassis vesci consueverunt cibis: quiq; sub costis tensum, & inflatum ventrem habent, vel eximie calidum atq; ferventem: aut hisce in locis inflammationes sentiunt: lib. quos purg. oportet. Adde quòd nullum ferè anni tempus ad purgandum Hippocrati videatur idoneum, solo excepto vere: uti colligitur ex aphor. 47. f. 6. Aestatem huic negotio prorsus incongruam judicat: maximeq; eam illius partem, qua canicula sidus flagrat: aphor. 5. sect. 4. Sed hæc, & similia tela, quæ rerum ignari contra purgationem ejaculantur, vix merentur, quæ excipiantur. Eūthes, inquit Aristoteles 3. de part. anim. c. 3. τὸ τὰς εὐθείας τῶν λόγων λίαν ἐξετάζειν. Paucis tamen eloquemur, quid ad argumenta obiecta responderi debeat. Omnia cathartica maligna esse, insciamur. Sunt enim & benigna & mediocria. Violentiora quæ sunt, Galenus comm. 6. in 6. epid. t. 5. nequaquam in deleteriorum albo reponit. Id quod clarè satis ex ipso contextu apparet. Docet namq; quæ nobis prosunt & nocent, aut manifestis & elementaribus, aut occultis qualitatibus prodesse & nocere. Rursus quæ occultis qualitatibus prosunt & nocent, ad quatuor genera referri: nimirum ad medicamenta purgantia: alimenta: venena, eaq; aut pharmacorum, aut animalium: & venenorum remedia. Ex quibus quæ venenatorum pharmacorum medela sunt, ἀλεξιφάρμακα: quæ v. ietibus & morsibus virulentorum animalium resistunt, ὀνειακά appellantur. Quibus positis, querit, an non etiam purgantia in venenorum numero haberi possint: sicq; tria tantum eorum, quæ à totius substantiæ proprietate prosunt & nocent, sint genera? Videri enim deleteria esse: quoniam ultra modum sumpta nos interimunt. Sed mox negando respondet: duabus de causis. I. quia etiam ἀλεξιφάρμακα & ὀνειακά in censu venenorum essent; eò quòd & illa dele-

immoderatiùs hausta nos è medio tollant. II. quia Medicinè a solùm deleteria vocare consueverunt, quæ nullo unquam tempore neque sanis, neque agris operam ferunt. Cum verò purgantium medicamentorum usus temporibus quibusdam necessarius sit & utilis: patet, ea nequaquam deleteria esse. Actuarius l. 3. meth. med. c. 7. hunc in modum respondet. Purgantia communi quidem generis ratione ex censu sunt eorum, quæ δυνάμεισιν appellatur. Verum ab iis, quæ magna sunt corrumpendi vi prædita, dissident: quòd hæc eadem quantitate, nō perinde accorruptentia interimant. Nam cū sunt mediocria, prosunt: cū verò interdum copiosius assumentur, quantitate perdunt. Quod purgantia ventriculum offendant, largimur: si sint vehementiora, & per se atq; solitariè exhibita. Omnia verò eandem offendere, negamus. Sunt enim & mitia: & aloë ita amica est stomacho, ut illum roborare dicatur. Et vehementiora illa non mera ac sincera: sed simplicibus odoratis & aromaticis permixta propinantur: quæ non solùm eorum malitiam mitigant atq; obtundunt: verum etiam ventriculum cōfortant: teste Galeno loc. allegat. & l. 8. de compos. med. κ. 7. c. 3. ubi ostendit, etiam Hipp. l. de vict. acut. hoc modo helleborum nigrum obtulisse. Galeno subscribit Act. l. 3. meth. med. c. 8. Quod concoctioni humorū officiant, itidem concedimus. Cōcoctio enim cruditatis per febres, de qua Hipp. & Galen. cit. loc. loquuntur, quiete, calore, & robore virtutis concoctricis opus habet. At purgantia corpus & humores exagitant, calorē minuunt, & vires eneruant. Non ergo tūc danda, cū cruditas coquenda. Quod quædā in φασγίον ἢ δυνάμεισιν vertantur, similiter admittimus: sed vehementia esse dicimus, quæ incorrecta. Omnia sic mutari, negamus: & ipse quoq; Gal. loc. alleg. negat. Inquit enim, nonnulla cathartica, a cōcoctione purgatrice frustrata, nullam noxam corpori adferre, imò alimentum homini præbere. Idem Oribasius sentit l. 14. collect. c. 41. Quod calida & acria sint, non ob id detestanda. Alias enim aromata quoq; detestanda forent. Et usus specierum aromaticarū,

quas trageas vocant, itemq; theriaca, mythridatij, & similium
 compositionum improbandus esset: quia calida & acres. Castigan-
 da ergò, mitiganda, infringendaq; si aetatis, sexus, temperatura,
 regionis, anni temporis, morborum veratione ob caliditatem su-
 specta. Quod hypercatharses, aliaq; gravia excitent acci-
 dentia, abusui, & imperitiæ medicastrorum tribuendum, qui
 nulla habita ratione circumstantiarum modum in dosi excedunt.
 Quod ægrè ac difficulter quandoq; purgatio succedat, non mi-
 nima causa est, quòd ante illam corpus non factum fluxile: quem-
 admodum metipsè Gal. libr. quos purg. decet, & comm. aphor. 9. s. 2.
 attestatur. Quod ingrati sint saporis, verum est. At coqui est
 placere palato. Medici studere sanitati & utilitati patientis.
 Αἱ μὲν πρὶς αὐτῶν εἰσὶ πικραὶ: ὁ δὲ καρπὸς γλυκὺς. Quando Hippocra-
 tes sanis purgatione interdicit, de exquisitè & perfectè sanis lo-
 quitur, qui vitiosis humoribus vacant, nulliq; vitio sunt obnoxij:
 non de ijs, qui sani quidem: sed imperfectè: ideòq; nisi à malis hu-
 moribus, quos vel inordinato vitæ regimine: vel intemperie ali-
 cujus partis congesserunt, liberentur, agrotaturi. Eos, qui pra-
 vo victu usi sunt, non simpliciter & absolutè excludit: sed tacitè
 solum innuit, cautè tractandos esse: neq; simul & semel validiori-
 bus purgandos medicamentis. Celeriter enim exolvi: & quidem
 ob virium languorem, quo propter paucitatem boni sanguinis la-
 borant. Curandos ergò per ἐπίσπασιν: quæ operatio mixta est, sive
 composita ex evacuatione & refectione. Nam paulatim quod vi-
 tiosum est, evacuat: & pro eo, quod salubre est, reponitur: sicque
 utriq; indicanti, infirmitati scilicet virium, & corruptela humo-
 rum satisfit: authore Galeno l. 9. meth. med. c. 10. & comm. 17. sect.
 1. aphor. nec non l. 6. de tuend. san. c. 6. Reliqua argumenta ex
 Hippocrate & Galeno allata, indigna sunt, quibus respondeatur.
 Nimis etiam foret prolixum, respondere singulis. Respondebimus
 autem, si occasio fuerit data, in disputationis conflictu. Hoc solum
 impræsentiarum dicimus, fallaciam in ijs committi παρὰ τὸ ἀπλῶς.

Non enim sequitur, Hippocrates & Galenus in quibusdam affectibus vel ob virium infirmitatem, vel ætatis inhabilitatem, vel regionis, anni temporis, causarum, morborumve qualitatem purgantibus medicinis adversam, vel corporis, quod ad purgationem imparatum, dispositionem, vel prægressam victus pravitatem, vel inassuetudinem patientium, & ἰδιουγκασίαν cathartici planè repugnantem, vel habitus corporis ineptitudinem, vel aliarum circumstantiarum incommoditatem, purgationem dissuadent: Ergò simpliciter & absolutè in omni virium, ætatis, regionis, anni temporis, morborum, causarum morbificarum, corporis, eiusq; habitus, & nature constitutione, siue προφυλάξις, siue διαπεία ἐν κῆνῃ instituatur, eam damnant, & ex albo medicorum præsidiorum eliminant. Hæc enim consequentia si valeret, exterminanda mercurè etiam reliquæ omnes vacuationes essent: cū nulla sit, quæ quovis loco, tempore, & in quovis subjecto usurpari possit utiliter. Aurea est Aurelij Celsi l. i. c. 3. contra Asclepiadem, qui purgationes damnabat, sententia. Sunt, inquit, illæ perniciosæ, si nimis valentibus medicamentis fiunt. Sed hæc tamen submovenda esse non est perpetuum: quia corporum temporumq; ratio potest ea facere necessaria, dum & modo, & non nisi cū opus est, adhibeantur. Ergò ille quoq; ipse, si quid iam corruptum esset, expelli debere confessus est. Ita non ex toto res condemnanda est: sed esse eius etiam plures causæ possunt: estq; in ea quædam paulò subtilior observatio adhibenda.

III.

Rectène Galenus purgationem comm. aphor. 2. sect. 1. & comm. 17. sect. 2. aphor. vacuationem humorum qualitate molestantium definierit? Quinq; potissimum difficultates hæc definitio patitur. I. quia latior videtur definito. Nam & venæsectio, & exercitatio, & frictio, & inedia, & balneum, & calorifica atq; diaphoretica inunctio & c. humores qualitate sua molestantes vacuant. Non ergò cum definito reciproca: quod vi-

tiosum esse Aristoteles l.6. topic. c.1. docet. II. quia videtur defini-
to angustior. Non enim accommodari potest illi purgationi, quæ
tantum faeces ex intestinis vacuantur. Faeces enim humores non
sunt. III. quia humores qualitate peccantes non vacatione, &
consequenter neq; purgatione; sed alteratione solum per qualita-
tes contrarias opus habent. IV. quia si per qualitatem non pro-
priè id, quod vocabulum qualitatis sonat; sed aliud aliquid intel-
ligitur, definitio ὁρισμὸς popularis continet, quæ eam facit obscuram: au-
thore eodem Aristotele loc. cit. V. quia contra notas bonæ defini-
tionis aliquem habet defectum. Nam vitiosi humores non tan-
tum qualitate; ~~sed etiam~~ quantitate peccant. Est enim κακὸς ὑμῶν
redundantiæ species, non minus ac plenitudo ad vires & ad vasa.
Quod si humores istitantum in qualitate delinquerent, nō in quan-
titate, purgatio neutiquam vacuatio dici posset. Ratio est: quoniā
Galenus coment. 2. in prognost. Hipp. t. 14. scribit, se vacationem
propriè appellare materiei quantitate exuperantis: purgationem
verò illius, quæ qualitate peccat. Quod ipsum etiam ex parte re-
petit cōm. 22. sect. 2. aphor. inquiens: vacationem esse curationem
eius, quod multitudine delinquit. Verum bona nobis hac defini-
tio videtur: non tam quod ab artis proceribus approbetur, & pro
re nata passim adhibeatur: quam quod genere ac differentia, par-
tibus essentialis definitionis, constet. Genus vacuatio est. Huius n.
definitio purgationi competit: & simul etiam de aliis speciebus ἐν
τῷ τίτι, prædicatur. Definit autem Fernelius l. 2. meth. med. c. 1. va-
cuationem, quod sit eorum, quæ præter naturam in corpore conti-
nentur, expulsio. Atqui & purgatio talis est expulsio; humorum
sc. καλὰ ποσότητα λυπεύων. Differentia sumitur à materia, quæ ex-
pellitur: estq; humor vitiosus: cuius ratione, uti mox dicemus, ab
aliis vacationis speciebus distinguitur. Si quis causalem pur-
gationis definitionem habere velit, sic eam cū Duncano Lidde-
lio l. 5. art. med. c. 12. definiat: Purgatio est evacuatio humoris
qualitate peccantis, facta à natura, ope & efficacia pharmaci ca-
thartici

*cathartici, administrati à Medico in eum finem, ut sanitas præfens
conseruetur, aut amissa restituatur. Ita enim omnes illius causas
exprimet.*

I V.

*Quomodo adductæ difficultates tollendæ? Prima
tollitur facillimè. Nam licet alie vacationum species etiam ali-
quid humorum qualitate molestantium educant: notabilis tamen
inter eas & purgationem propriè & specificè dictam est differētia.
Hæc autem & in materia quæ vacuatur: & in loco, per quem va-
cuatur: & in organo; quod vacuat: & in modo, quo fit va-
cuatio, potissimum consistit. Etenim purgatio ex artis præscripto
instituta vitiosos solum humores, vel sursum, vel deorsum, ope
medicamenti cathartici, per se, & sensibiliter, partim trahendo,
partim verò expellendo vacuat. At venæ sectio aliquid quidem
vitiosorum humorum in venis consistentium per se & sensibiliter
educit: verum non solos vitiosos, sed æquabiliter omnes: & quidē
per locum phlebotomo, aut lancetta apertum: idq; consequutione
ad id, quod vacuatur. Exercitatio & inedia vacuant quidem:
sed humores omnes, nullo organo externo, per habitum corporis,
insensibiliter, & per accidens, intervētu caloris: non trahendo,
nec expellendo, sed discutiendo, dissipandoq;. Eadem ferè ratio est
frictionis, inunctionis diaphoreticæ, & balneorum. Nam & ista
omnes humores vacuant promiscuè per habitū corporis insensibili-
ter, per modū discussionis. Latior ergò purgationis definitio sua de-
finito non est: sed cū eo reciprocatur. Licet autē non omnia illius re-
quisita in definitione actu, & explicitè sint posita: implicitè tamē
& tacitè in ea continentur: præsertim si de qua purgationis specie
hic differatur ex problem. i. in memoriam revocetur. Secunda
cadit, si dicatur, vacationem facum purgationem non esse: nisi
latè sumpto vocabulo: de qua tamen significatione hic non agitur:
ut i probl. i. indicatum. Non enim semper per medicamenta fit: sed
quandoq; etiam per alimenta humectantia, emollientia, & lubri-*

cantia: cuiusmodi sunt jurapingua, passula, pruna dulcia, fici pingues atq; recentes, malva, atriplex, poma dulcia assa, oleum amygdalarum dulcium, butyrum recens &c. Imò si maximè per medicamenta fiat, ea tamen, siquidem merè sint. ἐκκοπρωλικά, ἢ ὑπακλινά, ἢ ὑπαγωγά, propriè cathartica non sunt: quia non trahendo facultate peculiari: sed vel detergendo: vel moderatè stimulando feces extrudunt: ut mercurialis, beta, brassica, & his similia. Itaque opus non est, ut huic vacuationi purgationis οἰσμός competat. Tertia in fumum abit: quia illi solùm humores alterandi, qui alteratione in pristinam bonitatem reduci queunt. Qui verò vel in primis, vel in secundis qualitatibus, vel etiam in substantia eò usq; à naturali, constitutione recesserunt, ut neq; victu, neq; alteratione, neq; nature beneficio meliorari possint, quales sunt, quorum in purgationis definitione mentio facta, auferendi sunt, prorsusq; extirpandi. Quarta corrui, si οὐκ ὀνύχια in definitione esse negemus. Accipitur enim qualitatē vox in propria & genuina sua significatione: estq; humor qualitate peccans nil aliud, quàm humoris species qualitates habens vitiosas & noxias, quæ cacochymia nomine continetur: quemadmodum ex omnibus ijs Galeni locis apparet, in quibus de materia, quæ per purgationem educenda, tractatur: in primis verò ex commen. aphor. 2. s. 1. & comm. aphor. 17. sect. 2. l. 4. meth. med. c. 6. commen. aphor. 47. sect. 6. l. de cur. rat. per S. M. c. 7. l. de purg. med. fac. c. 1. & l. quos purg. oportet. Quinta dissolvitur, si statuatur, quantitatis vitium tacitè in definitione comprehendendi. Quod quidem ex genere & differentia facile probare licet. Ex genere quidem: quoniam purgatio dicitur vacuatio. At ubi hac, ibi aliqua repletio, & materia quantitate excedens præsupponitur: veluti vacuationis definitio ex Galeno allata monstrat. Ex differentia verò: quia antea dictum, humores qualitate peccantes cacochymia nomine designari: hanc verò redundantia speciem esse. Cur verò solius qualitatē expressa fiat mentio, causa est, quia humores non tam propter excedentem quantitatem,

ritatem, quàm propter vitiosam qualitatem expurgantur. Hac enim maximè laedunt: nullog, præsidio rectius & melius tolli possunt, quàm purgatione.

V.

An una & simplex: an varia & multiplex sit purgatio? Genere una est: specie varia. Omnes autem species, sive differentia, sumuntur à materia qua purgatur: à subjecto, ex quo purgatur: à ductibus, sive meatibus subjecti, per quos purgatur: à causa efficiente, qua purgat: à modo utendi: à fine: à viribus & effectis. Ratione materiei purgatio vel simplex est, unius solùm humoris: ejusq, aut biliosi, aut melancholici, aut pituitosi, aut serosi: vel composita: plurium scilicet, aut omnium humorum. Ratione subjecti vel universalis, qua ex universo corpore, aut certè maxima ex parte supervacua educit: vel particularis, qua partem quampiam vitiosis liberat humoribus: v. g. ventriculum, intestina, primas venas &c. Ratione ductuum alia fit per superiora: qua dicitur vomitoria: alia per inferiora: qua dejectoria nomen meretur. Utraq, rursus aut per apertos conspicuosq, fit meatus: aut per cæcos & occultos. Ratione causæ efficientis alia est spontanea, qua citra medicationem quipiam è corpore aut per vomitum, aut per alium effunditur: alia artificiosa, qua purgantis medicamenti ope suscitatur. Illa rursus vel critica est, qua fit natura duce, excludente id, quod vitiosè se habet, aut superfluit: nempe humorem noxium, prægressis signis concoctionis, in die decretorio, & cum évogia decumbentis. Vel symptomatice: qua irrita est, & præter intentionem naturæ: fit: que aut propter imbecillitatem naturæ, qua humores corporis regere & cohibere nequit, sed prorsum diffluere sinit: aut propter copiam & acrimoniam humorum, qui naturam tantoperè irritant, atq, stimulant, ut proprio impetu illos è vasis & receptaculis suis foràs exilire permittat. Ratione modi applicandi alia perficitur ore assumptis: alia in alvum infusis: alia ventri imo,

aut

aut umbilico ad motis pharmacis. Ratione finis alia est vacuatoria: alia derivatoria: alia revulsoria. Ratione virium & effectuum: alia utilis, quæ tali purgantur, qualia purgari oportet: alia vitiosa. Illa juxta Fernesium l. 3. meth. med. c. 15. vel est obscura, quæ adeo exiguum peccantis humoris portionem detrahit, ut manifestò non levet. Vel manifesta, quæ insignem humoris portionem exturbat. Utraq; imperfecta, minorativa, & paulatina dici potest. Vel perfecta, quæ nihil illius reliquum facit. Hac aut est inutilis, quæ humorem à noxiò diversum trahit: vel noxium quidem irritat, non autem educit. Aut molesta, quæ vi quadam noxium elicit humorem. Aut effrænata, quæ unà cum peccante humore etiam aliquid utilis, & necessary, non sine gravibus accidentibus, eripit. Græci eam ὀτρύνον vocare solent: ut patet ex aphor. 4. s. 5. & l. 1. Hipp. de nat. hum.

Π Α Ρ Ε Ρ Γ Α.

I.

Utrum ciborum concoctio noctu, nobis dormientibus, fiat melius, quàm interdiu nobis vigilantibus? A.

II.

Sitne ventriculus hyeme calidior quàm æstate? A.

III.

An clysteres nutritorii dicti corpus verè nutriant? A.

IV.

Num limacum caro heceticis & phthificis conveniat, uti vulgò creditur? N.

V.

Sitne suilla caro omnium præstantissima? N.

VI.

An quæ concoquuntur semper crassiora fiant? Ita placet Aristoteli l. 4. meteor. c. 2.

VII.

Utra homini sano nocentior, fames, an crapula, gula, & ingluvies? Fames, sive inedia,

F I N I S.

13

DISPUTATIO
DE
PURGATIONE
SECUNDA:

*In inclyta Argentoratensium Acade-
mia ingenij exercendi gratiâ
proposita:*

PRÆSIDE
MELCHIORE SEBIZIO
juniore : Doctore & Professore
Medico :

Respondente

M. ADAMO OPALA
Bicinâ - Silesio.

ARGENTORATI

Typis JOANNIS REPPI,

ANNO MDCXX.



M A G N I F I C I S,
NOBILITATE, AMPLITV-
DINE, ERVDITIONE, ET EXPE-
rientia Viris Clarissimis.

Dn. JACOBO SCHICFVSIO in Newendorff/ &c. J. C. Pro-
 ducis utriusque Silesiæ, Principis Lignitio - Bregensis Consilia-
 rio, & eiusdem Ducalis Consistorii assessori prudentissimo.

Dn. CASPARO BAVHINO, Archiatro, Anatomico, & Bo-
 tannico Reip. Basileensis celeberrimo, & eiusdem Academiae
 Praxeos Professori ordinario, Illmque Ducis Wirtemberg. Me-
 dico dignissimo.

Dn. DANIELI RIXINGERO, Philosophiæ & Medicinæ
 Doctori, Logices & Metaphysices Professori in Almâ Argent.
 Academia acutissimo ac Thomani Collegij ibidem Decano re-
 verendo.

N E C N O N

Dn. JOANNI WENCKERO } Reip. Argent. Senatûs assessori
Dn. TOBIÆ Städel } integerrimo: huic eidem à re-
 ditibus repetundis.

V T E T

Reverendis ac Clarissimis Viris.

Dn. CHRISTOPHORO SÜSSENBACHIO, Ecclesiæ
 Bicinenfis pastori, & eiusdem tractûs Seniori vigilantissimo, al-
 teri parenti suo pl. colendo.

Dn. JACOBO LYSONIO pastori in Reinersdorff/ affini suo
 benignissimo.

*Mæcenatibus, Patronis, Præceptoribus & fautoribus
 suis æviternum observandis,
 Hasce de purgationis Indicantibus controversias
 offert & consecrat*

M. Adam Opala. Resp.



PROBLEMA I.



*N*ααοχυρία verum & genuinum indicans sit purgationis? Ante problematis decisionem sequentia ponenda videntur fundamenta. I. quòd purgatio sit in numero magnorum generosorumq; praesidiorum: teste Galeno comment. aphor. 29. sect. 2. II. quòd *νααοχυρία* genere quidem sit una: specie autē varia & multiplex. Differt enim quantitate, situ, sive loco, & materia. Ratione quantitatis est magna, parva, & mediocris. Ratione situs aut est in publica aliqua corporis regione: prima scil. secunda, vel tertia: aut in privata. Ratione materiei duplex: una mitior, in qua vel superva cui humores, qui in natura à sanguine secreti alendo corpori sunt inutiles: ut pituita ventriculi & intestinorum: bilis vesiculae felleae: melancholia lienis: serum vasorum, renum, & vesicae urinariae: vel succi in venis consistentes, à sanguine tamen distincti, immodicè sunt accumulati: ijg; aut omnes, aut plures, aut unus tantum. Altera deterior: in qua rursus vel humores excrementitij, vel succi dicti in insigne aliquod substantiae, aut temperatura vitium sunt prolapsi: quatenus nimirū sunt putrefacti, aliterve corrupti. III. quòd hīc de artificiosa purgationis indicante queratur: & illius quidem non latè & generaliter sumpta, pro quacung; undecung; vitiosorum humorum evacuatione: sed propriè & specialiter, pro excrementitiorum humorum per alium & vomitum educatione accepta. His praemissis, dicimus, *νααοχυρία* utramq; mitiorem & deteriorem, si sit magna, effatq; digna, quae alijs vacationum generibus tutò, citò, atq; perfectè eradicari nequit, sive in prima, sive in secunda, sive in tertia publica corporis regione hereat, ve-

rum & *ὑγιον* purgationis indicans esse. Parvam & exiguam, quæ vel diatæ, vel natura calorisq; beneficio, vel mitiori aliqua vacuationis specie tolli potest, non item. Magnum quippe præsidium est purgatio. Itaq; à parva levisq; *κακοχυμία* indicari nequit. Semper enim inter indicans & indicatum aliqua est proportio: & sicuti magnum indicans magnum indicat remedium: sic parvum parvum. Addimus insuper, neq; *κακοχυμία* in privata aliqua corporis regione, v. g. ventriculis cerebri, cavitatibus aurium, bronchijs pulmonum, cavitate thoracis, capacitate uteri &c. delitescentem, purgationem indicare. Non enim vi cathartorum medicaminum *κακοχυμία* harum partium elici, & per aluum, aut vomitum extirpari potest: sed vias & ductus habent peculiares, per quos sentina earum educenda: cerebrum palatum & nares: pulmo & thorax asperam arteriam: uterus propriam cervicem. Cæterum quemadmodum *κακοχυμία* descripta in genere purgationem indicat: ita in specie *κακοχυμία* biliosa purgationem bilis: pituitosa purgationem pituitæ: melancholica purgationem melancholice: serosa purgationem seri: mista purgationem mistorum humorum indicat: teste Galeno comment. 47. sect. 6. aphor. & comment. aphor. 2. sect. 1. In vacuationibus enim ea semper aufferenda sunt, quæ peccant, quæq; morbos pariunt, aut paritura sunt, nî eximantur: exemplo naturæ, quæ cum utilitate & *εὐφορίᾳ* agrotantium ea quandoq; sua sponte expellit, quæ causa morborum fuerunt: veluti ex aphor. 2. & 25. sect. 1. aphor. 2. & 3. sect. 4. & in specie ex aphor. 14. 17. & 48. sect. 6. & aphor. 29. sect. 7. constat. Quod autem hæc *κακοχυμία* verum sit purgationis indicans, I. inde probatur: quia posita *κακοχυμία*, etiam purgandi statim oritur indicatio: eaq; absente, nihil est, quod purgationem indicet. II. quia in purgationis definitione dictum, eam humorum qualitate molestantium vacuationem esse. At tales *κακοχυμίαι* constituunt. Denotantur enim per humores qualitate molestantes *ιδίαι*, sive species, & formæ humorum à sanguine distinctorum: qui vel in ve-

nis, vel extra venas consistunt, sanguinemq; inquinant. III. quia quando Galenus purgat, vacuationis, aut revulsionis gratiâ, semper vitium humorum, quod l. 3. de san. tuend. c. 9. l. 4. meth. med. c. 4. l. 13. meth. med. c. 6. & l. de plenitud. c. ult. κακοχυμία appellat, præsupponit. Ex infinitis locis paucorum meminisse libet. Revulsionis ergo purgat in vulneribus & ulceribus: l. 4. meth. med. c. 6. In ophthalmia: l. 13. meth. med. c. 11. & comm. aphor. 17. s. 6. & quidem si κακοχυμία adsit vel cholericâ, vel melancholicâ, vel pituitosa: l. de oculis part. 6. c. 2. In affectibus capitis à vitiosis humoribus ortis: l. 13. meth. med. c. 11. comm. 2. in l. 6. epid. t. 9. In capillorum defluvio: l. de purgant. med. fac. cap. ult. Vacuationis verò causâ, ut præsentēs affectus curentur: v. g. in ischiade, podagra, & arthritide generatim dicta: l. 10. de compos. med. x. l. 6. c. 2. In pustulis & exanthematibus cutis: comm. 2. in l. 6. epid. t. 30. Purgat etiam, ut morbi, in quos homines sunt proclives, præcaveantur. Scribit enim, se quosdam, qui melancholiâ, cancro, elephantiasi, & febre tertianâ erant obnoxij, verno tempore instituta purgatione præservasse: comment. aphor. 47. sect. 6. Quod ipsum etiam in alijs quibusdam affectionum generibus se præstitisse refert l. de cur. rat. per S. M. c. 7. & lib. quos & c. purgare oportet. In summa, ubicunq; κακοχυμία se offert, ibi, cæteris paribus, purgandum monet comm. aphor. 47. s. 6. l. 13. meth. med. c. 4. l. 6. de tuend. san. c. 13. & l. de constit. artis c. 19. IV. quia Galenus inquit l. 9. meth. med. c. 10. quod corruptum est, id alienum à natura esse: quod tale est, id se auferendum dictare. Atqui in κακοχυμία illa, quam ex Ferneliol. 2. meth. therap. c. 1. deteriore ante a nominavimus, humores sunt corrupti. Ergo dictitant se auferendos. Rectius autem & commodius auferri non possunt, quàm purgatione, ut disp. 1. probatū. Est igitur hæc illorum appropriatum remedium: & propterea ijs præsentibus, si virtus permittat, purgandum indicatur. In κακοχυμία verò mitiore, licet supervacui humores insigniter corrupti non sint, quantitate tamen peccant. At omne exuperans vacuan-

dum.

dum: sic docente Galeno l. de constit. art. c. 19. Vacuari autem dicti humores nulla commedioratione queunt, quam purgatione. Itaq; is presentibus purgandum significatur.

11.

Utrum cacochymia primæ regionis, quæ citra jecur est, per se & propriè lenientia tantum indicet: quæ verò regionis est secundæ, & tertiæ, nempe ultra jecur, primasque vias, propriè dictam purgationem, quæ electivè, ut loquuntur, trahentibus pharmacis perficitur? *Affirmativam quidam defendunt. Quam ob causam, ignoramus. Suspiciamur tamen, causam esse: quod è prima corporis regione via in aluū sint breves, ampla, atq; expedita, per quas cacochymia inibi hærens facile expurgari possit, ut verè ac propriè dictis cathartics minimè sit opus. Cum verò ex secunda, multoq; magis ex tertia regione iter sit valde longum, flexuosum, angustum, atq; difficile, validiora, & cathartica specialiter dicta necessaria videntur, quæ cacochymiam in aluum detrudant. Verum et si libenter concedamus, quod pro varietate circumstantiarum medicamenta modò leviora, modò fortiora adhibeantur: minimè tamen admittimus, quod cacochymia primæ regionis lenientia tantum, non autem purgantia indicet. Ratio prima est: quia unum idemq; indicans utrobiq; ponitur: nempe cacochymia. Itaq; necesse est, ut idem etiam indicatum concedatur, videlicet purgatio. Hanc enim illius indicatum esse suprà probatum fuit. Secunda: quia si cacochymia primæ regionis indicat solum lenientia: secunda autem & tertiæ purgantia, sequetur, aut unum idemq; indicans duo specie distincta indicata indicare: aut lenientia & purgantia, propriè & specialiter dicta, eadem esse specie: differre tantum numero & accidentibus. At qui utrumq; falsum est. Prius quidem: quia cum unius rei una tantum sit natura: fit, ut unum solum indicatum indicare possit: authore Galeno l. 9. meth. med. c. 12. Posterius verò: quia lenientia primas duntaxat vias evacuant: idq; hu-*
mectan-

mettando, molliendo, lubricando, ablucendo, detergendo, aut moderatè stimulando. Undè & εὐνοπεστικὰ, ὑπαλτικὰ, καὶ ὑπαρῶν, quòd faeces ex primis sedibus, sine magna corporis perturbatione, viriūve jactura, subducant, appellantur: cuius aetati, sexui, & morbi tempori, si legitimè usurpentur, accommodata, & salutaria. Purgantia autem virtute peculiaricertum ac determinatum aliquè humorem è corpore proliciunt: ultraq; primam corporis regionem penetrant, & penitiores, remotioresq; partes evacuant: non adeò, ut lenientia, senibus, pueris, gravidis, debilibus, & in quo vis morbi tempore tuta. Differunt ergò inter se materiâ, quam vacuant: subjecto, ex quo vacuant: modo, quo vacuant: vi atq; potentiâ, qua pollent. Tertia: quia tanta quandoq; cacochymia in prima corporis regione consistit, ut neq; clysteribus, neq; suppositorijs, neq; lenientibus medicamentis extirpari possit. Opus ergò verè purgantibus: ut malo nodo malus opponatur cuneus. Memorabilis est Fernelij doctrina de morbis mesenterij & pancreatis: quos omnes penè practici prætermiserunt: cum tamen Fernelius l. 6. pathol. c. 7. affirmet ac profiteatur, se in his plerumq; sedibus, mesenterio scil. ac pancreate, cholera, melancholia, diarrhœca, dysenteria, cachexia, atrophia, languoris, lentarum, errantiumq; febriū, latentium deniq; morborum causas animadvertisse, quorum depulsione deploratis salus redderetur. Depellebantur autem procul dubio non lenientibus: sed verè catharticis medicaminibus: ut inter agens & patiens justa esset proportio. Quarta: quia prima regio sentina quasi est & cloaca totius corporis, in qua plus cacochymiae reperitur, quàm in reliquis duabus. Itaq; si illa non purgantia, sed tantum lenientia indicaret: sequeretur, neq; reliquas indicare purgantia. Dices, disparem esse rationem. Reliquas enim ab aluo esse distantiores: viasq; habere angustas & flexuosas. Respondeo; quemadmodum locus non constituit indicans: ita neq; mutat indicatum. Deinde; licet prima regio aluo sit vicinior, viasq; habeat breves & expeditas: cacochymia tamen quantitate superat

superat secundam & tertiam. Tertiò: quia excrementa continet & crassiora, & viscosiora, & ad motum tardiora. Quid enim crassius humore melancholico, limo & face sanguinis? Quid viscosius glutinosiusq; pituita, quæ aliquando ita tenaciter parietibus ventriculi & intestinorum adhæret, ut vix ac ne vix quidem abradi queat? Crassitiem quoq; insignem in bile nonnunquam observare licet: & ea potissimum, quæ in vesicula fellis, cavo hepatis, ductibusq; mesenterij diutius fuit coërcita. Tandem viarum angustia atq; flexuositas æquè se in prima, ac in secunda & tertia regionibus offert. Contemplare modò venas mesenterij, & quæ hepatis perreptant parenchyma, nullus, opinor, de itineris difficultate dubitabis. Quinta: quia si licet cacochymiam primæ regionis sursum vergentem in homine, qui facile vomit, per vomitorium vacuare: quidni integrum esset eandem deorsum inclinantem per dejectorium educere: cum vomitio æquè sit purgatio atq; dejectio: & quidem dejectione violentior ac laboriosior? Dictum enim disp. 1. fuit, duas tantum purgationis specialiter ac propriè sumptæ species esse: vomitionem & dejectionem. Concludimus ergò, κακοχυμία primæ regionis effatu dignam, quæ alijs remediorum generibus eradicari nequit: neq; etiam inedia, aut paritate victus potest consumi, æquè purgantia, & electivè trahentia indicare, ac eam, quæ est regionis secundæ, aut tertiæ. Hinc videmus, artis proceres purgantia in vitijs hujus regionis ex κακοχυμία natis frequenter præscribere, eaq; purgantibus feliciter præfigare.

III.

Quibus in affectibus purgandum? In ijs omnibus, qui à cacochymia problem. 1. descripta originem trahunt. In his enim humores à sanguine distincti aut vitium habent in substantia, quatenus putrefacti: aut in quantitate, quatenus præter naturam abundant: aut in qualitate, quatenus alienas acquisiverunt qualitates: aut in motu, quatenus impetuosius ad par-

tem

tem aliquam fluunt. Itaq; in tribus primis vitijs purgandum vacationis ergò. In quarto & ultimo revulsionis causâ: sive caco-thymia sit pituitosa: sive biliosa: sive melancholica: sive serosa: sive ex his mixta. Ob vitium humorum in substantia purgandum in febribus putridis, continuis, & intermittentibus. Ob vitium humorum in quantitate purgandum in ictero utroque: ascite, anasarca, quæ leucophlegmatia dicitur, & melancholia, quæ vitio fit totius corporis. Ob vitium humorum in qualitate, quando scil. pravas & peregrinas induerunt qualitates, purgandum in ijs omnibus affectibus, quorum causa est vel bilis porracea, sive prasina, vitellina, æruginosa, aut ποτῶδης, quæ Isatidis, sive Glaſti cœruleum refert colorem: ut in cholera, quadam diarrhœa, & dysenteria: vel pituita vitrea, acida, salsa, aut dulcis: ut in quadam colica: catarrhis salsis &c. vel atrabilis, quæ tum ex humore melancholico, tum alijs humoribus adustis & torrefactis generatur: ut in cancro, quadam scabie, lepra, psora, &c. Ob vitium humorum in motu purgandum in phrenitide, ulceribus, vulneribus, fracturis, arthritide, &c. Neq; tantum purgandum in morbis iam presentibus, θεραπείας ἐνέκειν: verum etiam brevi futuris, προφυλάξεως χάριν: juxta doctrinam Hippocratis, quæ, ut Galenus lib. de cur. rat. per S. M. c. 9. scribit, antevertit. Nam quæ presentibus jam morbis rectè facimus, melius est, ut incipientibus ipsis, aut jam imminetibus antevertendo faciamus.

IV.

An non etiam magnitudo morbi purgationis indicans dici possit? Propriè nequaquam: quoscunq; tandem fumos vendant ij, qui magnitudinem morbi venæ sectionis & purgationis indicans statuunt. Quod ut obtineamus, rationes ex disp. 2. probl. ult. depromemus, & ad purgationem accommodabimus I. est: quia magnus morbus, quâ magnus, magnum tantum remedium indicat in genere: non purgationem in specie. II. quia si magnitudo morbi indicans esset purgationis, utiq; in quovis magno mor-

bo purgare liceret. Posito enim indicante, necessario etiam indicatum ponendum; quia relata sunt ἀλλὰ τὴν οἴσιν: seseq; mutuo ponunt & tollunt. Consequens falsum esse ostendunt magni morbi à sanguine orti, in quibus ratione causa purgare nefas. III. quia curatorium indicans, nimirum morbus magnus, preservatorium indicaret remedium, scilicet purgationem: quae per se & primario ad morbificam causam dirigitur. Consequens uerum absurditate laborat. Unius enim rei una tantum est natura: ac propterea per unam & simplicem illam naturam unum tantum indicat remedium: auctore Galeno l. 9. meth. med. c. 11. cuius tamen plures esse possunt materiae. IV. quia omnis magnus morbus à cacochymia proficisceretur: cuius ratione purgatione, tanquam remedio morbificam extirpante causam, opus esset. Consequens ueritati repugnare plebey norunt. V. quia aliud esset, quod indicaret purgationem: nempe morbus magnus: & aliud quod curaretur: uidelicet causa morbifica. Haec enim purgatione tollitur: non primario morbus. Consequens rursus ἀτόπον est Galeno l. 3. meth. c. 1. quia sicut quodlibet indicans sui tantum conservationem indicat, si sit secundum naturam, non alterius: ita quodlibet sui tantum, non alterius, ablationem indicat, si praeter naturam sese habeat: teste Galeno l. 3. meth. med. c. 3. Verum de hoc problemate videatur disputatio 18. de v. sect. Ibi enim demonstratum, magnitudinem morbi, simpliciter & absolute, sine ulla causa limitatione atque distinctione acceptam, neque venae sectionis, neq; purgationis indicans esse: simulq; quid ad locum Galeni ex l. 4. meth. med. c. 6. sumptum, qui nobis aduersari videtur, responderi debeat, ostensum.

V.

Num in dysenteria purgare liceat? Negantem quidam tuentur: quorum opinio sequentibus stabiliri potest rationibus. I. quia purgatio fluxum auget. II. quia intestina, quae jam antè exulcerata, magis exulcerat: duabus de causis: tum quia acres mordacesq; humores ad ea deducit: tum quia ipsa purgantia calida sunt

sunt & acria: teste Galeno comm. 4. in l. de viol. acut. t. 7. & l. quos
& c. purgare decet. III. quia juxta Galenum l. 13. meth. peccans
materia ad locum affectum non trahenda. Afflictæ enim particu-
læ afflictio adderetur nova. IV. quia ægros doloribus, vigilijs, ine-
dia, crebrisq; dejectionibus debilitatos magis debilitat. V. quia do-
lores intestinorum & phlegmonem conduplicat, attractis humori-
bus erodentibus, & phlegmonem excitantibus. VI. quia Hippo-
crates dicit aphor. 20. sect. 1. quæ judicantur, movenda non esse: sed
naturæ committenda. VII. quia veteres purgationis in cura dy-
senteria non meminerunt. Verum nobis affirmativa placet:
sequentibus de causis. I. quia adest cacochymia. Itaq; indicatio
datur eam tollendi: siquidem res sit præternaturam. Tolli autem
citiùs, meliùs, atq; perfectiùs nequit, quàm purgatione. Hæc
enim solam noxiam materiam, per se, sensibiliter, sufficienter, &
quidem per ea loca, ad quam suâ sponte fertur, educit: id quod de
nulla alia vacuatione affirmari potest. Nam venæ sectione
tollere nemo dixerit: quippe quæ cacochymia appropriatum remediũ
non sit. Diuretica in progressu quidem mali reliquias evacuare
possunt, cum materia antecedens jam est minorata: cumq; in va-
sis consistit majoribus. At in principio, cum est copiosa: aut in pri-
mæ regione contenta, parum efficiunt: & quod efficiunt, longo tem-
poris tractu efficiunt: quo miserè interim intestina dilaniantur.
Hidrotica, sive sudorifera, minimè probantur. Sudores enim
in corpore vitiosis succis referto, quale dysentericorum est, sine præ-
viâ purgatione movere, minimè tutum. Transferretur namque
materia ad articulos, non sine metu arthritidis, aut alterius alicu-
jus mali, ut testatur experientia. Huc accedit, quòd natura in dy-
senteria non ad spiracula cutis: sed ad alvum inclinet. Adde quòd
via remotior sit, quàm ut materia ad intestina fluens trahi possit
ad ambitum corporis. Et quis dysentericos, magna ex parte feбри-
ciantes, crebrisq; egestionibus, doloribus ventris, inedia, & vigilijs
enervatos, fomentis & tegumentis, quibus sudor promovendus,

magis accenderet, inflammaret, debilitaretq? Inedia molesta sane vacuatio est, tarda, hucque impertinens: quia non vitiosos solum humores: sed etiam utiles & necessarios vacuat. Non etiam satisata. Vires enim prosternit: naturis biliosis inimicissima est: succosq; acriores calidioresq; reddit: teste Galeno l. de v. sect. contra Erasistratum c. 4. & l. 8. meth. c. 2. Exercitatio propter fluxum locum non habet. Hunc enim irritaret magis. Aliena hic etiam ob virium infirmitatem. Frictionum vis ad morbificam materiam minimè penetrat: quia ea tantum dissipant, quæ in habitu corporis continentur. In balnea vacuandi causa nemo sana mentis duxerit dysentericos. Vomitio, quæ purgationis species est, concedi potest: si scil. ager ad illam sit facilis: si humores sint biliosi: siq; vergant sursum. Eam etiam concedit Hippocr. l. 3. de diat. & lib. de affectionibus. Et aphor. 15. sect. 6. inquit, vomitum spontè supervenientem longum alvi profluvium (sub quo etiã comprehendipotest dysenteria) finire. Galenus in commento ait, vomitum illum esse exemplum eorum, quæ rectè à naturâ fiunt, quod Medicum imitari oportet. Utilem enim vomitum illum esse propterea, quod humores, qui deorsum vergebant, revellat atq; retrahat. II. quia Hippocrates ait sect. 1. aphor. 21. quæ educere decet, quò maximè vergere videbuntur, ducenda esse: viis ac locis utiliter eò ferentibus. At in dysenteria educere cõvenit humores acres & exulcerantes. Itaq; cum ad intestina vergant, per illa educendi. Sunt enim intestina συμφορεύων καὶ χωνία: & quasi cloaca, per quam aliàs totum corpus se exonerare consuevit. Constat ergo purgandum hoc in affectu esse: neq; obsecundandum imperitorum vocibus, qui nil nisi adstringentia, fluxumq; cohibentia sonant. Nam quid obsecro fluxum statim compescere juvat, cum ipsam naturam, cujus imitator & adiutor esse Medicus tenetur, vitiosos humores expellere, adeoq; hostes sibi infestissimos profligare videamus? Experientia sanè docet, dysentericos, quibus præproperè fluxus sedatur, in gravissima incidere symptomata Cujus rei artis nostra dictatores testes habemus locupletissimos. Galenus n. scribit lib. de ven. sect. advers. Erasistratum c. 6. non paucos se vidisse, qui dysenteria,

vari-

varicibus, & hæmorrhoidibus ob imperitiam Medicorum immaturè, ac præproperè cohibitis, aut atra bile, aut insania fuerint vexati: aliqui verò eorum tum pleuritide, tum nephritide correpti: nonnulli vomitione sanguinis, hæmoptoe, apoplexia, & hydrope extincti. Hippocrates. in Coacis prænotionib. refert, dysenteria intempestivè suppressa, abscessum in costis, aut visceribus, aut in articulis fieri. Biliosum quidem in articulis: sanguineum autem in costis & visceribus. Hollierius in schol. cap. 43. l. 1. de morb. intern. narrat, se fluxu dysenterico citò nimis sedato quendam insanum factum vidisse. Idem pictorem quendam in fædam devenisse scabiem lepræ similem memorat. Et mulierem novit, cui post dysenteriam festinanter nimis coercitam ita alvus constricta fuit perpetuò, ut tantum septimo quoq; die excerneret: indeq; ore naribusq; graviter oleret. Alios eandem ob causam in epilepsiam lapsos dicit. Fernelius memorabile puellæ cujusdam septennis exemplum recenset. Illi enim cum propter diarrhæam quandam diacydoniatum larga fuisset manu exhibitum, ita repressa est alvus, ut nihil omninò reddiderit: sed excitatis sævissimis ventris torsionibus usq; eò intumuerit, ut derepentè hydropica evasisse putaretur. Quas licet accitus Medicus partim clysteribus tollere: partim fomentis lenire studuerit: ita tamen illæ invaluerunt, ut cum crebris animi deliquiis, & liquidioris tandem stercoris vomitione intra biduum miserabiliter sit extincta. Historiam, qui volet, legat totam lib. 6. pathol. c. 9. In usu tamen purgantium duo hîc notanda. Primum, ut purgantia in principio statim offerantur. Sic enim vires, quæ adhuc validæ, facilius ea ferent: & natura arte adjuta colluviem humorum citius expellet: ne moram trahendo diuturniorem intestina dilacerent. Deinde, ut ea purgantia quàm maximè videntur quæ vehementer purgant: cuiusmodi sunt, quæ scammoniam, colocynthida, helleborum. &c. recipiunt. Nam & ipsa intestina corrodunt: & materiam morbificam ad intestina violenter præcipitant: & ejusmodi fluxum causantur, qui non solum vires deijcit atq; prosternit: verum etiam difficulter sisti potest. Contrà eligenda ea, quæ purgant leniter, & aliqua adstringendi roborandiq; facultate pollent: ut sunt Rhabarbarum, Myrobalani, Ta-

marindi: syr. ros. solut. simpl. syr. de Rhabarb. sol. syr. de cicbor. cum
Rhabarb. & similia alia.

VI.

Quid ad argumenta pro negante allata respondendum?

Ad primum dicimus, purgantia fluxum quidem in operationis actu
augere: per accidens autem, & post operationem illum compescere: quia
affluentem materiam tollunt. Fluxum etiā non facere enormem: cum
enormia & violenta nō sint ipsa: sed, uti cōprehensum, mitia, benigna,
& quadam adstrictoria virtute prædita. Hoc insuper utilitatis novum
illo fluxu, quem excitant, adferre, ut cum materiam, quæ aliās sen-
sim paulatimq; exit, festinè, & in copia educant, affectum abbrevi-
ent; intestina à graviore exulceratione vindicent: ipsumque de-
cumbentem maturè à torminibus & vigilijs liberent. Ad secundum.
Tantum abest, ut intestina magis exulcerent, ut etiā illa ab alteriore
exulceratione præservent. Ratio est, quoniam causam quidem exulce-
rationis attrahūt: verū in intestinis minimè detinēt: sed statim extru-
dūt. Neq; ipsa etiam cathartica ex se interanea corrodunt: quia jam di-
ctum, non acria & violenta: sed benigna, mitia, & mediocria adhibe-
ri. Ad tertium. Axioma therapeuticum non simpliciter & absolutè,
pro ut λόγος ὁρῶν sonat; sed cum limitatione accipiendum. Peccans materia
nunquam ad locum laborantem trahenda, si commodius expeditiūsq;
per vias alias evacuari possit. At qui humores acres & erodentes com-
modiū expeditiūsq; evacuari nequeunt, quā per intestina: ut ex pro-
blemate præcedente patet. Itaq; in casu extraordinario & necessitatis
per illa expurgandi. Deinde: peccans materia ad eiusmodi partem af-
fectam nunquā trahenda; quæ ita formata, ut exitum habere liberum
& expeditum nequeat: sed in ea manere cogatur. Ratio posita est in ob-
iectione. Afflictam namque partem magis affligit, malumq; condu-
plicat. At si pars affecta ita sit disposita, ut emissarium habeat patentis-
simum, per quod attracta materia citò educi possit: sitq; à natura aliās
sordium & excrementorum vacuationi destinata: ut intestinum: con-
tra artis præscriptum nō est, si ad eam materia morbifica ducatur: præ-
sertim quando viam & locum convenientiorem non reperimus, per

quem illam extirpare queamus. Ad quartum. Non est, quod magnam virium debilitationem expurgantium usu metuamus. Fortiter enim purgantibus uti nefas. Neque integrum, purgantia procrastinare. Sed æquum, ut in principio statim fluxus, quo vires adhuc constant, offerantur. Ad quintum. Ratio allata ponderis aliquid momentique haberet, si attracti humores diu in intestinis morarentur. Verum cum expellantur ocyus, nil inde mali formidari debet. Ad sextum. Hippocrates aphor. 20. sect. 1. loquitur de *κρίσι*: quæ, ut Galenus comm. aph. 13. sect. 2. docet, fit in morbis. Est enim, eodem ibidem authore, subita in morbo vel ad sanitatem, vel ad mortem mutatio: fitque à natura separante mala à bonis, & ad excernendum preparante. Aut, ut idem comment. aphor. 23. sect. 2. ex lib. 1. epidem. sect. 3. tradit, repentina in morbis vel ad sanitatem, vel ad mortem, vel ad melius, vel ad deterius mutatio. Et loquitur de *κρίσει ἀσθίας*, integrè: seu, ut lib. de humoribus habet, ἀπαρτῆ, perfectè, plenè, indeficienterque, fiente & facta: in qua, sicut Galenus in comment. monet, cuncta benè procedunt: & cui nullus numerus deest criticus: h. e. quæ 1. fit per excretionem inferiorem: 2. per quam noxius & redundans humor excernitur: 3. quæ fit κατ' ἴξιν, recto tramite: 4. quæ facile toleratur: 5. quæ instituitur prægresso πρὸ πρῶτον: 6. quæ die critico excitatur. In hac enim *κρίσει* nihil vult moveri, nihilque novari: sed ab omni medicatione cessari: totumque negotium naturæ benè laudabiliterque operanti committi. At verò primigenia dysenteria, quæ hominem nulla prius afflictum ægritudine adoritur, de qua potissimum hic quaeritur, nulla fit cum *κρίσει*: quemadmodum ex requisitis vera & perfectæ *κρίσεως* facile probari potest. Neque excretio in ea fit subito & confestim: sed paulatim & pedetentim. Itaque catharticus promovenda: ut ager eò citius à torminibus, vigilis, aliisque symptomatibus liberetur. Imò si maximè criticè fieret: haud tamen esset à ratione alienum, si arte juvaretur. Hæc enim non tantum natura est spectatrix, cum iudicat perfectè: verum etiam adiutrix: quando vel debilitata, vel impedita munus suum insufficienter obit. Nam quæ in morbis post crisin relinquuntur, recidi vos facere morbos consueverunt, inquit Hippocra-

res, aphor. 12. sect. 2. Ad Septimum. Negamus, omnes veteres purgantes omiſſiſſe medicinas. Nam Dioſcorides l. 3. c. 1. dysentericis agaricum commen- dat. Avicenna l. 3. Canon. fen. 16. tract. 2. c. 7. myrrobalanos celebrat: noſtraque ſententia planè patrociniatur. Sic enim de hac quæſtione ſcribit. Si fuerit ne- ceſſaria vacuatio propter malitiã affluentiſſi humoris, fac eam cum timore & cautela. Et ſtude, ut ſolutivum ſit eiſmodi, quod ulceri non multum no- cere poſſit. Imò ſit ſicut myrrobalani. Et rectifica ipſum cum tragacantho, & quæ huic ſunt ſimilia. Author libri ſecundi de dynamicis, qui Galeno aſcri- bitur, cap. de catharticiſ, longum recensens morborum catalogum docet, etiam in profluviis alvi purgantibus utendum eſſe. Aliquando, inquit, acer & inutilis humor inſidet membranis ventris aut inteſtinorũ, perinde ut acria ſuppoſitoria, acriaque clyſteria ſtimulans inteſtina, & ad deſidendum irritat. Vbi enim acredo eſt, ibi attrahitur humor à membris in circuitu, vel à toto corpore. In hiſ vero dignum eſt, uti catharticiſ, ut talis humor expellatur à toto corpore: & venter ac inteſtina mundificentur. Reliqui priſci Medicinæ ante ſignani, etſi nullam explicitam purgantium mentionem faciant: memi- nère tamen eorum, quæ abſtergunt & abluunt: qualia ſunt ſerum lactis, piſ- ſana, lac ipſum. Et inter lactis genera potiffimùm caprillum, atque aſininum, quod valdè ſeroſum & abſterſorium. Ponunt etiam deterſoria enemata. Ga- lenus ſanè in Iſagogico cap. 13. ablumentium meminit expreſſè. Reſpicit enim ad cauſam, quam eluere conatur. At lib. 9. de compoſ. med. κ. 16. c. 5. adſtringen- tium tantum & narcoticorum memor eſt: quia ſolùm fluxus, qui vires debi- litat, rationem habet: Neotrici inſigniores, inter quos Valeſcus, Gordonius, Gatinaria, Sauanorola, Guainerius, Sylvius, Hollerius, Rondeletius, Montuus, Mercurialis, Capiuacceus, alij, ambo admittunt: et præter hæc unanimi con- ſenſu purgantia quoque ſuprà deſcripta, ſolo Maſſaria excepto, probant.

Π Α Ρ Ε Ρ Γ Α

- I. Vera febris ſit acutior & periculofior, ſynochus putrida, an καὶ οὐ? Καὶ οὐ.
- II. Cum appetitus animalis tam potus, quàm cibi ſedes ſit oriſcium ventriculi ſi- niſtrum, quæritur, an rectè Ariſtoteles l. 3. part. anim. c. 8. pulmonem ſanguineum & præcalidum; Galenus in πνευμάτι c. 64. & hunc & cor ſitis cauſam ſtatuerit? A.
- III. Sitnè perpetuum illud, quod Hippocrates monet aphor. 11. & 10. ſect. 1. nem- pe à cibatione in paroxyſmis abſtinendum eſſe? N.
- IV. Genereturne pullus ex vitello, & nutriatur albumine; uti volebat Hipp. l. 1. de Nat. pueri: an contrà naſcatur ex albumine, & alatur vitello: velut Ariſtotele l. 6. de hiſt. an. c. 3. placet? Ex utroque ali: ex neutro gigni dicimus.

DISPUTATIO
DE
PURGATIONE

TERTIA:

*In inclyta Argentoratensium Acade-
mia ingenij exercendi gratiâ
proposita:*

P R Æ S I D E

MELCHIORE SEBIZIO

Juniore : Doctore & Professore
Medico :

Respondente

ELIA GEISELBRUNNERO
Augustano.

ARGENTORATI

Typis JOANNIS REPPI,

ANNO MDCXX.



NOBILITATE, PRU-
DENTIA, AUTHORITY,
longoq; rerum usu præstantif-
fimis Viris,

DN. JOANNI Bistatt / Patritio Augu-
stano: Meccænati & Patrono suo san-
ctè honorando & observando:


DN. MATTHÆO Raupwolf Juniori,
Mercatori apud Augustanos prima-
rio: Cognato & Fautori parentis loco
venerando,

Hæc de purgatione Enliphata

In animi observantis atq; grati Tempore

Dicat atq; consecrat

Elias Geiselbrunner, Res



P R O B L E M A I.



AN in colica purgandum? Probabilis videri posset negativa. I. quia in colica alvus est stricta: & quidem interdum usq; adeo, ut ne quidem flatus erumpere possit. Itaq; si pharmacum sumeretur, humores attraherentur ad intestina: quicum exitum non habeant, colicum

dolorem conduplicarent. II. quia in colica affectum est intestinum colon. Atqui ad sedem affectam vitiosa materia minimè trahenda. III. quia author Isagogici c. 13. inquit, voluulum & colicam inflammationem esse intestini. Illum quidem tenuis: hanc verò crassi. Sed in inflammatione ventriculi & intestinorum à purgatione abstinendum monet Galenus l. 13. meth. med. cap. 11. IV. quia clysteribus curandum videatur, non catharticiis. Dolor enim in crassis: non in tenuibus heret intestinis. Hinc Galenus quoq; clysteribus in colica usus legitur, l. 2. de loc. affect. c. 5. l. 6. de loc. affect. c. 2. & in Isagog. c. 13. Intestina namq; ventriculo proxima supernè exhibitis: haud multum verò à sede distantia infernè injectis medicaminibus promptius adjuvantur: sic eodem Galeno l. 1. de loc. aff. c. 4. docente. V. quia Galenus l. 9. de compos. med. c. 4. varia remedium genera contra colicam proponit: neq; tamen ullius purgationis meminit. VI. quia si purgatione opus esset, vomitoria potius, quàm dejectoria pharmaca offerenda forent. Ratio est: quia Galenus l. 6. de loc. affect. c. 2. scribit, & nauseam, & vomitiones urgere in colica: & longè quidem graviores frequentioresq; quàm in nephritide: egrosq; pituitosa quadam, atq; corrupta evomere. At quæ educere oportet, quò maximè vergere videbuntur, ducenda precipit Hippocrates aphor. 21. sect. 1.

Verum hæc quidem rationes tanti ponderis non sunt, ut purgantium usum in colica dissuadere valeant. Primum ergo nostram sententiam proponemus. Deinde illam confirmabimus. Tum objectiones allatas solvemus. Statuimus autem colicam pro varietate causarum variam: nimirum flatulentam: pituitosam: biliosam: & inflammatoriam: hasque causas etiam apud Galenum reperimus: nempe lib. 1. de loc. affect. c. 4. l. 2. de loc. affect. c. 5. l. 6. de loc. affect. c. 2. lib. 12. meth. med. c. 7. & in Isagogic. c. 13. In flatulenta, quæ ex dolore ventrem distendente, vago, instabili, in variasque ventris sedes se contorquente, sæpèq; obmurmurante, & causis flatuum effectricibus prægressis, v.g. musto, castaneis, fabis, pisibus, lentibus, porro, cepis, &c cognoscitur, purgatio quidem necessaria non videtur: sed sufficiunt remedia calorifica, flatusque discutientia, tum foris, tum intus exhibita: aut enemata emollientia, si propter obstructionem à duris resiccatisque facibus, gypsea-ve pituita, flatus erumpere nequeant. In pituitosa vero, si clysteres attenuantes, incidentes, detergentesque nil proficiunt, vix infra apertis, ad purgantia tandem deveniendum. Nam cum xanoxypia effatu digna, quæ alijs præsidiorum generibus minime cedit, in ea se offerat, quis dubitat, indicatum ipsius, purgationem, indicari? Est verò, ut hoc παρέρχως addamus, pituita colicam efficiens duplex: altera crassa lentag;: altera vitrea à Praxagora appellata: quod fuso vitro tum colore, tum substantiâ haud sit absimilis. Naturâ frigidissima: ut partim illi, qui eam excernunt: partim qui eam, simul ac excreta est, attingunt, sentiunt: authore Galeno l. 2. de loc. affect. c. 5. Adhærescit autem non modo intestino colo: sed & ipsum corradit, dilacerat, atque in id plerumque perforantis terebelli more se infigit. Unde dolor oritur fixus, altèq; excrucians: qui neque vomitione pituitæ: neque emissioneructuum, aut flatuum demulcetur: habuitque originem à crapula & otio, quæ cruditatem, crassumque humorem progignunt. Ejusmodi dolorem perpeßum se Galenus scribit l. 2. de loc. affect. c. 5.

ut pu-

ut putârit, ventrem sibi terebro perforari: in eo potissimum spatio, per quod ureteres à renibus ad vesicam extenduntur: certòq; habuerit persuasum; calculum in alterum ureterum impactum esse. Sed injecto oleo rutaceo, vitreum humorem paulò post acerbissimo cum dolore excernebat: quo factò, dolor sedabatur: certòq; constabat, neg; calculum fuisse causam: neg; ureteras, aut renes laborasse: sed aliquod ex intestinis: & quidem præcipuè crassum. In biliosa, quæ itidem, ut pituitosa, fixa: sed ferè cum febricula, ardore, siti, & vigilijs conjuncta: orta etiam ab esculentis potulentisq; calidioribus, à quibus etiam irritatur; non minus, atq; in pituitosa, purgandum censimus: idq; ob eandem causam: indicantis scilicet præsentiam. Atq; hæc quoq; ipsius Galeni est sententia, quam lib. 1. de locis affect. c. 4. experienciâ, feliciq; curationis successu confirmat. Testatur enim, se quosdam, qui ex acris mortacisq; humoris defluxu ad intestini tunicas in colicum dolorem inciderant, propinata hiera picra sanasse. Quod autem biliosa fuerit colica, quæ hujus pharmaci usu conquieverit, Galenus ibidem ex juvantibus, ledentibus, & doloris qualitate probat. Quidam, inquit, sic laborans, à calidis tum cibis, tum medicamentis, atq; ab omni calorifica victus ratione pejus habebat: noxiam insuper sibi in diem esse sentiebat: contra ab alimentis boni succi, & xalanropasinois, temperantibus: nec non ab hiera picra sumptione juvabatur: deq; mordaci doloris specie conquerebatur. Quam historiam idem lib. 12. meth. med. c. 7. sed pluribus additis circumstantiis: descriptione scilicet ætatis decumbentis: expositione sexus: enumeratione pharmacorum, à quibus ledebatur: significatione durationis ægrotudinis, antequam Galeni usus esset consilio: & declaratione numeri dierum, intra quos à Galeno pristina sanitati restitutus, repetit: sancteq; affirmat, se hominem nutrimento, quod non facile corrumperetur: & hiera per intervalla exhibita, acrisq; & erodentibus humoribus moderatè expurgatis, perfectè curasse. Semel enim se, justè eum purgare non

potuisse: quòd doloribus, & inedia duobus jam mensibus confectus
esset. In inflammatoria, quæ ex febre, fervore intestinorum,
dolore fixo & stabili, siti, vigilijs, retentione urinae, nausea, & vo-
mitione bilis &c: cognoscitur, secus se res habere videtur. Non
enim purgatione: sed revulsione per venæ sectionem, & repercus-
sione per injecta atq; foris applicita in principio: discussione in pro-
gressu, siquidem inflammatio insensibiliter discutipossit: sin ad
suppurationem tendat, maturatione, partim per linimenta, fo-
menta, emplastra, & cataplasmata extrinsecus imposita: partim
per enemata alvo infusa: tandemq; abscessu rupto, ulcereq; relicto,
deterfione puris & sordium per ea, quæ ore sumuntur, & infrà
injiciuntur, opus. Nisi fortè impura ac composita, sive: sed no-
tha & spuria sit phlegmone: ædematosa scilicet, aut erysipela-
todes; aut pura quidem, sed cum *κακοχυμια* conjuncta: cui purga-
tione succurrendam. Hisce colici cruciatus causis, neoterici
etiam vermes addunt: qui vel purgando, mordendo ve: vel, si
plurimi sint, intestina obstruendo, dolorem inferunt. Nam inte-
stinis obstructis, fit, ut flatus, quibus, qui vermibus laborant, ob co-
piam pituitæ, ex qua potissimum vermes tum generantur, tum
fouentur, abundant, præter naturam detineantur diutius: qui
detenti intestina vi distendant atq; divellunt: magno certè &
immani cruciatu, magnoq; doloris sensu. Sed & hoc in casu pur-
gatio locum habet: sive ad causam vermium, sive ad ipsos vermes
oculorum aciem convertamus. Causa namq; vermium ut pluri-
mum pituita est; eaq; aut ex frigidis humidisq; alimentis, quæ fa-
cile putrescant; aut ex voracitate & crapula genita. At si hæc
usq; adeò sit copiosa, ut neq; caloris beneficio consumi: neq; cibi par-
citate tolli: neq; exercitatione corporis discutipossit: quis non vi-
detur, purgantium ministerium requiri? Vermes verò ipsi nulla
recitius faciliusq; necantur, atq; expelluntur, quàm medicamen-
tis purgantibus. In cujus rei fidem miram possemus efficaciam a-
loës, rhabarbari, colocynthidos, & quarundam compositionum

hec purgantia, tanquam bases, recipientium, in necandis exturbandisq; vermibus, ex Marcello Donato, Remberto Dodonao, & Benivenio narrare. Sed quia hac de re disput. 2. de vermibus à nobis ex professo actum: hoc labore jam supersedemus: & ad argumenta pro negativa militanti respondemus ordine. Ad primum dicimus, nos non statim purgantia in colica prescribere: nedum validiora illa, quæ magna vi humores à distantioribus sedibus in copia ad intestina precipitant, admittere. Hoc enim si faceremus, dubium utiq; nõ esset, quin aucturi essemus dolores: idque ob causam in objectione allatam. Sed clysteribus prius, ijsque levioribus: postea hisce nil proficientibus, fortiorib. uti: tandemq; si malum contumaciter perseveret, patefactis vijs, ad cathartica accedere: quæ tantum abest ut cruciatus conduplicent, ut etiam causâ expulsa illos deleant. Ad secundum. Solutio patet ex problem. 6. disp. 2. ubi σιχέιον θρεπτικόν, quod per affectam sedem purgandum non sit, limitatum. Ad tertium. In colica inflammatoria ne ipsi quidem ad purgantes medicinas temerè accedimus: uti paulò antè expositum. Ad quartum. Enemata & purgantia contraria non sunt: sed tantum diversa, sive disparata. Ideoq; adhibitis enematis, non excluduntur purgantia: & vice versa. Unde Galenus utrisq; usus est: quemadmodum ex suprà dictis apparet. Quod si conceditur, sicuti concedendum necessario est, etiam purgantes clysteres in colica valere: jam obtinimus, quod volumus: nempe fas esse, ut purgantia in ea usurpentur. Non enim tam de modo applicandi, quàm de materiæ remedijs, quæ applicanda, queritur. Et hisce in disputationibus de purgatione agitur, quæ vitiosi humores, ministerio purgantium pharmacorum, per anum aut os vacuantur: quocunq; tandem modo illa adhibeantur: hoc est, si ve sumantur ore: si ve infundantur in anum: si ve imo ventri, aut ventriculo saltem, umbilico ve admoveantur: uti partim ex problem. 1. partim ex ultimo disput. 1. constat. **Dices:** Galenum velle, ut afflictis intestinis crassis, ex quo-

ex quorum numero Colon est, per inferius injecta medeamur. Respondemus, Galenum respicere ad causam proximam & immediatam. Ad hanc enim quæ per anum immittuntur medicamina, integris viribus perveniunt: eamq; facilius, quàm alia, vel alterare, vel vacuare queunt: idq; ob viæ brevitatē & amplitudinem. At ratione causæ antecedentis, quæ aliunde ad intestina fluit, uti accidit in colica biliosa, absurdi nil est, si per ore assumpta medicatio instituat. Sic namq; causa utraq; antecedens & continens, aufertur. Ad quintum. Galenus institutum l. 9. de compos. med. κατὰ τὸ π. c. 4. non est, perfectam atq; absolutum colicæ curam tradere: sed varia solum, eaq; selectiora, & longo usu probata pharmaca, ex Philonis, Andromachi, & Asclepiadis myrothecijs proponere, colicos cruciatus mitigantia. Itaq; non mirum, purgantium, quæ causam colicæ respiciunt, non meminisse. Plerumq; enim adeò in colica dolores urgent, ut causa aliquandiu posthabita ipsis obviam ire cogamur: idq; eò magis, cum etiam vires sunt prostratæ. Quisquis autem methodicam curam dolorum, & consequitivè etiam colicorum, à quacunq; causa oriantur, nòsse a-
vet, cap. 7. & 8. lib. 12. meth. med. legat. Ad sextum. Distinguendum inter motus criticos, & symptomaticos. Illi secundum Hippocratem aphor. 2. sect. 4. juvandi, si fiant imperfectè: hi non item. Non enim talia educunt, qualia educere oportet: neq; egrotantem alleviant: sed viribus tantum exhauriunt. At vomitiones, quæ colica laborantes exercent, symptomaticæ sunt: fiuntque ventriculo in consensum tracto: idq; tribus de causis: I. propter continuitatis communitatem: teste Galeno l. 2. de loc. affect. c. 5. Omnia siquidem intestina, ait idem l. 6. de loc. affect. c. 2. à ventriculo ordine quodam descendunt. II. propter colicæ vicinitatem. Hoc enim ventriculi fundo est annexum: ut docet anatome. III. propter generis, sive substantiæ affinitatem. Quam enim similitudinem substantiæ ratione spinalis medulla habet cum cerebro: eandem intestina habent cum ventriculo. Et sicut illa cerebri causa
est, atq;

est, atq; appendix: sic hac cauda & appendices rectè ventriculè
dicipossunt. Itaq; non mirum, si intestinis eum in modum affli-
ctis, ut, quemadmodum Galenus l. 2. de loc. affect. c. 5. scribit, alij
quasi terebro ventrem sibi perforari clamitent: alij de infixo sibi
palo conquerantur, ventriculus in στυμπαθίαν rapiatur. Τὰ γὰρ ἐγ-
γύς, inquit divinus senex lib. περὶ χυμῶν, καὶ κοινὰ ἐν τοῖσι παθήμασι
πρῶτα καὶ μάλιστα κακῆται: hoc est, quæ sunt vicina, quæq; commu-
nia, illa primùm maximèq; in agritudinibus affici solent. Con-
cludimus ergò: cathartica non in cujusvis colicæ curæ exulare
debere. Εἰς τοὺς nostræ approbatores præter Galenum viros ha-
bemus gravissimos, & in artis operibus exercitatissimos; Avi-
cennam l. 3. can. fen. 16. tr. 4. c. 1. 2. & 4. Damascenum l. 5 c. 32. Pan-
lum l. 3. c. 43. & ex neotericis Valescum, Gattinariam, Gordonium,
Hollerium, Rondeletium, Sylvium, Capivacceum, & Mercuria-
lem: qui omnes in pituitosa & biliosa colica purgandum censent.
In pituitosa quidem primùm facibus per emollientia enemata edu-
ctis: deinde materia incisa, attenuata, atq; deterisa: tum per cly-
smata minorata. In biliosa verò Mercurialis nulla præmissa præ-
paratione purgat: tribus de causis. I. quia bilis, si sit acris & mor-
dax, qualis est æruginosa, intestina corrodit. I I. quia ad vacua-
tionem prona est atq; proclivis. Est enim tenuis, suaq; acrimonia
intestina ad excretionem irritat. I I I. quia admodum dolorifi-
ca. Unde affluxus metuitur humorum: qui phlegmonem in in-
testinis parere potest.

II.

Sitne purgandum in peste? De προφυλάξει si rogetur,
nullum dubium, quin purgatio locum inveniat in corporibus
κακοχύμοις. Consistit enim illa secundum Cratonem in purifica-
tione corporis: confortatione cordis: & vitiatione aëris infecti: aut,
si vitari certis de causis nequeat, illius saltem correctione. Vel, ut
Mercurialis docet, in amputatione causæ agentis, & sublatione
aptitudinis corporis patientis. Atqui & impuritas corporis homi-

nem ad suscipiendam pestem disponere dicitur. Quamquam quid unumquodq; corpus pestilentia reddat obnoxium, certò explicari nequeat. In quamvis enim corporis dispositionem, quamvis complexionem, quemvis sexum, quamvis aetatem tyrannidem suam exercet. De θεσπεία verò si quærat, discordant authores: aliis eam in principio statim pestis consulentibus: summè ab illa dehortantibus aliis. Qui purgationem suadent, veterum quorundam auctoritate, Avicenna, Avenzoaris, Pauli, Rufi, nituntur: hasq; rationes producunt in medium. I. quia adsunt humores venenati, qui nisi festinanter expurgentur, cor occupant, hominemq; è medio tollunt. II. quia si turgens materia vacuanda, quòd huc atq; illuc lata nesciatur, quò decubitura sit: periculumq; imminet, ne fortè ad partem nobilem ruat: multò sanè magis tollenda ea est, quæ & venenata est, & nobilissimum vitæ principium, cor, jam obsidet. At nos in illorum imus sententiam, qui in pestis curâ purgantia missa faciunt, seqq. de causis. I. quia pestis causa occulta est, & venenata: naribus, ore, reliquique corporis extremitatibus inspirata: non à vitio humorum vel in substantia, vel in quantitate, vel in qualitate, vel in motu dependens. Itaq; purgantibus pharmacis minimè debellatur. II. quia natura motum contra aphor. 21. sect. 1. impediunt. Hæc enim venenum foras protrudere, & in ambitum corporis; in primis verò ad illius emunctoria, glandulas pone aures, parotidas appellatas, axillares, & inguinales expellere satagit. At purgantia humores ad interiora, venas nimirum revocant: unde & sanguinea massa, inibi consistens, inficitur: & venenum facile cordi comunicatur. III. quia natura exemplo maligni pestilentesq; humores ad distantissimas, maximèq; remotas partes à corde, quod semper petunt, atq; mirum in modum affligunt, protrudendi. At qui purgantibus, quæ uti modò dictum, humores ad interna in venas ducunt, hoc minimè præstat. IV. quia purgantia vires, quæ aliàs in peste à venenata materia oppugnantur validissimè, infringunt, spiritusque dissol-

dissolvunt atq; dissipant. Atqui hæc omni cura & studio, ut in alijs agnitudinum generibus: ita vel in primis in venenatis sartæ rectæ servanda. Hæc namq; sunt, quæ cum veneno pugnant: in his omnis spes evasione consistit: his vigentibus, & venenum superantibus, spes salutis elucet: languentibus autem & succumbentibus, nihil boni sperare licet: quantumvis generosa adhibeantur alexipharmaca. Et sanè si uspiam illud Galeni l. 9. meth. med. c. 10. & 13. verum est, quod vires servare, nil sit aliud, quàm vitam ipsam servare: in pestis mæherculè cura verissimum est. V. quia in pestis curatione eò omnia consilia & actiones Medici dirigenda, ut cordi robur addatur, & vis malefica inspirati veneni frangatur. Sed hoc alexipharmaca & alexiteria faciunt: pleraq; autem cathartica malignis prædita sunt qualitatibus: quibus & cor debilitant: & malitiam veneni promovent. VI. quia usus & experientia docet, humores pestilentia inquinamenti labefactatos suo optè impetu ad intestina ruere multoties: & lethales sæpè diarrhœas atq; dysenterias excitare. Id quod etiam in morbillis & variolis, quæ tamen malignitatis ratione cum pestifera lue neutiquam comparari queunt, experimur. Quam ob causam practici peritiores in purgando admodum parci esse consueverunt. VII. quia præstantissimi artis magistri, Palmarius, Sarracenus, Forestus, Paræus, alij, scribunt, paucissimos, quibus sanguis erat detractus, corpusque purgatum, evasisse: plurimos contra sanitatem recuperasse, qui alexipharmacis tantum usi fuerunt. Videant ergò, secumq; etiam atq; etiam perpendant, quàm egregiè peste correptorum incolunitati consulant, qui nescio quâ insania capti, intra spatium 24. horarum, & venam secant: & purgans offerunt: & sudorem movent. Properandum equidem, haustumq; venenum haud cunctanter expellendum nos ipsi profiteamur. At neq; venæ sectione: ut disput. 15. problem. 2. planum fecimus: neq; purgatione: quemadmodum rationibus jam allatis demonstravimus: sed hidroticis, sudorem moventibus: velut omnes penè medendi artifices docent:

& ratio suadet. Cum enim pestiferum virus unà cum aëre sit inspiratum: rectissimè iterum cum aëre expellitur: cumq; cor inprimis infestet, utilissimè ad externas ablegatur partes; quæ & ignobiles sunt; & à corde admodum dissitæ; & emunctoria habent, in quæ nobiliores sese exonerare solent; & cate, quæ undiq; crebris foraminibus est pervia, tectæ, ita ut sufficientissimè, citissimè, facili-
mèq; evacuari virus possit. Interim vomitoria leviora ne utiquam aspernamur: si pestis hominem stomacho cibus referto, invasit. Vacuum enim hunc esse decet: ut idq; solùm feliciùs operentur. Neq; suppositoria, & enemata emollientia, facesq; exturbantia floccipendimus, si alvus adstricta fuit. Nec deniq; cordialia, vesicatoria, scarificationes, & cucurbitulas despicatui habemus. Illa siquidem ad debellandum virus, & cor confortandum: hæ ad virus extrahendum, si à natura ad externam aliquam partem propellatur, maximè necessaria arbitramur.

III.

Utrum inflammationibus viscerum purgatio conveniat? Negantem defendere videtur Hippocrates lib. de vict. rat. in acut. inquit: quicunq; ea, quæ inflammantur, statim inter initia morborum præparant, hoc est, cathartico medicamine solvere conantur, ij non solum ab intensa inflammataq; parte nihil adimunt, cum non cedat obsequaturq;, quæ adhuc cruda est affectio: verum etiam ea, quæ morbo resistunt, & sana sunt, absument ac colliquant. Ubi autem corpus sit debile, morbus prævalet. Vbi hic prævaluerit, remedium non habet. Huic Hippocratis rationi addi potest illa Galeni, quæ habetur comment. aphor. 24. s. 1. quia non parvum periculum est in morbis acutis (in quorum albo Hippocr. l. de aër. aq. & loc. nec non lib. de vict. acut. non longè à principio, inflammationes, v. g. pleuritidem, peripneumoniâ, phrenitidem &c. reponit) temerè purgante medicamento uti. Omnia enim purgantia potestate calida sunt & sicca. Atqui hæc

hæc febribus, quæ inflammationum, acutorumq; morborum juxta Hippocrat. loc. alleg. & Galen. l. 3. de diff. respir. c. 9 & comm. aph. 19. s. 2. & comment. aphor. 1. s. 7. & l. 3. de dieb. decret. c. 13. comites sunt, repugnant. Febres enim inquit Galen. commen. aphor. 24. sect. 1. sui ratione humectantibus & refrigerantibus egent. Rationem adfert comment. aphor. 16. s. 1. quoniam sunt passiones calide & sicca. Est enim febris, ait idem ibid. nativæ caliditatis ad igneam conversio. Sed & tertia accedit ratio: quia purgantia fluxum, qui jam antè inflammatas partes vexat, movent: atque sic inflammationes augent. Verum his rationibus non obstantibus, Galenus l. 13. meth. med. c. 6. purgantia in inflammationibus concedit. Distinguit autem inter factas & fientes, quæ adhuc sunt in generatione. Factas curat per solam impactæ materiei evacuationem. Hac enim sublata, inflammationes tolluntur. Fientes tractat aliter. Nam cum in ijs adhuc humores affluant: primùm fluxionis causas aufert: deinde ad impactæ materiei evacuationem accedit. Cause verò fluxionis vel sunt in ipsa parte inflammata: quando scilicet intemperiem calidam à nimio motu, aestu solis, ardore ignis, acrimonia alicujus medicamenti &c. contraxit: aut dolore cruciatur: idq; partim propter intemperiem calidam, frigidamve: eamq; modò à causa externa: v. g. aëre ambiente, animali venenato, pharmaco vehementer calefaciente, aut refrigerante: modò à causa interna, vitiosis scilicet humoribus in corpore congestis, profectam: partim propter causas alias: nimirum propter vulnus, contusionem, distortionem, tensionem, obstructionem, spiritum flatulentum: uno verbo, propter continui solutionem. Vel in parte alia: vel in aliis: vel etiam in corpore toto: quod superfluos humores, quos coacervavit, ad partem phlegmone tentatam ablegat. Has ergò causas Galenus primùm submovet: postea phlegmonem ipsam curat: siq; totum corpus malè sit affectum: hoc est, vel plethorâ,

vel cacochymia laboret, illam quidem tum alijs remedijs: tum in-
primis vene sectione demit: hanc verò purgatione extirpat: eam-
que excedenti succo accommodat. Ex quibus apparet, purgantia
non directè quidem, & per se ipsis inflammationibus compe-
tere: cum ab ijs nihil vacuent: competere tamen indirectè &
per accidens: quatenus affectum quendam corporis totius, ipsam
scilicet κακοχυμιαν, si adsit, eliminant: affluentesq; vitiosos hu-
mores avertunt: ne inflammatio incrementum capiat & in de-
terius labatur. Itaq; ad primam rationem facilis est respon-
sio. Nam Hippoc. loquitur de inflammationis causa continente,
que parti affecta est infixa: & propter eam purgantium usum re-
ctè improbat: eò quòd nihil detrahant ab ea: sed vires tantum
frangant. Nos autem cathartica antecedentis tantum causa ra-
tione defendimus: idq; vacationis & revulsione ergò. Vacua-
tionis quidem vera: ut vitiosi humores, qui nondum affluunt, af-
fluxuri autem fortè brevi, educantur. Revulsione verò κατὰ τὴν
ut qui jam in motu sunt, & ad particulam inflammatam se con-
ferunt, avertantur. Ad secundam Galenus ipse commen. aphor.
24. sect. 1. respondet. Purgantia enim feбри quidem, quā febris est,
propter caliditatem & siccitatem suam nocent: verum non ratio-
ne febris: sed ratione causa febrifica offeruntur. Itaq; etsi nocu-
menti quid adferant: major tamen longè illa utilitas esse solet,
quæ ex purgatione vitiosorum humorum percipitur. Hanc re-
sponsum magis ad institutum nostrum applicamus, si dicamus:
purgantia quidem per se inflammationibus viscerum adversari:
per accidens autem illis conferre, quatenus vitiosorum humorum
affluxum amoliuntur. Tertiò negare possumus, omnia in uni-
versum purgantia calida siccaq; complexionis esse. Validiora
quidem talia esse largimur: at non item mitiora omnia. Ex his
enim quedam refrigerant atq; siccant. ut rose, tamarindi, myro-
balani, syr. ros. sol. simpl. &c. Nonnulla refrigerant atq; hume-
stant.

Etant; ut viola, syr. viol. sol. simpl. passula laxativa, &c: Alia moderate quidem calefaciunt: sed simul temperate quoque humefiant, ut Manna, cassia, elect. lenitivum, cassia extracta, Diacassia cum manna. Quae purgantia sufficere in inflammationibus possunt. Non enim inflammationes irritant atque exasperant: neq; febrim, quae illis perpetuo assidet, augent: & verò calidis, tenuibus, biliosisq; humoribus, qui omnium maximè affluere solent, apprimè sunt accommodata.

IV.

An purgatio in fracturis, vulneribus, atque ulceribus valeat? Per se quidem & directè ad horum affectuum curationem nihil facit: ideòq; tanquam curatorium remedium adhiberi non potest. Facit tamen aliquid per accidens, & indirectè: quatenus vitiosos humores, qui propter dolorem, inflammationem, & infirmitatem partium lesarum in corporibus κακοχύμοις affluunt, educit, atq; ab ijs revellit. Quo nomine praeservatori; praesidij laudes meretur. Accurrentibus enim humoribus noxijs, neq; fractura ferruminari: neq; vulnera uniri: neq; ulcera cava carne impleri, consolidariq; possunt. Iisdem verò a versis, & per alium eradicationis, curatio, ceteris paribus, facile succedit.

Quam ob causam etiam Galenus purgatione in fracturis lib. 6. meth. med. 6. 5. in vulneribus verò & ulceribus lib.

4. meth. med. cap. 5. & 6. utitur.



Π Α Ρ Ε Ρ Τ Α.

I.

Sitne butyrum ante, an post pastum comedendum? Ante.

II.

Rectene faciant illi, qui in pestis, febrium malignarum, haustorumque toxicorum curatione lapidem bezoar, & unicornu, posthabitis alexipharmacis aliis, quæ semper sunt ad manum, præscribunt? N.

III.

Utra coniectio nobilior, χύλωσις an αἱμάτωσις? Αἱμάτωσις.

IV.

Sitne verum, quod Hippocrates l. 6. epid. s. 2. scribit: nempe dolorem sedare dolorem? A.

V.

An sicut ex colore cutis & pilorum judicare licet de temperamento hominis: ita etiam is temperaturæ signum sit in plantis? N.

VI.

An minus periclitentur illi, qui cognato naturæ suæ morbo laborant? Affirmativa placet cum Hipp. aphor. 34. s. 2.

VII.

An verum sit, quod dicit Hippoc. l. de flatibus, contraria contrariorum esse remedia? Verissimum.

VIII.

An omnes acuti morbi sint calidi?

IX.

Utrum variolarum & morbillorum eruptio vera αἰσις dici possit? N.

Φ Ι Ν Ι Σ.

DISPUTATIO
DE
PURGATIONE

QUARTA:

*In inclyta Argentoratensium Acade-
mia ingenij exercendi gratiâ
proposita:*

PRÆSIDE

MELCHIORE SEBIZIO

Juniore : Doctore & Professore
Medico :

Respondente

ANTONIO RÜBER
Ulmensi.

ARGENTORATI

Typis JOANNIS REYPI,

ANNO MDCXX.



PROBLEMA I.

AN licitum sit in cholera, quam cholericam aliàs passionem practici vocant, vomitorio, aut dejectorio uti pharmaco? Hippocrates lib. de vict. acut. duplicem proponit choleram: aridam atque humidam. Ab arida ventrem inflari, strepitus fieri, lumborum & laterum regionem dolere, nihilque per alvum excerni, sed eam adstrictam esse dicit. In humida, ait, ventrem esse liquidum, bilem deijci, vexareq; tormina, vomitiones, & mordicationes. Libro 7. epid. bilis sursum deorsumque eruptiones addit: insuper etiam causas cholerae exponit: quòd scilicet ex usu carnis, maximèque suillæ crudioris, sepiarum, locustarum, gammarorum, olerum, precipuè verò porrorum, ceparum, lactuce, brassicarum, ruminicū crudiorum, placentarum, libarum dulciariarum ac mellitarum, pomorum, cucumerum, peponum, cicerum, & erui; potu item vini odorati, ac veteris, ad ebrietatem usq; ingurgitati, in solatione, aliisq; causis, generetur. Vtramq; Galenus etiam agnoscit comm. 4. in lib. de vict. acut. t. 96. & 103. scribit enim, Hippocratem utriq; affectui idem dedisse nomen, quòd idem utriusq; sit generationis modus. Nam quemadmodum cholera humida ex acribus oritur humoribus, qui ex esculentorum corruptela prodierūt: sic arida ex spiritu flatuoso acri nascitur. Quo fit, ut, quæ prope ventrem sunt, nervosa corpora mordeantur, intendantur, atque doleant. Idem ferè monet in Isagogico cap. 13. Duplex, inquit, cholera est Hippocrati: altera humida, in qua vehemens est excretio: bilis suprà infràq; erumpit: intestina graviter torquentur. Accedunt convulsiones: sæpè etiam crurum suræ contrahuntur. Altera

ficca, ab eadem proveniens causa, ac circa eadem consistens: at cōtra ventris fluorem & vomitionem. Hac præmissa distinctione, respondemus, in arida cholera dejectorio opus esse pharmaco: & quidem maturè: dum vires adhuc constant: & graviora absunt symptomata: quæ aliàs medicum ab ordinaria, legitima, & methodica curandi ratione avocant: ac ad sui demolitionem eum invitant. Ratio est: quia κακοχολία effatu digna adesse ex effectu cognoscitur: quæ citius faciliusq; extirpari non potest, quàm purgatione. Dempta ergò & presentium, & futurorum symptomatum causâ, & quidem in principio statim affectus, æger brevi liberatur. Hunc curandi modum suo quoq; calculo approbat Hippocrates l. de vict. acut. Vult enim, ut aridâ affectis cholera quam celerrimè venter subducatur: idq; clysmate: sique ex insufficienter evacuata materia dolor perseverarit, precipit, ut uberioris purgationis gratiâ lac asininum offeratur. Hoc enim, subdit Galenus in comm. 4. l. de vict. acut. t. 109. omnium purgantium medicamentorum mitissimum clementissimumq; est: omnique lacte, quod quidem in usum adhibetur medicinale, humidius, & vētrem magis subducit. Est namque tenue admodum, & serosum humoris plenum: testibus Aristotele l. 3. hist. anim. c. 20. & Galeno l. 10. simpl. c. propr. Quæ causa est, quod facile per alvum secedat: quoniam omne lac vim deiciendi, quam habet, à sero habet: authore Galeno l. 3. alim. fac. c. 15. Sed quæres, an non in hac cholera specie etiam vomitum provocare liceat? Respondemus licere, si materia vergat sursum, ipseq; decumbens sit ad vomitum facilis. Verum dices, Hippocratem tamen vomitum dissuadere: tantumq; velle, ut materia per alvum educatur. Respondemus, Hippocratem ejusmodi proponere casum, in quo peccans humor non tam ventriculum, quàm intestina contristat. Id quod ex eo patet, quia scribit, ventrem inflari, in eo fieri strepitus, h. e. rugitus & murmura: dolorēq; tum latera, tum lumbos infestare. Quæ sanè symptomata documento sunt, flatum & humores intestina potissimum crucia-

cruciare. At si nō modo, hac, sed etiā ventriculū obsideant, vomitum ciere ex textu 110. liquet: memorem, opinamur, aphor. 21. sect. 1. quæ educere oportet, quō maxime vergere videntur, ducito, viis ac locis utiliter eō ferētibus. Cōcludimus ergō, & vomitoria, & dejectōria pharmaca in hac cholera specie locum habere: placet tamen cum Galeno & Hippocrate, ut moderata sint utraque. h. e. mitia atque benigna. Humidam choleram quod attinet, multa sanè sunt, quātū vomitionem, tū purgationem prohibere videntur. I. quia peracuta est passio: authore Galeno comm. aphor. 12. §. 1. & intra exigui temporis spatium hominem è medio tollit. Id quod etiam Hippocrates attestatur lib. 7. Epidem. ubi diem quintam, septimam, & nonā, eam judicare perhibet. Atqui in acutis rarō, & per initia purgandum: nec verō id inconsideratè faciendū: aph. 24. sect. 1. II. quia corpus sua spē & per superiora, & per inferiora copiosissimè, frequētissimèq; vacuatur. Nō ergō vacuationibus arte institutis opus: nisi animā ipsam vacuare libeat. III quia vires crebris illis tū vomitionibus, tū dejectionibus eum in modum debilitantur, ut ferendis vacuationibus novis pares esse nequeant. IV. quia cholera gravissima supervenire solent symptomata: quæ partim omne Medici censilium ad se trahunt: partim quemvis sui nominis atque existimationis amantem à purgatione haud immeritō absterrent. Inter ea, velut ex Galeni Isagoc. c. 13. comm. aphor. 1. §. 5. l. 3. de caus. puls. c. 17. l. 2. de præ sag. ex puls. c. 9. l. 1. ad Glaucon. c. 14. l. de trem. palp. cōvuls. & rig. c. 5. et Damasceni l. 5. meth. med. c. 19. colligimus, sunt, convulsiones, musculorum suralium contractiones, leipothymia, syncope, tremores, pulsus vermiculantes, singultus, sudores frigidi, refrigeratio extremitatum, torsiones ventris, vigilie, sitis inexplibilis, facies cada verosa, qualem Hipp. in principio prognost. describit, Hippocratica ob id appellari solita. V. quia χολερικοί, ἢ χολερίωντες, h. e. ut Plinius vertit, biliosi nihil retinent. Frustrā ergo vomitoria, aut dejectoria medicamina ijs propinan-

tur. Verum ut uti allata urgere videantur rationes; pleriq; tamen ex præstantissimis medendi artificibus, vel vomitoria, vel dejectoria, vel utraq; simul, sed diversis temporibus haurienda, consulunt. Ex eorum albo cum primis sunt Paulus l. 3. c. 39. Aretæus l. 2. de cur. acut. morb. c. 4. Trallianus l. 7. c. 14. & 18. Damascenus l. 5. c. 19. Avicenna l. 3. can. fen. 16. tr. 2. c. 13. Celsus l. 4. c. 11. & ex recentioribus Valescus, Montuus, Rondeletius, Capivaccus, Mercurialis, Hollerius, & alij. Ratio est duplex. I. quia indicans purgationis adest, κακὸς ὅμιλος insignis: eaq; vel in prima, vel in secunda, vel in tertia corporis regione ex cibis corruptis, aut prava viscerū constitutione collecta, inq; ventriculum tandem & intestina effusa: cui purgatione succurrendum. II. quia affectus iste curari non potest, nisi causa auferatur. Auferri autem nequit, nisi purgatione. III. quia Medicus est imitator & adiutor nature. At natura noxiam materiam expellere satagit. Itaq; idem quoq; faciendum Medico, si natura non satis, aut lentè saltem expellat. Credimus, in hac cholera, neq; temerè usurpanda, neq; prorsus damnanda esse purgantia. Proinde in hunc modum cum authoribus allegatis distinguimus. Missa facienda sunt omnia purgantia, sive sursum, sive deorsum purgent, cum natura vacuat celeriter & copiosè: cum vires languent: cum denique gravia & periculosa adsunt, aut brevi adfutura sunt symptomata: v. g. convulsiones, singultus, tremor, leipothymia, syncope, sudores frigidi &c. Illorum verò loco adhibenda, quæ symptomata tollant: ventriculum roborent fluxum, & cum primis vomitiones coërceant: id quod adstringētibus & avertentibus præsidis commodè præstari potest. Verè si quidem Celsus dixit: partem sanitatis esse, vomitum esse suppressum. Quod si natura quidem vacuet: sed lentè, & modicè, viribus permittentibus, & absentibus gravioribus accidentibus, vel vomitoriis, sed levioribus: vel dejectoriis, sed itidem benignioribus, & quadam adstringendi virtute præditis, in principio statim juuanda. Vomitorijs qui-

quidem, si ager facile vomat : ipsaq; peccans materia repat sursum: dejectoriis verò, si ad vomitum sit difficilis: siq; materia deorsum magis, quàm sursum inclinet. Verum periti, inquit Damascenus l. 5. meth. med. c. 19. & prudentis Medici consilio hic opus est, qui omnia diligenter expendat.

II.

Utrum in variolis & morbillis purgatio concedenda? Quæ educere oportet, inquit venerandus senex aphor. 21. sect. 1. quò maximè vergere videbuntur, ducito: vijs ac locis utiliter eò ferentibus. Atqui educere oportet materiam variolarum ac morbillorum. Itaq; quò vergit, ducenda. Vergit autem ad ambitum corporis. Naturæ ergo motus promovendus: omniq; cura & studio in id incumbendum, ut foras ad cutem protrudatur. Hoc argumētum inhibere videtur purgantiū administrationem, quæ naturæ conatum in expellenda variolarum materia impediunt. Natura enim tendit à centro ad circumferentiam. At purgantia trahunt à circumferentia ad centrum: authore Galeno aphor. 5. sect. 4. Obstat & aliud. Experintia docet, periculosas quandoq; tùm diarrhæas, tùm dysenterias variolis supervenire: idq; propterea, quia corpus acribus atq; malignis humoribus abundat: qui cum naturam stimulent atq; irritent, sæpè ad intestina ruunt. Quare si ejusmodi fluxus fiunt sponte: quid futurum putamus, si arte provocentur? Verum hæc argumenta tantiponderis non sunt, ut omnia in universum cathartica penitus excludant. In principio fatemur, omne Medici consilium eò dirigi debere, ut materia ad cutem protrudatur: neq; purgantibus, quæ valide, & à distantioribus locis trahunt, naturæ motum impediendum arbitramur. Quod si tamen alvus adstricta sit, naturamq; gravet, & febrilem calorem, qui ferè semper adesse solet, augeat: utiq; non verebimur, vel emollientes laxantesq; clysteres applicare: vel, si eos sibi ager applicari nolit, leviora quadã purgantia, v. g. passulas laxat. elect. lenit. cassiam noviter extractam: syr.

Syr. ros. sol. simpl. syr. viol. sol. simpl. syr. diapersic. syr. diafer. Andern. Mannam. cum decoct. flor. & fruct. &c. exhibere. Hac enim cum purgent leviter, & primas solum vias purificent, naturam à suo instituto minime avocant. Quod si etiam variolis iam sufficienter expulsis vitiosi humores superesse videbuntur in corpore, qui à naturà non expellantur: ne tùm quidem feriandũ censemus: sed sentinam humorũ tùm modò enumeratis: tùm etiã aliis, blandioribus tamen, v. g. Diacatholico; Rhabarbari & Agarici infuso: decocto fol. Senæ, Tamarindorum, & Myrobalanorum: syr. de Rhabarb. solut. &c. extirpandam putamus: ne agritudini novæ ansam atq; occasionem prabeant.

III.

An pueri tutò purgari possint? Hippocrates, ut Galenus monet comment. aphor. 26. sect. 3. pueros in quatuor ordines distinguit. Primus est τῶν σμικρῶν καὶ νεογενῶν, parvorum, & recens natorum: seu, ut Celsus l. 2. c. 1. loquitur, infantium, & tenerorum puerorum: quorum morbos Hipp. recenset aphor. 24. sect. 3. Secundus τῶν προταγόντων πρὸς τὸ ἐδοντοφύειν, eorum, qui ad dentitionis tempus accedunt: ac jam dentes edunt: de quorum agritudinibus agitur aph. 25. sect. 3. Est autem illud tempus magna ex parte circa mensem septimũ: testibus Paulo l. 1. c. 9. & Aët. tetr. 1. serm. 4. c. 9. Tertius τῶν προσβύλιων, eorũ, qui etate paulũ processerũt: h. e. qui inter detiētes, & pubertati proximis sunt medij & ut Gal. com. aph. 26. f. 3. definit, usq; ad duodecimũ, aut decimũ tertium annũ progressi: quorum affectus Hippocr. enumerat aph. 26. sect. 3. Quartus τῶν πρὸς τὴν ὕβριν προταγόντων, illorum, qui ut Gal. ait comm. aphor. 27. sect. 3. ad atatem pervenerunt pubertati proximam: quales sunt, qui, eodem ibidem authore, duodecimũ, decimũ tertium, aut decimũ quartum annũ agunt. De quorũ vitis Hipp. aph. 27. sect. 3. verba facit. Incipiunt enim pubescere, inquit Gal. loc. cit. post decimum quartũ annum. Ut verò nullum certũ & definitum est dentiendi tempus, Galeno l. 1. c. 6. de tuend. san.

monitore: siceodem iudice. aphor. 27. sect. 3. non unus est om-
nium certissimus pubertatis terminus: idque propter diversi-
tatem temperatura. Calidi enim inquit, citius: frigidi tardius
pubescunt. His puerorum ordinibus distinctis, respondemus,
dueros, & cum primis primi ac secundi ordinis, purgare, non usque
adeò tutum esse. Tenelli enim sunt, molles, & delicati. Imò
neque admodum necessarium, ut purgentur. Corpus namq̃, cali-
dum, humidum, molle, rarum, ac patens habent, quod per se, &
sponte sua quotidie per meatus cutaneos vacuatur: sic docente Ga-
leno l. 9. meth. med. c. ult. l. 11. meth. c. 14. & comment. 4. in l. de
vict. acut. t. 19. Adhuc frequenter tùm vomunt, tùm ventrem
exonerant, teste eodem l. 3. de sympt. caus. c. 3. Calorem quoque
nativum obtinent plurimum: aphor. 14. sect. 1. qui crudos, quos ex
voracitate collegerunt, humores facile concoquit: aut per laxos
mollesq̃ corporis meatus vel discutit, dissipatq̃ insensibiliter: vel
sensibiliter excernit. Itaque quos sponte natura vacuat, frustra
Medicus purgantibus cruciat. Quod si tamen morbis ex $\kappa\alpha\tau\alpha\chi\upsilon\mu\lambda\alpha$
laborent, quos natura oppressa superare nequit, nisi sarcina vi-
tiosorum humorum aliquo modo sublevetur, pueros tertij & quar-
ti ordinis pharmacis purgare minimè dubitamus: sed talibus, qua-
lia precedenti problemate descripta. Primi verò ac secundi or-
dinis puerulos purgandos existimamus, medicamentis non illis
ipsis: sed nutricibus exhibitis. Hunc enim purgandi modum Hip-
pocrates lib. 6. epid. sect. 5. aphor. 34. præscribit, cùm dicit: mulier,
capra, elaterium, aut cucumerem sylvestrem comedentes, pueris
purgatio. Quibus verbis docet, lac nutricum, brutorumque ani-
malium purgatrice imbui facultate, si elaterium, hoc est, succum
cucumeris asinini: vel cucumerem ipsum: vel, ut Galen. ait com-
ment. 5. in 6. epid. t. 35. aliud aliquod catharticum sumpserint: ac
proinde pueros purgare: nutricum quidem lactantes: caprarum
verò ablactatos. Non enim omnem vim medicamento sam peri-

re, cum assumpta in sanguinem, & lac sunt mutata: sed manere, præsertim efficaciorē, atque potentiorē, odor, sapor, ipsiq; effectus planum faciunt. Cujus rei Galenus pulcherrima exempla tradit. Nam lib. 3. de alim. fac. c. 15. scribit, multas nutrices ruri degentes, cibis que *νανοχόποις*, oleribus scilicet sylvestribus, propter annonæ caritatem, vescentes, in ulcera incidisse totius corporis: iisque vitiosi lactis ratione etiam suos infantes infecisse. Idem ibidem refert, eum, qui capra, aut alterius cujuspiam animalis, scammonio, vel tithymallo pasti, lac cibi loco hausit, purgatum iri. Quod ipsum comment. 5. in l. 6. epid. t. 35. repetit: ubi capras verno tempore germinibus scammonij, aut tithymalli saturatas lac catharticum generare asseverat. Et in Doride, Boetia, Thessalia, finitimisq; locis, imò & Athenis, multos ex largiori coturnicum esu spasmo correptos fuisse ibidem memorat: causamque in veratrum, coturnicum pabulum, refert: cujus vires in earum carnibus maneant. Quibus exemplis addere licet turdos: quorum carnes baccarum juniperi, quibus crebrò vescuntur, odorem saporemq; repræsentant: aves quasdam aquaticas, quæ pisces sapiunt: sanguinem hircinum, qui, ut lapides renum conterat potentius, hircus mactandus simplicibus diureticis atq; lithontripticis aliquandiu nutritur.

IV.

Utrum gravidæ purgandæ? Pro negativa sequentes adduci possunt rationes. I. quia purgantia & matri & fœtui sunt inimica: idq; propter malignam, quam in se habent, qualitatem. II. quia menses movent: sicq; fœtui subtrahunt nutrimentum. III. quia corpus turbando, humores agitando, eosq; precipitando ad intestinum rectum, cui uterus contiguus, ligamenta, quibus fœtus utero alligatur, solvunt, abortumq; faciunt. IV. quia vi-

res corporis enervant: & quidem non solum vacuando: sed etiam
malignitate sua cor & ventriculum afficiendo. V. quia gravida
quandoque symptomata excitant: nimirum vomitiones, tormi-
na ventris, vertiginem, leipothymian, alia, de quibus disput. 1.
problem. 2. ex varijs Galenilocis dictum: quae gravida sine metu
abortus vix ferre queunt. VI. quia Galenus inquit comment. a-
phor. 55. sect. 5. non audere Medicos imprægnatis validum ali-
quod auxilium adhibere. At tale etiam purgans est. Habe-
tur siquidem purgatio in albo magnorum generosorumq; præsidio-
rum: teste eodem Galeno comment. 20. sect. 2. aphor. VII. quia
Hippocrates aphor. 30. sect. 5. prægnantibus vena sectionem dis-
suadet. Itaque multò magis purgantia ijs vitanda videntur.
Scribit enim Galenus comment. 2. in lib. de vict. acut. t. II. phlebo-
tomian tutiorem esse purgatione. VIII. quia Hippocrates
etiam spontaneas alvi vacationes suspectas habet: & ne abor-
tum causentur, veretur: quemadmodum patet ex aphor. 34. sect.
5. & aphor. 27. sect. 7. Quapropter etiam illis minimè fidendum,
quæ arte instituuntur. Hisce rationibus & authoritatibus acce-
dit etiam iudicium Averrois: qui 7. collig. 4. dicit, phlebotomian
præsentè repletionè, quæ foetus non eget, malam non esse: pharma-
cum verò purgans ad bonum pervenire finem minimè credit: idq;
ob accidentia, quæ antè enumerata. Verum probabilior
longè sententia est affirmativa. Nititur enim ratione, ex-
perientiâ, & authoritate Hippocratis atque Galeni. Ratio est
ista: quia gravida nonnunquam morbis ex κακὸς χυμὸς præhendun-
tur: febribus v. g. putridis, continuis, & intermittentibus: ano-
rexia, cachexia, ictero, hemicrania, melancholia &c. quibus nisi
purgantibus obviameatur, & matri, & foetui periculum immi-
net. Experientia verò docet, plures purgari gravidas, non mo-
dò nullo cum discrimine, & jactura embryonis: sed felicissimo
cum successu, & sanitatis recuperatione, tum matris, tum foetus.

Authoritas deniq; Hippocratis est in promptu aph. i. sect. 4. ubi
utero gerentes medicamentis purgare jubet, si materia turget: h. e.
motu ab una parte ad aliā movetur. Cui subscribit Galenus in im-
petuosiore cōmēto. Caterū nisi cautē & circūspectē gravidas pur-
get Medicus, facile existimationis & famæ suæ jaçturā pati potest.
Quare tria illi diligenter expendenda: MORBUS: GRAVI-
DA: PURGANS. Morbum Hippocrates vult eiusmodi es-
se, cujus materia turgeat. Verum & in ijs purgandum censemus,
in quibus licet materia non turgeat, tanta tamen *ναοχουία* colle-
cta est, ut non nisi purgantibus eximi possit. Hippocratem autem
turgentis solum materiei meminisse putamus, ut tacitē moneret,
non nisi magna urgente necessitate gravidas purgandas esse.
In gravidis spectanda duo: vires: & tempus gestationis. Vires
si sint validæ atque robustæ, tutius & alacrius purgari potest. Sin
debiles, aut omninò purgatio intermittenda: præsertim si regio sit
calida, & æstas urgeat: ipsa que ægra purgationi minimè assueta:
aut *ἐπιγαστρικόν* utendum: hoc est, alternis vicibus noxia materia le-
niter evacuanda: & bona victus ratione virtus roboranda: id
quod omnium commodissimè, & tutissimè sacculis, sive nodulis
nostris præstari potest. Tempus verò gestationis Hippocra-
tes ipse aphorismo allegato distinguit. Nam primis tribus, & ul-
timis tribus mensibus, qui sunt septimus, octavus, & nonus, pur-
gationem quidem non prorsus damnat: magna tamen *ἐνταλαίᾳ*,
circumspectione & cautione opus esse innuit. Medijs autem,
nempe quarto, quinto, & sexto, tutiorem esse dicit. Rationem Ga-
lenus reddit in commento: & nos eam prolixius explicuimus disp.
II. de ven. sect. problem. I. Primis enim mensibus, & ipse fœtus
infirmus est, valdeq; delicatulus, & vincula eius parum robusta:
adeò ut ob purgantis actionem promptè solvantur. Ultimis verò
fœtus ponderosus existit, & partui vicinus. Unde ligamenta eius
facile

facile vel solvi, vel rumpi queunt. Septimus mensis non tantum eam ob causam periculosus est, quia fœtus gravior: sed etiam propterea, quoniam non raro partus in eo contingere solet: quemadmodum ex lib. Hippocr. de septimestri partu liquet. Mensibus autem medijs retinacula embryonis robustiora, crassioraq; sunt: ac proinde non facile à purgantis medicamenti commotione rumpuntur. Purgans debet esse cl. mens, mite, atque benignum: cuius generis illa sunt, quae supra descripta. Scammonium, colocynthis, helleborus albus, & niger, turpethum, elaterium, mezerei, esula, & tithymalli species, euphorbium, hermodactyli, semina ricini, & lathyridis, radix bryonia, & composita hac simplicia recipientia, tanquam presentissima embryonum pestes Christianis Medicis fugienda. De his enim vera sunt 7. argumenta priora, quae contra purgantium usum in gravidis fuere in medium allata. Quod verò in octavo habetur, alvi defectiones Hippocrati suspectas esse, dicimus, Hippocratem non de quibuslibet defectionibus, sed de diuturnis solum alvi profluviiis verba facere: quemadmodum disput. 13. de ven. sect. problem. 3. ostendimus. Hæc enim suspecta sunt merito: & quidem eam ob causam, quam ibidem ex Galeno proposuimus.

VI.

Num purgandi, qui pravo utuntur victu? Mirum videri posset, ναοχομία indicans purgationis esse: & tamen Hippocratem aphor. 36. sect. 2. nolle, ut homines πονηρῇ τροφῇ χερόμενοι purgentur: cum propter vitiosam victus rationem magnam pravorum humorum copiam intra se collectam habeant. Sed responsum fuit problem. 2. disput. 1. de purg. Nunc respondemus uberius. Hippocrates enim non tantum respicit ad indicans: sed etiam ad permittens. Posito indicante, ad executionem accedit illius,

quod indicatur, si nihil sit, quod illam prohibeat. Sin adsit prohibens, vel urgentioris rationem habet potiore: vel curam ita temperat, ut utriq^{ue}, quantum licet, satisfaciat. Exempli causa. Aphor. 7. sect. 1. sollicitus est de indicante, per acuto scilicet morbo; ejusq^{ue} causâ tenuissimo victu utendum monet. Verum hoc non statim utitur: sed prius aphor. 9. vires consulit: an tales & tante sint, ut prescriptum victum ferre queant. Sic aphor. 23. sect. 1. scribit, aliquando vacuatione usq^{ue} ad animi deliquium opus esse. Sed rursus indicatum minimè exequitur, si vires prohibeant. Exequitur autem, si huic vacuationi pares esse possint. Ita in ijs, qui improbè vivunt, ad *νακωχϋλια* quidem indicantem consilium dirigit: sed ita, ut prohibentes vires non negligat. Propterea eos non simpliciter à purgatione excladit: sed tacitè solùm hortatur, cautè tractandos esse: neq^{ue} vice una valido medicamento purgandos. Esse enim eos viribus infirmis; idq^{ue} ob boni sanguinis, spirituum, & caloris inopiam: facileq^{ue} in animi incidere deliquium. Quod tamen non ob hanc solùm causam ijs accidit; sed etiam propterea, quia sentina pravorum humorum purgantibus mota, tetros, malignosq^{ue} vapores ad cor, & ventriculū mittit. Quare expurgandi quidem in ejusmodi hominibus sunt humores noxij: sed sensim, & per intervalla: eâ adhibita curâ, quam Galenus ἐπιμασιν nominat. Sic enim utriq^{ue} indicanti, imbecillitati virium, & cacochymia satisfieri potest.

VI.

Rectène faciant, qui singulis mensibus, imò singulis propemodum septimanis, corporibus sanis, benèque valentibus, purgantia præscribunt? Reperiuntur sanè Medici, qui, ut sana corpora præservent, superfluitates quotidie ex victu collectas, nescio quibus pilulis, & pulveribus familiaribus atq^{ue} domesticis crebrò admodum vacuant. Verum repugnant Hippocrati: qui aphor. 36. & 37. sect. 2. & aphor. 16. sect. 4, homines integra sa-

mitate

nitate fruētes, qui nullos, aut paucos admodum noxios humores generant, ad purgationes non admittit. Rationem Galenus reddit in commentis: & lib. quos & c. purgare oportet: quia cum purgans in sano corpore non inveniatur humorem pravam, quem educat: substantiam corporis aggreditur, spiritus dissipat, de humoribus utilibus, deq; solidis particulis aliquid demit, quod secum e corpore auferat. Unde vires debilitantur, corpus contabescit, sequuntur nausea, tormina, vertigo, dolor capitis, aliquando & convulsiones. Repugnant deinde Galeno: qui sect. 3. aphor. comm. 15. scribit, valde solum indigentibus, & ex longis temporum intervallis, purgationem utilem esse. Eorum vero, quae quotidie procreantur in corpore, excrementorum vacuationem minorem esse, quam ut exigit purgantis medicamenti efficacitatem. Si vero quispiam voluerit bis in mense, aut semel saltem ea uti, veritus, ne excrementorum multitudo aggregetur, praeter id quod nocebit, corpora etiam in malam consuetudinem trahet. Repugnant deniq; dicto veteri: pharmacum mundum quidem reddit corpus: sed crebro usu maturam senectam infert. Concludimus ergo: excrementa illa, quae singulis diebus in corpore coacervantur, vacuanda quidem esse, si integram conservare velimus sanitatem. Verum non per purgantia: sed alia vacuationum praesidia: cujusmodi sunt, inedia, aut parca saltem victus ratio: exercitatio: frictio: medicamina digestiva, id est laxativa, & κλύστρον, ἢ ὑγρώνα, quae alvum leniter subducant, humectando, emolliendo, lubricando, detergendo, moderate stimulando, comprimendo.



Π Α Ρ Ε Π Τ Α.

I.

Rectene Hippocrates l. 6. epid. s. 4. & Aristoteles sect. 11. probl. 3. dicant, μεγαλοφώνες, magna voce præditos esse, qui multum caloris habent? A.

II.

Utrum rarus corporis habitus salubrior sit, & à morbis recon-
valescat facilius habitu denso, velut Hippocr. l. περὶ τροφῆς statuit? A.

III.

Num qui rarioris sunt texturæ, debiliores sint: fortiores contra,
qui densæ: quemadmodum, idem ibidem docer? A.

IV.

Deturne urachus in brutis solum: an verò etiam in homine in-
veniatur? In utrisque illum agnoscimus.

V.

An Hippocrates calorem nostrum nativum recte vitæ & necis
authorem statuatur? A.

VI.

Quid sentiendum de illo Hippocratis l. de fract. verisimile quo-
dammodo est, omnes morbos ulcera esse? Durum quidem illud vide-
tur: at de morbis, qui dolorem afferunt, probabile forsan, & non
prorsus ἀλογον. Vide Galen. comm. 3. in lib. de fract. t. 34. & lib. de
inæq. intemp. c. 6.

VII.

Verumne illud sit Hippocratis l. de aëre, aq. & loc. naturas eda-
ces non multum esse bibaces? A.

FINIS.

DISPUTATIO
DE
PURGATIONE
QUINTA:

*In inclyta Argentoratensium Acade-
mia ingenij exercendi gratia
proposita:*

PRÆSIDE
MELCHIORE SEBIZIO
Juniore: Doctore & Professore
Medico:

Respondente

JOHANNE LUDOVICO GANSIO
Heidbacensi Franco.

ARGENTORATI

Typis JOANNIS REPPI,

ANNO MDCXXI.



Perillustri & Generosissimo Domino,

DN. LUDOVICO,
COMITI IN Erpach / ET DOMINO
in Breuberg / S. Rom. Imper. Equiti,
Domino meo clementi:

ITEM QVE

QVA PERANTI QVI GENERIS PRO-
sapia, qua Hero à virtute nobilissimo,


VALENTINO Echter à Miespelbrunn / in
Geubach & Ottershausen / Equiti Franco,
Mœcenati meo submissè
colendo:

Strena loco

D. D.

Johannes Ludovicus Ganss.

PROBLEMA I.



Itne ad evacuandam κακοχολίαν vomitione, an alvi subductione utendum? Dictum fuit problem. 1. disputat. 2. indicans purgationis esse κακοχολίαν. Hanc autem per vomitum & ventris dejectionem educi posse probl. 1. disput. 1. assertum. Depurgatione enim spe-

sialiter & κατ' ἐξοχήν Galeno appellata nobis nunc est negotium: ut idem problema monet. Queritur ergo, si purgatione opus, an per superiora, an per inferiora instituenda? Respondent Hippocr. aphor. 21. sect. 1. & in principio lib. de humorib. & Galen. in comm. super aphor. allegat. nec non in comm. aphor. 4. & 9. sect. 4. id cognosci partim ex inclinatione naturæ: partim verò ex partis conditione, per quam purgandum: an una sit ex iis, quæ ἐνυπερέσονται χροία, conferentia loca, nominantur. Quod enim natura vergit, eò humores ducendi. Nam si v. g. vergat ad alvum, dejectorium prescribendum pharmacum: si ad ventriculum, vomitorium: si ad meatus urinarios, diureticum: si ad habitum corporis, hidroticum. Idg. eò magis, quia intestina, ventriculus, renes, ureteres, vesica, & cutis χροία sunt ἐνυπερέσονται, loca expurgandis humoribus apta atq. accommodata. Id quod probare licet ex contrarijs: locis scilicet minimè convenientibus. Etenim inconvenientia loca Galenus comment. aphor. 21. sect. 1. ea esse dicit, quæ vel principatum aliquem habent in corpore: per quæ si noxij humores vacuentur, majus subsequitur detrimentum, quàm morbi dignitas postulet: vel effluxione, hoc est, meatu carent: vel (addimus) imbecilla sunt, & aliquo affectu præter naturam obfessa. Hæc enim à transeuntibus pravis humoribus facile ledun-

tur. Quare, si contrariorum contraria est ratio, conferentia loca erunt, per quæ natura rectè agens superflua vacuat: ignobilia scilicet, & meatibus donata, per quos humorum sentina excerni possit. Ad ea ergò quando natura inclinatur, inclinandum quoque Medico, naturæ ministro & imitatori. Dices: viam quidem purgationis ex dictis cognosci, cum ipsa met natura jam *νακχοϋται* expellere satagit: nondum tamen apparere, quando nihil movet. Itaque indicans aliquod subesse, quod etiam naturâ feriente iter purgationis demonstret. Respondemus indicans illud esse subsistentiam, sive sedem & locum humoris expurgandi. Nam perspectâ sede, inquit Fernelius l. 3. meth. c. 9. in promptu sunt ductus omnes, qui ex ea aut per ventriculum, aut per alvum, aut per aliud quodvis emissarium foras pertinent: per quos scilicet natura libera, nec impedita, vitia sua educere solet. Humor enim qui residet in ventriculo, viam purgationis per gulam & os indigitat: qui verò in venis, cavis hepatis, mesenterio, intestinis &c. latitat, viam purgationis per alvum insinuat. Eademque aliorum humorum, qui non quidem propriè dictis purgantibus pharmacis, sed aliis evacuantur, est ratio. Nam hærentes in cerebri ventriculis, per nares & palatum vacuandum monent: contenti in bronchijs pulmonum, per arteriam asperam: delitescentes in renibus, per urinæ ductus: inclusi & sero, per propriam illius cervicem: coarctati inter cutem partesque subditas, per spiracula cutis: & sic deinceps. Atque hæc via perpetuò ineunda, nisi fortè morbus aliquis eas intercipiat. Tunc enim aliò motus convertendus. Causa est: quia nunquam temerè noxius humor in affectam sedem derivandus. Quocirca neque in becillo ventriculo vomitio cienda: neque in intestinorum inflammatione bilis eò devocanda, sed revellenda aliorum: neque renibus inflammatis, aut exulceratâ vescicâ ad urinas, sed ad intestina vitiosus humor transferendus. Diximus suprâ, eò duce dos humores noxios, quò inclinant. Sed sciendum, hanc inclinationem

nem Galexo esse duplicem: unam utilem atq; idoneam: qua fit natura duce, & quidem per convenientes regiones ac vias: alteram vitiosam atq; noxiam: qua fit symptomaticè, natura impedita; ferociente interim humore pravo: & quidem per loca insueta. Illa Medico imitanda: hac verò inhibenda, & in brevem rectumq; tramitem, (si commode licet) revocanda. Sic namq; Galenus præcipit comment. aphor. 21. sect. 1. Oportet, inquit, Medicum naturæ inclinationem animadvertere: & si quidem idonea fuerit, subministrare & adjuvare: sin autem contrariè simul ac noxiè fiat, prohibere, transferre, atq; divertere.

III.

An humorum qualitas viam purgationis indicet? Docuimus, subsistentiam humoris evacuandi viam vacationis monstrare. Inclinationem, sive motum naturæ, si ipsa per se ipsam vacuare incipiat, eandem confirmare. Partem, per quam fit vacuatio, iter vacationis aut permittere, aut prohibere. Permittere, si sit ex albo *ἐνυφροσύων χάσιων*. Prohibere, si via sit insolita, aut minus apta atq; accommodata. Rogatur jam, an etiam expurgandorum humorum qualitas viam purgationis significet? Neg, sanè ridiculè. Sunt enim, *ἡγὰρ ἡ φαρμακοπώλαι ἐν περιόδῳ*, non pharmacopola de trivio: sed *ὄντως ἰατροί*, revera Medici, veluti Galenus comment. 3. in lib. *περὶ τροφῆς* loquitur, qui asseverant, humores tennes, calidos, & biliosos vomitu exturbandos esse. Crassos contrà atq; frigidos per alvum educendos. Rationem adferunt ex comment. aphor. 9. s. 4. quia illi leviores sunt: & facile sursum aguntur: hi graviores: ac proinde commodius extruduntur per intestinum rectum. Adferunt & auctoritatem Hippocratis: qui aphor. 4. sect. 4. jubet, ut æstate superiorem: hyeme inferiorem ventrem purgemus. Tunc enim, inquit Galenus in commento, flava bilis abundat: totaq; animalis natura propter ambientis caliditatem ad superiora movetur. Hyeme verò pituita prædominatur: qua deorsum vergit. Aphor. 6. sect. 4.

vult, ut graciles & facile vomentes per superna purgemus. Rationem dat Galenus in comm. quia magna ex parte graciles biliosi sunt. Aphor. 9. ejusdem sect. suadet, ut melancholicos plenius, sive fortius & vehementius infra vacuemus. Ad inferiora enim, ait Galenus in comment. humor melancholicus repit. Itaq; rectè ducitur, quò inclinat: praesertim cum locus inferior sit conveniens: hoc est, ignobilis, naturæ usitatus, ductibusq; per quos materia superflua transire possit, instructus. Verum ipsorum quidem humorum qualitas per se viam purgationis non indigitat. Rationes sunt duæ: I. quia axioma est therapeutica methodi, unum, quò unum, non nisi unum indicare posse. At si humorum qualitas per se viam indicaret purgationis, unum indicans non unum, sed duo indicaret. Consequentia patet inde: quia vitiosa qualitas humorum vel sui alterationem per contraria: vel si alterari, & ad convenientiorem naturæ statum reduci nequeat, sui expurgationem tantum indicat. Quod si eadem qualitas per naturam suam atq; essentiam etiam tò ubi, hoc est, viam, per quam vacuanda, indicaret, unum mehercule, quò unum, duo indicaret: nempe purgationem, & purgationis viam. Itaque peccans humor per suam essentiam vacuationem solum indicat: idem tamen etiam viam vacuationis insinuat: sed non per suam essentiam: verum per accidens aliquod, quod essentiam consequitur, nimirum per subsistentiam. II. quia si qualitas humorum per se viam purgationis patefaceret, biliosi sanè humores, quia leves, semper per os: pituitosi & melancholici, quia graves, deorsumq; vergentes perpetuò per alvum excernendi forent. Consequens absurdum esse ex antecedentibus constat. Dictum namq; ex Galeno, naturæ semper inclinationem observandam esse: & per eas vacuandum regiones, per quas natura vacuat, si sint conferentes. Atqui bilis sæpius à natura per alvum eicitur: ut videre est in diarrhæa & dysenteria biliosa: itemq; in quarundam biliosarum febrium ætiologia, quarum materia expurgatur κατω.

Contra, pituita non raro vacuatur per vomitum: sicut testatum faciunt, quib. ventriculus pituita scatet. Itaq; concludimus, biliosos humores habitus quidem atq; dispositos esse ad purgationem supernam: pituitosos vero & melancholicos ad infernam: has autem vias non ab ipsis: sed à loco, quo in subsistunt, indicari. Quæ doctrina non nostra, sed divini Hippocratis est. Nam aph. 18. sect. 4. scribit, dolores supra septum transversum, qui purgatione egent, per superiora purgandum significare. Qui vero infra sunt, per inferiora. Et aphor. 17. sect. 4. dicit, non febricitanti cibi fastidium, cordis, id est, oris ventriculi dolorem, quem *ναρδιω γρόν* appellat, vertiginem tenebricosam, orisq; amaritudinem purgatione per superna opus esse notare. Deniq; aphor. 20. ejusdem sect. docet, infernam requiri purgationem, si citra febrem adsint tormina, & genuum gravitas, & dolor lumborum. Quibus sanè verbis situm, sive sedem, & locum materiei morbificæ, quacumq; tandem sit, viam *ναρδιω* & nobis monstrare innuit. Cui sententiæ etiã Gal. subscribit l. 13. meth. med. c. 11. inquit, unde, & quomodo vacuatio facienda sit, locus affectus docet.

III.

Faciãtne aliquid ad notificandam purgationis viam anni tempus, regio, temperamentum, habitus corporis, ætas, sexus, consuetudo, præcedens victus ratio, & symptomata, de quibus patiens conqueritur? Viam quidem purgationis hæ circumstantiæ non indicant: earum tamen consideratio ad inveniendam viam minimè est inutilis. Quædam enim signa sunt dominantium in corpore humorum: ut anni tempus, regio, ætas, habitus corporis, & sexus. Quædam causæ: & vel internæ: ut temperamentum: vel externæ: ut vivendi ratio. Quædam naturæ inclinationem atq; momentum demonstrant: ut consuetudo. Quædam deniq; subsistentiam, sive situm noxiorum humorum significant: ut symptomata. Cognitis autem humoribus, eorumq; situ, & naturæ inclinatione explorata, statim etiam, per quam viam instituenda sit *καθάρσις* perspicitur.

IV.

Utra vacuatio violentior: purgatio, an vomitio? Instituenta hic comparatio in ima specie. Absolutè enim & simpliciter neutra dici potest violentior. Supponantur ergò vomitorium & dejectorium forte: idem cæli status: regio eadem: idem anni tempus: eadem temperatura: eadem ætas: sexus idem: eademq; corporis constitutio. Iam si queratur, utra vacuatio violentior sit, & plus laboris atq; molestia natura creet, respondemus vomitionem, sequentibus de causis. I. quia vomitio paucioribus convenit naturis: purgatio pluribus accommodari potest. II. quia vomitio non ea solum excitat symptomata, quæ fortis purgatio: sed præter hæc etiam venarum ruptiones, hernias, gûla, amygdalarû, faucium, oculorum, & capitis dolores, visus caliginem, auditus gravitatem, periculumq; suffocationis, si sit vehementior & crebrior, infert. III. quia vacuatio in vomitione non fit paulatim & pedetentim, quemadmodum in purgatione: sed assatim atque confertim: quod juxta aphor. 51. sect. 2. σφαλερόν, καὶ πολέμιον τῇ φύσει. IV. quia ventriculus, dum vomit, de propria sede exilit, assidentesq; partes, quibus annectitur, magna vi divellit: purgatio citra ejusmodi subversionem & divulsionem perficitur. V. quia vomitio ventriculum, qui magnum consensum cum principibus partibus habet, magis turbat atque exagitat, quàm purgatio. VI. quia citius ac facilius convulsiones excitat, quàm purgatio. Ratio est: quoniam humores omnis generis, atq; inter eos etiam acres atque mordentes, quales sunt atrabilarij, & eruginosi, ad ventriculum, ejusq; orificium, quod sensus est acutissimi, trahit. Cujus rei elegans exemplum Galenus comment. aphor. 1. sect. 5. proponit. VII. quia humores, quicunq; tandem sint, facilius deorsum, quàm sursum moventur. Omnes enim naturâ graves. VIII. quia vomitio fit per ventriculum, cujus tanta præstantia, ut Q. Serenus illum Regi comparare minimè vereatur. Purgatio per intestina: quæ cloaca sunt totius corporis. IX. quia ad vomitum vires majores:

mino-

minores ad alvi subductionem requiruntur. Quam ob causam Hippocrates superfluas humiditates in robustis tantum ἀνοδεν, supernè; in debilibus verò κατωδεν, infernè, vacuat. aphor. 6. sect. 7.

V.

Num prægnantibus mulieribus vomitio tuta? Facta conceptione, suppressisq; mensuris, primis mensibus frequenter quidem vomere gravidas animadvertimus. Verum hac vacuatio minimè imitanda videtur. Symptomatica enim est: non critica. Causa verò, cur vomitio vomitorijs instituta pharmacis, gravidis tuta non sit, varia est & multiplex. I. quia purgatio in ijs suspecta: idq; ob causas disput. 4. problem. 4. recensitas. Ergo & vomitio, illius species. II. quia ea purgationis species, quæ alvi subductio, sive dejectio appellatur, cautè & circumspectè, nec nisi magna urgente necessitate, in illis administranda: primis præsertim ultimisq; mensibus: nimirum propter rationes, quæ ibidem allatae. Itaq; multò magis vomitio formidanda. Ratio patet ex precedenti problem. quia vomitio alvi subductione violentior. III. quia in vomitione vehemens thoracis imiq; ventris compressio fit atq; concussio: quæ vincula, quibus fœtus utero adhæret, dirumpit, fœtumq; eicit: præsertim primis & postremis mensibus. Illis enim vincula admodum sunt mollia, tenera, atq; debilia. His verò fœtus est gravis: ita ut maturi fructus in modum facile excutiat. Quapropter concludimus, si gravis purgatione egerit, per alvum potius, quàm per os purgandas esse: ystamen observatis distinctionibus, quæ disp. 4. probl. 4. à nobis tradita.

VI.

An vomitus pro universali purgatione haberi possit? Universalis purgatio dicitur vel ratione subjecti, ex quo purgat: vel ratione materie, quam purgat. Prior ex universo corpore, aut maxima illius parte superfluitates educit: nimirum ex publica aliqua corporis regione. Posterior omnis generis humores detrahit.

Atqui vomition non tantum ventriculum : sed etiam partes vicinas : imò & distantes purgat : in prima scilicet secundaq; regione sitas : omnesq; humores, biliosos, pituitosos, melancholicos, serosos, imò & sanguinem ipsum vacuat. Quare non immerito pro universalipurgatione haberipotest. Utrumq; membrum minoris propositionis experientia probat : & veterum, cum primis verò Hippocratis atq; Galeni, authoritas confirmat. Experientia enim testatur, vomitum non solum in affectibus quibusdam ventriculi, dolore v. g. singultu, nausea, cibi fastidio, &c. sed etiam in agitudinibus capitis, quæ vel à ventriculo, vel à precordiorum impuritate ortum acceperunt, vertigine scilicet, cephalalgia, hemicrania, epilepsia, suffusione, incubo, melancholia hypochondriaca, &c. utilitatem prestare eximiam. Insuper etiam in nephritide, arthritide, ischiade, febribus inermittentibus, ac præcipuè tertianis & quartanis, ictero, καύσω, &c. commodare plurimum. In quibus sanè vitij & diversa sunt sedes laborantes, & distincti humores efficientes. Nostra sententiæ etiam authoritas Hippocratis favet. Nam & is omnis generis humores ex varijs corporis partibus vomitu expurgari concedit. Videatur lib. prognost. l. 1. prorrheticor. prædict. coac. aphor. 32. s. 5. & aphor. 37. s. 7. quibus in locis vomitionis pituitosa, biliosa, æruginosa, prasina, livida, nigra, rubra, omnigena, mentionem facit : quæ licet naturales solum sint, tamen etiam arte tales provocari queunt. Patrocinator quoque authoritas Galeni : qui & in προφυλάξει, & in δεξαπνία, non vacationis solum, sed etiam revulsionis causâ, ad varios humores varijs ex partibus eliciendos vomitione utitur. Consultatur cōm. 4. in l. de vict. acut. t. 110. l. 13. meth. c. 11. l. 1. ad Glauco. c. 10. 11. 12. 14. & 15. l. de ren. affect. c. 5. comm. 4. in l. de vict. acut. t. 6. l. de remed. fac. parabil. c. 23. l. 10. de comp. med. κ. τόπ. c. 2. comment. 2. in l. 6. epid. t. 9. & alibi. Cujus sententiæ subscribit Paulus l. 7. c. 10. itemq; Aetius tetr. 1. serm. 3. c. 119. ubi plurimos recenset affectus, diversas

obs.

obsidentes partes, & à diversis proficiscentes humoribus, quibus vomitio conducit.

VII.

An vomitio in omnibus, qui καθάρσει opus habent, locum inveniat? Quemadmodum illa καθάρσις, quæ per alvum fit subductionem, omnibus, κακοχολία licet laborantibus, accommodata non est: ut patet ex problem. 2. disputat. 1. ita neq; vomitio in omnibus administrari tuto potest. Hippocrates enim excludit ægrè vomentes, & ευσάγους, carnosos, aphor. 7. sect. 4. Rationem dat Oribasius l. 8. coll. c. 21. quia violenter difficulterque vomentibus non mediocriter periculum imminet, & venam aliquam rumpendi, & visum ledendi, & fauces, columellam, gulamq; dolore conficiendi, & aliquod aliud incommodum patiendi. Ineptos etiam ad vomitum pronunciat τὰς φθινώδεις, tabidos: aphor. 8. s. 4. hoc est, ut Galenus interpretatur, eos, qui vel morbum, φθὸν ἢ φθίσις Græcis appellatum, jam sustinent: vel ad eum naturâ proni sunt: quales sunt, quibus pectus aded est angustum, ut à tergo o-
perts scapulae in morem alarum promineant: unde etiā πτερυγώδεις, alati vocantur. Præterea quibus caput debile est, facileq; repletur: ac proinde organa respirationis crebris destillationibus vexat: teste Galeno comment. 1. in l. 1. epidem. t. 18. Idem Galenus à vomitu eos quoque arcet, qui citra φθὸν angustū pectus, compressumque pulmonem habent. Periculum enim subesse scribit, ne aliquod conceptaculum respirationi inserviens disrumpatur: lib. quos, quando, & c. purg. oportet. Reycit & illos, quibus ventriculus est ulceratus. In his enim, inquit lib. 5. meth. med. c. 11. pus tutius per alvum eluitur. Nam si vomitu expellere conemur, metus est, ne quod exulceratum jam, dilaceretur: & succus aliquis pravus ex vicinis partibus attrahatur. Neq; y ad vomitum apti atq; dispositi Galeno videntur, quibus regio abdominis um-

bilicalis, imusq; venter, ἡτρω Græcis dictus, qui umbilicum ac pudenda interjacet, extenuatus, & ad tabem, sive colliquationem quasi perductus comment. 2. aphor. 35. Ratio est quia tabes hæc non tantum est pinguedinis & cutis: sed vel imprimis musculorum abdominis, qui excretionis excrementorum imi ventris instrumenta sunt: authore Galeno l. 4. & 5. de us. part. Ideoq; si crassi fuerint atq; robusti, supernis & infernis purgationibus melius servient: sin extenuati & debiles, minus. Ad vomitum inhabiles etiam pronunciat Paulus l. 7. c. 10. eos, qui sanguinis laborant expuitione, & quibus periculum suffocationis imminet. Vasa siquidem pulmonis & pectoris rumpuntur magis: & suffocatione intereunt celerius, si vomuerint. Celsus l. 1. c. 3. vomitum ijs dissuadet, quibus corporis habitus est extenuatus vi morbi: & ventriculus admodum debilitatus. Ait enim vomitu ejusmodi ventriculum mirum in modum lancinare atq; convellere: ita ut illum tolerare nequeant. Aëtius tetr. 1. serm. 3. c. 119. contrarium esse dicit non modo naturis jam expositis, hæmoptoicis scilicet & quibus suffocationis discrimen adest: verum etiam ijs, qui nauseabundi sunt; qui sæpius in leipothymian incidunt: qui quavis ex occasione caput dolent: qui oculorum vexantur affectibus: qui suffusione laborant: deniq; quæ ex mulieribus uteriprehenduntur strangulatione. Fernelius his addit asthmate, dolore, aut inflammatione præcordiorum tentatos. Periculum enim aut suffocationis, aut cruentæ expuitionis, aut ruptionis impendere scribit. In his ergo omnibus vomitio locum non habet. Nam cogere eos, qui vomere nec possunt, nec debent, absurdum est, inquit Galenus l. 1. de loc. aff. c. 4. Contra legitimo adhibitamodo, & opportuno usurpato tempore, convenit facile vomentibus, gracilibus, biliosis, quibus pectus est amplum, collum breve, ventriculus robustus, thorax sanus, caput & oculi firmi.

An aliqua corporis humorumq; præparatio vomitioni præmittenda? Qui facile vomunt, cuiusmodi sunt graciles, & πικρὸχόλοι, nulla videntur opus habere præparatione. Bilius enim humor tenuis est: ideoq; ad motum facilis. Qui verò vomunt agrius, ut sunt phlegmatica & melancholica complexionis homines: & in quibus humores, qui vomitu excutiendi, crassi sunt, lenti, atq; visci di, præparatione egent: quæ attenuantibus, incidentibus, atque detergentibus potissimum perficitur. Veteres peculiari quadam ratione præparabant sumptuosos helleborum: quæ videatur apud Hippocratem aphor. 13. s. 4. Galenum comm. 4. aph. 13. lib. quos & c. purg. oportet. & Oribasium l. 8. coll. c. 1.

IX.

Vtrum vomitio stomacho jejuno, an cibis referto cienda? De hac questione non idem omnes sentiunt. Veteres ut plurimum vomitionem à cibo provocabant: quemadmodum patet ex l. 5. de us. part. c. 4. ubi priscos Medicos commēdat Galenus, quòd semel, aut bis in mense, sumpto cibo, vomitum præceperint. Et Oribas. l. 8. collect. c. 21. scribit, faciliorem fieri vomitum, si corpus cibis mediocriter sit repletum. Mediocriter dicit: quia qui nimis se explent, inquit idem, ita ventrem quoque implent, ut eum contrahere nullo modo possint: cuius tamen contractio ad vomitum est necessaria. Author lib. de sal. diat. quem Galenus Polybum, Hippocratis discipulum, esse credit, distinguit inter pingues & graciles. Pingues, sive crassos atque obesos, vult vomere jejunos, à cursu, aut cità ambulatione. Gracilibus verò atq; debilibus vomitum à pastu consulit. Causa forsane est: quia crassi vomunt agrè: uti docet Hippocr. aphor. 7. s. 4. graciles contrà: quemadmodum idem aphor. 6. s. 4. monet. Itaq; pinguibus tum imperandus vomitus, cum vomunt facilius. Facilius autem hoc faciunt, quando jejuni. Cibo enim saturati imum ventrem benè comprimere atque contrahere non valent. Sunt enim ventricosi per se: & prominent.

tiorem ventrem habent, cum victu referti. Gracilibus contra atque debilibus à pasta cienda vomitio: quoniam & his ea facilitanda. Causa est: quoniam & propter virium infirmitatem, & propter musculorum abdominis maciem, validè ventrem constringere nequeunt. Itaq; rectè à cibo vomunt: quia tunc vomitio faciliùs succedit. Nostra sententia est, vomitum jejuno ventriculo motum utiliore esse, quia efficacior. Supervacuum namq; humorem sincerum excutit. Vomitum verò post cibum proritatum faciliorem levioremq; esse: quia ventriculus cibi oneratus, & à vomitorio ad evacuandum stimulatus, promptè excernit ea, quæ fuerunt ingesta: & unà cum ijs etiam humores, qui molestias illi creabant. Itaq; habito respectu ad utilitatem, ante cibum vomendum: exemplo naturæ, quæ manè in cacochymis corporibus sæpè vomitiones movet. Jejunus quippe ventriculus noxiorum humorum incursione infestatur: qui in pastis benignitate cibi demulcentur. Exemplo artis, quæ jejunis alvum subducit. Considerata verò & expetita vomendi facilitate, post cibum vomendum: idq; propter causam allatam. A cibo enim non ita utiliter efficaciterq; vomitur, ac ante. Vsu quippe venit, ut vitiosus humor ventriculum stimulet, cogatq; cibum vomere, nec tamen ipse prodeat. Id quod Fernel. l. 3. meth. c. 3. duabus de causis fieri notat. I. cùm ventriculum extrinsecus tantum ferit: nondum tamen in ejus capacitatem penetravit. II. cùm lentore suo intus illi tenaciter adhærescit.

X.

Rectè ne faciant, qui dato alvi subductionis indicante, statim ad illius exequutionem accedunt, nulla corporis præparatione præmissa? Si nullus casus extraordinarius, qui necessitatis, urget, contra artis præscriptum eos facere arbitramur. Vt enim inferna purgatio tutò, citò, atq; jucundè procedat, necesse est, ut & via, per quas purgandum, sint aperta: & humores, qui purgandi, fluxiles sint, & ad deductionem dispositi. Vnde apparet,
duplici

duplici opus esse preparatione: una corporis, nempe viarum illius reclusionem: altera humorum: qui quatenus crassi, lenti, & glutinosi, attenuandi, incidendi, detergendi: quatenus calidi, acres, atq; mordaces, temperandi & mitigandi, sive leniendi & demulcendi. Atq; hæc est illa preparatio, de qua Hippocrates aph. 9. corpora cū quis purgare volet, fluxilia faciat oportet. Hac enim præmissa, purgatio, inquit Galenus in comment. rectè procedit in omnibus. Ea verò neglecta, purgatio fit difficilis, non sine torminibus interdum, & vertigine quadam, fastidioq; multo, & male pulsu, ac dissolutione.

XI.

Num præparatio, quæ purgationi præmittenda, internis tantum remediis perficiatur: an verò etiam externorum præsidiorum ministerium requiratur? Ex præcedenti problemate constat, preparationem consistere primum in reseratione viarum, per quas cathartici vis penetrare, & humores vitiosi transire necesse habent: hoc est, venarum atq; intestinorum. Deinde in attenuatione humorum crassorum: incisione & detersione glutinosorum: humectatione atq; emollitione siccorum durorumq; & contemperatione, sive mitigatione acrium atq; erodentium. Atqui non tantum interna remedium obstructas vias aperire, crassos humores attenuare, lentos incidere atque detergere, siccos humectare, duros & concretos emollire ac dissolvere, acres atq; mordaces lenire & temperare possunt: sed etiam externa, quæ topica dicuntur, tum universalia, tum particularia. Itaq; patet, externorum quoque præsidiorum ministerium ad preparationem requiri, si interna haud sufficienter preparare valeant. Locum verò ex remediis externis hic præcipue habent fomenta, unguenta, & balnea. Fomentorum tamen vis est efficacior, quam unguentorum. Altiùs enim subit, penetratque magis, Nam fomentum suo tepore, inquit Fernelius l. 3. meth. c. 13. ac vapore per spongiam partem quamvis concalefacit, nativumq; eius calorem erigit

erigit ac suscitatur: humores, qui ei præter naturam insident, & im-
pacti consopitiq; sunt, excitat, emollit, attenuat, colliquat, fluxiles-
que reddit, ut facile sequantur, quocunq; medicamentum trahet.
Quod si totum corpus crasso glutinosoq; humore sit perfusum, eum
nonnulli ante purgationem balneo, perinde atq; fomento, prepara-
re jubent: quo tamen non sudores proritentur: sed duntaxat va-
cuandus humor emolliatur, & liquefiat. Atq; hæc preparandi ra-
tio etiam priscis Medicina dictatoribus usitata fuit. Nam Galenus
l. 6. epidem. sect. 5. ut helleborus celerius & facilius purget, præter
humectantem victum etiam balneum præscribit: cuius tamen lo-
co Hippocrates quiete utitur: aphor. 13. sect. 4. Ratio extat l. 2. de
diæt. quia sicuti labor corpus siccatur: ita otium & quies illud hume-
ctat: & sic balnei vices agit.

Π Α Ρ Ε Ρ Γ Α.

I.

Vtrum infantes siccandi, cum excessum habere videantur in hu-
miditate? N. cum Galen. l. 1. de tuend. san. c. 7.

II.

Verumne illud sit Hippocratis, l. 6. epid. l. 3. quòd cutis raritas vé-
tris densitatem, sive consipationem causetur? A.

III.

An rectè Galenus nutricibus Veneris usu interdicat, lib. 1. de
tuend. san. c. 9? Rectissime.

IV.

Vtrum omnia, quæ dura, sicca sint: & quæ mollia humida? N.

V.

An frigidus ventriculus plus appetat, quàm possit concoquere:
nimis calidus appetat minus, quàm digerere valeat: temperatus verò
tantum appetat, quantum conficere queat? A. cum Galeno in *μ-
ετορίχ* c. 62. 63. & 85.

VI.

An appetitus cibi sit mensura: ita ut tantum illius sumere liceat
quantum appetitur? N. in intemperatis.

DISPUTATIO
DE
PURGATIONE

SEXTA:

*In inclyta Argentoratensium Acade-
mia ingenij exercendi gratia
proposita:*

PRÆSIDE

MELCHIORE SEBIZIO

Juniore : Doctore & Professore
Medico :

Respondente

ULRICO RIETMANNO
Lindaviensi.

ARGENTORATI

Typis JOANNIS REPPI,

ANNO MDCXXI.



*Prudentia, Dexteritate, plurimoq³ reru m
usu spectatissimis Viris,*

Dn. ALEXIO EGGERO, Senatori apud
Lindavienses dignissimo, æquissimo:

Dn. JOSAPHATO WEINLINO, Rei
apud eosdem Publ. Dicographo fide-
lissimo:

Dn. ULRICO EGGERO, Civi & Mer-
catori ibidem integerrimo:

*Avunculis, Cognato, Fautoribus suis qui
par est, animi cultu observandis,*

*Exercitium hoc Medicum
merito D. D. D.*

Ulricus Rietmannus, Resp



PROBLEMA I.

AN præparatio humorum expurgandorum rectè concoctio & digestio à practico appelletur? Noterium est, practicos præparationem, quam purgationi præmittunt, concoctionem, & digestionem nominare: illosq; syruos, julepos, & apozemata vocare digestiva, quæ oclusas vias recludunt, & humores ad feliciorē commodiorēq; evacuationem disponunt. Verum concoctio est improprie: proprie autem dispositio quadam peccantium humorum, ut facilius expurgari possint. Improperie concoctionem esse patet inde: quia præparatio hæc est artis: concoctio naturæ. Præparatio fit à principio externo: remediis scilicet aperientibus, attenuantibus, incidentibus, detergentibus, &c: concoctio à principio interno: proprio nimirum innatoq; calore: ut habet definitio Aristotelis l. 4. meteor. c. 2. Præparatio versatur circa humores vitiosos, qui eliminandi: concoctio circa res, quæ corporis inserviunt nutritioni. Præparatio dirigitur ad evacuationem, ut corpus reddatur purius: concoctio ad nutritionem. Præparatio est levis quadam humorum expurgandorum alteratio in qualitatibus primis & secundis: concoctio perfectio, siue absolutio temperamenti. Nam quando in misto corpore, quod jam per formam suam est constitutum, aliqua adhuc in temperamento est imperfectio, neq; humidum satis elaboratum, ut ad siccum, & reliquas qualitates justam habeat proportionem, si à calore proprio ac nativo humidum abundans cōsumatur; reliquum verò elaboretur, & ita cum sicco uniatur, quemadmodum misti natura postulat, coqui dicitur à philosophis. Præparatio crassos humores incidit atq; attenuat: concoctio juxta

Philosophum 4. met. c. 3. incrassat. Est ergò inter preparationem hanc & propriè dictam concoctionem notabile discrimen & in causa efficiente principali: & in instrumentali: & in materia: & in fine: & in forma: & in effectu. Huc accedit, quòd preparatio ad nullam concoctionis speciem referri possit. Tres enim Aristoteles l. 4. meteor. c. 3. tradit: Maturationem, Elixationem, & Assationem. At preparationem nullam earum esse, ex definitionibus singularum liquet. Itaq; qui vult cum vulgò loqui, & preparationem istam nuncupare $\pi\acute{\epsilon}\tau\eta\sigma\iota\varsigma$, loquatur sanè: dummodo sentiat cum doctis & peritis: & $\pi\acute{\epsilon}\tau\eta\sigma\iota\varsigma$ impropriè dictam esse statuatur.

II.

Num bilis flava aliqua ante purgationem opus habeat preparatione? Bilis vacuanda varia est & multiplex. Nam ratione consistentie alia crassa est, ut vitellina: alia tenuis, valdèq; fluxilis. Ratione temperamenti alia fervida est, acris, atque erodens: ut prasina, sive porracea, aruginosa, $\iota\sigma\alpha\tau\acute{\omega}\delta\eta\varsigma$, semglastea: alia mitior, nulla erodendi vi prädita: qualis in ictero cernitur. Ex quibus quæ tenuis est & mitior, nulla preparatione opus habere videtur. Illa enim propter tenuitatem & fluxibilitatem substantia promptè trahenti pharmaco, & expellenti nature cedit. Hæc verò cum corrodendi facultatis sit expers, partibus, quas transit, nullam parit molestiam. Crassa verò & valdè acris, antequam purgetur, præparanda. Illa quidem attenuantibus: v. g. syr. acetoso simpl. syr. de limon. oxysacch. simpl. syr. de cichor. syr. de endiv. syr. bizantin. admistis aquis convenientibus & appropriatis: utpote cichor. endiv. acetos. melon. gram. hord. taraxac. fragor. &c. vel apozemate ex rad. cichor. gramin. asparag. oxalid. herb. capill. ven. eupator. hepatic. sem. frigid. majorib. &c. Hæc verò lenientibus, mitigantibus, contemperantibus, sive demulcentibus: e. c. syr. violar. syr. nymph. syr. bugloss. syr. borrag. syr. granator. syr. rib. syr. de agresta, syr. auranc. syr. de portulaca, &c. cum

aq. viol.

aq. viol. nymph. acetos. portul. borrag. bugloss. lactuc. cichor. endiv.
&c. His enim fervor illius atque acrimonia obtunditur & fra-
natur.

III.

Vtrum præparandæ pituitæ crassæ & glutinosæ ca-
lida tantum: an verò etiam frigida convenient medica-
mina? Extra controversiam est, pituitam istam antepurgatio-
nis actum præparandam esse attenuantibus, incidentibus, atq; de-
tergentibus. Nam quia crassa, angustos venarum meatus transi-
re nequit: & quia glutinosa, lenta, ac viscida, parietibus vena-
rum, illarumq; partium, per quas educenda, tenaciter adhæret,
minimèq; trahenti pharmaco, & extrudenti naturæ obsecū datur.
Quam ob causam veteres Græci sua conficiebant apozemata,
πεποτισµατα ipsis appellata, quasi purgationibus prævias potiones
dicas: quòd catharticis viam quasi sternant. Verum cum vis
attenuatoria, incisoria, aperitiva, & deterfensoria non calidis tan-
tum insit simplicibus, acribus scil. amaris, salsis, atq; nitrosis: ve-
rum etiam quibusdam frigidis: v.g. aceto, succo limon. succo citri,
rad. cichor. rad. gramin. 4. seminib. frig. maior. endiv. hordeo; &c.
& ex compositis syr. acetos. simpl. oxysacch. simpl. syr. limon. syr. de
endiv. syr. de cichor. syr. bizant. cum aceto &c. haud immeritò
queritur, an in pituitæ præparatione etiam frigida hæc usurpari
queant? Ratio dubitationis videtur esse triplex. I. quia pituita
frigida est. Itaq; per legem contrarietatis calida illi competunt.
II. quia attenuanda, ut facilius evacuetur. Atqui frigida increas-
cant. III. quia Galenus quando frigidos, crudos, phlegmaticosq;
humores præparat, simplicibus utitur calidis; ysg; attenuantibus,
incidentibus, aperientibus, & detergentibus, in oxymelite, aut
melicrato decoctis: nempe hyssopo, origano, calamintha, pulegio,
tragorigano, thymo, satureia, thymbra &c. quemadmodum tum
ex locis alijs, tum ex l. quos &c. purgare oportet: nec non ex l. de
cur. rat. per S. M. c. 12. & 18. & comment. I. aphor. 24. patet. Arbi-

tramus, Maximam illam de contrarietate remediorum temerè violandam non esse. Non enim in morbis tantum locum habet: sed etiam in causis eorum, & symptomatibus: ut pulchrè ostendit Galenus lib. II. meth. med. c. 12. Utendum ergo calidis, cum pituita in morbis frigidis, v. g. paralysi, colica, caro, asthmate, spasmò &c. tempore hyberno, regione frigida, & natura frigida preparanda: e. c. syr. è duab. & quinq; radic. syr. de beton. syr. de stæchade, syr. capill. ven. syr. de absinth. syr. de hyssop. syr. de calaminth. cum aq. fœnic. apij, petrosel. hyssop. beton. &c. vel apozemate ex rad. s. aperit. rad. helen. angel. pimpinell. iridis, herb. hyssop. orig. calam. satur. thym. puleg. serpyll. chamædr. chamæpith. beton. cent. min. &c. additis syrupis commemoratis. Sic enim preparantia & affectibus præter naturam: & excessui subiecti patientis opponuntur. Utendum verò frigidis, cum pituita alicujus febris, æstivo tempore, in regione calida, calidaq; temperatura causa existit. Hac namque ratione & ipsa causa preparatur: quia dictum antea, etiam multa frigida vi attenuandi, incidendi, aperiendi, detergendiq; pollere: & ratio etiam anni temporis, regionis, naturæq; decumbentis habetur. Ad primam verò rationem in oppositum allatam respondemus, non tam pituitæ frigiditatem, quàm crassitiem & lentorem emendari, cum ad expurgationem preparatur. Itaq; & tùm contrarietatis legem observari, cum illius crassities & visciditas attenuatur, inciditur, atq; abstergitur: siue hoc calidis, siue frigidis perficiatur pharmacis. Ad secundam dicimus, frigoris quidem per se, & in sua natura considerati, esse in crassare: sicuti caloris attenuare: nil tamen obstare, quo minus frigida quedam tùm simplicia, tùm composita, non quidem frigiditatis, sed tenuitatis substantiæ suæ causâ facultatem incidendi attenuandiq; habeant. Nam cum tenuium sint partium, facile se in crassam pituitam insinuant, ejusq; partes compactas divellunt. Ad tertiam responsio patet ex modò dictis. Galenus, quando frigidos, crudos, phlegmaticosq; humores preparat, ut plurimum quidē

dem calefacientia adhibet: quia & ad causam, & ad affectum frigidum inde natum respicit. Aliquando tamen etiam refrigerantibus utitur: sed incidentibus simul atq; extenuantibus: si cruditas illa feбри occasione dedit. Sic enim materiam ad evacuationem disponit, habilemque reddit: & febrim tamen minimè auget. Cujus rei exemplum habemus l. 12. meth. med. c. 3. ubi de curatione eorum agit, qui ex summa crudorum succorum copia febricitantes. Syncope facilimè corripuntur. Inter cetera enim praesidiorum genera ad apertionem, abstersionem, incisionem, & attenuationem etiam oxymel simplex, quod ex aqua, aceto, & melle paratur, usurpat: neq; aceti ratione formidandum esse monet. Esse enim illud sic affectis minimè incommodum. Praclarum quoque sese exemplum apud Avicennam offert in tract. de syr. acetoso c. 2. ubi inter cetera princeps scribit, accommodatum valde hunc esse syrupum ijs, qui ex crasso lentoq; phlegmate febricitant: eò quòd non solum ipsius causa curam gerat, quam incidit, attenuat, atq; abstergit: verum etiam febris, cujus incendium extinguit. Quod si, subdit idem, solertes quandoq; Medici concedunt, ut per exhibitionem alicujus medicina augeatur caliditas febrilis: dummodò per eam causa illius tollatur: multò certè promptius, multòq; celerius Syrupus acetosus offerendus erit: ut qui & febris obtundat fervorem, & materiam ejus, eo, quo comprehensum, modo praearet. Paratur enim ut ex cap. 1. eiusdem tractatus apparet, ex aqua, aceto, & saccharo. Itaq; ratione aquae & aceti refrigerat: ratione aceti aperit, incidit, & subtiliat: ratione deniq; sacchari detergit. Probat enim Avicenna illorum Medicorum sententiam, qui in dispensatione hujus syrupi loco mellis saccharum eligunt: eò quòd melli in calore cedat: neq; ita facile, ut mel, in calidis corporibus bilesat.

IV.

An praeparatio humoris melancholici & atræ bilis iisdem peragatur medicamentis? Medicamenta utrumque humo-

humorem preparantia vim quidem attenuandi, incidendi, & humectandi habere tenentur: quia uterq; crassus est, siccus, & terrenus. Est enim succus melancholicus juxta Galenum l. 2. de temperam. c. 3. & l. de atrabile c. 3. veluti sedimentum & limus sanguinis. Atra verò bilis tanquam cinis quidam, & fax usta: quemadmodum idem l. 2. de nat. fac. c. 9. loquitur. At quæ humorem melancholicum preparant, moderatè calida esse debent: quia ipse frigidus est: Gal. l. 2. de temperam. c. 3. Quæ verò atram bilem præparant, frigida: quoniam ipsa calida. Est enim uniuscujusq; humoris torrefacti veluti cinis: teste Avicenna l. 1. can. fen. 1. doctr. 4. c. 1. & l. 4. can. fen. 1. tract. 2. c. 62. Nam generatur & ex humore melancholico adusto: & ex bile torrefacta; Gal. l. de atrabile c. 3. & ex sanguine supra modum assato: ibid. c. 4. & l. 2. de febr. diff. c. 9. & ex pituita tosta: Avicen. loc. alleg. Itaq; ad succum melancholicum præparandum apti sunt Iulepi ex syr. de fumar. syr. de scolopendr. syr. de lupul. syr. de polypod. syr. de melissophyll. syr. de epith. cum aq. fumar. ling. cervin. lupul. cusc. asplen. flor. genistæ, meliss. Ad atram verò bilem præparandam idonei sunt illi qui ex syr. de pomis redolentib. syr. borrag. syr. bugloss. syr. viol. syr. bizant. cum aceto, aq. borrag. bugl. viol. nymph. cich. endiv. acetos. &c. conficiuntur.

V.

Sint ne præparantibus illa præmittenda medicamina, quæ lenitiva vulgò, aliàs *ελαφροειδή*, quod primas vias mūdicent, appellātur? Si in nostro positum est arbitrio, purgationem aliquantisper procrastinare, lenitiva præparantibus utiliter præmittuntur seqq. de causis. I. ut cloacæ primarum viarum expurgatæ citius & facilius ad præparandam materiam penetrent. II. ut, quantum licet, viribus ad eam penetrent salvis & integris. Obtundi namq; & hebetari possunt ab illuvie excrementorum primarum viarum. III. ne, cum ob tenuitatem substantiæ altè penetrent, sordes secum rapiant, inq; genus venosum deferant: sicque obstructions, quæ reseranda, augeant.

An tenues humores, quales sunt serofi & biliosi, ante purgationem incrassandi? Agentem defendit Avicenna l. 4. Can. fen. i. tract. 2. c. 7. ubi de generali putridarum febrium curatione agit. Inquit enim, genericam harum febrium *δεσπτερ* versari circa duo: nimirum circa febrem ipsam: & circa illius materiam. Ratione febris opus esse refrigeratione: ratione verò materiei digestionem, siue maturatione & concoctione, aut evacuatione. Digestionem verò perfici duobus remediorum generibus: vel attenuantibus, si materia sit crassa: vel incrassantibus, si tenuis. Quae sententia s. stabiliri potest rationibus. I. quia omnis concoctio iuxta Aristotelem l. 4. meteor. c. 3. fit incrassando. II. quia problem. 2. dictum, acrem calidamq; bilem, quae tenuis, preparanda esse refrigerantibus. At qui hac incrassant. III. quia eadē videtur esse ratio in purgatione, quae in excreatione. Nā quemadmodum parum admodum expuitur, licet tussiat valide, si materia valde tenuis sit, aut tenax atq; crassa: multum contra, si mediocriter sese habeat: h. e. neq; tenuis admodum, neq; crassa, aut lenta nimis existat. Quae enim tussie eiciuntur ex pulmonibus, non nisi per plurimum spiritum eiciuntur. At qui tenues humores, cum sublevati sunt, inter tussendum à spiritu divisi retrò fluunt: lenti verò, aut valde crassi difficulter efferuntur: utpote qui non tam facile à corporibus, quibus impacti sunt, abstergi: neq; etiam à quavis occurrentis spiritus violentia impelli possint. Nisi enim spiritus, qui tussiendo effertur, & multus, & vehemens fuerit, nihil secum educet: authore Galeno lib. 4. de loc. aff. c. 8. Ita commodius & facilius illi humores per alvum expurgantur, qui neq; admodum tenues: neq; nimis crassi: sed in substantia sunt mediocres. IV. quia practici tenues humores capitis in pulmones & petus destillantes crassiores reddunt. V. quia natura in morbis biliosos bilem non in principio, quo tenuis & cruda est; sed in fine vigoris, aut principio declinationis expellit, quando cocta, & per

consequens crassior facta. Proinde idem institutum Medico etiam imitandum: & antequam bilem educat, incrassanda. Vnde Galenus lib. de art. constit. c. 19. monet, crassum lentumq; humorem attenuandum esse: tenuem verò crassiorem faciendum. Contra negantem tuentur Averroës l. 7. coll. c. 9. Falloppius in tract. de med. purg. simpl. c. 5. Fernelius l. 3. meth. c. 12. & Fuchsius in Instit. l. 2. s. 5. c. 19 quorum sententia suffragamur: dicimusq; tenues humores ante purgationem neutiquam incrassandos esse. Rationes sunt sequentes: I. quia finis preparationis est, ut corpus fluidum fiat. Fluidum autem sit, inquit Galen. comment. 2. aphor. 9. si non solum obstructæ via aperiantur: sed etiam crassi glutinosiq; humores attenuentur & incidantur. Itaq; si crassi humores propterea attenuandi sunt, ut purgatio facile feliciterq; succedat: tenues certè nequaquam incrassandi erunt: quia ijs incrassatis, corpus minimè fluidum fiet. II. quia tenues humores maximè sunt fluidi: adeoq; ad evacuationem prompti atq; parati, modò via, per quas transire debent, sint aperte. Crassi contrà ad motum segnes atq; difficiles: id quod Hippocrates l. de nat. hum. & Galenus l. 14. meth. med. c. 17. l. de purg. med. c. 3. l. 2. de elem. c. 4. l. 3. simpl. c. 27. nec non comment. 3. in prognost. Hippocr. t. 23. ostendunt. Quare illi quidem non incrassandi. In purgationibus enim tales decet esse humores, qui trahenti pharmaco facile cedant, ejusq; impetum promptè sequantur. III. quia in contrarijs contraria est ratio. Ergò si crassi humores subtiliandi: tenues nullo modo incrassandi. Ad primam verò rationem pro agente responsio patet ex probl. 1. quo probatum, preparationem humorū purgationi præmissam concoctionem propriè non esse. Itaq; necesse non est, ut ad imitationem naturæ concoquentis incrassentur. Ad secundam. Dictum fuit probl. 3. non omnia frigida medicamina incrassare: sed quedam etiam attenuare: quæ scil. tenuem subtilemq; substantiā habent. Ad tertiam. Dispar est excreationis & purgationis ratio. Illa enim impulsu fit aëris, ad quem debita eius, quod expellendum

lendum, resistanti requiritur; quæ sanè in mediocritate substantiæ consistit. Hac verò attractoria cathartici medicaminis, & expultrice facultate perficitur. Ideòq; quò tenuior ac mobilior fuerit humor, eò facilius à pharmaco per angustos meatus trahetur, expeditiusq; expelletur. Ad quartam. Dispar rursus est ratio. Nam tenues humores, qui à capite in pectus delabuntur, non eum in finem crassefiunt à medendi artificibus, ut evacuentur facilius: sed ut in capite maneant, neq; amplius destillent, molestiasq; homini pariant: tussim v. g. vigilias, spirandi difficultatem, exesionem pulmonum &c. At tenues humores, de quibus impræsentiarum nobis est sermo, in corpore manere non debent: sed per pharmacum expurgari. Itaq; non, ut illi, increassandi. Ratio est: quia quò tenuiores liquidioresq; sunt, eò ad effluendum sunt aptiores. Quò crassiores, eò imparatiores. Ad quintam. Fallacia committitur à non causâ ut causâ. Causa enim, quòd bilis in progressu morbi facile excernatur, non est, quòd crassior facta: sed quòd concocta, victa, & ab utilibus humoribus separata: quòdq; natura eam prorsus vacuare contendat. Quod si natura bilem citra increassationem concoquere posset, faceret utiq;: quoniam ad evacuationem eam postea haberet faciliorem promptioremq;. Itaq; hæc bilis increassatio, quæ præter primam ac præcipuam naturæ fit intentionem, in ejus præparatione imitanda non est: tum quia præparatio non est concoctio: tum quia is est præparationis scopus, ut humores citò, tutò, atq; jucundè expurgari possint. Sic autem expurgantur, non cùm increassati: sed cùm attenuati, incisi, detergi, aut mitigati, si fuerunt acriores: cùmq; via, per quas educendi, patefactæ. Galeni verò locum ex l. de constit. art. c. 19. adductum quòd attinet, dicimus, eum impertinenter admodum ad probationem Dioscori affirmantis adhiberi. Non enim Galenus de præparatione humorum evacuandorum: sed de alteratione, & in statum naturalem reductione eorum loquitur, qui in corpore retinendi.

VII.

An aliqua temporum morbi in præscriptione purgationis habenda ratio? Nulla videtur empiricis. Ideoque quovis morbi tempore eos purgare videmus. Ratio ipsis subministrari posset quadruplex. I. quia tempus morbi ex indicantium proprie dictorum numero non est: quemadmodum planum fecimus problem. 3. diss. de ven. sect. 27. II. quia spontaneas fieri evacuationes quovis morbi tempore observamus. III. quia nil refert, quo tempore purgetur: dummodo causa morbi tollatur. IV. quia magis ad indicantem *κακοχολίαν*, quæ quovis tempore adest, respiciendum, quàm ad circumstantias externas. Verum longè aliter sentiunt, qui rationalium dogmaticorumq; Medicorum schoolam sectantur: uti ostendimus. Itaque ad primum argumentum respondemus: licet morbi tempus indicans non sit: signum tamen esse & dispositionis humorum morbificorum: & virium naturæ cum illis decertantis. Nam in principio morborum humores adhuc sunt crudi: in augmento rudimentum solum *πρωτόν* apparet: in vigore maxima naturæ lucta est cum humoribus & morbo: & ut plurimum natura ipsa humores extrudere satagit: in declinatione vis naturæ est defatigata: morbusq; & morbifici humores victi atq; edomiti. Itaq; etsi morbi tempora per se ipsa nihil indicent: signa tamen sunt eorum, quæ vel permittere, vel prohibere purgationem possunt. Ad secundum. Spontaneæ evacuationes sunt duplices: critica & symptomaticæ. Ex quibus critica solum imitandas censemus: quòd cum *ἐν οἷῳ* fiant agrotantis: nequaquam symptomaticas: quòd illum nihil juvent. At qui critica non quovis morbi tempore: sed vel in vigore: vel in principio declinationis, quo humores morbifici sunt concocti, fieri solent. Nūquam enim in principio fiunt: quia materia adhuc est cruda. Natura autem in more positum habet, ut primum coquat: deinde mala à bonis secernat: tandem illa excernat. Vnde Hippocrates excretionem in principijs morborum factas, utpote symptomaticas, perpetuè

perpetuò damnat: quemadmodum constat ex aphor. 22. §. 4. In cuius commento Galenus quæ diximus, egregiè confirmat his verbis: quando aliquis incipit morbus, si quid excernitur, nihil tunc excernitur ratione naturæ: sed omnia sunt symptomata eorum affectuum, qui sunt præter naturam in corpore. Quo enim tempore natura à causis morbificis gravatur: adest autem cruditas humorum, tunc aliquid benè evacuari est impossibile. Nam oportet reire πείψιν, coctionem: subsequi διάκρισιν, secretionem: & tandem supervenire ἐκκρίσιν, excretionem, ut bona & salutaris sit κρίσις. Id quod & Hippocratem docuisse testatur l. 1. epid. §. 2. constit. temp. 1. hunc in modum scribentem: coctiones κρίσεως celeritatem, salutis & securitatem significant. Cruda verò, & inconcocta, & in malos abscessus conversa, aut κρίσεως carentiā, aut dolores, aut longitudo, aut mortem, aut malorum eorundem recidivas, portendere. Quando ergo, subdit idem Galenus, post morbi coctionem aliquis humor vitiosus excernitur, corpus à natura expurgatur criticè. Cum v. excernitur sine prægressis concoctionis signis, casus est exitialis. Quare cum in morbi principio semper sint signa cruditatis, mala semper erit talium humorum evacuatio. Hactenus Galenus. Ad tertium. Imò refert plurimum, quo tempore purgetur in morbis. Neq; causa morbifica quovis tempore eximi potest. Non enim semper adminiculantem naturam habet Medicus: sed tum solum, cum materia est cocta, & à reliqua humorū massa segregata. Aliàs aut parum purgat: aut non purgat quæ purganda: aut utilia unà cum inutilibus purgat: aut magna cum molestia, gravibusq; symptomatibus purgat: naturamq; suo ab officio avocat: & vires tantum frangit; quæ tamen summe necessaria: ut natura hosti resistere, & victoriā tandem reportare queat. Ad quartum. In legitimo remediorum usu non solum attendenda præsentia indicantis: sed etiam absentia prohibentis: diligenterque perpendendum, an id, quod v. g. à materia morbifica indicatur, etiam ab alijs permittatur. Sæpè enim tanta vis est rei prohi-

bentis, quanta indicantis. Sic licet *ναυροχopia* semper adsit in mor-
bis ex ea genitis, adeoque ab illa purgatio indicetur: non semper ta-
men, & quovis morbi tempore ad illius executionem accedere fas
est. Multa enim illam prohibere possunt: nimirum materia, natu-
ra, via, & virtus. Materia, quia adhuc cruda, & nondum se-
questrata. Natura, quoniam circa materiei coctionem & seque-
strationem occupata. Via, quia clausa & intercepta. Virtus,
quia debilior, quam ut purgationem sufficientem ferre queat.

VIII.

Vtrum in morbi principio purgare liceat? De tempo-
re purgationis differere necessarium summè est. Rectè enim fit,
quod fit opportunè. Et medicina, inquit Poëta, convenienti data
tempore prodest: non apto exhibita, nocet. Quam ob causam Hip-
pocrates in limine statim suorum aphorismorum *ἐν χρόνῳ*, occasionis,
quæ, ut Cicero monet, illa temporis pars est, quæ in se alicujus rei
idoneam faciendi, aut non faciendi opportunitatem continet, me-
minit: tacitè innuens, magnam illius rationem habendam esse.
Ad quæsitum ergo respondemus duplici, adhibita distinctione: una
purgantium: altera casus. Quantum ad purgantia attinet, roga-
tur hîc non de lenitivis, & *καταπραυντικαῖς*, quæ primas, duntaxat
vias purificant, & ultra hepar vires suas non exerunt: multoque
minus peccantem materiam, quæ in vasis delitescit, attingunt.
Hæc enim etiam in principio usurpari posse omnibus est in confesso:
quod vias, per quas morbifica materia ducenda, reddant liberas:
ipsamque naturam non nihil exonerent: quæ exonerata ad morbifi-
cos humores tum concoquendos, tum expellendos fit promptior atque
alacrior. Sed de solutivis, quæ trahunt è longinquo, & humores
morbum creantes aggrediuntur. Hæc igitur in casu quidem
extraordinario, & necessitatis admittunt artis dictatores:
quemadmodum sequenti disputatione *τὸν δὲ* exponemus. In or-
dinario verò & regulari nequaquam. Testes sunt Hippocrates
aphor. 22. sect. 1. aphor. 24. sect. 1. & in lib. de vict. acut. Galenus in
comm.

comm. aphor. alleg. & comment. 4. in l. de vict. ac. t. 38. Oribasius l. 7. collect. c. 23. & l. 1. synops. c. 16. Aëtius tetr. 1. serm. 3. c. 23. Avicenna l. 4. can. fen. 1. tract. 2. c. 7. Neq; desunt rationes. I. est: quia materia in principio morbi cruda est: quam natura, cujus adiutor & imitator Medicus esse debet, concoquere, & ad statum meliorem reducere; non expellere studet. Itaq; si Medicus purgaret, naturam minimè haberet adminiculantem: cū tamen utriusq; principij actio ad purgationem requiratur: nimirum tractio medicamentipurgantis, & expulsio naturæ. Habet autem illam adiutricem, si concoctione facta purget. Nam & ipsa post coctiones & humores solet separare, & superfluitates excernere: quemadmodum eradite & eleganter Galenus docet comm. 1. aphor. 22. & ex parte l. 1. de Crisib. c. 9. II. quia in principio nihil notatu dignū educitur. Causa est: quoniam humores adhuc sunt crudi: & consequenter pigri, atq; ad motum inepti: idq; propter crassitiem & frigiditatem: teste Galeno l. 4. de tuend. san. c. 5. III. quia humores in principio, cum crudi sint, ac proinde stabiles atq; fixi, difficulter tractibus purgantium medicaminū obediunt: Galenus l. 1. de cris. c. 9. IV. quia purgatio in principio labriosa est atque molesta: utpote cum torminibus, rosionibus, animiq; deliquiis conjuncta: idq; propter cruditatem humorum, qui agrè cedunt: Galen. l. 4. de san. tuend. c. 5. V. quia non ipsi modò non educuntur: sed etiam alios, quò minus evacuentur, impediunt. Ratio est: quoniam propter cruditatem & crassitiem omnes angustas vias obstruunt: per quas id, quod medicamentum deijcit, ad alvum ferri debet: Galenus ibid. VI. quia Hippocrates inflammationum exemplo ostendit, quàm inepta sit purgatio in principio. Videatur probl. 3: disp. 3. de purg. ubi verba Hipp. ex lib. de vict. acut. recitata: quæ Galenus in comm. 4. illius libri t. 22. nec non l. 1. de cris. c. 9. repetit. VII. quia purgatio in principio administrata naturam à suo officio avocat, vires frangit, ut facile postea succūbant.

cumbant, & morbum vel planè non, vel non nisi longo tempore vincere possint: humores denique, qui adhuc confusi, magis confundit, turbat, & si vehementior sit, non minus utiles, quàm inutiles extrahit.

Π Α Ρ Ε Ρ Τ Α

I.

An juvenile corpus robore, & viribus superet virile? A.

II.

Vtrum χύλωσις & αἱμάτωσις rectiùs generationes, quàm concoctiones dicantur? A.

III.

Rectène dicat Hippocrates l. 2. de diæt. segnitiam & otium corpus humectare & debilitare: laborem contrà illud siccare, & robustius reddere? A.

IV.

Num approbandum illud Galeni l. de cur. rat. per S. M. c. 7. crapulae & gulæ deditos neque purgandos, neque alia ratione vacuandos esse? A. quia redeunt ad pristinum, sicut canes ad vomitum. Itaque oleum & opera perditur.

V.

An verùm illud Celsi & Plinii, sale, sole, & siti hydrops curatur? D.

VI.

An Aristoteles l. 2. de an. c. 3. famem rectè appetitū calidi & sicci: sitim contrà frigidi atque humidi definiat? A.

F I N I S.

18

DISPUTATIO
DE
PURGATIONE

SEPTIMA:

*In inclyta Argentoratensium Acade-
mia ingenij exercendi gratiâ
proposita:*

P R Æ S I D E

MELCHIORE SEBIZIO

Juniore : Doctore & Professore
Medico :

Respondente

M. JOHANNE JACOBO FABRO
Kyrnâ-Hunno.

ARGENTORATI

Typis JOANNIS REPLI,

ANNO MDCXXI.



VIRIS

GENERIS SPLENDORE, AM-
PLITUDE, PRUDENTIA, VIRTUTUM
laude & integritate eminentissimis, pervetustæ, liberæ, & im-
perialis Reipubl. Vormatiensis, Scholarchis, Protocoss.
ac Tredecimviris laudatissimis:

DN. JOHANNI CHRISTOPHORO Weber/
von Wormbs / SENIORI exoptatiss:

DN. JOHANNI Stephann:

DN. MICHAELI STROMERO:

NEC NON

Speçtatissimo, Integerrimoq; Viro,

DN. NICOLAO SCHIPPELIO, Consuli ibid. me-
ritiss. Agnato honorando:

UT ET

Eruditionis & doctrinæ excellentiâ insignibus,

DN. NICOLAO PARMANNO, Doctori Medi-
co eximio:

DN. FRIDERICO FLACHT, Philos. ac Med. Do-
ctori excellentissimo,

Μελέτημα Ἰωσὴφ Μοδίμου

*In grata mentis μνημόσυον, & observantiæ
debitæ τεκμήριον*

*Dn. Fautoribus, Promotoribus & Patronis
devotè suspiciendis*

Confecro & inscribo

M. JOHANNES JACOBUS FABER.

P R O B L E M A I.



Non augmento morbi purgandum? *Hic rursus nobis non de mitioribus illis catharticiis sermo est, quorum vis ultra hepar sese minimè extendit; neq; de his humoribus verba nunc facimus, qui in ventriculo, intestinis, mesenterio, cavo jecoris, liene, locisq; vicinis continentur. Hic enim dictis catharticiis & in principio, & in augmento morbi expurgari possunt. I. quia ipsi evacuatis, via steruitur humoribus morbificis, qui, concocti si fuerint, vel à naturâ, vel à Medico, vel ab utroq; agente per loca enumerata educendi. II. quia natura non nihil exoneratur. Ideòq; ad humores morbificos tum maturandos, tum expellendos, promptior fit atq; alacrior. III. quia frustra illorum expectatur concoctio. Consistunt enim in vis primis. Itaq; concoctionis eorum indicia in urinis minimè apparent. Est namq; urina illorum potissimum succorum signum, qui in vasis sunt siti. IV. quia concoctio eorum non magnoperè necessaria videtur. Facile siquidem in alvum deturbari queunt: cum via, per quas transire necesse habent, sint breves, expeditæ, satisq; amplex: aut amplis saltem valdè propinqua. V. quia à bono sanguine ferè sunt secreti. Quare & in principio, & in augmento, & in vigoris initio expurgari possunt. Si tamen crassi sint atq; lentì, priùs attenuantibus & detergentibus preparandi: & si via fortè sint obstructæ, reserande. Sed disputatio nobis jam est de humoribus in majoribus vasis conclusis, aut circum hac aliqua sede coercitis: deq; catharticiis, quæ purgant validius, quæq; istos humores attingunt. His ergò in augmento morbi utendum non esse, inde constat: quia humores nondum integrè sunt concocti. Exquisita namq; eorum concoctio non apparet, nisi tempore vigoris, sive status: teste Galeno l. 3. de crisib. c. 5. At qui πένονα δὲ φαρμακείαν καὶ κινείαν, πρὶν ὥμα, inquit Hipp. aphor. 22. s. 1. concocta medicari & movere decet: non cruda. Hæc enim purgantibus minimè cedunt, neq; à natura excernuntur. Itaq; si purgatio*

eorum tentetur, gravia excitantur symptomata: uti problem. ult. disp. 6. monstratum. Præterea in augmento natura cum morbo descendit in arenam, pugnamq. cum eo inire incipit: hocq. unum intendit, ut morbificos humores coquat, secernat, tandemq. excernat. Quare hoc illius studium minimè turbandum, aut impediendum intempestiva cæpendia: sed modis & rationibus cunctis imitandum, juvandum, promovendūq. Medico: siquidem imitator, adjutor, atq. minister natura audire velit. Denique crescente morbo etiam symptomata invalescunt: quorum causâ natura haud mediocriter fatigatur, debilitaturq. Non ergo purgantibus lassanda, enervandaq. magis: sed roboranda potius, & suo in instituto confirmanda: ut, quod intendit, obtinere: ipsamq. reportare victoriam queat.

II.

An in vigore morbi purgandum? Quemadmodum quodlibet anni tempus in principium, medium, & finem dividi solet: sic haud absurdè quodvis etiam morbi tempus discesci potest: velut colligitur ex Gal. l. de tempor. morb. c. 5. In fine ergo vigoris purgari posse authores concedunt. I. quia morbifica materia cocta, & à reliqua humorum massa puriore secreta. II. quia natura ipsa ut plurimum eo tempore excretiones molitur: quemadmodum Galenus passim in libris de crisi bus ostendit. Habet ergo Medicus tunc temporis naturam adimiculantem. In vigoris autè principio & medio purgationibus interdicit. I. quia Hippocrates scribit aphor. 29. sect. 1. *ἰσὺν ἀνταρθεῖν ἡσυχίαν ἔχειν βέλτιον εἶναι*, vigentibus morbis quiescere melius esse. Ratio est: quia Gal. l. 3. de crisi b. & comm. 2. aphor. 29. ait, in vigore morborum coctiones maximè fieri. Itaq. natura ab opere suo minimè distrahenda. II. quia adhuc dubium, per quam viam natura vacationem molitura sit: cuius tamen motum & inclinationem, siquidem sit idonea, sequi Medicus tenetur: authore Galeno comm. 1. aph. 21. juxta illud Hippocratis: quæ educere oportet, quò maximè vergere

vergere videntur, ducito. Aphor. 21. §. 1. III. quia natura accerrimè cum morbo, ejusq; causa luctatur: hancq; ob causam fatigatur maximè. Quapropter non fatiganda magis catharticiis medicaminibus videntur.

III.

Utrum purgandum in morbi declinatione? Pro negante adferri possent rationes sequentes. I. quia Galenus comment. 2. aphor. 20. dicit, superfluum esse, vacuare, quando natura jam concoxit, cum propter alia: tum quia vis animalis maxima ex parte eo tempore est fatigata. At qui iam in vigore concoxit: ut supra ex l. 3. de crisib. c. 5. significavimus: mirumq; in modum propter prægressum certamen, quod potissimum vigoris tempore cum hoste suo sustinuit, est delassata. II. quia natura ipsa judicare solet. Sed quæ judicantur, & judicata sunt, non movenda: judicio Hippocratis aphor. 20. sect. 1. III. quia in declinatione natura facta superior: morbumq; vicit. Ideoq; nulla vacuatione opus videtur. Fieri enim nequit, inquit Galenus l. 3. de crisibus c. 5. ut in declinatione ager moriatur. Verum distinctè nobis respondendum videtur. Nam non in quavis declinationis parte: sed tantum in illius principio: & quidem tum solum purgandum censemus, cum natura vel prorsus non judicat: vel imperfectè saltem judicat. Etenim si natura non iudicat, cum tamen ea sit morbi ratio, ut per alvum judicare deberet: licet mitiora remissioraq; omnia sint symptomata, purgante pharmaco materiam morbificam eximere decet: revocantes in memoriam illud, quod ab Hippocrate aphor. 27. sect. 2 scriptum: *ἢς, quæ præter rationem levant, nimirum, ut Galenus explicat in commento, sine manifesta aliqua vacuatione per sudorem, vomitum, alvi excretionem, aut sanguinis profluvium, minimè fidendum. Cum enim causa adhuc persistat, recidivam minari, pejùsq; reverti consueverunt. Huc accedit & illa ratio: quoniam natura à artis beneficio aliqua humorum sarcina, qua gravabatur, sublevata, sæpè ad officium redit, &*

quod ante a humorum onere pressa excernere nequibat, exonerata, leviorq̃, & quasi sui juris facta, excernit facile: præsertim cum vitiosi humores jam sint concocti, secreti, & ad evacuationem præparati. Quod si judicat quidem, sed imperfectè: idq̃ aut propter imbecillitatem, aut humorum copiam, aut eorum crassitiam & lentorem, aut viarum difficultatem, juvanda: & quod derelictum, arte detrahendum: Gal. comm. 1. aphor. 22. Nam quæ in morbis post χρόνιν relinquuntur, inquit Medicinæ dictator aphor. 12. sectio. 2. recidivos morbos facere consueverunt. Si verò ἀσθίως & ἀπαρτί, h. e. integrè atq̃ perfectè eadem morbificam materiam judicat, aut jam judicavit, nihil juxta aphor. 20. sect. 1. movendum: sed totum negotium illi committendum. Ad primam ergò rationem respondemus, Galenum purgatione interdicare, quando non solum materia à natura est concocta, sed etiam expulsa. Licet autem expulsionis non meminerit explicite: tacite tamen atque implicite illam ponit: tum quia de morbi loquitur vigore, in quo plerunq̃ χρόνιος fieri solent: tum quia fatigata naturæ mentionem facit: quæ partim à causis aliis: partim verò à vacationibus fatigari solet. Itaq̃ temerè purgatur: cum natura purgavit sufficienter. Ad secundam quid dicendum, patet ex modo dictis. Nam si χρόνιος facta integra atq̃ perfectà, quæ nihil relictum materiei morbificæ, nihil purgandum. Sin imperfecta & deficiens, quod remansit, demendum, ne recidivum pariat. Atq̃ hæc solutio habetur in aphorismo allegato 20. s. 1. Non enim sinenda, quæ quocūque modo judicatur, & judicata sunt: sed quæ ἀσθίως: vel, ut in l. debum. Hipp. loquitur, ἀπαρτί, cumulatè, plenè, integrè, perfectè, & indeficienter judicata. Ad tertiam. Natura tum dicitur morbum vicisse, cum causam illius non modò concoxit, & à reliquis humoribus, qui utiles, separavit: & eorum etiam excrevit. Quamdiu enim hæc manet: tamdiu victoriam natura obtinuisse dici nō potest. Semper enim illi à causa periculum aliquod imminet. Cum verò non semper in fine vigoris, aut declinatio-

nis principio excernat: aut saltem non integrè excernat: liquet, illius conatum imitandum, juvandumq; Medico esse.

IV.

Num in principio morbi purgatio simpliciter & absolutè prohibeatur? Principium ad purgationes ineptum esse, disput. 6. problem. 8. multis rationum momentis, itemq; autoritate clarissimorum artis antesignanorum planum fecimus. Verum de casu regulari & ordinario sermo nobis erat: de extraordinario & necessitatis nequaquam. In hoc enim licitum esse purgantibus uti, autoritas & ratio sua dent. Autoritas quidè Hippocratis aphor. 22. sect. 1. ubi dicit, concocta purgantibus educenda esse, non cruda, neq; in principiis, modò non turgeant. Idem aphor. 10. sect. 4. inculcat. Purgandum, inquit, in valdè acutis, si materia turgeat, eodem ipso die. Differre enim in talibus malum. Et aphor. 29. sect. 2. ait: incipientibus morbis si quid movendum videtur, movendum esse. Vigentibus autem quiescere multò prestare. Denique aphor. 24. sect. 1. scribit, in morbis acutis rarò, & per initia medicamento purgante utendum esse. Nec verò id inconsideratè faciendum. Quibus aphorismis suffragatur Galenus in commentis: nec non l. 1. de crisib. c. 9. & l. 8. de compos. med. 2. τόπ. c. 3. Oribasius l. 7. collect. c. 23. & l. 1. synops. c. 16. Aëtius tetr. 1. serm. 3. c. 23. Actuarius l. 3. meth. med. c. 8. & Avicenna l. 4. can. fen. 1. tract. 2. c. 7. Est ergò secundum veteres hic ille necessitatis & extraordinarius casus, in quo statim in principio morbi, non expectata materici morbificæ concoctione, purgare licet, nimirum quando humores ἐσῶσι turgent: hoc est, ut Galenus comment. 1. aphor. 22. & comm. 4. aphor. 1. nec non comm. 4. aphor. 10. interpretatur, impetuosiore motu à parte ad partem fluunt. Vox quippe ἐσῶσι, inquit idem ibidem, nec non l. 1. de crisib. c. 9. & comm. 2. in l. 6. epid. t. 9. ab animalibus concubitum appetentibus ad humores corporis est translata. Nam quæadmodum illa stare loco nesciunt, quadam impulsæ titillatione, eoq;

eorum affectu concitata: sic & humores plerumque in motu vehementiore atque transfluxu à partibus ad partes in morbi principio hominem infestant, moventes, titillantes, & quiescere non permittentes: siquidem & ipsi pariter moveantur, transfluantque, & titillatione agrum molestant. Tales ergo humores, qui sunt in motu, latione, & fluxu, in principio statim, tametsi adhuc sint crudi, vacuandi sunt, inquit Gal. comm. 1. aphor. 22. Rationes adfert tres, comm. aphor. 10. I. est: quia metuitur, ne, dum per corpus vagantur, ad partem aliquam principem decumbant. II. quia si differretur purgatio, adeò debilitari posset virtus ex illorum agitatione, ut vacuationem postea non amplius ferre valeret. III. quia febrilis caliditas ob caliditatem & acrimoniam eorum vires acquireret. IV. habetur l. 1. de cris. c. 9. quia natura facilem & adjutricem in expellendo se præbet. Ab inordinata quippe turgentium humorum agitatione quodammodo irritatur. V. nos addimus: quia turgentes humores haud difficulter educuntur: modò via sint libera & aperta. Sunt enim tenues & mobiles: modò purgans adsit, quod eos quasi manu ducat: usque exitum monstrat. ὅς γάρ .n Hippocrati etiam festinare ad exitum significat: velut Galenus comm. 2. in l. de fract. t. 18. monet. Quare cum in eiusmodi casu duo sint indicantia contraria, ὅς γὰρ πὺς humorum, & cruditas; ex quibus ille quidem purgationem: hæc verò concoctionem & quietem postulat: satisfaciendum iuxta Galeni præceptum l. 3. meth. med. c. 9. videtur urgentiori: unde scilicet maius graviusque periculum agrotanti imminet. Tale autem imminet à turgentibus humoribus. Itaque illi in principio statim eximendi. Nam inter duo mala minus semper eligi debet: idque prius agendum, ex quo plus commodi, & minus damni in agrotante redundat. Cum verò is ex turgentium humorum vacuatione plus commodi sentiat, quàm ex coctione expectata: sequitur vacuationem coctioni præferendam esse.

V.

An omnes humores turgere possint? Negatur: sed
 tan-

tantum calidi, tennes, acres, atq; mordaces: quales sunt biliosi, sanguis biliosus, serosisalsi. Ratio est duplex I. quia illi humores propriè turgere dicuntur, qui discurrunt in corpore impetuosè: vel qui errabundi huc atq; illuc vagantur: nondumq; certum occupant locum: nec definitum habent motum: & verò hominem ita laceffunt ac vellicant, ut illum quiescere non sinant. At sic moueri possunt humores dicti: sicq; partes, per quas fluunt, stimulare: crassiverò & frigidi nequaquam. Sunt enim pigri, & ad eiusmodi motum inepti: teste Galeno l. 4. de tuend. san. c. 5. Nil quoq; acrimoniæ & mordacitatis habent. Aliàs non frigidi, sed calidi forent. II. quia Hippocrates aphor. 24. sect. 1. & aphor. 10. sect. 4. innuit, humores in acutis solum morbis turgere. Sed acuti non à crassis & frigidis: verum à calidis humoribus originem trahunt: velut Galenus comm. 2. aphor. 19. & in Isagog. c. 13. docet. Ait enim, acutas ægritudines à sanguine ferè & bile proficisci: chronicas à pituita & melancholia. Libro 8. de decret. Hipp. & Plat. c. 6. scribit, acutissimas & ardentissimas febres fieri à bile flava. Deniq; comm. 2. in prognost. Hipp. t. 46. dicit, propriū esse bilis flavæ, ut acutas accendat febres.

VI.

An, cum turget materia in acutis, semper in principio purgandum: & num illud semel, aut bis: validis an debilibus medicamentis peragendum? Aristoteles ait lib. 2. sophist. elench. cap. 5. ad simplicem interrogationem unam: ad compositam verò plures esse dandas responsiones. Itaq; cum duo hic quærantur, duplex adferenda responsio. Ad primam autem quæstionem respondemus cum Galeno ex comm. 1. aphor. 24. circa initia quidem acutarum ægritudinum purgandum esse, si humores turgeant: verum cautè atq; circumspectè. Neq; enim, inquit idem, parvum periculum est in morbo acuto malè uti purgante medicamento: cum omnia cathartica potestate calida sint: febris verò, quæ ut plurimum acutis est adjuncta, teste eodem comm. 2. a-

phor. 10. si ratione non calefacientibus atq; exiccantibus: sed maxime contrariis, h. e. humectantibus & refrigerantibus opus habeat. Cautè verò purgamus, si non tantum ad turgentes humores: verum etiam ad vires, vias, humores primorum conceptaculorum, partiumq; imi ventris constitutionem respiciamus. Nam si vires sint debiles admodum: via clausa. prima conceptacula crudâ materiâ referta: aut partium aliqua imi ventris phlegmone obsessa, dissuadet purgatio: etsi à turgentia humorum suadeatur. Tanta enim harum rerum aliquando vis est ad purgationem prohibendam: quanta turgentium humorum ad præcipiendū. Quod si verò virtus valeat: via pateant: cruditas absit: nullaq; inflammatio imum ventrem obsideat, turgentibus humoribus omniò satisfaciendum. Plus siquidem ex eorum purgatione utilitatis, quàm damni percipitur, licet crudi adhuc sint & inconcocti. Ad secundam respondet Actuarius l. 3. meth. med. c. 8. Etsi, inquit, eadem materia in corpore turgat: nihilominus non in omnibus idem est virium robur. Quare nec eodem modo tolerant purgantia: sed quidam facile sustinent vacuationem: aliorum vires antè exoluuntur: neq; confert am ferre vacuationem valent. Proinde illis semel aut bis exhibenda sunt medicamēta: hi paulatim vacuandi. In omnibus verò facilitatem in purgando antè expendere oportet: ne temerè ac inconsideratè jis, qui promptè purgantur, valida: jis verò, qui agrè, debilia præbeamus. Illa enim jis, quibus fuerint exhibita, πρὸς καθάρσεις minitantur. Hæc verò agitantia, ac commoventia tantum humores, qui antea quiescebant, interdum ad partes principales transmittunt, deteriorumq; affectionum ansam præbent.

VII.

An præter humores turgentes etiam sint alij, qui ante concoctionem in principio statim ægritudinis expurgandi? Discrepantes de hoc Zitemate auctorum sententias legimus. Alii enim, qui in verba Hippocratis jurarunt, & τὸ πρῶτον

strictè servant, idq̃ rigide urgent, negantem tuentur: & in
principiis omnem omnino crudorum humorum καθαρσιν dissua-
dent, nisi turgeant. Alij contrà etiam alios humores in princi-
pio statim purgantibus educendos arbitrantur: planèq̃ persuasum
habent, etiam alios dari crudos humores, è quibus aquè grave pe-
riculum egrotanti immineat, nisi inter initia statim expurgètur,
quàm ex turgentibus: seu ex quorum evacuatione plus commodi,
quàm ex coctione expectata sperari possit. Hos humores in 4 clas-
ses digerunt. Primæ sunt humores abundantes, qui ad partes
principes, aut ad eas, quæ principes facile in consensum trahunt,
vel iam ipso ruunt actu: vel mox ruituri sunt: quales sese offerre
solent in inflammationibus, magnis vulneribus, ulceribus, fractu-
ris, luxationibus, acerbisq̃ oculorum, aurium, dentium, capitis,
articularum, & nervorum doloribus. Secundæ humores ma-
ligni, venenati, ac pestilentes. Tertiæ tenues quicunq̃. Quar-
tæ admodum copiosi: qui scil. adeò in quantitate peccant, ut me-
tuendum, ne natura succumbat, & ante justam integramq̃ eorū
coctionem deficiat. Hos enim, non expectata concoctione, in prin-
cipio statim purgantibus invadendos autumant, ut parte eorum
detracta, quod reliquum est, natura levius ferre, faciliusq̃ vin-
cere ac superare valeat. Nos quid sentiamus, paucis ediffere-
mus. Hippocratis & Galeni doctrinam suspicimus, veneramur,
gratoq̃ accipimus animo. Non tamen τῶ πρὸ τῶ illorum ita servi-
liter adstricti sumus, ut vel latum unguem ab eo recedere ducamus
piaculum. Potiorem rationem habemus τῆς διαβολῆς quàm
τῆς πρὸ τῆς. Neq̃ alienum ab eorum doctrina putamus, si statuatur,
etiam alios humores in principio statim purgandos esse. Non e-
nim alios excludit, qui turgentes vacuandos docet. Ratio est: quia
contrarij non sunt: sed tantum diversi. Et fieri potest, ut idem
periculum immineat ex aliorum humorum presentia, nī tempesti-
vè excernantur, quod ex turgentia humorum in acutis morbis im-
minere suprà diximus. Huc accedit, quòd licet doctrina hæc non

explicitè forsan κατὰ τὸ πρῶτον apud Hippocratem & Galenum reperiatur: habeatur tamen secundum sensum: & principiis atq; fundamentis ab ijs jactis facile ex illorum monumentis elici possit. Id quod de humoribus primæ classis probari facile potest. Nam quando in inflammationibus, ulceribus, vulneribus, fracturis, & acutis doloribus vitiosi humores abundant, & vel ad partem laborantem jam fluunt: vel brevi affluxuri sunt, eos, si nihil prohibeat, in principio statim expurgandos Galenus censet. Patet hoc primum ex lib. de cur. rat. per S. M. c. 8. ubi scribit, in ijs, quibus pars aliqua graviter icta est, aut utcunque aliter incipientem habet phlegmonem, eam si magnam fore suspicamus, curationem ab inani- tione auspicamur, aut purgatorio pharmaco exhibito, aut sectâ venâ: prout nimirum alterum altero magis convenire judicamus. Deinde ex l. 13. meth. med. c. 6. ubi idem in inflammationibus fi- entibus, quæ adhuc sunt in generatione, monet. Tertiò ex l. 4. meth. med. c. 6. quo loco ex lib. Hipp. de ulceribus ostendit, quòd Hipp. in magnis capitis, thoracis, abdominis, & articularum vulneribus: itemq; in ulceribus malignis, exedentibus, depascentibus, & qui- bus aut erysipelas, aut ossium corruptela, quam cariem vocant, est associata, tempestivè admodum pravorum humorum colluviem averterit, ipsamq; purgationem revulsionis ergò usurpârit. Quar- tò ex aphor. 31. sect. 6. ubi Hippocrates & Galenus κατὰ δασιν in acer- bis oculorum cruciatibus, qui a vitiosis orti humoribus, tam κρυώ- σεως, tam ἀντισπᾶσεως ἐνεκᾶ administrant. Quintò ex l. 6. meth. med. c. 5. ubi Galenus purgatione in fracturis revulsionis causâ u- titur. Quod autem ydem artis dictatores in principio statim hos- ce humores dictis in affectibus expurgent, id sequentibus, quæ ipsi tradiderunt, principiis atq; fundamentis planum fieri potest. I. quia universalia particularibus præmittenda: & quidem in initio curæ. II. quia causæ antecedentes, quæ proximas & continen- tes fovent, statim removende. III. quia revulsio mox in prin- cipio adhibenda. Fluentium enim humorum gratiâ instituitur:

autho-

authore Galeno l. 5. meth. med. c. 3. & l. 2. ad Glaucon. c. 2. & At-
qui in principio fluunt. Reliquo tempore quiescunt: quia afflictis
partibus impacti. Sed purgatio, siue vacuationis, siue revulsio-
nis causa præscribatur, respectu topicorum presidiorum, quæ inflā-
mationibus, vulneribus, ulceribus, doloribus, fracturis, & luxa-
tionibus applicantur, remedium est καθολικόν. Totius enim corporis
curam gerit: quatenus illud ab impuritate humorū liberat. Ante-
cedentem causam, quæ continenti in inflammationibus, & dolo-
ribus fomitem subministrat: & ad fracturas, vulnera, atq; ulcera
fluit, adeoq; mala auget, ipsamq; ferruminationem, & consolida-
tionem impedit, tollit. Deniq; noxios humores, si qui in motu sūt,
ab inflammatis, vulneratis, ulceratis, fractis, luxatis, dolentibus-
que particulis avertit: quemadmodum ex locis allegatis satis su-
perq; constat: & id ipsum etiam disp. de Ven. sect. 14. problem. ult.
pluribus ostensum. Cæterum humores secundæ classis quod
attinet, de ijs jam disp. 3. problem. 2. mentem nostram declaraui-
mus: docuimusq; propterandum quidem esse in peste, inspiratumq;
venenum haud cunctanter expellendum: sed multis rationum mo-
mentis confecimus, catharticis pharmacis id minimè faciendum.
Venena ore sumpta, & inscienter vel pota, vel manducata, citissi-
mè, antequam penetrent in corpus, vomitu evocanda, appropria-
tisq; alexipharmacis & alexitheriis debellanda: quemadmodum
in specie Dioscorides l. 6. à cap. 1. usq; ad 34. docet. Quæ verò à
virulentis sunt injecta animalibus, itidem festinè tum internis,
tum externis expellenda, extrahenda, demolienda: velut idem
Dioscorides libro eodem, à cap. 34. usq; ad finem monstrat. Hu-
mores classis tertix quod spectat, dicimus, si vehemèter urgeāt,
& impetuosè moveantur, adeo ut timendum, ne ad partem ali-
quam principem ruant; aut aliud aliquod grave malum causen-
tur: in principio statim, ante coctionem, expurgandos esse: idq; eo
magis, quod propter tenuitatem & fluxibilitatem substantiæ ad
motum faciles sint, proni, atq; propensi: eiusq; ratione nulla egere

preparatione videantur. Si verò quiescant, satius esse arbitramur, ut expectetur, donec à natura sint edomiti, mitiores facti, & ab utilibus humoribus separati : Tunc enim partibus, quas trāseunt, minus nocent : faciliusq; educuntur : partim quia secreti : partim quia naturam in expurgando adminiculantem habemus. Quartæ classis humores etsi Fuchsius comm. aphor. 22. §. 1. & comm. aphor. 29. §. 2. nec non l. 2. paradox. c. 5. & quidam alij Fuchsiū sequuti ante coctionem minimè attingendos putēt : existimamus tamen, aliquam illorum partem etiam in principio, cum adhuc crudi sunt, haud inutiliter purgantibus detrahi posse. Neq; arbitramur, hanc purgationem, quam Lud. Mercatus, alijq; practici minorativam vocant, Galeno repugnare. Ipsus enim in comm. aphor. 29. sect. 2. scribit, cum coctiones in vigore maximè fiant, ut citius eveniant, utile esse, vel venæ sectione, vel purgatione in principio vacuare, quò minorem jam factam materiam natura facilius concoquere possit. Nam levata, inquit, idem l. 11. meth. med. cap. 15. exonerataq; eo, quo veluti sarcina premebatur, haud ægrè quod reliquum est vincet. Propriū siquidem muneris haud oblitus, & coquet, quod concoqui est habile : & excernet, quod excerni potest. Quod si tota materia, quam hīc copiosam admodum esse præsupponimus, natura relinqueretur, periculum sanè impenderet, ne succumbat, & ante coctionem deficiat. Quare licet cruda materia cum molestia & difficultate educatur : præstat tamen, aliquid molestiæ pati, quàm permittere, ut ea in corpore totaliter relicta, natura pessum eat.

VIII.

Num æstivo tempore purgare liceat, & quidem ea illius parte, qua sidus caniculæ flagrat ? Negativa placet Hippocrati. Sic enim scribit aphor. 5. sect. 4. sub caniculā, & ante caniculam difficiles sunt purgationes. Et in calce libelli de purg. medicament. ait, à canis ortu per dies 50. vitandum esse purgantium usum. Rationem Galenus in comm. aphor. citati adfert triplicem.

plicem. I. quia corpora nostra ab ambientis caliditate præter naturam calefacta sunt. Itaq̃, tutò caliditatem & acrimoniam purgantium haud ferunt. Multi enim, subdit idē, qui, sub cane fuerunt purgati, in febres inciderunt. II. quia natura ob æstum debilitata magis ex purgatione dissolvitur. III. quia purgatio benè succedere nequit. Nam purgantis & ambientis actiones inter se pugnant. Illud enim trahit ab externis ad interiora: hic verò ab internis ad exteriora. Eadem namque æstivi aëris ratio est, quæ balnearum calidarum. Quemadmodum enim istæ purgationibus obsistunt: sic etiam calor æstatis iisdem repugnare solet: tūc præcipuè, cum se ipso extiterit vehementior: id quod sub cane, & ante canem contingit. Verum distinguendum hic est inter προφυλάξιν & θεραπείαν morborum. In illa tempus purgandi nobis conceditur liberum: adeò ut in potestate nostra situm sit, id tempus tribuere purgationi, quod ad eam aptum est atq̃, accommodatum. In hac non semper. Interdum enim ita urget affectus, ut si ve aëris constitutio purgationi faveat, si ve repugnet, purgare necesse habeamus. Itaq̃, in προφυλάξει declinandum æstivum tempus: & purgatio instituenda tempore commodiori: v. g. verno: uti Hippocrates aph. 47. sect. 6 monet. In θεραπεία vero boni consulendum illud, in quod purgandi necessitas incidit. Si tamen in caniculares dies cadat, delectus purgantium instituendus, & vehementiora, quæ calidiora siccioraq̃ sunt, propter causas ex Galeno recitatas, vitanda: contrà eligenda, quæ vel mitiora frigidioraq̃ sint ipsa: qualia disp. 3. problem. 3. fuere proposita: vel refrigerantibus saltem humectantibusq̃ remediis v. g. decoctis, syrupis, aquis, stillatitiis, atque conseruis, castigata. Aër quoq̃ conclavis, quo in decumbit ager, arte, quantum licet, refrigerandus; v. g. aqua gelidâ pavimento aspersâ: aut herbis, floribus, & germinibus refrigerantibus in terram projectis: gramine scil. foliis vitis vinifera, quæ vocantur pampini, nymphæa, rosis, violis, lactuca, portulaca, lenticula palustri, plantagine, polygono, psyllio, solano hortensi, endivia, cicho-

cichorio, ligustro, rubo, semper vivo &c. Item clausis undiq; fenestris: præsertim quâ radij Solis ingrediuntur. Adhac exclusâ hominum turbâ. Vel conclave prorsus mutandû, & eligendum tale, quod ad Septentrionem spectet, aurisq; perfletur.

Π Α Ρ Ε Ρ Γ Α

I.

Rectene Hippocrates lib. de vict. acut. dicat, aquam biliosis naturis in acutis affectibus biliosam esse: cum tamen qualitatum ratione bili prorsus sit contraria?

II.

Cum secundum Galenum in orat. suas. ad artes c. ult. & l. ad Thrasymb. c. 15. & 16. tria sunt corporis bona, Sanitas, Pulchritudo, & Robur, quæritur, quodnam eorum sit nobilissimum, utilissimum, maximèque necessarium? Sanitas.

III.

An menstruus sanguis recte ab Hippocrate, Aristotele, & Galeno materia lactis statuatur? A.

IV.

Utrum omnia ὑπνωτικά, somnifera medicamenta, frigida? N.

V.

An omnia humida? A.

VI.

Num percussientia in pleuritide locum habeant? N.

VII.

An in eadem purgantibus utendum? Validis nequaquam. Tuta sunt benigna & mitia: ut syr. viol. sol. syr. ros. sol. Syr. de agar. mel ros. sol. Cassia: Manna cum decocto pectorali, cordiali, aut decoct. flor. & fructuum.

VIII.

Uter dolor maior: colicus, an nephriticus? Colicus maior extensivè, quia plures partes infestat: nephriticus major intensivè, quia acutior.

Φ Ι Ν Ι Σ.

19

DISPUTATIO
DE
PURGATIONE

OCTAVA:

*In inclyta Argentoratensium Acade-
mia ingenij exercendi gratiâ
proposita:*

PRÆSIDE

MELCHIORE SEBIZIO

Juniore : Doctore & Professore
Medico :

Respondente

JOHANNE STEINICHERO
Argentoratensi.

ARGENTORATI

Typis JOANNIS REPLI,

ANNO MDCXXI.



V I R I S

A M P L I S S I M I S,

*PRVDENTIA, DOCTRINA,
Auctoritate, Genere, Virtute, variarumq; po-
liticarum rerum usu & experientia
præclarissimis Dominis,*

DN. CHRISTOPHORO Städel: Reipub. Ar-
gentoratenſium inclytæ Conſuli digniſſimo:

DN. JOHANNI WENCKERO: Reipub. Ar-
gentoratenſium Senatus Aſſeſſori:

DN. MARTINO ANDREÆ Rönig/Civi & Mer-
catori apud Argentorat. primario:

DN. JOHANNI FRANCISCO Rönig/ Civi
apud Argent. primario: literarum literatorumq;
iucundiſſimo fautori ſuo, omni honoris officiijq;
genere proſequendo:

*Dominis ſuis Fautoribus, & Promoto-
ribus, in æternum colendis,*

*Hanc de Purgatione diſputationem Octa-
væ, in debite Obſervantia ſymbolum,
& grati animi monumentum dedicat,
offert*

Johannes Steinicher, Respondens.



PROBLEMA I.

AN hyberno tempore licitum sit purgare? Distinguendū rursus inter προφύλαξιν & θεραπεύαν. Προφύλαξιν χάριν, cū corpus adhuc est in sanitatis latitudine constitutum, nullaq; necessitas purgandē magnoperē urget, hyeme purgandum minimē videtur. Est enim tum temporis corpus ob ἀντιπερίστασιν ambientis frigoris condensatum: meatus constipati: humores quasi concreti, & in altum detrusi: alvus quoq; ut plurimum siccata & indurata: ita ut purgationes sint difficiles & laboriosae. In casu verò necessitatis, cū affectui alicui magno, eiq; ex κακοχυμία nato medendum, urgentioris potior habetur ratio: & non tam ad anni tempus, quàm ad indicantem, purgationemq; postulantem affectū respicitur. Hinc Hippocrates verum quidem tempus purgationi assignat aphor. 47. §. 6. cū pro cautionis causā eam necessariam arbitratur. At aestatem & hyemem minimē excludit, quando ejusmodi affectus praesens est, qui purgatione opus habet. Sic enim ille aphor. 4. sect. 4. aestate superiorem potius: hyeme inferiorem ventrem purgare convenit. Obijcies, etiam προφύλαξιν ἐν τῇ hyeme purgandū esse. Posse enim fieri, ut hyberno tempore talis in corpore nascatur affectio, quae cum causa sua sit conjuncta: v. g. febris putrida. Cause autem extirpationem Galeno προφύλαξιν esse. Cavere enim, ne morbus, qui jam incipit generari, ad complementum perducatur: comm. 2. aphor. 22. Respondemus, προφύλαξιν ratione corporum, circa quae versatur, triplicem esse, auctore Galeno in μικροτέχνῃ c. 99. Prima est hominum, qui integra sanitate fruuntur: pertinetq; ad artis partem ὑγιεινὴν. Secunda hominum non integrè valentium: & ad artis partem προφυλακτικὴν spectat.

Tertia hominum actu agrotantium: estq; δευτερεύουσα Medicina partis propria. Ex quibus secunda purè atq; sincerè προφύλαξις à Galeno l. 11. meth. med. c. 2. appellatur: quia, ut idem l. de constit. art. c. 19. docet, corpora quidem tractat sana: sed quæ sunt in morbos proclivia: vel ut l. 6. de tuend. san. c. 11. loquitur, quæ medium statum habent inter exactè sana & actu agrotantia. Morbū enim, inquit l. 4. meth. med. c. 3 qui nondum quidem urget; attamen imminet, prohibet, & ne accidat, cavet. Ratiopatet ex comm. 2. aphor. 22. quia causam illius, quæ quidem nondum actu causa est, neq; morbum producit actu: sed nō dematur, productura, tollit. Tertia causā actu agentem, morbumq; gignentem auffert: & secundum Galenum comm. 2. aphor. 22. merè προφύλαξις non est: sed actio quædam ex προφύλαξι & δευτερεύουσα mista: proprioq; nomine caret. Nam circa eiusmodi corpus occupata est, cujus affectus cū causa est conjunctus. Itaq; subtractio causæ προφύλαξις appellatur: ablatio morbi geniti curatio. Ex quibus quid ad objectionem respondendum sit facile apparet. Nam tertia προφύλαξις gratiā & hyeme, & quo vis anni tempore purgare licet, si affectus purgationem requirat. At secunda non item. In corporibus enim actu agrotantibus necessitas purgandi urget, quæ legibus caret, & ad certa sese anni tempora astringi minimè patitur. In ijs verò, quæ adhuc in sanitatis spatio continentur, purgandi necessitas vehementer non premit. Idcirco purgandum quidem indicatur, ne causæ, quæ jam collectæ, erumpant in actum: sed eo tempore, quo tutius faciliusq; purgari potest.

II.

Sitné tempus vernum ad purgationes omnium aptissimum? Ita persuasum habent Hippocrates aphor. 47. sect. 6. & Galenus in commento. Causa est, quia temperatum. Quare actioni purgantium minimè repugnat, ut calor æstatis. Corpora quoque, non, ut ille, dissolvit atq; debilitat. Ad hæc sua tepiditate corpora laxat, & humores quasi fundit, fluxilioresq; reddit: se-

cus atq^{ue} hyems, quam ob frigus ambientis corpora densare, meatus constipare, humores cogere, & in profundum pellere, alvum denique siccare & indurare precedenti problemate diximus. Unde Galenus tū venæ sectiones, tū purgationes præcautionis gratiâ ineunte vere instituit: plurimosq^{ue} à gravissimis affectibus, in quos erant proni, præservavit. Et phlebotomiam quidem adhibuit, si plenitudinis passionibus subicerentur: purgationem verò, si cacochymia: quemadmodum ipsemet testatur comm. 6. aphor. 47. huiusq^{ue} rei quatuor exempla recenset notatu dignissima. Primum est cuiusdam viri: qui nisi purgaretur vere & autumno, quotannis in melancholiam cadebat. Humoribus verò melancholicis tempestivè evacuatis: & educto per venas hæmorrhoidales melancholico sanguine, à melancholia præservabatur. Refert enim Galenus, ex purgatione duo homini contigisse commoda: nimirum expulsionem superfluitatum, & apertionem venarum hæmorrhoidalium: eamq^{ue} ob acrimoniam eorum, quæ expurgabantur. Quibus apertis, pars aliqua sanguinis vitiosi, qui evacuari antea naturaliter consueverat, excernebatur: eoq^{ue} retento, melancholia superveniebat. Secundum mulieris, quæ aliquando tumorem cancriformem in mamilla patiebatur. Eam enim singulis annis incipiente vere forti frequentiq^{ue} μελαγχολῶν pharmaco purgando Galenus ad sanitatem perduxit. Quod si quandoq^{ue} purgatio negligeretur, dolorem sentiebat profundum, accersitoq^{ue} Galeno statim purgari volebat. Tertium rursus viri, qui initium habebat elephantiasis. Eum Galenus primum per venæ sectionem & purgationem pristinae sanitati restituit. Postea quotannis unica facta purgatione præservavit. Purgatione verò omissa, malum recrudescebat. Quartum iterum viri, qui æstivo tempore semper tertianis corripiebatur febribus. Sed circa finem veris expurgata bile flava febris emanebat. Præter hæc exempla Galenus etiam quadam alia tū loco citato: tū l. decur. rat. per S. M. c. 7. recenset, testaturq^{ue} multos sese præservasse partim venæ sectione, partim purgatio-

inchoante vere administrata, qui vel in vere ipso, vel in aestate
vitijs ex sanguine, aut naxoxuia erant obnoxij: v. g. hamoptysi,
peripneumonia, pleuritidi, angina, asthmati, epilepsia, apoplexia,
arthritidi, podagra, vertigini, doloribus oculorum &c.

III.

Quodnam tempus anni post ver ad purgationem con-
venientissimū? Sermo nobis rursus est de purgatione libera,
que nullius presentis morbi necessitate ad præcautionem solā
suscipitur: non de coacta, quam prasens affectus pro sui demoli-
tione efflagitat. Pro illa ergo post ver aptissimum pronuncia-
mus autumnum. I. quia vires corporis in eo validiores sunt,
quàm tempore aestivo: idq; ob deferuescentem aeris calorem, quo
calor corporis minus exhalat, minusq; dissipantur spiritus II. quia
humores corpori non adeò tenaciter & altè inhaerent, sicut in hye-
me. III. quia meatus liberiores sunt, humoresq; fluxiliores,
quàm tempore brumæ. Vnde legimus Galenum etiam ad liberā
& prophylacticā purgationem ver & autumnum elegisse. Exē-
plum habuimus problemate antegresso ex comm. 6. aphor. 47: Ga-
lenus enim expurgato humore melancholico bis in anno, vere scil.
& autumno, virum quendam à melancholia, in quam erat pro-
clivis, præcavebat.

IV.

Utra constitutio ad purgationem aptior, austrina, an
aquilonia? Austrina, quæ juxta Galenum comm. 3. aphor. 5.
calida & humida. Corpora enim laxat, & humores liquefacit.
Quam ob causam Hippocrates aphor. 5. sect. 3. eam corpora dissol-
vere, humectare, & alvum movere scribit. Aquilonia verò, quæ
Galeno comm. 3. aph. 17. frigida & sicca, alvum indurat, teste Hip-
pocrate aphor. 5. & 17. sect. 3. Causa videtur duplex: quæ partim
ex aphor. 5. partim ex aphor. 17. sect. 3. depromitur. I. quia corpus
& alvi excrementa siccatur. Ex quo duriora, pigrioraq; sunt ad
exitum. II. quia retentricem firmat. Stringit enim organa,
& in-

& in unum quasi cogit. Quare cum austrina constitutio purgationem iuvet: eam verò aquilonia quadantenus impediat, sequitur, illam hac ad purgationem corporis esse magis idoneam.

V.

Num in febrium paroxysmis purgare sit integrum? Affirmativa speciem veri prae se ferre videtur: idque propterea, quia rationibus & autoritate magnorum virorum stabilita. Ratio I. est: quia peccans materia paroxysmi die est in motu, attenuataque, quoniam calefacta. Ideoque tunc facilius expurgatur. II. quia natura, quam imitari Medicus debet, in paroxysmis ut plurimum vacuationes molitur. III. quia si in die accessionis purgare non liceret, sanè in majori febris parte purgare fas non esset. Ratio est: quoniam præter intermittentes simplices, quæ suas habent ἀπορροιας, etiam sunt continuæ: earumque duplicis generis: aliæ conclusæ, sive continentes, quæ à continuo fervore σφοδρα dicuntur: aliæ, ut loquuntur recentiores, continuæ proportionales. Ex priorum albo est σφοδρα putrida: quæ neque in febricitationem, neque remissionem habet: sed universum illius tempus una est accessio, quemadmodum Galenus l. 2. de diff. febr. c. ult. loquitur: vel, ut ibid. c. 2. ait, in una consumitur accessione. A principio namque, inquit idem ibid. c. ult. usque ad finem nullam intermissionem habet: ac tamdiu durat, donec humores in vena cava putrefacti, aut absumentur ex toto: aut concoquantur: aut patiantur utrumque: persistitque febris vel in eodem sæpe vigore, à principio nimirum usque ad finem sibi similis: unde vocatur ὁμότροπος: vel paulatim augetur, ex qua ἀναβατική, καὶ ἐπαυμασική, assurgens & invalescens dicitur: vel minuitur, donec penitus judicetur: quo nomine πεταυμασική, decrescens appellatur. Ex posteriorum numero sunt continuæ quotidiana, continuæ tertiana, continuæ quartana, & αἰσχος, febris ardens: quæ licet remissiones habeant: in febricitationibus tamen carent: teste Galeno l. 2. de diff. febr. c. 2. Præter hæc febres etiam intermittentes compositæ se offerunt, quas clariss.

rissimus Fernelius l. 4. pathol. c. 15. implicitas nominat: ut sunt v. g. quotidiana duplex, tertiana duplex, & quartana triplex: quæ redeunt quotidie: quarundam etiam accessiones mutuò se excipiunt: ita ut priori nondum finita veniat nova. Itaque si in die accessionis purgantibus uti integrum non est, in hisce mehercule febribus, quia ἀπορροήs destituuntur, purgare minimè licebit: quod tamen falsum esse inde perspicitur, quoniam ex κανοχουρίs nata: cuius medelam καθάρσις esse sapiùs iam dictum fuit. Hanc sententiam etiam autoritas artis procerum confirmat. Nam Galenus lib. quos &c. purgare oportet scribit, in accessionibus purgandum esse per superiora: in intermissionibus per inferiora. Hippocrates l. περὶ παθῶν vomitorium exhibet ἐν αὐτῇ τῇ λήξει, in ipsa apprehensione febris quartanæ. Et aliquot diebus interpositis rursum in eadem deiectorium offert. Avicenna l. 4. Canon fen. 1. tract. 2. c. 64. in qua vis quartanæ: potissimum verò in phlegmatica, (ex omnibus enim humoribus adustis quartanam fieri arbitratur) vomitiones ante accessiones commendat: dummodò ager ad vomendum sit facilis. Ait enim, noxiam materiam aut extirpari: aut agrum saltem alleviari. Trallianus l. 12. c. 8 vomitum incipientibus accessionibus in ijs maximè laudat, quibus orificium ventriculi crassis lentisq; humoribus scatet. Persuasum namq; habet, cum materia in paroxysmis moventur, etiam humores ad ventriculum confluere, ejusq; orificium rodere, & nauseam parere. Itaque lentis humoribus vomitu rejectis, paroxysmos minui putat: testaturq; se hac ratione tantum effecisse, ut nonnullæ quartanæ decepta parte materie deteriore, conquieverint. Cujus sententia subscribit Aëcius tetr. 2. serm. 1. c. 84. Afferit enim, plerosq; qui crebris usi sunt vomitionibus, partim perfectè à quartana fuisse liberatos: partim facile eam pertulisse. Verum pro negativa sequentes rationes militent. I. quia natura vim materie febrifica, quæ in paroxysmis movetur, naturamq; aggreditur, & purgationem tutò

tutò ferre non potest. Ab utraq; enim fatigatur. III. quia Galenus tùm alibi, tùm comm. 1. aphor. 7. & 8. monet, naturam ab officio suo avocandam non esse: non solum cum morbificam materiam concoquit: sed etiam cum eidem pugna est atq; certamen cum morbo: quale esse in paroxysmis solet. III. quia secundum Galenum comm. 3. in l. 1. epidem. t. 13. crises in paroxysmis fieri consueverunt. Hæ ergò vacuationibus arte institutis impediende non sunt: juxta aphor. 20. sect. 1. quo precipitur: cum natura judicat, nihil movendum esse: sed quiescendum, soliꝫ naturæ totum negotium committendum. IV. quia Hippocrates ne cibum quidem in paroxysmis aphor. 11. & 19. sect. 1. nec non lib. de vict. acut. permittit. Cui Galenus tùm in comm. allegator. aphor. tùm comm. 4. in l. de vict. acut. t. 39. adstipulatur. Quapropter multò minus purgare licet. Ratio consequentiæ est: quoniam egri cibationem ferunt levius, quàm vacuationem. Illà siquidem reficiuntur: hac verò debilitantur. V. quia in principio paroxysmi adhuc ignoratur, per quamnam viam natura materiam motam sit extrusura. Quare si purgatio adhiberetur, fieri posset, ut motus institueretur naturæ planè contrarius. Atqui naturæ inclinatio, siquidem idonea sit, semper sequenda: uti aphor. 21. sect. 1. docetur. Has ob causas Avicenna & Oribasius in accessionibus à purgãtibus pharmacis dehortantur. Quorum sententia nos quoque subscribimus, & in intermissionibus febrium purgandum censemus. Tùm quippe febres minus fatigant, viresq; melius constāt: ac proinde cathartici medicaminis impetum facilius tolerare possunt. Ad primam verò objectionem respondemus, materiam quidem in paroxysmo moveri, calefieri, attenuari: non tamen sequi, dejectorio pharmaco educendam esse. I. quia adhuc motus & inclinatio naturæ ignoratur. II. quia natura motam materiam ut plurimum vacuat vel per vomitum, vel per spiracula: cuj cutis contrarius motus minimè moliendus. III. quia non tātum ad motā materiam: sed etiam ad virtutem respiciendum:

diligenterq; perpendendum, quo tempore omnium facilius purgationem ferre queat. IV. quia intempestiva alvi dejectione natura ab officio suo in paroxysmo neutiquam distrahenda. Ad secundam. Natura vel movet sufficienter: vel movere incipit: vacationem autem perficere nequit. In priori casu nihil agendum Medico, juxta aphor. 20. sect. 1. In posteriori verò quod deest arte supplendum. Sed quonam remedio? Dejectione? Minimè gentium. Iam enim dictum, naturam in paroxysmis ut plurimum vacuare per vomitum, & sudores. At quæ educere oportet, inquit venerandus senex aphor. 21. sect. 1. quò maximè vergere videbuntur, ducito. Ergò dato vomitorio natura conatus juvari poterit. Ad tertiam. Distinguendum inter purgationis tempus liberum atq; coactum. Illud in nostra situm est potestate. Hoc nequaquam. Liberum datur in febribus intermittentibus simplicibus: estq; dies intermissionis. In cæteris non item. In his ergò posthabendus paroxysmus, & urgenti necessitati serviendum; hac tamen cum conditione, ut in continuis proportionalibus purgetur in remissione. Nam licet ἀπυρεξίας non habeant: habent tamen ἀρέσεις, remissiones. In implicitis eligatur tempus tranquillius: & tùm purgetur, cùm prioris febris accessio mitescit atq; declinat. In Synochis, quæ neq; ἀπυρεξίας, ut intermittentes simplices: neq; ἀρέσεις, ut continuæ alie habent, ad urgentem necessitatem respiciatur: & tùm purgatio decernatur, cùm usus eam postulare videbitur. Necessaria enim & coacta purgatio certò & determinato tempore caret. Et in re ancipiti, inquit Galenus l. 11. meth. med. c. 21. sæpè eligendum id, quod minus est noxium: ut vitetur, quod noxam introducere majorem valet. Authoritatem Galeni quod attinet, dicimus, illum in paroxysmis admittere vomitum: quod ipsi quoq; largimur, si natura sufficiens esse nequeat: non autem purgationem per inferiora. Hanc enim, ut idem lib. quos & c. purgare oportet, explicat, intermissionis die instituit. Avicenna, Trallianus, & Aëtius

Aëtius nobis non adversantur, quando ante accessiones, aut incipientibus quartana accessione vomitum provocant. Concedimus enim, si sursum vergat materia, vomitorijs natura conatum juvandum promovendumq; esse. Hippocratem quod spectat, respondemus, in quartana casum esse extraordinarium, irregularem, & necessitatis: ex quo inferre non liceat, etiam in aliarum intermittentium febrium paroxysmis per inferna purgandum esse. In quartana siquidem aliquando necessitas postulat, ut purgetur in paroxysmo. Causa est, quia materia illius melancholica est: crassa scil. faculenta, non multum calida: ac propterea ad expurgationem tarda atq; difficilis. In accessione vero movetur, attenuatur, incallescit: & idcirco ad evacuationem promptior est atque obsequentior. In aliis autem febribus intermittentibus talis purgandi necessitas minimè urget. Ideoq; purgatio rectius die intermissionis celebratur: & quidem propter causas supra in medium adductas.

VI.

An matutinum tempus ad corporis purgationem aptissimum sit? Maximè: modò in nostra situm sit potestate, purgando corpori horam deligere. Rationes sunt sequentes. I. quia matutinis horis natura est alacrior: viresq; firmiores. Instauratis enim per prægressum somnum spiritibus refocillata. II. quia ventriculi concoctio est peracta, nihilq; in eo ciborum continetur. Undè minimè metuendum, ne vel vis assumpti pharmaci à cibo obruatur: aut saltem frangatur obtundaturque: vel cibus corrumpatur, aut semicoctus in venas præcipitetur. III. quia sic quoq; prisca Medicorum schola docuit. Nam Paulus l. 7. c. 6. purgans pharmacum stomacho jejuno vult exhiberi. Quod ipsum quoq; Avicenna jnnuere videtur l. 1. fen. 4. doct. 5. c. 5. In usu enim purgantium vacuum ventriculum requirit. At vacuus esse so-

let manè: quia cibus vesperi ingestus jam concoctus est, inq³ corpus distributus.

VII.

Utrum strictè semper matutinum tempus in purgatione servandum? Distinctè nobis respondendum videtur. Nam purgamus vel præservationis ergò sanos: vel curationis gratiâ egros. In purgatione prophylactica rectè eligitur tempus matutinum: idq³ ob causas præcedenti problemate expositas. In curativa verò eligi semper nequit. Nam affectus, cuius causâ purgandum, vel febris est: vel alia morbi species. Febris rursus aut intermittens: aut continua. In intermittente simplici à πύρεξις tempore purgatur: ut antè probatum. In composita, quæ implicita, purgatur, cum accessio mitescit, atq³ declinat. In continua purgatur, quando adest remissio. In aliis affectionum generibus v. g. ictero, hydrope, melancholia, dysenteria, cancro &c. rursus matutinum tempus purgationi tribuitur. Nihil enim est, quod suadeat tempus aliud: sed id liberum nobis relinquitur: adeò ut in potestate nostra sit positum, eam eligere diei partem, quæ ad purgandum corpus est opportunissima.

VIII.

Sintné catapotia, seu, ut usitatori utamur vocabulo, pilulæ, quæ caput purgare debent, post coenam deglutiendæ? Frequens admodum apud recentiores quosdam practicos capitalium pilularum à cæna usus esse solet: conanturq³ placitū suum tum authoritate, tum rationibus defendere. Authoritatem primum Iani Damasceni. Medici inter Arabes eximij, adferunt. Sic enim aphorismo 30. scribit: medicamenta quædam à cæna sub somnum exhibentur: puta, quæ è capite & remotioribus membris debent attrahere, & ubi vehementer morbus invaluerit, maximeq³ in principibus particulis extiterit. Et clariùs adhuc rem
expo-

exponit aphorismo 77. inquit, cum quis vult caput purgare, aut cerebrum, aut instrumenta sensuum, catapotis id maiusculis, atq; à cœna faciendum est. Deinde Galeni, qui l. 14. meth. med. c. 8. sexagenario cuidam, qui tumefactam linguam habebat, catapotia, ex aloë, scammonia, & calocynthide composita vespere exhibuit. Tertio Pauli, qui l. 1. c. 43. post cœnam terebintinam, aloën, rheum &c. offert. Ratio verò prima est: quia pilule à cœna sumptæ miscentur cum cibo: cumq; homines tùm cubitum se conferre soleant, fieri ajunt, ut facultas pilularum unà cum vaporibus cibi sursum ad caput feratur: eamq; ob causam noxios ex capite humores deorsum in ventriculum trahat. Secunda: quia alterantia quoq; medicamina, tùm siccantia & roborantia caput: tùm defluxiones inhibentia: tùm somnum conciliantia eandem ob causam peractâ cœna usurpantur. Nimirum ut vires illorum cum cibo misceantur, & cum exhalationibus ejus vehantur ad caput. Tertia: quia capto cibo, corporeq; ad somnum composito, pilule diutius morantur in ventriculo, & proinde validius à capite trahunt. Quarta: quia delicatæ naturæ, quibus ventriculus est infirmior, eiusq; orificium sensus exquisitioris: quæ item à catharticiis abhorrent, eaq; jejuna si fuerint, promptè excutiunt per vomitum: ad hæc, quæ in ediam tam diu ferre nequeunt, donec purgatio sit completa: imò non raro rosiones & morsus ventriculi tùm ab ipsis pharmacis, tùm ab attractis humoribus sentiunt, ut metuendum, ne in leipothymiam, aut convulsiones incidant, tutius jucundiusq; purgantur, si à cœna, stomacho nonnihil cibis refocillato, cephalicas pilulas usurpent. Verùm hanc exhibendarum pilularum capitalem rationem Leonhartus Fuchsius partim in Instit. l. 2. sect. 5. c. 18. partim verò l. 3. de compos. med. c. 9. prorsus damnat: suaq; sententie subscriptorem habet Fallopium l. de simpl. purg. med. c. 24. Vult autem hæc pilulas non secus atq; alia cathartica pharmaca, matutino tempore, cum ventriculus est jejunus, devorandas esse. Et pro sua sententia

tuitione rationibus atq³ authoritate nititur. Authoritate quidem Pauli: qui l. 7. c. 4. ita scriptum reliquit: qui aloë vespere propinant, noxam inferunt. Alimentum enim corrumpit. Rationibus verò sequentibus. I. quia natura post cœnam circa cibi concoctionem occupata est: & propterea non ita benè actionē pharmacijuvare potest. Necesse igitur est, ut pharmacum naturæ auxilio destitutum minus vacuet. II. quia purgans concoctionem impedit, turbat, sumptumq³ cibum corrumpit. III. quia si aloë, quæ tamen ex toto corpore trahere nequit, & grata est ventriculo, à cibo ingesta, cibum labefactat: multò sanè magis id facient pilule capitales, cochia scil. aurea, sine quibus, Arabica &c. quæ valida purgantia, & ventriculo inimica, nimirum scammo-neam, colocynthida, turbith &c. recipiunt. Hisce rationibus Fallopius etiam hanc addit: quia catharticum à cœna devoratum cum cibo miscetur. Aut igitur cibum superat: aut ab eo superatur. Si superat, cibum corrumpit, ejusq³ corrupti partem aliquā in genus deducit venosum, non sine incommodo corporis purgati. Sin superetur, in prævum succum mutatur: à quo rursus detrimentum in corpus redundat. Nos quid sentiamus dicemus liberè, salvo semper rectius sentientium judicio. Monemus autem, questionem non de quibuslibet esse purgantibus, sed tantum de ijs, quæ purgant validius, quæq³ caput, partem admodum distantem, à superfluitatibus vindicare queunt. Hoc pramonito, profitemur, capitales pilulas rectius matutino tempore, vacuo existente stomacho, quàm eodem cibi refecto post cœnam deglutiri. Argumenta, quæ nos movent, non tantum sunt ærexxa, & aliunde assumpta; petita scil. ex testimoniorum loco; quia veteres Medicina principes sic docuerunt: sed etiam Ætrexxa, atque insita. I. est: quia nulla dari diversitatis ratio potest, cur solæ capitales pilule vespere ante, vel post cœnam sumi debeant: reliqua verò omnia cathartica, si vel solida sint, si vel liquida, etiam caput ipsum purgantia, horis matutinis, ventriculo cibi vacuo. Nam rationes, quæ suprà fuerunt
proposi-

proposita, straminea sunt, & in fumū facile abeunt, ut infrā patebit. Itaq; cum de similibus simile fieri debeat iudicium, sequitur, si cathartica alia, etiam capitis causā instituta, matutinis horis capienda, pilulas quoq; cephalicas iisdem capi debere. II. quia pilulae post cœnam à cubitum ituris deglutitæ nocturnam interturbant quietem. Vi siquidem illarum medicatrice in actum deducta, homines ad sellam surgere cogunt. Plures enim hora inter cœnam & auroram intercedunt, quibus ut plurimum operari solent. Verum nocturna requie interrupta, & corpore purgato, fit, ut patientes die sequenti admodum debiles sese sentiant. Licet autem quod noctu neglexerūt, interdium compensari possint: in confesso tamen est, multò placidiorem suavioremq; somnum obrepere noctu, quam interdium: idq; ob noctis tranquillitatem, frigiditatem, & tenebricositatem. & quia homines nocturno, non diurno tempore dormire consueverunt. III. quia actio purgantium medicaminum juxta Hipp. aphor. 14. & 15. sect. 4. quiete quodammodo coërcetur: motu verò juvatur, ac promovetur. IV. quia idem Hippocrates aphorismo 14. s. 4. hellebori exemplo ostendit, sūptā catharticā medicinā corpus movendum potius esse, quàm somno tradendū, aut quieti. Motione enim turbari corpora vel navigationē indicare scribit. V. quia matutino tempore multò felicior multòque copiosior expectari potest vacuatio, quàm nocturno. Noctu enim vis cathartici propter cibū, somnū, & quietē frangitur atq; hebetatur. Natura etiam propter vigiliam & laborem diurnam fatigata est: ita ut somno refocillari cupiens, ad expulsionem vitiosorum humorum pigrior sit atque ignavior. Interdium verò alacrior est, & ad superfluitates expurgandas prompta atq; parata: quia nocturnā quiete refecta. Catharticum quoq; sui juris est, cibi presentia minimè obtusum. In ambulare etiam licet: ita ut motus beneficio humores agitentur, fundantur, alliciantur, ex-

pultrix:

pultrix, quæ per somnum feriatur, suscitetur, & purgantis medicamen-
 ti actio promoveatur. Superest ut ad argumenta neotericorum respō-
 deamus. Auctoritatem Damasceni relinquimus in medio. Sequatur il-
 lum, qui velit. Nobis enim auctor ille nihil præiudicat: cum contrariū
 sentiant auctores Damasceno celebriores, magisq; authentici. Ad Ga-
 leni locum respondet Fuchsius in Institutionibus. Eius ergo cantilenam
 non repetimus. Paulum quod attinet, dicimus, illius auctoritatē neo-
 tericorum sententia minimè patrocinari. Non enim l. 1. c. 43. de pilulis
 cephalicis in specie: neq; in genere de medicamentis solutivis; sed duntaxat
 de ἐκκοπρωτικοῖς verba facit, quæ humectando, lubricando, emol-
 liendo, detergendo, moderatè stimulando, feces educunt. Terebintina
 quippe, ovorum sorbillum, betæ, malvæ, iusculi cochlearum, mercurialis
 in aqua cum sale decoctæ, feri lactis cum sale, aut melle misti, iuris galli
 decrepiti &c. meminit. Imò expresse ibidem fatetur, qui vehementiore
 ad subducendam alvum medicamento opus habent, veris tempore manè
 drachm. 1. Epithymi ex oxymelite bibere debere. Obiicies, Aloen tamen
 à cœnâ Paulum offerre. Respondemus, sic quidem esse: sed aloen non nisi
 magnitudine trium cicerum: vel, ut l. 7. c. 4. monet, trium obolorū h. e.
 sesqui scrupuli pondere. Hac si quidem dosi feces solum extrudit: & vē-
 triculum interim confortat: cibum verò neutiquam corrumpit. Vacuat
 autem iustè, si iusta in quātitate, v. g. ad drachm. 1. ex hydromelite suma-
 tur: ut idem seipsum loc. alleg. interpretatur. Sed iusta in quantitate &
 aloen, & alia fortiora pharmaca manè ante cibum præscribit.
 Ad primam rationem rursus Fuchsius in Inst. respondet. Actum ergo agere non
 libet. Ad secundam. Quod ὀπρωτικὰ noctu dentur, causa est, quia propter tran-
 quillitatem noctis melius operantur. Quod eodem tempore catarrhos sistētia
 præbeantur, ratio est, quoniam defluxiones noctu frequentiores & vehementiores-
 que esse solent. Nil tamen obstat, quo minus etiam alio diei partibus exhibean-
 tur. Roborantia & siccantia caput non à cœnâ solum, sed etiam manè & vespere
 ante cœnam offeruntur. Cur autem nocturno quoque tempore pilula capitales us-
 surpari debeant, nullam solidam pregnantemque rationem videmus. Ad tertiam.
 Esto. Morentur sanè pilula à cœnâ in ventriculo distēns. Dicimus tamen, manè
 sumptas tanto temporis spatio inibi manere, quanto ad perficiendam purgationē
 opus. Interim multæ præiis, quæ à cœnâ devorantur, prærogativas habent: ut ex
 suprâ dictis liquet. Ad quartam. Incommodis in delicatis naturis occurrere potest,
 etiam si pilula post cœnam non porrigantur. Si enim à pharmacis abhorrēt, dentur
 pilula pauciores, & quisidē cum rebus palato gravis: v. g. pulpâ prunorū, passu-
 larum, pomorum assorum, cerasis conditis, iulepo ros. iul. Siol. Sino, lacte &c. Si
 impetum earum ferre nequeunt, eligantur leviiores. Si facile vomunt, forbeat
 parum liquoris adstringentis. e. c. succi cydonior. succ. rib. succ. granator. syr ber-
 ber. acetros. &c. Si inediā diu tolerare non possunt, morsusque ventris sentiunt,
 abstergens sumatur sorbitio: nempe decoct. cicerum: decoct. hordei: brodium sac-
 charatum, &c. aut temporius ager cibetur. Temporius autem cibari potest, quia
 delicata natura citius faciliusque purgari solent.

DISPUTATIO
DE
PURGATIONE

N O N A:

*In inclyta Argentoratensium Acade-
mia ingenij exercendi gratiâ
proposita:*

P R Æ S I D E

MELCHIORE SEBIZIO

Juniore : Doctore & Professore
Medico :

Respondente

DANIELE WIDHOLZIO
Augustano.

ARGENTORATI

Typis J O A N N I S R E P P I,

ANNO M D C X X I.



NOBILITATE GE-
NERIS, AMPLITUDE,
DOCTRINA MULTAQUE RERUM
experientiâ præstantissimis
VIRIS

DN. JOHANNI BAPTISTÆ HAINZELIO,
Præfecto Ecclesiæ apud Augustanos Orthodoxæ &
Collegij Evangelici supremo:

DN. JEREMIÆ ERHARDTO, Medicinæ Docto-
ri Excellentissimo, Practico ibidem felicissimo,

*Dnn. Cognatis atq; Patronis sanctè venerandis
& colendis;*


ET

DN. M. ELIÆ EHINGERO Gymnasij Annæi Re-
ctori & Bibliothecario dignissimo, Præceptori &
Fautori suo æternùm observando:

*Specimen hoc Medicum observantiæ
& amoris ergò*

dicat & offert

Daniel Widholzius, Respondens



PROBLEMA I.



Itne illorum Medicorum probandum institutum, qui purgantium sacculorum, sive nodulorum usum in principio prandij laborantibus suadent? Sacculi, sive noduli cathartici in vino infusi, praestantissima sunt, multis in affectibus remedia. Vinum enim propter tenuitatem suam in omnes infusorum simplicium partes sese insinuat, eorumq; vires optimè elicit: elicitasq; in abditas corporis partes diffundit. Et quia vinum natura gratum est atq; amicum, fit, ut sacculorum medicamentorum infusa minori cum molestia assumantur, faciliusq; retineantur. Hoc quoq; laudis habent, quòd lentè, & citra virium jacturam purgent: naturam minimè debilitent: potenter penetrent: insigniter aperiant: instarq; longorum & magistralium tùm syruporum, tùm apozematum à veteribus usurpari solitorum sese habeant: & felici cum successu in ictero, hydrope, cachexia, melancholia hypochondriaca, febribus intermittentibus, obstructionibus mesenterij, hepatis, lienis, renum, & ureterum, dysenteria, aegritudinibus aliis operentur. Verum hac quidem praestant, si opportunè usurpentur. Lædunt autem, si propinentur intempestivè: in principio scilicet pastus. Quam ob causam eorum Medicorum improbandum videtur institutum, qui patientibus precipiunt, ut loco primi in prandio haustus infuso sacculorum utantur. Repugnant enim auctoritati procerum artis: & rationi maximè adversantur. Auctoritati quidem Pauli Aeginetæ, qui l. 7. c. 6. in genere monet, purgantia pharmaca homini jejuno danda esse: & ab omni cibo ac potu abstinendum, usq; ad perfectam purgationem. Deinde

Avicennæ, qui l. i. can. fen. 4. doct. s. c. s. consulit, ut qui catharticum sumsit, non comedat, neq; bibat, donec medicina suam perfecerit operationem. Tertiò Aëtij, qui quæ Paulus & Avicenna dixerunt in genere de omnibus solutivis pharmacis, in specie ad vina cathartica accommodat: eaq; tetrab. i. serm. 3. c. 58. & 62. ante cibum: & cap. 69. ante prandium exhibere jubet. Contra rationem verò faciunt: I. quia vis cathartica sacculorum in vino infusorum à cibo obtunditur, si in paſtus principio uſurpentur. II. quia cibi coctio impeditur: nondumq; coctus expellitur. Infusa namq; purgantia vim stimulandi, & expellendi habent. III. quia metus est, ne cibus nondum satis coctus, aut etiam corruptus, unà cum hausto cathartico ad hepar & venas perducatur: ac in iis vel obſtructiones, vel aliud aliquod incommodum pariat. IV. quia cibus ingestus tum à potu infuso, tum ab attractis humoribus vitiosis inquinatur. V. quia fieri poteſt, ut pars corruptorum humorum, quæ jam ad ventriculum, aut intestina, trahente pharmaco, & expellente natura, est ablegata, contra naturæ & pharmaci institutum unà cum cibo ad hepar & venas remittatur. VI. quia cibi & cathartica pharmaca contrariæ prorsus sunt naturæ: contrariosq; effectus habent: & ad contraria loca tendunt. Itaq; uno eodemq; tempore commodè offerri nequeunt. Verum contra negativam affirmativæ defensores similiter & authoritates, & rationes in medium adferunt. Authoritatem primùm Hippocratis, qui lib. de vict. acut. cathartica modò cum sorbitionibus offert: modò iis epotis, ptisanam protinùs sorbendam exhibet. Deinde Galeni, qui lib. 5. de tuend. san. cap. 9. senibus ad ciendam alvum mercurialem herbam, & *Σαλασσοκράμβην*, h. e. brassicam marinam, soldanellam in officinis appellatam, & cnicum, sive semina carthami in ptisana porrigit. Et lib. 13. meth. med. c. 15. hepatis à v. phlegmone obſeſſo cnico cibus admisto, & urtica, & mercuriali, & epithymo, & alijs etiam valentioribus, partim in ptisana coctis, partim tuis, & cum ptisana propi-

propinatis utitur. Tertiò Aëtii, qui tetrab. 1. serm. 3. c. 57. scribit, pharmaca alvum subducentia in cibo sumi. In cibo enim medicamentum juxta Hippocratem l. περὶ τροφῆς alimentum esse optimū. Hæcq; ὑπακλινὰ pharmaca etiam sanis naturaliter adstrictam alvum habentibus utilia esse. Fortassis autem, subdit idem Aëtius, & ijs, qui se ex morbo recolligunt; in superq; ijs, qui ex diuturno morbo ægrotant, ea fieri auxiliaria, si unum, aut alterum simplex pharmacum jucundis fuerit admistum edulij, aut ad ventrem emolliendum: aut si etiam redundantem humorem paulatim & latenter evacuare volumus. Quæ authoritates etsi ad probandum sacculorum purgantium usum in prandij principio nil facere videantur: in genere tamen hoc probant, quod cathartica pharmaca rectè cum cibo sumantur. Quinimò Aëtius tetr. 1. serm. 3. cap. 61. vinum purgans in specie, polypodites nūcupatum, in prandio, medios inter cibos, præbet. Rationes verò sectæ hujus sunt sequentes. I. quia multi vinum jejuno stomacho ferre nequeunt: sed eò manè hausto, de turbatione & repletione capitis conqueruntur. Necessum igitur, ut vina purgantia differantur in tempus prandij. II. quia eo tempore & minori cum nausæa bibuntur: & bibita facilius retinentur. III. quia leniter vacuant. Vis namq; & impetus cathartorum infusorum, quem naturæ delicatiores infirmioresq; non ferunt, alimentis admistis aliquo modo hebetatur. Sed ad horum & similium argumentorum solutionem Oedipo non est opus conjectore. Nam Hippocratem quod attinet, porrigit is quidem purgantia modò cum sorbitionibus quibusdam: modò post ea ptisanam sorbendam propinat. Verum non nutritionis: sed voluptatis, utilitatis, aut necessitatis gratiâ. Voluptatis quidem ergò: ut purgantia gustui fiant gratiora, ventriculoq; acceptiora. Utilitatis verò ac necessitatis causâ, ut malitia eorum infringatur: ut citius faciliusq; ad partes distantiores perferantur: ut ab orificio ventriculi abstergantur, atq; ad fundum illius abeant: ne orificium, quod sensus est

eximij, offendant: velut reliqua tùm pharmaci assumpti, tùm attractorum humorum abluantur, atq; ad alvum ablegentur. Quam ipsam ob causam etiam practici nostre etatis duabus, tribus, aut quatuor horis à pharmaci sumptione detergentem aliquam sorbitionem dare consueverunt. Ex ipso verò Hippocrate probari minimè potest, eum solutiva pharmaca in pastu ordinario admisisse. Distinguendum ergò inter sorbitionem, v. g. brodium, ptisanam, lac, vinum, &c. & prandium, vel cœnam. Purgantia cum sorbitionibus alimentarijs dictas ob causas exhibuisse Hippocratem concedimus: inter prandendum verò, cœnandum ve dedisse pœnegamus. Quantum ad Galenum, dicimus, eum l. 5. de tuend. san. c. 9. non de medicinis solutivis, sed tantùm de alvũ laxantibus, facesq; educantibus, verba facere: quas cum cibis sumi posse non inficiamur. Libro verò 13. meth. med. c. 15. docet, eos, quibus cava hepatis inflammata sunt, partim per clysteres: partim verò per subducloria purgandos esse pharmaca: hæc q; vel cibis quibusdam admisceri: vel ptisanæ incoqui, aut inspergi: vel cum melicrato dari posse. At in principiopastus usurpanda esse, ne verbo quidem meminit. Itaq; rursus inter pastum ordinarium, & aliquem cibum, ac sorbitionem diligenter distinguendum. Aëtij authoritas impertinenter allegatur. Sensus enim verborum eius est, pharmaca tam lenitiva, quæ ventrem solùm molliunt: quàm solutiva, quæ vitiosos humores extrahunt, jucundis admisceri debere eduljjs: ut & sanis, qui naturaliter alvum habent adstrictam, & convalescentibus, & diuturno detentis morbo, commodetur: quò redundans humor paulatim & latenter detrahatur. Quare iterum cibus aliquis cum pastu ordinario atq; integro confunditur. Vina verò purgantia Aëtius antecibationem propinat: velut ex cap. 58. 62. & 69. tetr. 1. serm. 3. apparet. Unde etiam ea inter illas potiones, quæ προπόμενα c. 57. vocat, quòd ante cibum bibantur, refert. Ad caput 61. ubi vinum polypodites in prandio, medios inter cibos, offert, respondemus, vinum il-

lud

lud non tam solutivum, quàm lenitivum & ἐκκροτῶν ἵκνεσσε. Nil enim præter radices polypodij, epithymum, mastichem, & spicam nardi habet. Et Aëtius illud non purum & sincerum, sed aquâ calidâ temperatum exhibet. Licet autem Dioscorides l. 4. c. mihi 166. Paulus l. 7. c. 3. Oribasius l. 1. synopsis. c. 17. l. 7. coll. c. 27. & l. 1. euporist. c. 9. Aëtius tetr. 1. s. 3. c. 30. polypodio vim purgatricem tribuât: Manardus tamen id leviter admodum purgare scribit. Dodonæus experientiâ edoctus facultatem cathartica[m] ei prorsus derogat: ad alvi autem solum subductionem facere ait, si cum beta, malva, aliisq[ue] lenientibus medicinis, aut in jure galli veteris elixetur. A cuius sententia non longè Fernelius abest. Nam l. 5. meth. med. c. 14. polypodium in eorum classe collocat, quæ à veteribus quidem pro purgantibus habitæ fuerunt: sed hac tempestate, his vere regionibus, nulla, aut certè quàm minima deijciendi facultate pollent: ut proinde non purgantibus, sed iis, quæ ad purgandum juvant, & preparant, adscribantur. Hinc refert Camerarius in horto, anus medicastras tres uncias radicum polypodij alicui liquori incoquere: & tamen sine efficacia nonnunquam dare. Eadem in classe Fernelius epithymum reponit: tametsi Dioscorides illud l. 4. c. mihi 159. Paulus l. 7. c. 4. Aëtius tetr. 1. serm. 3. c. 29. & tetr. 1. serm. 1. & Oribasius l. 1. synopsis. c. 17. & l. 7. collect. c. 27. inter verè purgantia connumerent. Sed rationibus modò respondeamus. Ad primam dicimus, opus non esse, ut vina cathartica differantur in tempus prandij. Possunt enim etiam tribus quatuorve horis ante prandium capi: prægustato tamen jusculo. Sic enim caput minus turbatur, & ventriculus ab actuali illorum frigiditate minus offenditur. Ne autem vis eorum frangatur, eiusmodi juscula eligi possunt, quæ simul sint medicata: & vinorum facultates juvent: aut saltem promoveant: præmittendo v. g. vinis diureticis, lithontripticis, & renes, ureteres, heparq[ue] deobstruentibus, juscula cicerum rubrorum; aut quibus radices petroselini & fœniculi sint incocta; cephalicis, quæ macem, vel majoranam habeant admixtam:

Itam: thoracis, quibus saccharum, hordeum, thymus, aut simile quid, quod culinis alijs usitatum, adjunctum. Ad secundam. Premissis jusculis sine nausea vina haec bibuntur, facileq; retinentur: ut necesse minimè sit, inter prandendum ea haurire. Adde quòd non omnia omnibus nauseam pariant. Non omnia: quia non omnia ingrata: & quae ingrata, simplicibus fragrantibus, atq; sapidis suaviora reddi queunt. Non omnibus: quoniam non omnes à pharmacia abhorrent: neq; omnes sunt delicatuli. Ad tertiam. Etiam illi sacculi, qui manè, praesumpto jusculo, usurpantur, teneras infirmasq; naturas leniter vacuant. Harum enim causà ex benignioribus conficiuntur pharmacis: & minori in quantitate offeruntur. Adde quòd infusio eorum non prorsus pura sit & impermixta: quia ab hausto jusculo non nihil alterata. Itaq; nil attinet, prandij tempore eorum adhibere usum, & quidem cum detrimento laborantium.

II.

An quod indicat purgationem, etiam purgationis quantitatem indicet? Numero & subjecto idem videtur indicans purgationis, & illius quantitatis esse: nimirum κακοχυμία disput. 2. descripta: τῷ δὲ λόγῳ, ratione verò ac definitione diversum. Κακοχυμία enim per suam naturam atq; essentiam purgationem indicat: per suam verò actionem & vehementiam, quae essentiam comitatur, purgationis quantitatem. Summa quidem illius actio, siue magnitudo, maximam indicat purgationis quantitatem: mediocris mediocrem: magna simpliciter justam, & magnitudini proportionalem. Ex quo duo inferimus. Primum, virtutem, propriè ac specificè indicantis vocabulo accepto, quantitatem purgationis minimè indicare: sed à magnitudine κακοχυμίας indicatam vel permittere: vel prohibere: vel leviolem saltem suadere; vel iteratam postulare. Causa est: quia quod κακοχυμία, indicans praeservatorium, indicat, virtus, indicans vitale, indicare nequit: idq; propterea: quia haec indicantia inter se confunderentur:

ventur: & aliud esset, quod indicaret, aliud quod curaretur, si
virtus quantitatem purgationis indicare diceretur. Deinde
temperamentum, habitum corporis, etatem, sexum, regionem, an-
ni tempus, precedentem victus rationem, vitæ studium, quantita-
tem purgationis nō determinare: (hoc enim solius cacochymie ma-
gnitudinem facere jam dictum fuit) ad inveniendā tamen quan-
tatem plurimum inservire: quatenus nimirum magnitudinem
indicantis cacochymie patefaciunt: & virtutis robur detegunt.
Nam habitus corporis rarus, mollis, & laxus: etas puerilis ac seni-
lis: sexus muliebris: regio fervida: ætas, mediāq, potissimum il-
lius pars, per se & directè neq, purgationem, neq, eius quantitatem
inducant: sed signa duntaxat sunt eiusmodi virtutis, quæ largam
copiosamq, purgationem minimè tolerat. Contrā, habitus den-
sus, durus, atq, compactus: etas juvenilis & virilis: sexus mascu-
leus: regio temperata: anni tempus vernum & autumnale: pul-
sus insuper vehemens, æqualis, & magnus, indicia sunt talis vir-
tutis, quæ validiorem purgationem ferre potest. Sic manifesta, evi-
dencia, maximèq, conspicua bilis, melancholia, pituita, & seri si-
gna magnitudinem & copiam cacochymie produnt: quæ, si vir-
tus non reclamet, fortiolem uberiolemq, nādasor indicat: ut inter
indicans & indicatum iusta sit proportio. Quæ autem illa signa
sint, præclarè Galenus tūm alibi, tūm comment. 4. aphor. 2. & l. de
plenitud. c. ult. necnon Avicenna l. 1. can. fen. 2. doctr. 3. c. 7. & Fer-
nelius l. 2. παθολογ. à cap. 15. usq, ad 19. docent.

III.

Utrum liceat usque ad animi defectionem purgare?
Disputatione de venæ sectione 20. ostendimus, veteres nonnun-
quam sanguinem usque ad animi deliquium detraxisse. Hic roga-
tur, an ad idem usq, etiam purgare sit integrum? Ad quam qua-
stionem negativè respondemus, sequentes ob causas. I. quia ve-
næ sectione usq, ad λειποθυμια Galeno quodammodo fuit suspecta, ne-
que unquam, nisi summa urgente necessitate, viribusq, constanti-

bus, & annuente etate, ab eodem tentata: velut allegata in disput.
 indicavimus. Itaq; suspecta magis nobis debet esse illa purgatio,
 quæ ad animi deliquium hominem deducit. Nam venæ sectio in
 nostro sit & est arbitrio, adeò ut sistere sanguinis vacationē liceat,
 quandocunq; libuerit. Purgatio nequaquam. Quod enim semel in
 ventrem ingestum est pharmacum, inquit Galenus l. de cur. rat.
 per S. M. c. 12. quò minus totum sit assumptum fieri non potest: nec
 licet, ubi plus æquo jam homo purgatur, partem eius, quod est ob-
 latum, auferre. II. quia vis pharmaceutica hanc non ita regi ac
 gubernari potest, ut tantum λεπτοθυμία excitet: non etiam ulterius
 progrediendo syncopen, aut convulsionē, symptoma, Hippocratis ju-
 dicio aph. 1. & 4. s. s. in purgationibus lethale, pariat. III. quia nulla
 necessitas urget, ut una vice tantum periculosam purgationē, instituamus
 qua adstantes terrentur: Medici fama & existimatio periclitatur:
 egri ita nonnunquam leduntur, ut illatam noxam difficulter ad-
 modum corrigere queant. Nam quod expurgandum restat, vice al-
 lia expurgari commodè potest. Oportet enim non solum βραχέως, CI-
 TÒ: sed etiam ἀσφαλαίως ἡ ἀνωδύνης, TUTÒ & IUCUNDÈ medi-
 cari: ait Galenus l. 14. meth. med. c. 13. IV. quia ejusmodi purgatio
 vires supra modum debilitat, & ὑπερκαθάρσις facit: estq; ex genere
 extremarum vacationum, quas Hippocrates aphor. 3. sect. 1. &
 aphor. 51. sect. 2. damnat, & periculosas proclamat. V. quia Gale-
 nus l. de cur. rat. per S. M. c. 12. & l. 9. meth. med. c. 10. memorabilia
 refert exempla eorum, qui præ sanguinis vacatione ad λεπτοθυμία
 usq; facta interierunt. Fieri ergò potest, ut quis etiam præ nimia
 purgatione exanimetur: & quidem tantò magis, quantò purga-
 tio sanguinis missione fortior est atq; violentior. Violentiores autē
 esse ex disp. 2. probl. 1. de ven. sect. constat. Notandum hîc, intelli-
 gere nos λεπτοθυμία non eam, quæ etiam mediocriter purgatis ob
 prava humores orificium ventriculi affligentes quandoq; accidit:
 sed quæ vacationis ratione excitatur: idq; ob effrenatam vim
 atq; potentiam purgantis pharmaci.

I V.

Num vitiosus humor prorsus, & ut loquuntur, eradicativè eximendus sit, si corpus vel à futuro morbo præservari: vel à præsentī liberari debeat? *Axioma est* *θὺς ἀπευλκὸν*, quicquid alienum ac præternaturā est, & à naturali statu eò usq; recessit, ut neq; diatā emendari, neq; naturæ calorisq; beneficio in pristinam bonitatem reduci, neq; alterantibus medicamentis ad meliorem convenientioremq; statum revocari possit, tollendū esse. Talis cum sit humor noxius, qui vel futurum minatur morbum: vel jam de facto morbum peperit, quis non videt, eum sui evacuationis opus habere? Sed hīc queritur, an stirpitūs evellendus? Respondemus stirpitūs quidem: verum cum discretione. Ponamus n. illius causā institutam jam fuisse purgationem: portionem autem derelictam esse, quæ vel ob infirmitatem pharmaci, vel debilitatē patientis, vel causam aliam evacuari non potuerit. Quæstio jã est, an residuum purgantē pharmaco detrahendum? Dicimus, residuū vellese paucum atq; exiguum: vel multum & copiosum. Illud purgationis egere minimè videtur: quia parvum & leve vitium magnum & generosum præsidium, quale purgatio est, non indicat. Itaq; vel naturæ & calori nativo consumendum discutiendumq; relinquitur: vel leviori vacationis genere, v.g. exercitatione, frictione, inunctione caloricā, balneo, inediā, aut tenui saltē diatā dissipandum. Hoc verò, nisi spontaneo naturæ motu excernatur, iteratā purgatione eximendum. Ratio est: quoniam bonos & utiles humores inquinat: recensq; adveniens alimentum contaminat: sicq; recidivam causatur. Quod optimè sciens Hippocrates aphor. 12 sect. 2. dicebat, quæ in morbis relinquuntur, recidivos facere morbos solere: & aphor. 10. sect. eiusdem affirmabat, impura corpora quò plus nutriuntur, eò magis lædi.

V.

An vitiosus humor simul & semel totus: an partitis vicibus expurgandus? Quemadmodum veteres modò vice una tā-

tum mittebant sanguinis, quantum causa mali postulabat: modo
missione illius in aliquot vices dividebant: idq; propter causas diff.
21. de ven. sect. probl. 4. & 5. in medium allatas: ita quoq; nunc ca-
cachymiam simul & semel totam exhauriebant: nunc verò pur-
gationem partiebantur, & per ἐπίκασιν, repetitis vicibus illam
eximebant: idq; faciebant exemplo naturæ. Hæc enim utrumq;
purgandi modum observat. Nam in crisis perfectis totam præ-
vorum humorum colluviem simul & semel excernit. Aliàs verò
paulatim & pedetentim, pluribusq; vicibus; uti in diarrhæis &
dysenterijs videre licet. Quam naturæ priscorumq; medendi arti-
ficum consuetudinem etiam nostrates Medici adhuc hodierno secu-
lo imitantur. Nunc enim unica purgatione totum, quod peccat,
evacuant: nunc sacculos & nodulos agrotantibus præscribunt: ut
quicquid vitiosorum humorum derelictum est in sentina corporis,
κατ' ὀλίγον, sensim paulatimq; educant. Ut ergò quando semel atq;
universè: quando verò partitè purgandum sit, constet, vires, hu-
mores, & corpora distinguenda sunt. Nam vires vel constant: vel
imbecillitate laborant. Humores ratione quantitatis aut copiosi
sunt, aut pauci. Ratione qualitatis aut tennes, aut crassi, lenti, atq;
viscidi: item aut crudi, aut concocti: & quidem tales vel secundū
totum: vel tantum secundum aliquam partem. Ratione motus
aut turgidi, aut quieti. Ratione situs aut toti simul in uno loco con-
tenti: aut in varias partes diffusi atq; disjecti: ita ut portio in ven-
triculo: portio in intestinis: portio in venis: portio in capite: portio
deniq; alibi consistat. Corpora vel benè ferunt purgationes, nul-
laq; gravia symptomata inde sentiunt: vel malè: ut sunt qui na-
turā à pharmacis abhorrent: qui ventriculum habēt debilem, aut
orificium illius valdè sensile: qui levi occasione animo deficiunt: qui
in decrepitā, puerilive sunt ætate constituti. His præmissis distin-
ctionibus, decisionem problematis sequentibus complectimur con-
clusionibus. Prima est: simul & semel purgare licet, sive præser-
vationis, sive curationis gratiā purgatio instituat, cum virtus

est valida: materia pauca, uno loco contenta, arte vel natura ad evacuationem preparata. Ratio est: quia futurus morbus rectius precavetur, quando citò & festinè, una scil. vice, causa illius tollitur. Præsens autem abbreviatur, multorumq; symptomatum generatio inhibetur. Adde quòdeiusmodi purgatio sine virium decerni possit dispendio. Pauca enim præsupponitur *καιοχολία*: quæ leviori mitioriq; pharmaco opus habet. Quare temerè pluries torquetur, qui unà purgatione restitui potest. Secunda: partitè purgandum sequentibus in casibus. Primum, quando virtus est debilis, sive modica, sive copiosa sit *cacochymia* materia. Talis quippe purgatio citra corporis offensionem, citra perturbationem ullam, citraq; naturæ iacturam fieri solet. Deinde, cum materia admodum est copiosa, seu langueat, seu valeat virtus. Nam languida virtus universè factam purgationem tolerare nequit. Ad hanc enim in multa *καιοχολία* validum requiritur *καθαστικόν*: cuius vim & impetum imbecilla virtus ferre non potest. Virtus verò robusta et si fortè confert ampurgationem sustinere queat: eam tamen deijcere minimè expedit. Prestat ergò tutò, quàm citò, & cum periculo purgare: meliusq; est, uti *ἐπιγαστήρ*: h. e. nunc educere, quod est à natura alienum: nunc verò ægrum reficere. Tertiò, quando materia variis in locis est collecta: v. g. in ventriculo, intestinis, venis, alibi. Nam quæ in ventriculo hæret, promptè expurgatur vomitorijs: quæ in intestinis, clysteribus: quæ in venis, subductorijs medicinis. At remedia hæc uno eodemq; tempore usurpari non possunt. Eadem ratio est, si in partibus distantioribus, e. c. in capite, articulis, &c: materia sit coacervata. Una namq; vice sine insigni corporis agitatione in alvum derivari nequit. Quartò, cum materia se habet inæqualiter: & pars illius est cocta, pars cruda. Item pars tenuis, pars crassa, aut viscosa. Deniq; pars quæta, pars in motu, & ad exitum parata. Hoc enim in casu quod coctum est, tenue, & fluxile, expurgandum: quod crudum, crassum, & viscosum, coquendum, attenuandum, incidendum, demumq; evacuandum. Quintò,

cū patiens dictas ob causas medicationes agrè molestèq; fert. Fortia siquidem pharmaca, quæ cacochymiam eximunt adgros, citra laborem, viriumq; exolutionem minimè patitur. Facile contrà benigna, quæ iteratis vicibus ναροχουρία blandè exhauriunt.

V I.

Nunquid sitis perfectæ purgationis sit indicium? Itaque quidem persuasum habet Hippocrates aphor. 19. sect. 4. cui subscribit Avicenna l. 1. canon. fen. 4. doctr. 5. cap. 4. & 6. Verum obijci posset, quosdam valdè siticulosos esse, quibus scilicet ventriculus est calidus atq; siccus: alios, quibus is est frigidus & humidus, non itè. Fieri ergò posse, ut hi etiam purgatione completi non sitiant: illi verò & antè, & in purgationis actu potum appetant. Itaq; sitim sufficientis purgationis signum minimè videri. Ut igitur huic, & similibus objectionibus Galenus occurrat, sitim in commento aphor. allegati distinguit: tacitèq; eam in subsequenter & præoccupantem dividit. Subsequens est, quæ actum purgationis sequitur. Præoccupans, quæ vel purgationem antecedit: vel adhuc ipsa durante accidit. Illa fit ratione vacuationis. Vacuatio enim siccitatem parit: siccitas autem sitim adfert. Hæc vacuationem causam non habet: sed, authore Galeno loco citato, vel caliditatem, siccitatem, aut qualitatem utramq; ventriculi: eamq; tam accidentariam, quam nativam: vel purgantis pharmaci caliditatem, acrimoniam, & mordacitatem: vel caliditatem & siccitatem humoris vacuati, v. g. biliosi. Subsequens ergò sitis perfectæ purgationis indicium est. Significat enim medicamentum deficientibus humoribus pravis, quos expurgavit, humidam corporis & ventriculi substantiam aggredi, deq; ea aliquid absumere: ita ut mediante nativæ humiditatis diminutione vitiosos humores, qui abundabant, sufficienter eductos esse testetur. Idq; eò certius & evidentius, si alia quoq; perfectæ purgationis signa appareant: quorū duo genera Hippocrates aphor. 2. 23. & 25. sect. 1. nec non aphor. 2. & 3. sect. 4. tradit. I. si talia purgentur, qualia oportet purgari: h. e. si humores, quos exuperasse, & corpori nocuisse conjectura fuerat,

educantur. II. si patientes benè ferant: h. e. utilitatem ex purgatione percipiant: v. g. se ipsis quasi leviores fiant: vires recuperent: colorem vividum recipiant: melius appetant: placidiùs dormiant: à doloribus, vigilijs, alijsq, quibus affligebantur, symptomatibus sese vindictos solutosq, sentiant. Præoccupans non item: quia non vacationem: sed alias causas, quæ expositæ, agnoscit. Obiicies, saltem in ijs, quibus ventriculus humidior frigidiorq, est, aut à prima nativitate, aut tempore purgationis: vel quibus pituitosi, aquosi ve humores purgati: vel qui catharticum mordacitatis expers assumerunt, sitim per acta purgationis signũ non esse: eò quod ejusmodi homines longo tempore sine siti perseverare soleant. Respondet Galenus com. 4. aphor. 19. etiam hos, quando abundè purgati sunt, sitire. Excitat enim ex evacuatione siccitatem sitim gignere posse. Accedere præterea vim purgatorij medicaminis, quod licet manifestam & sensibilem acrimoniam atq, caliditatem non habeat: habet tamen latentem atq, obscuram.

VII.

Sitne perfectio & bonitas purgationis quantitate, an qualitate dejectionum æstimanda? Utrãq, Non enim perfecta & bona, utilis ve dici meretur illa purgatio, quæ multa quidẽ, at non convenientia: aut convenientia quidem, sed non sufficienter evacuantur. Nam si multa solum excernantur, sed ἀνότσια, talia scil. quæ morbica causa non fuerunt: nil juvatur ager: quia causa mali manet: imò potius læditur: quoniam humores non vacuandi vacuantur: spiritusq, minuuntur: & vires debilitantur. Rursus si convenientia quidem expurgentur, sed imperfectè, aliquid quidẽ levaminis ager sentit: sed à morbo non liberatur: aut si liberatus videatur, brevi tamen recidivam patitur: nimirum propter τὰ ἐγκαταλιμπανόμενα, quæ secundum Hippocratem aphor. 12. sect. 2. ὑποσφοδὰς facere consueverunt. Unde idem Hippocrates in perfectis vacationibus naturalibus conditionem utramq, nimirum quantitatis sufficientiam, & qualitatis congruentiam passim in aphorismis, prognosticis, prœdictionibus Coacis re-

quirit. Vult enim talia semper purganda esse, οἷα δὲ καὶ αἰσχροῖς. & quidem ἀγρίως, καὶ ἀπαρτί, plenè, integrè, atq; indeficienter. Dices, eundem tamen aphor. 23. sect. 1. monere, τὰ χυρῶντα, quæ vacuantur, non τῷ πλείθει, copiâ & multitudine metienda esse: sed potiùs qualitate: si scil. talia vacuentur, qualia decet vacuari, & agrè facillè ferant. Respondemus, Hippocratem quantitatis considerationem non excludere: sed stultam vulgi, imperitorumq; medicastro-
rum opinionem taxare: qui in vacationibus copiam duntaxat eorum, quæ vacuantur, expendunt: de qualitate autem & εὐφορίᾳ laborantium parum sunt solliciti. Hausto enim purgante medicamento, unicum hoc optât, ut & sæpè, & copiosè deiciat: siq; ita deiecit, totaq; vasa excrementis implevit, egregium fuisse catharticū, naturæq; egrotantis accommodatissimum persuasum habent: cum tamen vel in primis ad qualitatem excretorum respiciendum sit: an scil. talia sint purgata, qualia purgari oportebat: h. e. illi humores sint exempti, qui peccabant, naturæq; molesti erant, & vel futuram aegritudinem minabantur: vel præsentem generabant. Hi enim si educantur, εὐφρέσει τε καὶ εὐφορίᾳ φέροισι, inquit Hippocrates aphor. 2. sect. 1. Si verò alij, qui mali causa non sunt, detrahantur, τραυλίον, contrarium accidit: h. e. neq; conducit, neq; egrotantes benè facillèq; ferunt. Ratio patet ex suprâ dictis: quoniam ex vacatione eorum, quæ vacuare nihil attinebat, vires tantum dissolvuntur ac debilitantur: & morbus interim persistit, siquidem causa illius non sit extirpata.

II. A P E P T A.

I. An quæ de mutatione sexus in sexum à quibusdam dicuntur authoribus fabulosa sint? A.

II. Vtrum amantes ut amentes curandi? A.

III. Verumne sit, quod Hippocrates aphor. 43. sect. 7. scribit, mulierem non fieri ἀπεφιδέξιον? Magna ex parte.

IV. Num ver ab eodem saluberrimū, & minimè exitiosum: cōtrâ autumnus morborū acutorū & perniciosorū feracissimus rectè dicatur aphor. 9. s. 3? A.

V. Nunquid asthma benè inter pueriles & seniles morbos numeretur, aph. 26. & 31. sect. 3? A.

VI. Possintne omnes morbi omnibus fieri anni temporibus? Ita placet Hippocrati aphor. 19. s. 3.

DISPUTATIO
DE
PURGATIONE

DECIMA:

*In inclyta Argentoratensium Acade-
mia ingenij exercendi gratiâ
proposita:*

P R Æ S I D E

MELCHIORE SEBIZIO

Juniore : Doctore & Professore
Medico :

Respondente

M. JOANNE REINHARDO FABRO
Argentoratensi.

ARGENTORATI

Typis JOANNIS REPPI,

ANNO MDCXXI.



V I R O

REVERENDO, CLARISSIMO,
Eloquentissimo, Doctissimo,

DN. MARCO FLORO: Collegij
Thomani apud Argentoratenses Præ-
posito dignissimo, & Eloquentiæ
in eorundem Academia Professori
floquentissimo:

*Meo è Sacro Baptismatis fonte Susceptori,
Patrono & Promotori omni observan-
tia cultu prosequendo,*

*Hanc disputationem Medicam in grati
animi symbolum Dico, Dedico,*

M. Johan. Reinhardus Faber.



PROBLEMA I.



AN portiones purgatoriae calidae, tepidae, aut frigidae hauriendae? Frigida jejunum stomachum offendant. Tepidae eandem relaxant, & tonum illius dissolvunt: ideoque eum subvertunt, & vomitum movent. Calida vapore suo nares feriunt, nauseamque pariunt, antequam ori admoveantur. Quaritur ergo, sub qua qualitate sumenda? Respondemus sub calida, si aeger à pharmacis non abhorreat, neque deglutita facile vomitu rejiciat. Ratio est triplex: I. quia calefactae portiones citius in actum deducuntur: ac proinde etiam temporarius operantur. II. quia altius penetrant. Calor enim magis sese insinuat, quam frigus. III. quia ventriculum, qui pharmaca sumpturus cibus vacuus esse debet, minus laedit. Quod si patiens purgantia averteretur, haustagae promptè revomat, censemus, portiones frigidiusculas illi propinandas esse. Sic enim odorem earum minus sentiet: & ingestas facilius retinebit.

II.

Utrum post purgantia abluentibus detergentibusque; utendum sit sorbitionibus? Negantem defendit Vallesius l. 7. controvers. c. 17. Sed Leonhartus Fuchsius l. 2. Instit. sect. 5. c. 22. problema hoc distinguendo decedit. Ab assumpto pharmaco, inquit, nihil offerendum est, ne ejus actio impediatur: nisi os ventriculi vatur à admodum sensibile ac imbecillum purgantis medicamenti acrimoniam sustinere non possit, adeoque syncopen minetur. Tunc enim ptisanæ cremor, aut etiam jus cicerum cum saccharo, ut quæ gulam, & os ventriculi vellicant, detergeantur, exhiberi potest. Quod si verò prosperè, & citra ullius symptomatis accessionem purgatio procedit, nihil penitus attendandum: sed satis erit, si aeger ab immodico tum calore, tum frigore se tueatur. Distinguit ergo

pharmaca & orificium ventriculi. Illa enim vel sunt vehementia, acria, atq; mordacia: vel blanda, mitia, & acrimonia mordacitatisq; expertia. Hoc aut facile propter sensus excellentiam laeditur: aut quia sensus est obtusioris, ad noxam recipiendam non ita est proclive. Post blanda cathartica nihil offert, ne vis illorum frangatur. Post vehementia verò, si orificium ventriculi ob sensus acumen promptè offendatur, jusculis abluendi detergendiq; virtute præditis utitur: & quidem mox à pharmacis sumptis, cum operationis suæ nullum adhuc initium fecerunt. Hanc suam sententiam etiam lib. 1. paradox. c. 8. ponit: & tùm Hippocratis, tùm Galeni stabilire auctoritate nititur. Hippocratis quidem: quia l. de vict. acut. scribit, ubi quis medicamentum purgans ebibit, (mentionem autem præcedenti textu hellebori nigri & peplij, quæ admodum sunt valida, fecerat) ptisanam protinus dari debere. Galeni verò comment. 2. in hunc librum t. 13. (Iuntarum editio perperam habet t. 12.) ubi talia fatur. Maximè quidem ventris ori, quod & stomachum vocant, ut in purgantium medicamentorum potibus illæsum maneat, consulere oportet: præsertimq; cū febricitantibus tale quippiam propinatur. Verum præcipua, ne offendatur, cautio est, si medicamentum, quod offertur, purum non sit: sed cum alijs, quæ malitiam ipsius hebetare nata sint, temperatū mistumq;. Omnium enim catharticorum natura corporum, quæ purgantur, naturis contraria est: atq; ut quispiam dixerit, lethalis & deleteria. Ut autem succipapa veris, mandragoræ, hyoscyami, & similium simplicium, quæ nobis & substantiâ, & viribus adversa, corpus perimere possunt, exiguum assumentes portionem, magnam percipimus utilitatem: sic & purgantium medicamentorum, quorum natura corporibus nostris inimica est, exigua aliquam partem præcidentes ad suppetias ferendas utimur. Quo item modo in horum medicaminum potu semina quædam, quæ boni sint odoris, miscemus: quæ & malitiam obtundant: & operationem eorum non impediant, tenuandi incidendiq; facultatem obtinen-

tinencia, ita ut crassos incidant humores, & vias, quibus vacuatio fit, aperiant. Sic & à sumpto medicamento ptisanam sorbere confert. Nempe purgans medicamentum ipsum, tanquam exiguum sit, ad ventris quidem fundum pervenit. Sed, dum transit, stomachus, & quaecumq; ventris sublimior pars non qualitatem medicamenti purgantis modò, verum & substantia, quæ in transitu hæret, aliquid assumens, vehementer læditur. Ptisanæ igitur cremor superingestus commoditatem affert. Nempe & detergere, & deorsum trahere, quod viæ adhæret, & qualitatem medicamenti, quod his adhæret partibus, tum contemperare, tum permutare potest. Ob eas ergò causas à purgantis pharmaci potu, ptisanam sorberi præcipit: sed, ubi purgatio cæpit, ab ea vult abstineri, purgantis operationem exolvere veritus. Hactenus Galenus. Cujus ultima verba de ptisanæ usu post sumptum purgans etiam Oribasius l. 7. collect. c. 23. habet. Et Paulus l. 7. c. 6. ab omni cibo ac potu abstinendum monet, donec medicamentum suo munere sit perfunctum. Si verò patiens in ediam ferre nequeat, tum alia, tum ptisanæ cremorem concedit: non ubi jam purgatio incepit: sed statim post medicamenti potum. Cujus sententiæ etiam est Avicenna l. 1. can. fen. 4. doctr. s. c. 5. Fernelius l. 3. meth. med. c. 14 nihil ciborum exhibet, nisi purgans ita è ventriculo ceciderit, ut nullus eius odor, nullus ructus, nulla nausea, nullaq; stomachi rosio subsit. Cibus enim medicamenti permistione corrumpi dicit. Peractâ verò purgatione, in principio pastus detergentē dat sorbitionem, quæ medicamenti reliquias eluat, & quò decet impellat, simulq; ventriculi interiora obliuens omnem medicamenti qualitatem tædiag; demulceat. Existis ergò authoribus cōstat, vel nullas sorbitiones post purgantia ingerendas esse: vel siomininò ingerenda sint, non tamen cum adhuc operantur; sed aut ante, aut post operationem ingeri debere. Verum mos & consuetudo nostræ ætatis Medicorum est, ut abluentia detergentiaq; juscula aliquot horis post cathartorum assumptionem præscribāt.

Quam sanè nos quoq; sequimur: utilemque esse experientià & ratione probamus. Experientià quidem: quia videmus, jusculis hisce medicationem promoveri. Iis enim epotis aliquot adhuc sedes provocari in multis observamus. Ratione verò duplici: I. quia eorum usu reliquia purgantium medicamentorum abluuntur, impellunturq; deorsum: sicq; nausea quam in plerisque excitant, tollitur, & melior cum appetitu capitur prandium. II. quia quod adhuc reliquum est in vètriculo vitiosorum humorum, quod quidem à purgantibus est attractum, eluitur, & ad intestina, veluti corporis sentinam atque cloacam amandatur: ne, si maneat, cum cibo misceatur, eumq; inficiat atq; corrumpat. Interim Hippocratis & Galeni institutum neutiquam damnamus, qui immediatè post fortiorum purgantium usum, à quibus metus est, ne orificium ventriculi laedatur, deterisionis causà ptisanam sorbendam dabant. In Fuchsi tamen & Vallesii abire sententiam non possumus, qui abluentia detergentiaq; hæc juscula improbabant propterea, quòd cathartorum actionem interturbarent atq; impedirent. Non enim statim post ea: neq; dum adhuc in medio sunt operationis cursu, exhibemus: sed tribus, quatuorve horis post; cum scil. purgatio ferè est absoluta. Et mirum sanè est, vereri Fuchsi, ne haustis jusculis actio purgatrix cohibeatur: cum tamen idem ptisana usum immediatè post validiora medicamina concedat. Nam si ptisana catharticam operationem minimè frangit atq; obtundit, cum tamen vix sumptum pharmacum integris viribus contingat: quomodo queso juscula nostra, quæ purgatione penè finit à, & pharmaco majori ex parte è ventriculo pulso offeruntur, eandem hebetabunt languidioremq; reddent?

III.

Rectène nostrates practici pro deterisione reliquiarum tum pharmaci, tum attractorum humorum, jus pisorum præscribant? Scopum quidem & finem practicorum probamus: sed medium, quo illum consequi conantur, laudare non possumus.

Nam

Nam purgatis ferè corporibus deterfionis ergò pisorum nudum, sine sale, sine pane, sineq; butyro paratum commendant: cum tamen neq; pisa ipsa, neq; aqua, in qua coquuntur, ullam detergendi facultatem habeant. Et de aqua quidem res est notoria. De pisis verò consulantur scriptores omnes, qui aliquid literarum monumentis de illorū virtutibus consignârūt. Nullus, opinamur, allegabitur, qui vim deterfioriam ijs tribuisset. Imò Galenus, quem Oribasius lib. 1. collect. c. 19. Fuchsius, Matthiolus, & Dodoneus sequuntur, lib. 1. de alim. fac. c. 21. scribit, pisa totā quidem substātiā fabis esse similia: differre tamen ab illis primū in eo, quòd non aequè, ac faba, sint flatulenta: deinde quòd detergendi facultate careāt: quam ob causam etiam segniùs, quàm faba, per alvum secedant. Errandi verò occasionem præbuisse Hieronymus Tragus videtur, qui pisum putavit esse cicer arietinum, à Dioscoride l. 2. cap. mihi 96. descriptum: ac propterea omnes illas virtutes, quas Dioscorides ciceri isti assignat, pisi inesse docuit: quod tamen falsum esse experientia testatur. Non enim ciceris in modum urinam ciet, colorem emendat, menses ac partus expellit, lac auget, hydropicis & regio morbo laborantibus prodest, scabiei medetur, manantibus capitis ulceribus opem fert, & impetigines sanat: sed potius obstruit, inflat, nihilq; deterfioria facultatis habet, cujus ratione cutis vitijis commodare possit. Huc accedit, quòd pisum non, ut cicer, arietini capitis figuram referat. Item quòd non ciceris voce græcā apud Græcos exprimatur. Neq; enim ἐρέβινθος, quæ vox cicer sonat: sed πισόν, καὶ λέκιδος ab ijs dici consuevit. λέκιδος quippe, h. e. vitellio vi colorem & formam representat. Rectiùs ergò pro pisorum decocto ius cicerum eligitur. Hoc enim illud est, quod detergendi vi pollet. Quod si præ cæteris leguminibus tanto perè pisa placēt practicis, possent, nostro quidem iudicio, ne errorē suum vulgo proderent, eorum quidē decoctum servare: attamen, ut extergendi virtutem haberet, sale condire. Sal namq; ῥυπτικόν est: & optimum ferculorum condimentum.

IV.

An ab assumpto pharmaco purgante dormire liceat? Ad hanc questionem tripliciter respondent authores: alij quidem affirmando: alij verò negando: alij denique distinguendo. Affirmantem tenet Fernelius l. 3. meth. med. c. 14. Utile, inquit, est, præsertim si (quod ferè fit,) inexpugnabilis dormiendi necessitas premit, medicamento in dormire, ut illius vis in sopore plenior excitetur. Cum primum v. in actum id prorumpit, vigilandum penitus est, dum effectum omnem compleverit. Nam arctiore somno purgationis opus subsistit: quemadmodum Hipp. aphor. 14. & 15. sect. 4. docet. Huic rationi potest & ista addi: quia per somnum calor concentratur: velut ex l. 6. epidem. sect. 4. liquet. Concentratus autem & malitiam pharmaci obtundit: & vim effrenatam compescit: quia fortior. Negantem contra tuetur Paulus Ægineta l. 7. c. 6. inquiens: in omnibus efficacibus purgatorijs homini simplici antea victu uso, jejuno, & probè factâ concoctione medicamentum dato, & ut ad perfectam usq; purgationem ne dormiat prohibeto. Cujus opinioni suffragatur Fuchsius l. 2. Instit. sect. 5. c. 22. Qui, dicit, medicamentum sumsit, horam unam quiescat, nec somnum admittat: ut vis medicamenti ad universas corporis partes pertingere possit: & ne ab immodico calore, præsertim si leve fuerit, dissipetur. Omnium autem maximè à somno arcendus erit, ubi jam purgare cæperit, quod ita medicamenti actio intercipiatur. Distinctè verò respondent Avicenna, Valleriola, Vallesius, Vega, Iacobus Foroliviensis, Conciliator, alij: sed distinctionibus utuntur diversis. Avicenna namq; l. 1. Can. fen. 4. doct. 5. c. 5. distinctionem adhibet virtutis atq; potentia medicaminis cathartici. Hoc enim aut validum est: aut vehemens: aut debile & benignum. Ab illius haustu somnum concedit, antequam operetur: ab huius dissuadet: quia à naturâ digeretur. Huic sententiæ subscribit Valleriola l. 3. loc. commun. c. 16. Vallesius l. 7. controvers. c. 16. hanc quidem distinctionem ad-

mittit

mittit: sed illi addit distinctionem caloris purgandi corporis. Cum enim Medicus ponderat à pharmaci naturâ, & calore corporis considerato conyciet, pharmacum facile posse in actum deduci, somnū in totum arcebit. Si verò difficulter actuari posse cognoscet, modicum concedet. Vegalib. 2. de art. med. sect. 5. c. 3. formam purgantis externam distinguit: quæ vel solida est, ut pilularum: vel liquida, ut potionum: vel media: nimirum neq. fluida, ut potionum: neq. ita tamen dura, ut pilularum: qualis media forma inesse solet bolis, qui consistentiam habet mollem. Post pilulas ergo dormire permittit, ut caloris & humoris viliquentur, & tempestivè agere incipiant. Post potiones autem & bolos nequaquam: quia citò dissolvuntur, citòq. operantur: nisi magnam fortè medicamenti vim obtundere placeat: aut imbecillis sit is, qui illud sumpturus. Conciliator differ. 126. & Foroliviensis quæst. 4. super sect. 4. aphor. Hipp. varias distinctiones proponunt: purgantis scil. pharmaci, corporis purgandi, & temporis somni. Præsupponunt autem, questionem moveri non de leniente: sed de electivè trahente medicamento. Hoc ratione virtutis & efficacie faciunt triplex: forte: ut sunt helleborus, colocynthis, & scammonium: debile: ut aloë, manna, & cassia: mediocre; ut rhabarbarum & agaricus. Ratione viæ & loci, per quem purgat, subductorium: ut scammonium: vomitorium; ut helleborus: & per utramq. regionem vacuās: ut cucumis asininus. Ratione formæ liquidum, solidum, & mediocri substantiâ præditum. Corpus purgandum ajunt esse aut robustum: aut imbecille: aut mediocribus viribus donatum. Tempus somni constituunt triplex: id, quod immediate sumptionem pharmaci, priusquam operetur, sequitur: id, quo jam in actū deductum vires suas exerit, corpusq. purgat: id deniq., quo ipsius actio est absoluta. His præmissis distinctionibus sequentes tradunt conclusiones. I. à forti, & mediocri etiam pharmaco subductorio, in solidâ maximè substantiâ exhibito, priusquam operari incipiat, dormire licet, si ve virtus corporis valida, si ve infirma, si ve

mediocris fuerit. II. à debili pharmaco subductorio corpori robusto minimè dormiendum. Rationem dant ex Avicenna: quia vis corporis robusta illud digerit. Ex qua conclusione inferunt alias: nimirum, à mediocri medicinà subductorià, præsertim in liquidà formà propinatà, somnum capere non licet. Item à debili, vel etiam mediocri subductorio in solidà formà oblato infirmo corpori dormire est integrum. III. operante pharmaco, regulariter minimè dormiendum. Retinetur enim quod vacuari debet: uti constat ex aphor. 15. sect. 4. In casu verò necessitatis, cum scilicet pharmacum nimis purgat, & ὕπερβάτως instituit: aut virtus valde purgationis causà lassata enervata est, quiescere possumus. IV. Purgatione absolutà somnus regulariter competit: ut vires instaurentur. V. à vomitorij usu, antequam suā perfecerit operationem, somnus neutiquam admittendus. Atque hæc quidem aliorum sunt de proposito problemate sententia. Nos neq; post quodcunq;: neq; post nullum purgatorium dormiendum censemus: sed cum ijs sentimus, qui distinguendo questionem decidunt. Non post quodcunq;: quia dantur mitia & benigna, quorum vim calor per somnum concentratus infringit: præsertim si sint liquida, mollia, & humida: sitq; calor ventriculi validus. Non post nullum: quia & fortia usurpantur: eaq; dura & solida: in formà scilicet catapotiorum, quæ in actum deducuntur difficilius & tardius. Hæc ergò modicum requirere somnum videntur: maximè in quibus calor est remissior: ut calore ad interiora revocato eorum actuatio eò facilius atq; citius promoveatur. A somno autem abstinendum putamus, cum purgare coeperint: & vigilādū tam diu, donec purgatio sit absoluta: nisi fortè, ut Foroliviensis monet, enormius operentur, viresq; admodum debilitent. Tunc enim somnum capere licebit: quia is & vacuationem sistit: & vires instaurat.

V.

Sitnè delectus aliquis formæ purgantium instituendus:

an quævis cuivis præscribenda? Forma purgantium duplex est: solida & liquida, quæ aliàs dicitur potabilis. Illius delectum instituendum esse necessitas & utilitas suadent. Necessitas quidem propterea, quia multi à potionibus abhorrent: alij pilulas deglutire nequeunt. Illis ergò forma solida: his liquida ordinanda. Utilitas verò hoc nomine: quoniam solida ob firmitatem & duritiem substantiæ agrius à ventriculo dissolvitur: ac ob id tardius etiam actuatur. Sed quia diutius immoratur, potentius trahit. Liquida in actum citò deducitur. Unde operatur maturè. Verum ob fluxibilitatem substantiæ facilè exit. Breviter: solida, ceteris paribus, tardius quidem purgat: sed validius. Potabilis contrà. Hinc practici in more positum habent, ut, cum partes distantiores, caput scil. nervos, & articulos purgare student, pilulas eligant. Rursus liquida ventriculi latera alluit, in eiusq. substantiam altius se infert: ac proinde si acris aut malignis constet pharmacis, gravius eam ferit. Solida minus. Promptè siquidem in fundum, intacta ferè illius substantiæ, illabitur: nec ob crassitiem ita penetrare valet.

VI.

Utrum tardior & parcior purgatio arte citari ac promoveri queat? Sæpius accidit, ut vel corporis, vel assumpti pharmaci causâ purgatio tardius parciusq. procedat. Opus ergò ut citetur promoveaturq. arte. Hoc autem præstatur motu, assumptis, & in alvum foris injectis atq. infusis. Motum præcipit Hippocrates aphor. 14. & 15. sect. 4. Vimenim medicamentum per corpus distribuit: humores reddit fluxiles: expultricemq. facultatem ad excernendum invitat. Est autem corpus movendum moderatè & opportunè. Moderatè movetur, si humores tantum agitentur, & fiant fluxiliores: non autem provocentur sudores: neq. defatigentur vires. Opportunè movetur, inquit Avicenna l. 1. can. fen. 4. doct. s. c. s. si non statim ab hausto medicamine moveatur: (sic namq. concitari posset vomitus: & actuatio quodammodo

do impediri) sed cum jam turbatio aliqua in ventre percipitur: quæ tamen in aliis citius, in aliis tardius fieri consuevit. prout scilicet medicamentum debile aut forte: & corpus facile aut difficile ad purgationem fuerit. Interea, quæ assumuntur, sunt juscula abstergentia, quatribus quatuorve horis post sumptum purgans forbenda. Talia sunt decoctum cicerum rubrorum, decoctum hordei, jus pulli cum saccharo rubro, quod Tomæum vocant, vel paucum melle, quod magis abstergit. In anum autem intruduntur glandes, siue suppositoria, tum communia atq; simplicia, quæ ex melle cocto atq; concretis parantur: tum composita, quæ melli admixtos habent aliarum medicinarum pulveres: v. g. spec. hier. picr. Gal. Diagrid. Troch. alhandal, salis gemma, hellebori &c. In eum vero infunduntur clysteres, qui ex abstergentibus, stimulantibus, & ad inferiorem locum provocantibus sunt pharmacis confecti: decocto scilicet hordei, origan. hyssop. calaminth. mercurial. betæ, mar. rub. rut. cent. minor. absinth. agrimon. beton. veron. &c. Cui ad id possunt melros. simpl. aut solutivum: bened. laxat. hiera picra Gal. Diacathol. sal vulgare, aut hujus loco, saccharum rubrum, pro periti Medici judicio.

VII.

Num purgans eadem die repetendum? Reperiuntur Medici, qui cum hausta medicina parum, vel nihil purgavit matutinis & pomeridianis horis, eam vespertinis repetere soleant. Quæritur ergo, an hoc ipsorum factum probandum? Respondemus, in $\pi\rho\phi\upsilon\lambda\acute{\alpha}\xi\iota$, cum præcautionis solum gratiâ purgatio instituta, corpus autem nullo detinetur morbo, purgantis iterationem eadem die necessariam non esse, etiam si prius parum, aut nihil evacuârit. Defectus enim purgationis commodè die alia compensari potest. Et sat citò purgatur, si sat benè purgatur. Neq; ulla necessitas cogit, purgantibus medicinis, quæ ventriculo infestæ, ventriculum bis in die affligere. Est enim in $\pi\rho\phi\upsilon\lambda\acute{\alpha}\xi\iota$ tempus purgationis non coactum, sed liberum, & in nostra potestate situm. Huc accedit, quod

si purgans vespere repetatur, nocturna quies ob illius actionem interturbetur. Adde quod fieri possit, ut enormis effrenataq; vacuatio sequatur: si scil. purgans, quod mane sumptum, ex genere sit validiorum. Aliquando enim vis illius cunctatur: sed novo addito stimulo sese exerit, & duplicatur. Id quod nonnunquam cum periculo purgatorum se observasse Falloppius scribit. Unde Avicenna l. i. can. fen. 4. doctr. 5. c. 5. ait, rem esse solliciti timoris plenam, & recte quoq; rationi adversam, unâ eademq; die duabus solutivis medicaminibus uti. In deparçia verò distinctionem adhibemus duplicem: unam morborum: alteram purgantium. Nam si purgandi necessitas vehementer urget, quemadmodum v. g. in acutis, in quibus materia turget, urgere Hippocrates aphor. 10. sect. 4. monet, repetitionem quidem cathartici eadem die admittimus, si quidem prius assumptum sine suo frustratum cognoverimus; verum non validi atq; fortis: sed mitioris benigniorisq;, quod tamen morbifico humori accommodatum: aut etiam validi, sed tunc solū, cum prius vomitu totaliter est excussum. Tunc enim vel idem, vel simile paulò post vomitionem offerri potest. Quod si verò morbus ex illorum fuerit albo, qui patiuntur inducias, purgantis iterationem in aliam diem differendam putamus, si ve prius vomitu fuerit excretum: si ve retentum quidem: at operatione privatum. Ratiopate ex prima decisionis problematis parte.

VIII.

Recte ne faciant, qui unâ eademque horâ solidum & liquidum propinant purgatorium? Observatum fuit, praticos quosdam unâ eademq; horâ & pilulas, & haustum infusionis noduli purgantis obtulisse: vel ut pilule dissolverentur in ventriculo: vel ut haberent vehiculū, cuius ope deferretur ad partes distantiores: vel ut citius, validiusve operarentur. Verū frustra fit per plura, quod cōmodè fieri potest per pauciora. Frustrâ quoq; & pilulis, & potu uno eodēq; tempore venter oneratur. Sic enim oneratus

meratus facile quod ingestū per superiora eijcit: præsertim in ijs, quibus is est infirmus, & nauseabundus, & medicinas abominatur. Itaq; tutius & jucundius unum purgans una in forma nno eodemque tempore exhibetur. Neq; contrarium suadent rationes allatæ. Nam ad dissolutionem pilularum haustu liquoris nihil opus: cum calore & humore ventriculi fundi atq; liquari eas autoſia monſtret. Et si maximè eo opus esse contenderetur, sequeretur tamen, aut pilulas sine eo vim purgandi habere nullam: quod falsum esse experientia docet: aut pilulis semper liquorem catharticum superbibendum esse: quod ab ipsis tamen affirmantis sententia defensoribus minimè præcipitur. Ratio secunda itidem nulla est. Nam si potio vehiculum esset pilularum, nunquam sanè sine ea pilulas deglutire liceret: maximè cum partes distantissimæ, caput, nervi, & articuli, forent purgandæ: cum tamen earum purgandarum causâ pilulis solis frequentissimè utamur. Huc accedit, quòd pilulæ nullius sint talis vehiculi indigæ. Vis quippe earum purgatrix, cum à nativo ventriculi calore in actum sunt deducta, promptissimè ad evacuandos humores penetrat, ut experientia testatum facit. Tertia infirmior est, quàm ut in agentis concessionem nos pertrahere possit, aut debeat. Pilulas tardius quidem purgare quàm potiones fatemur ipsi: idq; quia propter duritiem & crassitiem substantiæ suæ seriùs actuantur. Sed tarditatem operationis felicitate & copiâ vacuationis compensare videmus. Itaq; sat citò, si sat benè. Quarta vim concludendi nullam habere videtur. Etenim pilulæ iusta in dosi præscriptæ, quæ scil. viribus corporis, & magnitudini cacochymia respondet, validè satis purgant, ut opus non sit, potionem, tanquam stimulum & calcar ijs addere.

IX.

An purgans à calore superatum vertatur in venenum? Quæstio hæc non de benignis purgantibus, ut cassia, manna, myrobalanis, tamarindis, rosarum incarnatarum, pallidarumve succo &c. nec de mediocribus, ut rhabarbaro, agarico, senna, aloë, &c.

movetur. Hæc enim cum nil maligni & venenati in se habeant,
à calore victi in venenum verti nequeunt. Sed de validis, & ex-
cellenti purgandi facultate præditis: qualia sunt scammonium, co-
locynthis, helleborus uterq; turpethum, euphorbium, elaterium,
ricini & lathyridis semina, species esula, tithymalli, & mezerei.
Hæc ergo illa quibusdam videntur, quæ actione frustrata in vene-
natam substantiam mutantur. Pro cuius deorsus defensione pri-
mùm authoritatem Galeni proferunt, qui ea cõment. 2. in lib.
de vict. acut. t. 13. & comm. 6. in l. 6. epid. t. 5. δυνάμειν vocat. Imò
lib. 3. simpl. c. 24. & libro quos & c. purgare oportet non procul à fi-
ne expressè scribit, quædam cathartica, ubi purgatione vel διὰ τὴν
ἰδιότην τῆς τῆ κάμνοντος φύσεως, propter proprietatem naturæ ipsius
agri: vel propter dosẽs exiguitatem: vel propter exiccitas indu-
ratasq; faeces, quæ ante susceptam purgationem subduci debuerũt:
vel propter naturæ inclinationem ad ductus urinæ, frustrantur, in
ἐδαρκινόν τι καὶ δυνάμειν verti. Deinde rationem ab effectis:
quia videmus, illa ejusmodi excitare symptomata, quæ venena a-
liàs excitare comperimus. Id quod omnium clarissimè videre li-
cet in ὑπερεκβάσει, h. e. nimis purgationibus, quas superpurgatio-
nes appellant. In his enim homines pallent, frigidum sudant sudo-
rem, animo deficiunt, in extremitatibus frigent, virium omnium
prostrationem sentiunt: aliquando etiam singultiunt, & convul-
luntur, quæ duo symptomata Hippocrates aphor. 4. sect. 5 pro ma-
lis habet in ὑπερεκβάσει indicijis. Quinimò post evacuatos humo-
res alios tandem etiam sanguinem, succum naturæ familiarissi-
mam, ejusmodi pharmaca educunt: testibus Hippocrate l. de Nat.
hum. & Galeno l. 3. simpl. c. 27. Quæ autem per venas intestino-
rum & ventris sanguinem deiciunt, venenis adnumerata fuisse
Galenus lib. de purgant. med. facult. c. 4. memorat. Hinc ergo con-
cludi videtur, cum venenata sint ipsa, & effectus edant similes ijs,
quos edere venena consueverunt, etiam in venenosum humorem
transformari in corpore posse. Verum hæc quidem sententia
— falso

falso nititur principio. Prasupponit enim, cathartica validiora ve-
 nenata esse: ex quo infert, etiam in succum venenatum abire. Nos
 autem ὁ πόθος negamus: rationemq; ex comment. 6. in l. 6. epidem.
 t. 5. hanc adferimus: quia Medici ea solum pharmaca vocare solent
 deleteria & venenata, quæ nullo unquam tempore neq; sanis, ne-
 q; agris opem ferunt. Cum verò purgantium usus quibusdam tem-
 poribus necessarius sit & utilis, constat, ea venenata & deleteria
 nequaquam esse. Sed audis, inquiet quispiam, Galenum cathar-
 tica pro deleteriis habere. Respondemus ex Galeno, sui metipsius o-
 ptimo interprete: & quidem ex lib. 5. simpl. c. 19. Ibi enim delete-
 ria facit duplicia: quædam τὸ γένος, ἢ ὅλας τὰς ἐσείας, genere, totâ-
 que essentiâ: quæ si vel in minima quantitate assumantur, lædūt:
 quædam τὸ ποσὸν, quantitate: quæ convenienti in quantitate
 hausta juvant: in largiore verò nocent. Purgantia ergò τὸ γένος,
 & τὴν ἐσείαν deleteria non sunt: quemadmodum Galenus comm. 6. in
 l. 6. epidem. t. 5. probat. Deleteria autem appellari possunt τὸ ποσὸν.
 Immoderatiùs enim usurpata ea symptomata pariunt, quæ paulò
 antè commemorata: & quidem interventu vacationis nimie.
 Quod verò in superpurgationibus tum humores alios, tum sangui-
 nem educant, Galenus non alicui virulentia, sed tribus manifestis
 causis l. 3. simpl. cap. ult. tribuit. I. quia vasa ita debilitant, ut non
 amplius in se humores continere possint. II. quia orificia illorum recludunt.
 III. quia ea mordicant, h. e. stimulant, irritant, & ad excretionem iugiter sol-
 licitant. Quanquam si propriè & accuratè loquendum, ne quidem τὸ ποσὸν de-
 leteria vocari comm. 6. in 6. epid. t. 5. velit: quia sic quoque ἀλεξίφάρμακα & θη-
 γιὰν, quorum illa tamen deleteriorum & venenatorum medicamentorum me-
 dia sunt: hæc verò, quæ l. 5. simpl. c. 18. etiam ἀλεξίθηγια nominantur, virulen-
 torum animalium iectibus atque moribus resistunt, appellanda forent: eò quòd
 immoderatiùs hausta corpus è medio tollant. Hinc scribit Actuarius l. 3. meth.
 med. c. 7. cathartica communiter quidem δηλητήρια vocari: à propriè tamen
 dictis δηλητηρίοις, quamagna sunt corrumpendi & prædita, & alias, ut ex loco
 Galeni ultimo citato patet, φθαρτικὰ, & φθοροποιὰ nuncupantur, dissidere:
 quòd eadem quantitate non. perinde ac δηλητήρια, interimant. Itaque cum pur-
 gantia propriè loquendo δηλητήρια non sint, & venenata, concludimus, ea neq; in
 venenatum succum transformari, si sine suo frustrentur. Idque eò confidentius,
 quòd post eorum usum nulla symptomata vim beneficam redolentia in nobis expe-
 riamur.

DISPUTATIO
DE
PURGATIONE
UNDECIMA:

*In inclyta Argentoratensium Acade-
mia ingenij exercendi gratia
proposita:*

P R A E S I D E
MELCHIORE SEBIZIO
Juniore : Doctore & Professore
Medico :

Respondente
JOANNE FRIDERICO REGULO,
agnom. Willinger/ Ulmense.

A R G E N T O R A T I
Typis JOANNIS REPLL,
ANNO MDCXXI.

THE HISTORY OF THE

REIGN OF

CHARLES THE FIRST

BY

JOHN BURNET



PROBLEMA I.

Vtrum Asclepiadis sententia de purgantium medicamentorum actione veritati sit consentanea? Purgantia pharmaca noxios evacuare humores, lippis atq; tonsoribus notum est. Hinc enim Latinis purgantia: & Græcis καθαρτικά, ἀπὸ τῆ καθάρσεως dicuntur: nimirum ab actione, quam humano in corpore exercent. Verum quo modo, quaque vi, & ratione purgent, obscurissimum est, & in scholis Medicorum valdè controversum. Nos varias hac de questione expendemus sententias: postea quid nobis videatur significabimus. Omnium autem primò Asclepiadis opinionem examini subijciemus: quæ licet jam dudum sit antiquata, & à Galeno quoq; explosa: haud tamen inutile videtur, etiam quid veteres statuerint, tyronibus aperire. Nam quemadmodum ex collisione ferri & silicis ignis elicitur: sic ex collatione diversarum opinionum veritas elucescit. Quæ Asclepiadis fuerit sententia, Galenus l. 2. de Element. c. 3. & l. de purgant. med. fac. c. 1. & 2. ostendit. Arbitrabatur enim, cathartica certos quidem determinatosq; humores educere: χολαγωγὰ υ. g. bilem: πλεγμαγωγὰ pituitam: μελαναγωγὰ bilem atram: ὕδαγωγὰ serum: sedeductos humores non fuisse in corpore tales, quales post purgationem conspiciuntur: verum alterius generis: à catharticis autem mutatos, & in naturam sibi similem conversos. E. c. bilem à χολαγωγῶ vacuatam ante vacuationem in corpore non fuisse bilem: sed humorem alterius speciei: ab assumpto autem χολαγωγῶ in bilem transformatam. Persuasum namq; Asclepiades habebat, cathartica quemcunq; humorem attingerent, in suam naturam convertere: sed illum sic conversum, & de novo generatum, naturam sti-

mulare suaq; stimulatione efficere, ut unà cum catharticis expellā-
tur. Itaq; tria secundū Asclepiadē in purgatione concurrebāt acci-
dētia generatio humoris: stimulatio natura: & generati humoris-
assumptiq; pharmaci expulsio. Pro cuius sententiæ confirmatione
Asclepiadai hanc adferebant rationē: quia videmus, etiam optimē
constituta, & à pravis humoribus liberrima corpora datā cathar-
ticā medicinā purgari. Quo posito, sequitur, aut humores, qui
in illis expurgantur, ante exhibitionem pharmaci jam præfuisse:
aut à pharmaco fuisse generatos: biliosos quidem à χολαγωγῶ: pi-
tuitosos à φλεγμαγωγῶ: serosos ab ὑδαγωγῶ: melancholicos à με-
λαναγωγῶ. At non præfuerunt: quia corpora sana, pura, optimēq;
constituta ejusmodi humoribus carent. Quæ enim tales habent,
talìa corpora dici non possunt. Necessum igitur est, ut eos à ca-
tharticā medicinā genitos asseveremus: aut dicamus, educi posse
humores, qui antea tamen in corpore nō fuerunt: quod absurdum.
Verum contra Asclepiadis placitum Galenus lib. de purg.
med. fac. insurgit acriter: idq; ad hoc absurdum deducit, quod scil.
cathartica non certos ac determinatos humores detrahant, uti
quidem ipse Asclepiades profitebatur: sed æqualiter omnes: sicq; ve-
næ sectio & purgatio unæ eademq; sint vacuatio: & hoc solum inter
se differant: quod venæ sectione humores tales, quales antea in cor-
pore erant, educantur: purgatione autem & colore, & naturā
mutati Argumentatio Galeni est ista. Si purgatio, ut Asclepia-
des credidit, immutatio est illius humoris, cui purgans primò ad-
heret, sequitur, immutationem fieri vel omnium humorum: vel
certi solum ac determinati. At non determinati: quoniam Ascle-
piades dicebat, quemcunq; humorem purgans attigerit, illam in
suam naturam convertere. Ergo æqualiter omnium. Si hoc, se-
quitur, valido exhibitopurgante, quod vires habet perdurantes,
totiq; sanguineæ massæ, aut dimidiæ saltem illius parti adheret,
omnes humores in eius substantiam mutari, cum omnes in
massa sanguinea existentes, & per consequens omnes æqua-
liter evacuari. Quare purgatio eadem erit cum venæ sectione.

Quo dato absurdo, sequitur aliud: nimirum ratione vitij humorũ, plethoræ scilicet & cacochymie, nullum delectum instituendum esse: sed indiscriminatim nunc venam secari: nunc purgans propinari posse: eò quòd utroq; vacationis genere juxta Asclepiadis quidem sententiam omnes humores detrahantur. Si quis delectus instituendus, eum ratione duntaxat hominum instituendum esse: quorum alij magis purgatione: alij contra venæ sectionem magis delectantur. Idem Galenus l. 2. de Elem. c. 3. hoc etiam in Asclepiadis sententia reprehendit, quod putarit, purgantia non juvare propterea, quòd molescentes humores expellant: sed tantum quòd vacuandi vim habeant. Hoc si enim verum esset, liceret sanè omnibus, siue gracilibus & macilentis, siue carnosiss & corpulentis, quocunque morbo, dummodò vacationem postularet, tenerentur venam secare. Venæ quippe sectio etiam vacuat: & quidem humores omnes. Itaq; non dubium, quin vacationis ratione conducat. Verum experientia docuit, plurimos ex gracilioris constitutionis hominibus non parum utilitatis ex purgatione illius humoris, à quo infestabantur, sensisse quibus si sanguinem detraheres, protinus interitum inferres. Quod si purgantia vacationis tantum causa prodesse, nullus eorum delectus instituendus foret, sed quodvis quovis in affectu licitum esset præscribere: quia quodvis vacuandi facultate pollet. At consequens experientia damnat: quæ non quodvis cuiusvis humori: sed certum certo accommodatum esse testatur. Hinc idem Galenus ibidem scribit, si homini bilioso medicamentum *ολερμαγωγόν* exhibueris, minimè dubitabis, quin sis Asclepiadis decretum non sine detrimento experturus. Hisce rationibus addimus alias. I. quia in confesso est, omnia penè cathartica, paucissimis exceptis, calida & sicca esse. Experientia quoq; ostendit, quosdam breviter tempore post cathartici sumptionem purgari, & quidem satis copiosè. Deniq; & ratio monstrat, non corpus & substantiam purgantium pharmacorum: sed tantum vim & facultatem, cuidam halitui, siue spiritui insidentem, ad

humores in vasis, locisq; distantioribus pertingere. Videmus enim aliquando, & pilulas, & bolos, & potionum aliquam partem etiā tūm eici per superiora, cum jam actus purgationis ferè est absolutus. At quis credet φλεγματώα pituitam, ὕδρατώα serum, μελανωτώα bilem atram in naturam suam convertere, sibiq; assimilare, cum maxima inter hosce humores & purgantia qualitatū ratione sit discordantiæ in habentibus autem σύμβολα facilis fieri mutatio soleat? Omnes enim isti humores frigidi sunt: serosi etiam & pituitosi humidi: contra ὕδρατώα, φλεγματώα, καὶ μελανωτώα pharmaca calida, uti dictum, atq; sicca. Quis substantialem transmutationem humorum in medicamentatam brevi temporis intervallo fieri dicet, quā brevi illa post sumptionem operari nō nunquam cernimus, tantū præsertim inter transmutans & transmutatum dissimilitudine existente? Quis tantam vitiosorum humorum copiam, quantam sæpè expurgari observamus, non præfuisse in corpore, sed genitam à cathartico affirmabit, cum hoc nō nunquam in dosi admodum exigua præscribatur: & non mole sua, siue corpore: sed virtute solū ad humores perveniat? II quia si pharmaca humores, quos educunt, generarent: purgatio non vacuatio: sed generatio esset: aut si vacuationis nomen retineret, quatenus quos generavit humores, eos dempōst detrahit, morbificam tamen materiam nō eximeret: ideōq; ea in corpore relicta morbum minimè profligaret. Ad rationem verò pro Asclepiadis tuēda sententia allatam respondemus, humores serosos, biliosos, pituitosos, & melancholicos, qui ex sanorum corporibus purgantur, ante catharticum assumptionem in ijs extitisse: & ab ipsis catharticis nequaquam fuisse genitos. Falsum enim, & autopsiæ contrarium, eos in sanis locum non habere. Reperiuntur enim in omnibus: in alijs quidem in copia majori: in alijs verò in minori: nimirum pro temperamenti, victus, & anni temporum ratione: sic docente Hippocratel. 2. de Nat. hum.

An Erasistrati de purgantium operatione admitti possit opinio? Volebat Erasistratus, uti ex lib. Galeni de purgant. med. fac. c. 2. & 3. colligitur, purgans pharmacum, siquidem validum sit, atq; robustum, omnes humores vacuare: primum quidem tenues: deinde crassiores: ultimò crassissimos: idq; vacui ratione fieri dicebat: ne illud in corpore detur. At si debile sit, atq; infirmū, non omnes: sed tantum tenuiores: ita ut inter venæ sectionem & purgationem fortem hoc sit discriminis, quòd in illa omnes humores simul & semelegrediantur: in hac verò ordine & consequutione quadam: primum serosi: deinde biliosi: tertio pituitosi: quarto sanguis: ultimò melancholia evacuetur. Verum hanc sententiam à vero esse alienissimam multis probari rationibus potest.

I. quia si unum purgans validum omnes humores evacuet, nullus in purgantibus instituendus esset delectus. At nisi is instituitur, & ictericis $\chiολαγωγὰ$, hydropicis $ὕδραγωγὰ$, melancholicis $μελαναγωγὰ$, alijs, qui affectibus ex phlegmate genitis laborant, $φλεγμαγωγὰ$ exhibeantur, nunquam pristinae sanitati restituntur. Non enim purgantur, qualiapurgari decet. Quare nec $εὐφώως φέρονται$.

II. quia idem præstari posset purgatione, quod venæ sectione: & contrà. Ratio est: quia utroq; vacuationis genere omnes humores educuntur. Posset ergò utiliter cacochymicis corporibus ad extirpandam $κακοχυμίαν$ venæ sectio præscribi: contrà plethoricis ad demendam plenitudinem purgatio: quorum utrumq; absurdum esse ex disputationibus præcedentibus constat. Ostensum enim, aliud humorum vitium esse $κακοχυμίαν$: aliud $πλήθωσαν$: ac proinde aliud illi: aliud huic vacuationis genus competere.

III. quia si omnes humores per purgantia educerentur, eo tamē ordine, ut, qui tenuiores sunt, loco priore: qui crassiores, posteriore: qui crassissimi, postremo exeant, sequeretur, sanguinem, cum melancholico humore subtilior sit, prius quàm melancholicum effluere. At falsum hoc esse $αὐτοφία$ monstrat. Sanguis enim omnium postre-

postremus exire solet, nec nisi in *ὀπίσθια* exire. Eum quippe veluti
vita thesaurum natura sibi reservat. At vasorum reten-
trice virtute debilitata: orificiis eorum reclusis: & naturā vehe-
mentius à medicamento irritatā, tandem & sanguis excidere so-
let: teste Galeno l. 3 simpl. c. 28. IV. quia forte pharmacum aut
non exturbaret humores omnes: quod tamen est contra Erasistrat-
um: aut si exturbaret, purgatus periret: quod experientia redar-
guit. Ratio consequutionis est: quoniam dato forte cathartico,
primum juxta Erasistratum exhauritur serum: dein bilis: tūc
pituita: quartò sanguis: ultimò melancholia. Posito ergò, quòd
melancholiam, tanquam humorem crassissimum, vacuet postre-
mò, sequitur necessariò, jam evacuatum esse sanguinem, tanquam
humorem tenuiorem: quo vacuato, vita superstes esse nequit. V.
quia contra *ἀποφύλαξ* est, quòd perpetuò serum omnium educatur
primum. Educi enim primum modò hunc, modò illum humore
videmus, nimirum pro natura medicamenti: quem ad modum Ga-
lenus l. de purg. med. fac. c. 3. exemplo hellebori docet.

III.

Verane illorum sit opinio, qui purgantia medicamen-
ta attrahendo evacuare humores asseverant, & quidem
virtute caloris? Tractricem quidem facultatem catharticis e-
tiam Hippocrates, Galenus, & illorū a secula tribuunt: sed nos eā à
calore proficisci negamus. Nam si solius caloris causā humores at-
traherēt, sequeretur I. Omnia purgātia calida esse: quod falsū esse
rosa, viola, myobalani, & qui ex rosis, violisq. parātur syrupi, pro-
bāt. II. Omnia calida purgare. Positā enim causā purgationis, ipsa
sanè purgatio negari non potest. II. quod vis catharticū quoslibet
humores sine discrimine expurgare. Nulla enim diversitatis ra-
tio dari posset, cur hoc potius, quàm illos humores educeret. Aut
si certos ac determinatos evacuaret, causa aliqua istius effectus
subesset: atq. sic solus calor τῆς καθάρσεως causa minimè existeret.

Utrum

IV.

Utram Jouberti probandum placitum, qui parad. 9 de-
 cad. 2. docet, purgantia humores è corporibus nostris mi-
 nimè attrahere: sed potiùs fugare & expellere, atque ἀντι-
 παθεία verius quàm συμπάθεια opus suum perficere? Placi-
 tum sanè istud multas difficultates patitur. Prima est: quia in-
 ter quæ naturalis est ἀντιπάθεια, eorum alterum ad alterum sese mi-
 nimè promovet: sed alterum fugat alterum; ita ut ubi fugans est,
 fugatum esse nequeat. At sumpto vomitorio, aut deglutitis cata-
 potijs, haustâve portione cathartica, vitiosi humores sese ad locum
 purgantium, ventriculum scil. atq; intestina promonent, & qui-
 dem, si valida sint, à distantissimis regionibus. Itaq; nulla videtur
 inter purgantia & humores esse ἀντιπάθεια: ex quo consequitur,
 neq; purgantia humores fugare. Secunda: si cathartica ἀντιπα-
 θεία quadam humores fugant, cum inter fugans & fugatum natu-
 rale sit odium atq; dissidium, alterumq; alterum fugiat, neq; supe-
 riores, neq; inferiores partes purgari poterunt per alvum: sicque
 nulla per purgantia ad alvum revulsio, humorumve retractio
 fiet. Ratio ex argumento præcedente patet. Consequens est fal-
 sum, & experientia contrarium. Quare & antecedens absolum
 sit necesse est. Tertia: quia purgantia ἀντιπάθειαν habent vel cum
 omnibus, vel cum aliquibus duntaxat humoribus. Si cum omni-
 bus, unum sufficiet, frustra q; ab universa Medicorum schola insti-
 tuitur aliquis eorum delectus. Quod enim commodè per unum
 præstari potest, temerè efficitur per plura. Huc accedit, quòd omnes
 exacuarentur humores: cujus tamen vanitatem ἀπορία prodit.
 Si cum aliquibus tantum, nulla fieret ὑπερπάθεια. In hac enim
 omnis generis humores exeunt, etiam sanguis: quemadmodum
 Hippocrates lib. de Nat. hum. notat. Quarta: quia quæ medica-
 menta ἀντιπαθεία quadam singulari humores persequuntur, eosq;
 è corpore expellunt, in genere alexipharmacorum, seu antidoto-
 rum habentur. At qui purgantia antidota dicet? Omnium enim

natura, inquit Galenus comment. 2. in lib. de vict. acut. t. 13. corporum, quæ purgantur, naturis contraria est, atq, ut quispiam dixerit, lethalis & deleteria. Quinta: quia stante ἀντιπαθείᾳ, qua purgantia fugare humores statuuntur, haud videmus, quando humores à distantioribus partibus, capite, nervis, articulis &c. ad ventriculum & intestina trudentur. Dices, non medicamenta id principaliter efficere, sed partium virtutem expultricem à medicamento stimulatam. Sed hac responsione duabus objectionibus aperitur fenestra. I. nullum purgans per se, sed tantum per accidens purgare. Dictum enim, purgantia tantum naturam stimulare, & irritare: naturam verò, seu, quod idem, expultricem facultatem provocatam superfluas humiditates excernere. II. purgantia non ἀντιπαθείᾳ humores fugare, quia naturam solum sollicitando, & ad expellendum quasi invitando eosdem evacuant. At quæ ἀντιπαθείᾳ fugant aliquid, non intervntu alterius, & per accidens: sed per se, propriisq, viribus id faciunt: nimirum quia illi natura inimica sunt & adversa.

V.

Numquid Thomæ Erasti sequenda opinio, qui lib. de occult. med. proprietatibus docet, purgantia non trahendo, sed pellendo vacuare: nimirum quia naturæ molestiam creant, eamque pungunt, mordicant, irritant, & ad excernendum sollicitant? Non multum absimilis Erasti opinio est Jouberti: nisi quòd nullam inter cathartica & humores ἀντιπαθείαν, ut Joubertus, statuatur. Ei quoq, affinis est Jacobi Schegkij, qui itidem causam purgationis non ἐλξιν, tractum: sed ὥσιν, pulsus esse dicit. Fieri autē ὥσιν à facultate expultrice per fibras transversas, lacescitam partim ab acrimonia humorum, partim à violentia pharmaci, qualitate irritante atq, molestante vasa. Probat Erastus placitum suum variis argumentis. I. quia naturales & quotidiana fecum excretiones fiunt, intestinorum expultrice à bile irritatâ. II. quia vacuationes spontaneæ, quas in diarrhœa,

rhœa, dysenteria, & aliis fluxibus alvi cernimus, excitantur, natura à vitiosis humoribus molestatâ, & ad eijciendum impulsâ. III. quia sternutationem, tussim, singultum, & vomitum itidem à vaporibus, & humoribus, aliisq; rebus, cerebri, pulmonû, & ventriculi expultricem stimulantibus fieri observamus. IV. quia in quadam stranguriæ specie propterea crebrò admodum mingitur, quoniam lotium acrimoniâ suâ vesicam pungit & vellicat. V. quia semen acrius atq; calidius animalia ita ad sui excretionem, quæ coitu fit, instigat, ut stare loco nesciant. Et turgens quæ dicitur materia in acutis acrimoniâ suâ facit, ut ex uno loco in alium pellatur. Symptomata quoque purgationes, quæ in principis morborum fiunt, propterea fiunt, quia humores vel quantitate, vel qualitate naturam incitant, ut eos extra corpus intempestivè, nulloque cum fructu eijcere cogatur. VI. quia purgantia sumptis narcoticis actione sua frustrantur, non aliam ob causam, quàm quòd sensu stupefacto mordicatio eorum minimè percipiatur. VII. quia & regnâdo agis non tantum propter debilitationem vasorum, & reclusionem orificiorum: sed etiam propter mordicationem accidit, teste Galeno lib. 3. simpl. c. ult. quâ purgans naturam ita exagitat, ut tandem etiam sanguinem, humorem sibi familiarissimû, effluere sinat. Itaq; veritati consonum, eodem modo etiam purgationem simplicem fieri. VIII. quia cathartica adeò nobis sunt infesta, si non qualitate acri, saltè aliâ ratione inimica, ut sumpta, etiam nobis omnibus modis & negociis contrapugnantibus, ventriculum ad sui, humorumq; in eo contentorum evomitionem laceasant. IX. quia visi, qui ad mentionem solùm, & cogitationem: aliquando verò ad conspectum purgantium nausearint, vomuerint, perq; alium dejecerint. Cujus rei nulla alia dari ratio potest, quàm quòd phantasia à specie natura hostili qualitate inimica cōmota expultricem facultatem ad evacuationem proritârit. Hoc si potest species purgantiam visa, audita, animoq; versata; quantò magis id poterit substantia eorum basia. X. quia nonnulli terro-

solum cathartorum odore purgati sunt. Vnde poma purgatoria, ut poma ambraeiis à Medicis præscripta. Fuerunt etiam, quibus, cathartica in manibus duntaxata gestat aluum subduxerunt: quemadmodum historias aliquot Erastus partim l. de occult. med. propriet. c. 60. partim in explicat. 2. questionis de purgantium facult. recenset. Quam ob causam? Nimirum quia odor & halitus purgantium naturæ abominabilis erat. Quo factum, ut expultrix fuerit excitata, & ad expulsionem eorum, quæ educationi erant idonea, proritata. XI. quia idem quoque Galenus sentire videtur. Nam l. 3. simpl. c. ult. expressè dicit, purgantia naturam irritare, & ad excretionem stimulare. Et lib. de dignot. & curat. affect. ren. c. 4. circa initium inquit, ex Medico quidè purgans pharmacum: ex naturâ verò totum negotium pendet. Hæc enim à purgante medicamento excitata facultatem expultricem advocat, qua inutilia ab utilibus segreget; ac utilia quidè retentrix virtus retinet: inutilia verò expultrix eijcit. Atque his quidem argumentis tantum effecit Erastus, ut multos præclaros Medicos in suam pertraxerit sententiam. Verum nil videntur concludere aliud, quàm quòd purgatio ex parte fiat ^{ῥῶτα}: quòdque cathartica vim habeant stimulandi naturam, seu facultatem expultricem, quæ irritata noxios humores postea exturbet: quod nos libenter concedimus. Cum enim etiã ex Galeni sententia comm. 1. aphor. 22. purgatio fiat expellente naturâ; nil autem expellere soleat, nisi vel à quantitate, vel à qualitate rei aliena molestetur, teste eod. l. de cur. rat. per S. M. c. 8. perspicuum est, eam à purgantibus medicamentis vexari, & ad vitiosorum humorum excretionem quasi accendi: si quidem prius, humoribus illis jam præsentibus, quieverit. Sed totum purgationis actum solâ irritatione & ^{ῥῶτα} compleri, inficiamur. Nam si hanc solam ob causam purgarent cathartica, quòd naturâ irritent & stimulent; utique omnia, quæ irritandi stimulantique vim haberent, in purgantium albo continerentur: quod tamen vanum & falsum esse, cepæ, allia, porrum, raphanus, nasturtium,

eru-

eruca, piper, acetum, & similia, quæ acria sunt atq; mordacia, satis superq; probant. Acrimoniâ enim suâ pungunt & vellicant naturam: neq; tamen verè purgant. Huc accedit, quòd non omnia cathartica sint acria. Omnis enim ferè saporis expers, est mechoaca. Et agaricus nihil acrimoniæ sapit: ut interim mannam, cassiam fistularem, myrobolanos, tamarindos, rosas, rhabarbarum, & alia silentio involuamus. Obijcies ex Erasmo, non opus esse semper acri mordacique qualitate manifestâ ad stimulandum: sufficere illam occultam, quæ naturæ inimica. Respondemus, ne istam quidem occultam omnibus inesse. Tantum enim abest, ut rosæ & violæ naturæ inimicæ sint, ut etiam inter cardu-
xâ principem ferè locum teneant. Quædam alia, manna v.g. cassia, tamarindi, myrobalani &c. adeò familiaria naturæ sunt, ut sua actione frustrata. & à natura victa, nutrimentum corpori præbeant: teste Galeno lib. 3. simpl. c. 24. Quod si sola irritatio causa purgationis esset, nullus delectus catharticoꝝ instituendus foret: neq; ab alijs alijs humores educerentur: sed quodlibet purgans, dummodò naturam ad expellendum laceraret, quemlibet humorem evacuet: quorum illud Erasmo: hoc verò experientiæ & oculari inspectioni refragatur.

VI.

An Aristoteles modum, quo purgantia pravos humores educunt, rectè describat? Quæ sententia fuerit Philosophi, ex problem. 42. & 43. sect. 1. liquet. Docet enim, sumptum pharmacum (ita namq; vocat purgans) non posse propter nimiam caliditatem, vel frigiditatem à calore corporis nativo vinci, & concoqui: posse tamen attenuari, & liquari. Liquatum fundi per totum corpus: fusum eliquare humores, quos reperit in venis excrementitios: eosq; turbare, & agitare: hacq; agitatione factâ retrocedere easdē vias, per quas penetravit: & retrocedendo secū trahere omnes excrementitios humores, quos eliquavit, agitavitq;: sicq; sanguinem in corpore relinquere purum, & ab excrementitijs hu-

moribus liberatum. His verbis describit Philosophus modum, quæ purgantia actionem suam exercent. In quibus quid probemus, quidque desideremus paucis explanabimus. Probamus primum, quod cathartica à calore superari neget. Nam si superarentur, sine suo frustrarentur. Probamus secundo, quod ea non quidem superari: attamen attenuari & liquari, h. e. in actum deduci à calore asseveret. Probamus tertio, quod illa diffundi in corpus perhibeat: non quidem secundum totum: sed fortassis secundum partes solum tenuiores, quas Empedocles ἀποπόλλας, defluxus nuncupat: nos autem vapores & halitus, purgatrice virtute imprægnatos, appellare possumus. Probamus quarto, quod purgationem esse evacuationem illius dicat, quod impurum sanguinem reddit, quo excreto sanguis purus relinquatur. Damnamus autem primo, quod cathartica quedam propter frigiditatis excessum insuperabilia calori arbitretur: cum omnia tamen validius purgantia, de quibus illi sermo, calida sint. Damnamus secundo, quod unum catharticum omnes excrementitios humores, quos in vasis offendit, expurgare statuat. Sic enim idem ferè cum Erasistrato sentit: nisi quod iste omnes in universum humores, tam bonos, quam malos, ipsum quoque sanguinem expurgari crediderit. Aristoteles autem noxios duntaxat, manente sanguine, educi velit. Damnamus tertio, quod purgantia evacuare autumet agitando turbandoque. Sic enim & alia, quæ humores turbant, & agitant, purgarent: nullaque diversitatis ratio dari posset, cur ista agitatione ad intestina potius, quam ad alias partes humores ducantur. Agitati quippe ad omnes partes inclinare solent: uti videre licet in materia turgente, quæ hinc inde in corpore vagatur.

VII.

Quid de Hippocratis & Galeni sententia statuendum? Hippocrates lib. de Nat. hum. scribit, purgans pharmacum certos ac determinatos humores evacuare: non omnes in universum, bonos pariter & malos, uti volebat Erasistratus: nec omnes excremen-

titios, sicut placebat Aristoteli: nec etiam, quos educit generare, quod Asclepiadis erat decretum. Modum verò, quo purgant, ibidem etiam exprimit, & ἐλξιν, tractum esse asserit: hujusque tractionis causam insuper addit, nimirum familiaritatem substantie. Pharmacum, ait, ubi corpus intraverit, primum quidem ducit id, quod ex omnibus in corpore existentibus scilicet maximè secundum naturam familiare est: deinde verò etiam alia trahit ac purgat. Sententiam postea suam similitudine quadam declarat. Nam quemadmodum stirpes, terre visceribus infixæ, id, quod natura sua familiare in terra existit, trahunt: deinde etiam alia: sic quæcunque v.g. bilem ducunt, primum meracissimam bilem purgant: postea verò mixtam: & rursus φλεγματώδη quæ sunt, primum pituitam meram, postea mixtam eliciunt. Hoc Hippocratis placitum tanti Galenus, Græci quæ juniores, Oribasius, Paulus, Aëtius, Trallianus, Actuarius, imò & Arabes, Avicenna, Rhases, Averroes &c. fecerunt, ut sequendum sibi per omnia duxerint. Galenustamen comm. 1. aphor. 22. præter ἐλξιν etiam ὥσιν addit: persuasumque habet fieri purgationem non tantum attrahente pharmaco: sed etiam expellente naturâ. Quam sententiam veritati consentaneam arbitramur. Nam quod natura expellat, inde constat, quia duo in actu purgationis occurrunt, quæ aliena sunt: purgans scilicet pharmacum, quod illi ingestum, quodque illam ad expellendum irritat, uti Erasii argumentis planum factum: & humores corrupti, qui itidem naturâ tum quantitate, tum qualitate suâ graves. Quod verò purgans humores attrahat, exinde liquet: quia non quodvis quemlibet: sed certum ac determinatum humorem purgat: qui sanè effectus non soli irritationi: sed etiam cuidam attractioni, ab oboculta medicamenti qualitate proficiscenti, acceptus ferendus: quemadmodum ex problemate s. patet. Modus ergo, quo fit purgatio est iste. Assumptum pharmacum à calore ventriculi in actum deducitur: ejusque vapores & spiritus in corpus reliquum disperguntur: qui cum purgatrice sint facultate

præ-

*præditi, humores sibi familiares ad se alliciunt, atq; à sanguine à
massâ, reliquisq; humoribus separant. Quod dum fit, natura in-
surgit: & quia tum à pharmaco, tum etiam à noxijs humoribus
stimulatur, expultricis virtutis ope utrumq; stimulum, medica-
mentum scil. atq; humores corruptos, tandem exturbat.*

II A P P E T A.

I.

An Cantus & Musica aliquid ad curationem morborum fa-
ciant? A.

II.

An diætetica medicina pharmaceuticâ & chirurgicâ præstan-
tior? Ita placet Damasceno aphor. ultimo.

III.

Verumnè illud ejusdem Damasceni aphor. 115. si solâ victus ra-
tione, citra pharmacum, mederi datur, nihil neque prius,
neque rectius esse? A.

IV.

Num rationabile, quod idem aphor. 143. scribit: corpora humi-
da parum comedunt: plurimùm egerunt: & difficulter cu-
rantur? A.

V.

An fidere experimento citra rationem fallax? Sic persuasum
habet idem aphor. 98.

VI.

Nunquid veterem mutare consuetudinem noxium: velut idem
aphor. 57. monet? A.

VII.

An Virtus & Natura morbos curent: utriusque autem mini-
ster Medicus sit? Agentem cum Damasceno aphor. 23. tuemur.

VIII.

Sintnè calidæ ægritudines lethaliiores frigidis? Affirmativa ar-
ridet Damasceno aphor. 27. cui suffragamur.

F I N I S.

DISPUTATIO
DE
PURGATIONE
DUODECIMA:

*In inclyta Argentoratensium Acade-
mia ingenij exercendi gratiâ
proposita:*

P R Æ S I D E
MELCHIORE SEBIZIO
Juniore : Doctore & Professore
Medico :

Respondente
M. BENEDICTO MALLEOLO
Argentoratensi.

ARGENTORATI
Typis J O A N N I S R E P P I,
ANNO M D C X X I.

V I R I S

CLARISSIMIS, CONSUL-
tissimis, Experientissimis;

DN. PHILIPPO CHELYO J.U. Doctori; Serenif-
simo Principi ac Domino, Domino LUDOVICO, Ele-
ctori ad Rhenum, piæ memoriæ, olim à Consilijs :

DN. JOHAN-RUDOLPHO SALTZMANNO,
Medicinæ Doctori, ac Poliatro felicissimo, nec non in-
clytæ Argentinensium Academiae Professori celebra-
rimo:

DN. PAULO FRIDERICI J.U. Doctori, & Senatus
minoris apud Argentoratenses Advocato, & Procura-
tori integerrimo:

*Dominis Mæcenatibus ac Præceptoribus parentum
loco piè venerandis.*

*Hæc Celebres, Clariq; Viri, Zitemata vobis
Devotè ardenti ductus amore dico:
Me vestro ut gratum præberem rite favori;
Cuius nunc quædam signa dedisse volo.
Vos, inopis mediocria non contemnite Musæ:
Sæpe etiam Divis vilia dona placent.
Vestraq; me vestri nunc ambigat umbra favori,
Pæonis ut tutus pocula docta bibam.
Vos longos Deus æternus conservet in annos,
Faxit & ut vobis prospera cuncta fient.*

M. Benedictus Malleolus
Argentinensis.



PROBLEMA I.

AN Galenus per similitudinem, seu familiaritatem substantiæ, quæ ex sua & Hippocratis sententia purganti pharmaco cum humore educendo intercedit, ταύτης, identitatem intelligat? Ultimo problemate præcedentis disputationis dictum fuit, statuere Hippocratem lib. de nat. hum. & Galenum l. 5. simpl. c. 17. purgantia medicamenta actionem suam perficere trahendo. Causam verò istius tractionis esse similitudinem, siue familiaritatem totius substantiæ. Merito ergo queritur, quidnam sibi per istam similitudinem velint: & an identitatem intelligant? Non enim defuerunt, qui agentem defenderint: ac propterea similitudinem substantiæ causam tractionis illius esse negarint. Nam si esset, sequi dicebant, ferrum v. g. trahere ferrum: aurum aurum: quia nil similius ferro, quàm ferrum: & auro, quàm aurum ipsum. Placiti hujus authorem faciunt Arabum principem Avicennam, qui lib. 1. Can. Fen. 4. doctr. 5. c. 4. hac ratiocinatione usus legitur. Verum Galenus, & fidelissimus Hippocratis, & sui ipsius optimus interpret, hanc similitudinem longè explicat aliter, & identitatem esse negat. Sic namq. lib. 3. simpl. c. 25. scribit: similitudinem inesse substantiis diximus, non identitatem. Contrarium enim cernimus. Nam neque ferrum attrahit ferrum, neque caro carnem: sed magnes ferrum, caro sanguinem. Differunt enim, meâ quidem sententiâ, idem & simile. Quippe pituita pituita eadem est, & cnicus cnico: non tamen idem. Quid hac Galeni interpretatione clarius? quid manifestius? Vis ergò trahendi non in identitate, sed in similitudine substantiæ consistit: & simile quidè trahit simile; idem verò minimè trahit. Nulla enim dari probabilis ratio

T 2

potest,

potest, cur inter illa, quæ eadem prorsus sunt, alterum trahentis, alterum autem tracti respectum habeat. Nam quæ eadem sunt, eandem etiam formam, & naturam, easdemque proprietates obtinent. Quare & eandem trahendi facultatem. Neutrum igitur tracti vices sustinet: nisi dicere placeat, in majori quanto maiorem residere virtutem: ac propterea magnum, v.g. ferri frustum parvam trahere ferri portionem posse. Verum sciendum, vim tractricem non dirigi in id, quod est idem: sed in id, quod simile & familiare. Inter trahens siquidem & tractum actio est atq; passio. Nihil autem in se ipsum agit: sed si agit, in aliud agere dicitur. Quæres, cum inter purgans & humorem purgandum similitudo quædam substantiæ sit, non identitas, an utrumq; etiam ejusdem sit particeps virtutis? Respondemus negando. Affirmativa enim si vera esset, causa nulla ad ferri posset, cur humor perpetuò patientis & tracti: purgans autem agentis semper atq; trahentis rationem præ se ferret. Fieret enim, ut humor aliquando medicinam cathartica ad se traheret: præsertim si esset copiosus: quia, uti modò dictum, in majori quanto major virtus. Imò nulla prorsus fieret purgatio. Nam si utrumque eadem virtute præditum esset, similia hac in parte forent. At similia in se non agere dicuntur. Conveniunt ergò purgans & purgandus humor ea ratione inter se, quàm magnes & ferrum: succinum & palea: stirps & succus terræ: pars nostri corporis & sanguis. Quemadmodum autem hæc corpora ejusdem facultatis non sunt: ita neque purgans pharmacum & humor purgandus. Sed purgans quidem vim trahendi habet: humor excrementitius ab eodem trahitur: non contrà. Nam specificæ virtutes specificam sequuntur naturæ differentiam. Avicennam quod attinet, certum est ex loco allegato, eum tractricem facultatem purgantibus tribuere. Quod verò similitudinē substantiæ causam illius facultatis negare videatur, sano modo accipiendum. Distinguunt n. Costæus & Mongius in fine annotationis octavæ super loc. cit. similitudinē substantiæ: eamq; in-

intel.

telligi posse arbitrantur & de exacta, & de non exacta. Exacta convenientia est substantia: & identitas vocari potest. Non exacta convenientia qualitatibus. Cum ergo Avicenna substantia similitudinem in cathartice negat, de exacta loquitur: quæ Galenus quoque l. 3. simpl. c. 25. explodit: quemadmodum verbis illius supra probatum. Non tamen negat similitudinem alteram, quæ non proprie substantia: sed verius & rectius qualitatibus convenientia & familiaritas appellatur. Sic namque hanc substantia similitudinem Galenus ipse lib. 5. simpl. c. 17. interpretatur. Ibi enim duo attrahentium medicamentorum genera statuit: unum eorum, quæ solo calore trahunt: eorum autem nativo ac proprio, in prima scilicet generatione implantato, quo v. c. dictamnus, propolis, thapsia, sagapenum, &c. aliena attrahunt: aut alieno, & adventitio, ex putrefactione scilicet genito: quo fermentum, & animalium fimos trahere asseverat. Alterum illorum, quæ qualitatibus familiaritate attrahunt: id quod nihil aliud esse dicit, quam totius substantia similitudine. Et in horum albo ea, quæ nutriuntur, partes nimirum plantarum atque animalium: itemque purgantia pharmaca, & quadam alexiteria, sive amuleta, reponit.

II.

An per similitudinem substantia illa sint intelligenda accidentia, quæ primas qualitates sequuntur? Vallesius lib. 9. controvers. c. 2. docet, purgantia medicamenta non quoslibet, sed certos ac determinatos humores trahere: quadam pituitam: nonnulla bilem flavam: alia bilem atram: idque propter similitudinem substantia, quæ huic medicamento cum hoc humore magis intercedat, quam cum alio. Et hanc sententiam rationi admodum consentaneam esse dicit: cum omnia pelli à contrariis: trahi verò à similibus videamus. Hanc tamen substantia similitudinem adjuvantem tractricis causam habere scribit calorem: ita ut purgantia quidem humores trahant ratione caloris, quo sunt prædita: sed ratione similitudinis substantia certos ac determina-

tos trahant. Esse enim calorem indefinitæ tractionis causam: & facere, ut cathartica in genere trahere possint: similitudinem verò substantiæ certæ & determinatæ tractionis principium, & in causa esse, ut hos, vel illos humores in specie alliciant. Verum rogatur hic, in quânam re ista substantiæ similitudo consistat? Respondet Vallesius, non in qualitatibus primis, calore, frigore, humore, & siccitate. Rationem damus triplicem. I. quia omnia, quæ calida, frigida, humida, aut sicca essent, purgarent. II. quia calida & sicca quæ sunt, uti plerâq; sunt cathartica, neque serum, neque pituitam, neque melancholiam evacuant: cum nullam haberent similitudinem substantiæ. Isti enim humores omnes frigidi sunt: & melancholiâ exceptâ actualiter & potentialiter humidi: III. quia Manna, Cassia fistularis, Tamarindi, Myrobalani citrina, Rosæ, Violæ, &c. bilem flavam non educerent. Quædam enim horum frigida sunt: ut Tamarindi, Myrobalani, Rosæ, Violæ: quædam humida: ut Manna, Cassia, Violæ: atque sic similitudine substantiæ carerent: si ea in primis hisce qualitatibus posita esset. Sed in illis accidentibus sitam autumat, quæ substantiæ modum consequuntur, qui ex modo mixtionis nascitur: ut sunt color, crassities, tenuitas, raritas, densitas, & aliæ qualitates, quæ magis ex parte materie videntur. Verum sententia Vallesij graves patitur instantias. I. quia color nihil facit ad expurgationem humorum. II. quia rosæ, quæ incarnatæ, violæ, quæ purpureæ, cassia, quæ nigra, scammonij radix, quæ interiùs candida, ratione quidem coloris nullam haberent cum bile flavâ similitudinem: neque illam exturbarent. Dictum enim jam aliquoties, similitudinē tractionis causam esse: tractionem verò purgationis. Eadem ratio valeret etiam contra lapidem lazuli, folia senæ, radices polypodij, &c. quæ colore melancholico humori non sunt similia. III. quia si similitudo substantiæ in qualitatibus hisce secundis collocata esset: utiq; ea omnia, quæ qualitatib. correspondere humorib. purgandi vim haberent. IV. quia $\chi\omicron\lambda\alpha\gamma\omega\gamma\alpha$ tenuis substantiæ esse oporteret.

ut esset aliqua similitudo substantiæ: φλεγματώα & μελανατώα
crassa. Atqui videmus, inter χολατώα nō modo tenuis essentia esse
simplicia, v. g. rosas, violas, mannam: verum etiam crassa: ut rha-
barbarum, myrobalanos citrinas, tamarindos. Et inter φλεγμα-
τώα non solum substantiæ crassa, ut myrobalanos chebulas, embli-
cas, atq; belliricas: sed etiam tenuis: ut agaricum, euphorbium, co-
locynthida, &c. V. quia actionis purgatricis nobilitas satis testa-
tur, eam alterius, & excellentioris principij sobolem esse: nō dicta-
rum qualitatū, quæ multis alijs rebus sunt communes: & tota
rei substantia dici nequeunt. VI. quia si similitudo substantiæ in
qualitatibus hisce sita esset, sequeretur, ijs mutatis, sicuti in medi-
camentis per multiplicem preparationem, & formarum externa-
rum variationem, mutari solent frequentissimè, etiam vim pur-
gantem mutari: quod falsum esse experientia docet: aut si non
mutetur, argumentum est magnum, similitudinem illam, causam
purgationis, in ijs neutiquam esse locatam. VII. quia si Vallesij
vera esset opinio, exigua sanè inter medicamenta purgantia &
humores similitudo observaretur: & consequitivè etiam exigua
virtus purgandi plerisq; inesset catharticiis.

III.

An quod Galenus similitudini substantiæ tribuit, neo-
terici quidam rectè qualitatibus occultis acceptum fe-
rant? Rectissimè. Galenus enim lib. 5. simpl. c. 17. ait, purgantia
attrahere humores totius substantiæ similitudine, hancq; similitu-
dinem nil aliud esse perhibet, quàm familiaritatem qualitatū. At
neque prima est, neque secunda manifesta: uti ostensum. Restat
ergò, ut sit ex genere occultarum, quæ formam substantialem au-
thorem agnoscunt. Esse enim hujusmodi qualitates, quæ ratione
cognitionis nostræ, quòd causæ illarum sint incognitæ, occul-
tæ, abditæ cæcæ, atque obscuræ: ratione subjecti, quia certæ
alicui speciei propriæ sunt, specificæ: ratione effectuum, quoniā
mirabiles stupendosq; edunt effectus, mirificæ: ratione principij
effe-

efficientis, à quo prodeunt, formales, & consubstantiales, quòd substantia rei quasi connascantur, appellari solent, non solum omnes, verè qui docti sunt, & in contemplatione naturalium rerum exercitati, fatentur: verum etià sublimitas multorum effectuum, quorum causa ad primas & secundas qualitates, aut ad dispositionem, temperaturamq; materia referri nequit: & obscuratio intellectus nostri, qui per lapsum protoplastorum quasi excacatus est, planum faciunt: adeò ut Aristotelis iudicio l. 2. Metaphys. c. 1. ita sese ad ea, quæ ἡ φύσις φανερῶταλά sunt, habeat, quemadmodum vespertilionum oculi ad lumen diei se habere solent. Vallesius l. 9. controvers. c. 1. eos, qui causam attractionis humorum in abditas qualitates reijciunt, refutatione indignos judicat. Propalam enim suam ignorantiam illos fateri scribit: quia ad occultam proprietatē confugere nil sit aliud, quàm dicere, eventum cognosci experimento: sed causam, unde fiat, ignorari. Verum satius nos esse arbitramur, occultas prætere proprietates, cum vera, aut probabilis saltem causa ex manifestis qualitatibus reddi nō potest, quàm cum Vallesio falsas & fictas causas defendere, proq; veris & genuinis studiosæ juventuti venditare. Ad manifestas qualitates omnia deducere, inquit ingeniosissimus & subtilissimus Scaliger exercit. 218. s. 8. summa impudentia est. Fidem vel venena solum faciunt. Eorum namq; multa diversas habent ab elementorum qualitatibus proprietates: quæ omninò latent animos temperatos, illudunt curiosis. Idemq; isti, qui sese putant cuncta ad certas causas reducere manifestas, tandem huc se devoluunt. ut dicant, in oculis hominis & catoblepæ esse principia contraria. Et tamen irrident illi salutare Asylum illud occultæ proprietatis.

IV.

Utrum unum & simplex pharmacum omnes educere possit humores? De compositis catharticiis, quæ ex φλεγµαγωγῶν, χολαγωγῶν, µελαναγωγῶν, καὶ ὕδραγωγῶν sunt conflata, nulli dubium, quin omnis generis humores evacuent. Hinc enim καθολικά, ὀλαγω-

ἁλῶν, καὶ παχυμαλῶν appellantur. Quæstio est de simplicibus. Fernelius videtur tueri affirmativam l. 3. meth. med. c. 5. Ait enim quodlibet pharmacum præter propriam etiam generalem vim purgandi habere, qua in alios quoque humores incumbat, eosque communiter evacuet. Eam duplici argumento probat. I. quia videmus, medicamentum, quod proprio humore frustratur, quemvis obvium & paratiorem adoriri atque exturbare: eum scilicet qui aut adfluendus est aptissimus: aut immodicè exuperat: aut in via purgationis subsistit. II. quia in hypercatharsibus observamus, non modò humorem peculiarem: sed & reliquos deinceps profluere. Violentius quippe medicamentum proprio humore detractò, in alios dein invadere: ac primùm tenuiorem, ad fluendumque aptiorem prolicere: deinde eum, qui crassior atque pigrior sit: postremò sanguinem, quem natura tanquam reconditum thesaurum avidius amplexetur ac retineat. Falloppius l. de simpl. purg. med. c. 3. distinctè respondet. Inquit enim, omnia medicamenta in genere, & consequitivè etiam purgantia in specie, vel dissimilariū esse partium, regumque vera composita: simplicia autem propterea appellata, quod cujusmodi sunt, talia sint naturæ, nec quicquam ex nostra industria assumserint: teste Galeno lib. 5. simpl. c. 1. Vel similariū, & unius ejusdemque substantiæ. Quæ ergò purgantia duas pluresvè substantias in sua acceperunt generatione, sub una tamen eademque forma contentas, illa duos pluresvè humores evacuare ait: Quæ verò unam solum, unum quoque simplicemque humorem educere. Verùm Fernelij sententia nobis est suspecta: I. quia l. 3. meth. c. 4. docet, actionem purgantium non à materia, neque à temperamento, sed à forma eorum proficisci. At si quodvis purgans præter propriam etiam generali virtute polleret, qua alios humores exigeret duæ formæ, generalis scilicet & specialis in uno eodemque subjecto, ponerentur. Generalis quidè, quæ purgaret humores alios: specialis v. quæ certum ac peculiarem. II. quia ipsemet Fernelius ibidem Hippocratis & Galeni sententiā approbat, quòd

purgantia humores trahendo alliciant, & quidem totius substantiæ similitudine, insitæque familiaritate. Sed si generalis vis trahendi omnes humores cui vis purganti tribueretur, idem medicamentum omni humori substantiam similem haberet: quod falsum esse ipse Fernelius c. 5. loci citati attestatur. Falloppij verò distinctio minus arridet propterea, quia sive purgans similarium, si-
vel similarium sit partium, modò validum sit, plures excernere potest humores: uti experientia monstrat. Statuendum ergò, siquidem vim tractricem à forma prodeuntem defendere velimus, quodlibet purgans unum aliquem humorem per se, & principaliter evacuare: idq, ut Hippocrates & Galenus loquuntur, familiaritate, sive similitudine substantiæ: h. e. qualitatis proficiscentis à forma, quæ præcipua est purgantis medicamenti, & cuiusq, rei compositæ substantia. Reliquos verò humores exturbare secundariò: scilicet non trahendo: sed irritando stimulandoque naturam: cui vel manifestis, vel occultis, vel utrisq, qualitatibus est inimicum, infestum, & molestum. Nam problemate ultimo disput. præced. dictum fuit, purgationis actum non tantum ἐλξαι: verum etiam ὠσπαι perfici. ἐλξαι quidē purgantis medicamenti: ὠσπαι verò naturæ. Hac enim à duobus hostibus, purgante ipso, & vitiosis humoribus, qui expurgandi, vellicatur, pungitur, & ad excretionem sollicitatur.

V.

Antactio, quam purgantibus Hippocrates, Galenus, & eorum affectu inesse dicunt, vera sit proprièque dicta tractio? Notum est, duplicem apud Peripateticos esse tractum: univocum & equivocum. Univocus est, quo id quod trahit, ab alio aut ad se, aut ad aliam rem movet: teste Aristotele l. 7 phys. c. 2. habetq, tres conditiones: 1. quòd trahens & tractum sint conjuncta, seseq, mutuò tangant. 2. quòd ambo moveantur. 3. quòd trahens celerius moveatur, quàm tractum. Aequivocus est, qui virtute tantum trahentis perficitur. In eo n. trahens suo corpore & ex-

& extremitate tractum non tangit: neq; perinde, ut tractum movetur. Tractus ergò, qui cathartici inesse perhibetur, æquivocus solum est, non univocus. Non enim substantia eorum humores tangit: sed duntaxat vis atq; facultas. Substantia quippe in ventriculo, aut intestinis persistit. Id quod Avicenna testatum facit. Nam soluta alvo, medicamentum plerumq; in ventriculo hæret, aut vomitione rejicitur. Visum quoq; pilulas duriores, posteaquã abundè purgassent, nondùm dissolutas aliàs vomitione, aliàs dejectione reddi. Largimur quidẽ, cathartica, dum ventriculi calore dissolvuntur, terunturq; ; h. e. deducuntur in actum, tenuiores quasdam sui portiones, aut vapores cathartica facultate imprægnatos, partim per manifestas, partim per cecas abditasq; vias ad noxios ablegare humores, qui eos attrahant: inficiamur autem, crassiorem illorum substantiam eò concedere ac permeare: sed manere in primis vijs, tractumq; continuare arbitramur. Attractos autem humores unã cum medicina purgante à naturã, sive expultrice facultate, per convenientia loca excludi. Eam enim gemino laceffitam stimulo utrumq; excutere diximus: attractum humorem, & purgans pharmacum.

VI.

Utrum medicamenta dentur αἵμαργα, quæ per se, innatãque virtute sanguinem evacuent? Pro affirmante videntur militare auctoritas gravissimorum Medicorum: experientia: & ratio. Auctoritas quidem Hippocratis, qui lib. de nat. hum. scribit, in hypercatharsi primum exire eum humorem, qui dato medicamini maximè familiaris est: mox alios: tandem etiam sanguinem. Galeni, qui lib. 2. de dynamid. inter alia non tantum agit de pituita, bilem utramq; & serum, sed etiam de sanguinem purgantibus medicinis. Et lib. de purgant. med. facult. c. 4. expressè dicit, inveniri medicamentum, quod sanguinem à principio statim educere possit ex venis: idq; historiã probat mirabili, quam postea recensebimus. Theophrasti, qui l. 4. de hist.

plant. stirpis cuiusdam hamagoga meminisse dicitur. Marcelli Donati, qui l. 1. de histor. med. mirab. c. 2. refert, Petrum de Osma Anno M. D. L. X. V. III. ad Doctorem Monardes ex Peru scripsisse, se in loco, Pasto dicto, Indum quendam vidisse, qui Indos & Hispanos quovis morbo laborantes, circa juncturas, dolentesq. partes succo herbae cuiusdam inunxerit, multisque linteis partes texerit, hacq. ratione purum sanguinem ex inunctis partib. sudore evocavit: quem postea abstulerit: & hanc inunctionem toties repetierit, quoties opus esse putasset. Hac curâ tantum effecisse eum idem narrat Petrus de Osma, ut multos à maximis, penèq. incurabilibus morbis vindicavit. Sed addit, nullis sese neque pollicitationibus, neque minis adigere potuisse Indum Medicum, ut herbam illam, ex qua succum extraxisset, sibi notam redderet. Experientia verò hamagogorum medicaminum existentiam probat propterea: quia videmus, aloem saepius ingestam hamorrhoidum fluxum provocare: cantharides foris applicitas, aut interiùs usurpatas, mictum cruentum excitare: artemisiam, pulegium, calamintham, sabinam, polium, radicem dictamni, & aristolochia &c. menstruum sanguinem movere: acriores turundas in nares immixtas stillicidium sanguinis proritare: validiora cathartica, ut colocynthida, scammonium, euphorbium, esularum, mezerei, & tithymallorum genera, &c. sanguinem per alvum expurgare. Et Galenus l. d. purg. med. fac. c. 4. memorabile hamagogi exemplum ponit. Apud Thracas Bithyniam incolentes cum viveret, & adhuc esset puer, audivisse se ait, quendam emendi porcini jecoris causâ urbem ingressum fuisse. Quod cum emisset, inq. suburbium rediisset; ventrem autem exonerare habuisset necesse, jecur deposuisse, & forte fortuna super herba aliqua locasse. Verum egestis fecibus, & reassumpto jecore, vidisse, sanguinos rivulos ex universo jecore ad herbam confluxisse: indeq. fecisse conjecturam, herbam illam hamagogam esse. Quid accidit? Fecit veneficus in obvio quodam periculum: & postquam verum comperisset, quod fore sperabat, plurimos

rimos postea herbâ illâ trucidavit. Qui enim assumssissent, sanguinem excrevisse, deinde expirasse Galenus scribit. Hoc cum Magistratus rescivisset, & ex venefico cognovisset, qua ratione in cognitionem herbe venisset: audivissetq; non exiguam ejus copiam Bithynia in locis nasci, vinctis oculis ad supplicium duci reum iussit: nec cui herbam monstrare posset: sicq; illius usum perijsse. Ratio denique huic sententia favere videtur. Nam si sunt purgantia, quæ reliquos humores omnes, non modò naturales, sed etiam planè corruptos & putrefactos educunt: nulla videtur diversitatis adferri posse ratio, cur sola αἱμαγωγὰ desiderentur, quæ sanguinem, humorem naturalissimum, mitissimumq; prolecent. Et si dantur ἰχθυα, quæ profluentem sanguinem cohibent, nō manifestis solùm qualitatibus, utpote emplastica, adstrictoria, repercussoria, & caustica: verum etiam occulta virtute & proprietate: quidni & αἱμαγωγὰ invenirentur: præsertim cum ita in rerum natura comparatum videamus, ut si unum contrariorum existat, etiam alterum reperiatur? Pro negativa verò duæ adferri possunt rationes. I. quia neq; prisci, neque moderni Medicinæ procures aliquid literarum monumentis de hemagogis consecraverunt: cum tamen de cæteris purgantibus scripserint accuratissimè. Nam quod ex Hippocratis lib. de Nat. hum. adfertur, impertinens est, & ad agentis probationem insufficiens. Validiora cathartica in hypercatharsi sanguinem vacuare concedimus. At non per se, propriaq; & innata virtute eum vacuare dicimus: sed per accidens solùm: quatenus vasorum retentricem ita debilitant, ut quod in se continent, retinere nequeant: quatenus orificia illorum recludunt: quatenus deniq; mordaci sua acrig; qualitate expultricem indefinenter ad vacationem irritant atque stimulant: quemadmodum Galenus l. simpl. c. ult. explicat. Hic autem de ejusmodi hemagogis questio est, quæ per se, & ingenita facultate sanguinem, non in fine, uti fit in ὑπερκαθάρσει, sed in principio statim expurgare queant. Neque liber ille secundus de dyna-

mid. aliquid probat. Apocryphus enim est, & ejusmodi hamagoga profert, de quibus hic minimè rogatur. Succum enim porri capitati, mercurialis, leucosij, malvæ agrestis, & salviæ sanguinem educere docet. Historia ex l. de purg. med. fac. c. 4. allata Falloppio videtur fabulosa, l. de simpl. purg. med. fac. c. 2. I. quia Galeno adhuc puerorelata. Acqui anilia deliramenta pueris multa recenseri solent. II. quia hepar illud porcinum jam erat exanimatum, vitaliq; calore destitutum. Quomodo ergò herba hamagoga virtus in actum ab eo deduci potuit? Omnium enim pharmacorum vires à calore nostro actuari notorium est. III. quia impossibile, potuisse sanguinis rivulos ex hepate ad herbam confluere. Mactatū enim animal erat, in partes dissectum, omnique sanguine exhaustum. Theophrastum quod attinet, citant quidam l. 4. de hist. plant. c. 15. Verum ne gry quidem ibi de herba hamagoga invenitur. De vita tantum oleæ, ac vitium, deq; cultu vitium docetur. Medicamenta, quæ hæmorrhoides movent, cruentas urinas faciunt, menses ducunt, sanguinis stillicidium causantur, sanguinemq; per alvum evocant, ἀπεροσδιονύσως allegantur. Non enim ex genere eorum sunt, de quibus jam queritur: siquidem non facultate ingeni, primò, ac per se: sed vel exulcerando erodendoq; vel aperiendo & detergendo: vel naturam immoderatiùs stimulando, retentricem debilitando, osculaq; vasorum reserando sanguinem proliciant. II. quia sanguis adeò charus, gratus, & familiaris naturæ est, ut illum retineat avidissimè: neq; unquam sinat egredi, nisi fortè admodum enervata, aut vehementiùs ad vacuandum sollicitata. Unde in hypercatharsi eum postremum exire Hipocrates asseverat. Nos, etsi nullum simplex compertum habeamus, quod per se, insitãq; facultate sanguinem trahat, perq; alvum educat: haud tamen dicere audemus, nullum in rerum naturâ existere. Multa n. sunt, quæ nobis sunt incognita.

Multa (inquit Lucretius) tegit sacro involucro Natura: neq;
ullis

Fas est scire quidem mortalibus omnia.

VII.

An Rhabarbarum in substantia sumptum magis purget, quàm illius dilutum, sive, ut loquuntur, infusio? *Probabilis videtur affirmativa, non obstante, quòd crassa, terrena, & adstrictoria Rhabarbari substantia refragari videatur. Favet enim illi experientia, rerum magistra optima: quam in testimonium vocant practici magni nominis: inter quos Horatius Augustinus minimè postremus, lib. 7. epist. & consultat. medic. epist. 3. Patrocinator etiam ratio duplex. I. quia purgatricem Rhabarbari facultatem; quæ tenuiori illius parti insidet, adstrictoria juvat comprimendo. II. quia Rhabarbarum in substantia exhibitum diutius in ventre moratur. Est enim crassum, adstrictorium, & ad permeandum pigrum. Quos ita, ut etiam cathartica vis longioris temporis spatio ibidem hæreat, largiusq; purget.*

VIII.

Rectène Rhabarbarum anima & theriaca hepatis appelletur? *Rectè ab effectu. Præstantissimum quippe remedium est in illius obstructionibus: quibus tum officij, tum structura ratione, & frequentissimis, & gravissimis, maximèq; periculosus est obnoxium. Neq; obstructiones solum aperit hepatis: sed etiam biliosam illuvie clementer expurgat: quæ ictero, hydropi, scirrho, erisypelati, intemperiei, anorexiæ, siti, oris siccitati, febribus tertianis, cachexia, & si ad intestina feratur, diarrhææ, ac dysenteria ansam occasionemq; præbet.*

Π Α Ρ Ε Ρ Τ Α.

I.

Rectène primæ quatuor qualitates in activas & passivas à Philosophis & Medicis dividantur? A.

II.

Sitné hypostasis urinæ primæ, secundæ, aut tertiæ,
quæ

quæ in vasis celebratur, concoctionis excrementum?
Postremæ.

III.

An cantharides totæ & integræ: an verò tantum
illarum pedes & alæ usurpandæ? Totas cum Galeno u-
surpandas censemus, lib. II. simpl. c. proprio.

IV.

Utrum cantharides propterea vesicam exulcerent,
& ardorem urinæ, atque dysuriam causentur, quòd acres
mordacesq; humores, qui in corpore collecti, ad vesicam
ducant: quemadmodum Avicenna credidit l. 2. tract. 2.
c. 206. N. Nam hoc quoq; faciunt corpore ab humoribus
illis vacuo.

V.

Num id præstent, sponte sua ad vesicam penetran-
do, eamque ἀντιπαθεία quādam naturali erodendo: veluti
Galenus arbitratur l. 3. simpl. c. 23. an urinam quasi inflam-
mando, valdeq; calidam & acrem reddendo, ut qui-
busdam recentioribus placet? Utraque opinio defendi
potest.

VI.

An Hipp. lib. de purg. med. cibos rectè φάρμακα pur-
gantia medicamenta appellet? Rectè suo modo.

VII.

Num febricitantibus, & maximè quartanarijs, quæ-
cunque appetunt, concedenda? Vulgus quidem affir-
mat. Nos verò negamus.

VIII.

Verumné illud Damasceni aphor. 48. Medici illi-
terati, rerum imperiti, & adolescentes, ut plurimum ho-
micidæ? A.

DISPUTATIO
DE
PURGATIONE
DECIMATERTIA
ET ULTIMA:

*In inclyta Argentoratensium Acade-
mia ingenij exercendi gratiâ
proposita:*

PRÆSIDE
MELCHIORE SEBIZIO
Juniore: Doctore & Professore
Medico:

Respondente
JOACHIMO LANGENAUERO
Augustano.

ARGENTORATI
Typis JOANNIS REPLI,

ANNO MDCXXI.



V I R I S

*Nobili generis splendore, prudentiâ, plurimog, rerum
usu præstantissimis,*

DN. DAVIDI } Blstatt/ fratribus ger-
DN. JOHANNI } manis:

Nec non

DN. OTTHONI Lauginger/ Juniori,

Patricijs Augustanis,

Cognatis, Tutoribus, Fautoribus, &
Promotoribus æternum suspici-
endis,

*Has studiorum suorum
primitias*

Grati animi testandi causa

D. D. D.

Joachimus Langenauer.



P R O B L E M A - I.

AN Rhabarbarum sit Rha, Rheum, sive Rha-
ponticum Dioscoridis lib. 3. cap. 2. descriptum?
Aientem defendunt Ruellius l. 3. de nat. stirp. c. 2.
Valerius Cordus in annotat. super l. 3. Dioscor. Do-
donæus pemptad. 3. l. 2 c. 32. stirp. & Manárdus : quamvis hic
videatur dubius. Nam lib. 6. epist. 2. scribit, quod vulgus Medico-
rum & officina omnes nunc Rhabarbarum vocant, & Arabes
Rhavedseni, hoc Celsum radicem ponticam : Dioscoridem Rha-
Plinium Rhacoma : Galenum Rheon, & interdum Rheon Ponti-
cum appellare. Lib. 5. epist. 5. dicit, Rhaponticum & Rhabarbarum
unius ejusdemq. speciei esse : præstare tamen Rhabarbarum, non so-
lùm vipurgatoriâ : sed etiam facultate penetrandi, quia profun-
dius se adigit, majusq. robur post se in membris relinquit. Contra-
rium verò sentire videtur in annotat. c. 5. lib. de simpl. purg. Mesuæ.
Rhacoma, inquit, de quo Plinius l. 27. & Rha, vel Rheo, de quo Dio-
scorides l. 3. à vocato nūc rhabarbaro alia res est. Neg. Plin. & Dio-
scorides Rhaved Mesuæ, quod nostrū rhabarbarū est, cognovisse vi-
dentur. Negantem tuentur Matthiolus in Cōment. cap. 2. l. 3.
Dioscor. Sylvius in annot. cap. 5. l. de simpl. purg. Mesuæ. Co-
stæus in annotat. ejusdem loci: Pena & Lobelus in adversariis:
Fuchsius lib. 1. de cōpos. med. c. 84. Et id quidem rectissimè. Nam
sive locum natalem spectes : sive magnitudinem intuearis : sive
odorem, colorē, & saporem perpendas : sive substantiā ipsam exa-
mines : sive deniq. vires contemplare, magnū sanè discrimē inter
rhaponticum Dioscoridis & rhabarbarum nostrū animadvertes.
Etenim patrium solūm quod attinet, refert Dioscorides l. 3. c. 2.
provenire Rhaponticum in ijs, quæ suprā Bosphorum sūt regio-

X 2nibus,

nibus, ex quibus affertur. Plinius ait, Rhacoma ex his, quae supra Pontum sunt, regionibus asportari. Et Ammianus Marcellinus scribit, stirpem hanc à Ponti flumine, quod Rha vocatur, cognominari: eò quod in illius superciliis nascatur. Unde & ῥᾱ, & ῥῆον, & ῥῆον ποτικόν, & ῥῆον ποτικὴν à Galeno, Actuário, & Paulo: à Celso v. l. 5. c. 23. in Mithridat. radix Pontica appellatur. Rhabarbarum autem nostrum non, ut Rhaponticum, ex aquilonaribus; sed ex meridionalibus plagis ad nos venit: nimirum ex Barbaria; unde & Rha Barbarum, & Barbaricum, & Rheu Barbarum nuncupatur. Vbi notandum, tria illius genera à Mesue lib. de simpl. med. c. 5. constitui: Indicum, quod Rhavedsceni nominat: omnium praestantissimum: Barbarum, generis nomine vocatum: quod bonitate ab Indico secundum: & Turcicum, quod ignobilissimum. Magnitudo Rhabarbari longè superat magnitudinem Rhapontici. Scribit enim Dioscorides radicem Rhapontici minorem esse radice Centaurij magni. At qui hac multò adhuc major crassiorq; est Rhabarbari. Dioscorides, Rhapontico suo nullum tribuit Odorem. Sed Rhabarbarum, praesertim cum teritur, gravem vehementemq; odorem spirat: ita ut Manardus epist. 3. lib. 8. scribat, si alia re nulla, solo tamen odore Rhabarbarum officinarum à Rhapontico Dioscoridis discerni posse. Nam quod Ruellius & Cordus dicunt, utramq; stirpem unius ejusdemq; esse generis ac speciei, differre tantum accidentib. & loco natali: & Rhaponticum quidè propter aquilonaris regionis, in qua crescit, frigiditatem, αἰσχροῦ esse: rhabarbarum autem propter meridionalis plagae caliditatem, odorum, diviticulum est: I. quia licet secundum Galenum comm. 3. aph. 14. Pontus & Thracia regiones sint frigidae: tanta tamen caeli inclementia in ijs non est, quae Rhaponticum carere odore faciat. Aliàs enim reliquae etiam stirpes inibi provenientes inodora forent. II. quia Rhaponticum in calidis plantatum regionibus nullo insigni odore, ut Rhabarbarum, nares ferit. Neque veritati simile videtur, quod Dodonaus memoria prodidit, nempe sphalma in

textum Dioscoridis irrepsisse : & pro ῥαποντικὸν posittum esse.
Nam & Plinius, & neoterici omnes, etiam illi, qui Rhaponticum
idem cum Rhabarbaro statuunt, illud inodorum esse fatentur.
Quod verò idem subdit, experimento certo cognitum se habere,
Rhaponticum odorem, & quidem haud insuavem spirare. Radi-
cem enim se à Iacobo Antonio Cortuso accepisse, haud gravi odore
suaveolentem. Respondemus, vel verum non fuisse Rhaponticū :
siquidem hoc omnes ῥαποντικὸν dixerint : & quid propriè Rhaponti-
cum Dioscoridis fuerit, olim Medici nostri ignorarint : vel radicem
Centaurij magni, quæ pro Rhapontico venditabatur ; ac propterea
nomen quoque rhapontici sibi adoptabat. Hæc enim, quia juxta
Dioscoridem lib. 3. c. 6. cum adstrictione aliqua & dulcedine acris
est, non omni odore caret. Vel fuisse quidem Rhaponticum legiti-
um ; insigni tamen odore minimè donatum. Id quod Dodonæus
ipse fateri videtur, cùm scribit, Ponticum Rha non esse omni odore
destitutum. Itaq; merito Dioscorides rhaponticum ῥαποντικὸν pronun-
ciat : non quod omni prorsus odore careat sed quod evidentè & ma-
nifestū non habeat. Eadē n. ῥαποντικὴ & ῥαποντικὴ hac in parte est condi-
tio. ῥαποντικὴ n. h. e. insipidā non id tantū dicimus, quod omni planè
privatū est sapore : sed etiā quod effatu digno sapore nō est præditū :
sic docent Galenol. 2. de alim. fac. c. 3. Colorem quod spectat,
est Rhapontici radix juxta Dioscoridem nigra, centaurio magno
similis : sed minor & rufior : manducata colorem reddit pallidum,
aut ad crocum inclinantem. At Rhabarbarum fractum ex rufo
& glauco alternat ; mansumq; vel aliquo solutum liquore, croci
modo tingit : teste Mesue loc. allegato. Plinius l. 27. c. 12. Rhacoma
suū costo nigro simile dicit. Verū Manardus l. 6. epist. 3. rheon nullā
cum eo similitudinem gerere ait. Sapor Rhapontici sub acris
est, & validè adstringens : authore Galeno lib. 8. simpl. c. de Rheo.
Gustatum etiam lentescit, inquit Dioscor. l. 3. c. 2. Glutinosum enim
viscidumque quippiam habet adjunctum. Rhabarbarum verò
amarum est, aridum, nulliusq; lentoris particeps. Substantia

rhapontici fungosa est, rara, & aliquantum levis: iudice Dioscoride ibid. Cui Galenus loc.cit. suffragatur: huiusq. laxitatis & levitatis causam esse dicit, quod aërea quadam substantia subtili participet. Rhabarbarum autem compactum est, & grave, imò quanto gravius est, tantò putatur à Mesue melius. Viribus quidem aliquibus inter se conveniunt: ut quod utrumq. partium sit dissimilariū, habeatq. partes tūm terrenas ac frigidas: tūm subtiles atq. aëreas: quòdq. utrumq. adstringat, aperiāt, atq. siccet. Differunt verò quàm maximè in eo, quoniam Rhabarbarum Rhapontico calidius est: & purgatrice facultate pollet, qua destitutum esse Rhaponticum sequenti problemate planum faciemus.

II.

An Rhaponticum catharticam in se facultatem habeat? Vt discrimen inter rhabarbarum & rhaponticum elucescat magis, placet propositum discutere Σίτημα. De illo verò non idem omnes sentiunt. Manardus defendit affirmativam lib.5. epist.5. inquit, Ponticum Rha non carere vi purgatrice: quam minorem habeat, quàm Rhabarbarum, & quæ vix drachmâ unâ exhibitâ deprehendatur. Et lib.18. epist.1. scribit, rhaponticum veterum non minus purgare, quàm nostrum rhabarbarū: id quod certo se experimento cognovisse testatur. Antiquos tamen, ait lib.6. epist.2. eo ad ventris purgationem nō esse usos: sed antidotis miscuisse, & ad alios adhibuisse usus, quos opera pretium non est, hoc loco referre. In eadem sententia sunt etiam Ruellius, Cordus, Dodonæus, locis præced. problem. allegatis: & in summa illi omnes, qui rhaponticum Dioscoridis idem cum rhabarbaro nostro statuunt. Contrà, negantem recipiunt Matthiolus, Sylvius, Costæus, Pena, Lobelus, & Fuchsius, quibus nos subscribimus. Rationes sunt istæ. I. quia nemo veterum Græcorum, aut Latinorum rhapontico catharticam inesse facultatem literis mandavit. Imò ne Avicenna quidem inter Arabes. Videantur Dioscorides l.3.c.2. Galenus l.8. simpl.c. de Rheo, sive Rha

Rha. Paulus l.7.c.3. in lit. P. Oribasius l.14. coll. c.10. & lib.12. collect. in lit. P. & lib.2. de virt. simpl. in lit. P. Aëtius tetr.1. serm.1. in lit. P. Expresse enim de rheo, sive rhao Pontico loquitur: Plinius l.27.c.12. Avicenna l.2. Can. tract.2. c.585. ubi de reubarbaro, quod Raved appellat, eadem ferè habet, quæ Dioscor. & Gal. de rhapontico. Item l.3. Can. fen.16. tract.2. c.7. ubi rheubarbarum mirabilis virtutis esse dicit in ulceribus intestinorum. Nam si rhaponticum purgatorium esset, utiq; veteres, qui eo usi sunt frequentissimè, virtutem hanc in eo observassent, eandemq; ut in alijs fecerunt purgantibus diligentissimè, memoria prodidissent: quod tamen ab ijs minimè factum legitur. II. quia Dioscorides scribit, rhapontici ἀνώγειν δύναμιν συμπληρὴν εἶναι, summam facultatem adstrictoriam esse. Et Galenus l.8. simpl. inquit, habere rhaponticum γυναικῶν τῆς σφύξης ἔργον, haud instrenua adstrictionis opera. Quam ob causam uterq; illud in hæmoptysi, dysenteria, cæliacâ passione, & rupturis commendat. Quod si summa illi vis adstringendi est ingenita, quis illud catharticâ virtute pollere dicet? III. quia Galenus monet libello περὶ ἀντιβαλλομένων, succedanea ijsdem prædita esse debere facultatibus, quibus ea, in quorū locum substituuntur. Atqui idem ibidem pro rheo radicem Centaurij magni sumit. Necesse igitur est, ut Centaurium hoc viribus rheo sit simile. At nihil cathartice potestatis in se continet Centaurium: quemadmodum non modò experientia testatur quotidiana: sed etiam Dioscorides l.3. c.6. Galenus l.7. simpl. c. propr. Aëtius tetr.1. serm.1. de simpl. med. virib. in lit. K. Paulus l.7. c.3. in lit. K. Oribasius lib.14. coll. c.10. omnesq; recentiores botanographi attestantur. IV. quia Nicolaus Myrepsus in nominum quorundam, quibus in suis compositionibus utitur, explicatione scribit, si ad manum non sit rheon, Centaurij magni, aut Symphyti, quod nostrates Consolidā majorem vocant, radice utendū esse. Sed radix hæc omni purgatrice virtute caret: ut ex Dioscor. l.4. c.8. edit. Ruell. Gal. l.8. c. propr. simpl. & alijs rei herbaria scriptorib. liquet. V. quia

Fuchsius l. i. de compo of med. c. 84. notat, rhaponticum illud, quod D. Gerardus Caroli V. Imp. apud Solimannum, Turcarum Imp. Orator, proprijs manibus in Ponti regionibus eradica vit, inq. nostras invexit regiones, duarum drachmarum pondere exhibitum alium potius adstrinxisse, quàm movisse. Et nos experimur quotidie, rhaponticum in infusione datum nihil quicquam purgare. Quod si hoc faceret, malè olim ipsi surrogatum fuisset Centaurium magnum. Viribus enim rhapontico minimè respondisset.

III.

Utrum Rhabarbarum nostrum χαλαγωγόν veteribus Græcis atque Arabibus fuerit cognitum? Certum est, rhabarbarum veteribus Græcis, Dioscoridi scil. Galeno, & Theophrasto, ignotum fuisse. Nusquam enim rhabarbari meminere: neq. rheo suo facultatem purgatricem, quæ tamen in rhabarbaro est præcipua, assignarunt. Exprimi etiam problematis decisione satis constat, eos per rheon rhabarbarum nostrum minimè intellexisse. Alia enim accidentia, substantiam aliam, aliasq. virtutes rheo tribuerunt, quæ rhabarbaro non competunt. Avicenna quidem rheubarbari, quod Raved nominat, l. 2. Can. tract. 2. c. 585. mentionem facit. Sed ex facultatibus liquet, illum non rhabarbarum nostrum; sed rha. Dioscoridis atq. Galeni inaudire. Nam quæ isti authores rheo ferunt accepta: illa Avicenna Raved suo inesse asseverat. Innotuisse autem Mesuæ, non solum fidem faciunt interpretes, Sylvius, Manardus, & Costeus in annotat. cap. 5. lib. de simpl. purgantibus: verum etiam ea, quæ Mesue de viribus Raved scribit. Ait enim, esse purgatorium clemens, tutum omni tempore, omni ætati salubre, pueris etiam & pregnantibus. Calidum & siccum ordine secundo: duplici donatum substantiâ: una terrea & adstringente: altera aërea & ignea. Illâ vacuare bilem & pituitam: præcipuè à ventriculo & hepate: aperire obstructions, & affectus inde natos sanare; icterum v.g. hydropem, splenis tumorem, febres putridas, etiam diuturnas, dolorem hypo-

hypochondriorum punctorium. Hac sanguinem undecumq; manentem sistere: conferre lapsis ab alto, contusis, ruptis, fractis, internis pariter atq; externis, si ejus drachma una cum mumia, & rubie radice ex vino austero bibatur. Sanare dyssenteriam, si assum, sive ustulatum cum succo plantaginis & paucio vino austero sumatur. Esse amarum. Efficacius autem purgare in sero lactis caprini, vel aqua intybi, & apij, aut plantaginis maceratum, & cum spica nardi, quæ actionem illius juvat, expressum. Purgare, aperire obstructiones, & egregie abstergere in vino albo, puro, atq; odoro infusum, & expressum. Pulverem illius post purgationem oblatum viscera adstringendo corroborare. Assum autem adstringere magis: maxime omnium ustum. Si laxius sit, & rarius, tritum & coctione vires amittere. Dari expressum à sesquidrachm. ad drach. 3. Tritum à drachm. 1. ad drachm. 4. An nos tres, aut quatuor integrum incorruptumq; servari, si tùm reb. aliis, quas ibidè recenset, circumlinatur: tùm milio mergatur. Quæ sanè omnia ipsissima Rhabarbari nostri $\chi\omicron\lambda\alpha\gamma\omega\gamma\epsilon$ imaginè representant. Paul. Ægineta idè etiã novisse videtur. Nāl. 1. c. 43 Rheū inter ea refert. medicamenta, quæ aluum subducunt. Sic enim ille inter alia. Ad movendam aluum dormituri terebinthina devoranda datur olivæ magnitudinē. Si v. magis subducere volumus, de Rheo parum admiscemus. Id quod sanè de Rheo barbarico intelligendum: siquidem jam probatum, Rhapontico nullam concessam esse purgandi facultatem. Lib. verò 7. c. 11. non procul à fine, in antidoto quadã podagrica Agapeti, & antidoto $\delta\iota\alpha\kappa\omicron\varsigma\alpha\lambda\lambda\iota\varsigma$, rhei barbarici expressam mentionem facit. Idem Actuarius quoque cognitum habuit. Nam lib. 5. meth. med. c. 5. duplex ponit rheum: unum Ponticum: nimirum in pastillis $\delta\iota\alpha\kappa\omicron\varsigma\alpha\lambda\lambda\iota\varsigma$: alterum Indicum: nempe in pastillis ex rheo Indico, & in aliis contra icterum, & contra diabetem: quorum illud rha Dioscoridis & Galeni: hoc nostrum rhabarbarum est. Idem deniq; Nicolaus Myrepsus agnovit. Nam perinde atq; Actuarius duplicis rhei meminit: Pon-

ici quidem in Aurea antidoto Alexandril. de antidot. sect. 1. c. 1. Barbari verò in antidoto è rheo barbaro, sect. 1. de antidot. c. 32. In quadam alia è rheo barbaro sect. 1. de antidot. c. 464. In antidoto purgante è rheo barbaro sect. de antid. c. 471. In antidoto laxativa ad podagricos & arthriticos sect. 1. de antid. c. 488. quam unà cum aliis rhabarbarum ingreditur. In antidoto è moscho, sect. 1. de antid. c. 21. & in antidoto sect. 1. c. 155. qua ustum recipiunt rheon barbarum.

IV.

An Rhabarbarum rectè Theriacam Andromachi senioris ingrediatur? Notissimum est omnibus, qui dispensationem Theriacæ Andromachi viderunt, pharmacopæos loco rhei rhabarbarum nostrum $\chiολαγωγόν$ usurpare: ad imitationem forsàn Nicolai Præpositi de Theriacis sect. 22. c. 2. Valer. Cordi in dispensat. & Fernel. 7. meth. med. Hi enim authores rhabarbarum pro rheo ponunt. Verum cum rhabarbarum Andromacho & Galeno fuerit incognitum, non apparet, quomodo ad mentem illorum in Theriaca ponatur. Rectius proinde antiqua servatur compositio, & cum Fuchsio ac Foesio rhaponticum eligitur. Hujus enim expressè meminere Galenus lib. 1. de antidot. Paulus l. 7. cap. 11. & Aëtius tetr. 4. serm. 1 c. 91. His namq; locis Andromachi theriacā describunt, & rhei Pontici, non barbari, mentionem faciunt. Hoc quoq; veteres antidotis miscere solebant. Quod si in promptu non sit, illius loco ex Galeni consilio radix Centaurij majoris adhibeatur: quæ viribus rhaponticum imitatur. Aut radix illius plantæ, quam Lobelus rha capitatum folio Enule Centaurij majoris facie, Dodoneus rha, sive rheum simpliciter nominat. Hoc enim Dioscoridis $παχὴ σῆνορ$ putatur. Quanquam id Prosper Alpinus, præceptor noster venerandus, lib. de rhapont. c. 3. neget: aliudq; longè, floribus, caulibus, foliis, & radice à rha Lobelij differens nobis describat, vivamq; illius imaginem exhibeat, & ita cum Dioscorideo concordare cap. 4. probet, ut ne una quidem nota

in illo desideretur. Præstat ergò verum rhaponticum sumere. Nam quò pauciora ἀντιβαλλόμενα Theriaca habet, eò judicatur sincerior & melior. Aut si id haberi non possit, priscum rhapontici ἀντιβαλλόμενον, quod ad manum semper est, servare. Quod autem, qui rhabarbarum in Theriacâ ponunt, Nicolai præpositi auctoritatem prætendunt, respondet Fuchsius l. 2. de compos. med. sect. 2. in annotat. Aureæ Alexandrinæ, & Theriaca, latinos quidē Nicolai, codices rhabarbarum habere: sed perperam. In Græcis enim exemplaribus ῥέον πόντικόν reperiri.

V.

Num Aloë venarum orificia aperiat, sanguinemq; per venas sedis educat nec ne? De Aloë rogatur, quæ succus est illius stirpis, quæ Cordus semper vivā Indicā: recentiores semper vivū marinū: Columella, ut Dodonæus suspicatur, sedum amarū; alij Amphibion vocant. Hæc enim usu suo officinis inseruit: altera, quæ Clusius & Dodonæus Americanā: Camerarius spinosā: Lobelus aloën mucronato folio: Valentini filum & acū nuncupant, nō item. Nū ergò succus prioris aloes inspissatus venarū orificia aperiat, dubitatur? Fuchsius in paradoxis, Vallesius l. 9. cōtr. c. 3. & Manardus tūm l. 12. epist. 3. tūm in annot. c. lib. de simpl. purg. Mesue, negant: I. quia adstringit. II. quia facultatem habet emplasticam. III. quia foris ad mota sanguinis eruptiones & hæmorrhoidum abundantiam sistit. IV. quia vulnera glutinat: quem admodum patet ex Dioscor. l. 3. c. 22. edit Ruell. & Galen. lib. 6. simpl. c. propr. V. quia hujus virtutis veteres Græci non meminere. Si venas aperit, & sanguinem exigit, non per se id facere contendunt: sed per accidens: quia fervida excrementa educit. Affirmat contrā Mesue lib. de simpl. med. c. 1. quem sequuntur in annotat. Sylvius & Costæus. Idem sentiunt Avicēna l. 2. can. tract. 2. c. 66. nec non l. 2. tr. 1. c. 5. in fine. Scaliger exerc. 100. §. 3. Fernelius l. 5. meth. med. c. 9. Falloppius l. de simpl. purg. c. de aloë Lusitanus & Matthiolus in Comm. l. 3. Dioscor. c. 22. quibus nos suffragamur.

Experientia namq̃ docet, iis, quibus, sedis venæ, quas hamorrhoidales appellant, turgent, aut aperiuntur, vel minimâ aloës sumptû portuunculâ aut tumefieri, aut diduci. Id quod Scaliger perpetuò se observâsse testatur. Et Falloppius scribit, toties sese fluxum hamorrhoidum proritâsse, quoties aliquot saltem vicibus aloën dedisset. Videmus etiam, eos, qui aloë frequenter utuntur, in hamorrhoidum vitium incidere: & mulieribus suppressa menstrua illius sumptione evocari comperimus. Quod si roges, unde nam aloë facultatem hanc habeat? Respondet Falloppius, à totâ substantiâ: vel quod idem, à proprietate, & qualitate occulta: quia alia quoq̃ pharmaca sunt, non minus atq̃ aloë calida, sicca, amara, acria, aperitiva, & abstersiva, quæ tamen venas minimè recludunt, neq̃ hamorrhoidas movent. A qua sententia haud alienus videtur Scaliger loco allegato. Alij, inter quos Fernelius, causam hujus effectus ad manifestas qualitates referunt. Aiunt enim, sanguinem prolicere aloën, tenues hepatis venas amarore & acrimoniâ vellicando, podicem corradendo, venasq̃ hamorrhoidales aperiendo. Nobis utraq̃ qualitas arridet: occulta quidem, tanquam causa principalior: manifesta autem, velut coadjuvans. Sed Manardi & Fuchsi sententiam expendamus. Dicunt, aloën per accidens solum aperire venas, & sanguinem exturbare, quatenus acres calidosq̃ humores purgat per anum. Respondet Scaliger καὶ ἔνθα αὖ: & quidem duplicem. I. quia Esula, Lathyris, Turbith, & Pepliū violentissima sunt cathartica, neq̃ tamen venas aperiunt. II. quia Raved, b.e. rhabarbarum igneū humorem in Tertianariis purgat: nunquam tamen compertum, ejus succi arrosione apertas fuisse venas sedis. Aloë ergo, inquit idem, de suo quiddam addit, quo vasa hæc dehiscant. Ad primam verò Fuchsi & Manardi rationem dicimus, adstrictoriam facultatem, quæ in aloë tamen secundum Galenum lib. 6. simpl. c. propr. modica est, aperitivam minimè delere. Id quod Rhabarbari, Absinthij, Rhapontici, aliorumq̃ simplicium, quæ ad-

strin-

stringendi simul aperiendiq; virtute prædita sunt, exempla declarant. Huc accedit, quòd utraq; facultas non ab eodem fonte fluit. Locum ergò in uno eodemq; subjecto habere potest. Ad secundam dicit Scaliger, nil impedire, quo minus idem simplex emplasticum sit, & tamē etiam venas referet. Nam aloë v.g. glutinoso venarū oris apposita operculum imponit: suo verò calore venas aperit. Ad tertiam eadem est responsio. Absurdum videtur Manardo & Fuchsio, contrarios eidem rei tribuere effectus: cohibitionem sanguinis, & ejusdem provocationem. At absurdum non esse, ratio & sensus monstrant. Sunt enim in quàm plurimis facultates contrarie à quibus non nisi contrarij prodire effectus queūt. Myrrha sanè, quia emplastica, vulneratis partibus foris admota, sanguinis cohibet fluxionem. At quia eadem calida, abstersiva, & aperitiva, intus assumpta, & menses, & partus extrahit. Eadem ratio aloës. Ad quartam. Aloë vi adstringente, siccante, & detergente vulnera glutinat: aperitiva autem, abstersiva, & occultiore, illa, quæ ἀππνλ &, vasorum oscula diducit. Ad quintā. Licet veteres Græci aperitivæ facultatis non meminerint: non tamen etiam illam negarunt. Quin si maximè negassent, ipsorum tamen placito minimè standum foret. Experientia quippe aliud docet: cui in dijudicandis simplicium viribus plus, quàm vel authoritati, vel rationi tribuendum.

VI.

An Sena flatuosa sit, eamque ob causam tormina ventris pariat? Mesue lib. de simpl. purg. c. 15. de sena diligenter egit. Ejus quoque historiam & facultates explicuere Fernellius, Fuchsius, Sylvius, Fallopius, & alij, qui vel de purgantibus solum: vel de stirpibus tractarunt ex professo. Verum nullus, quod sciamus, flatuosam esse senam scripsit. Quin omnes calidam siccamque pronuntiaverunt; Quomodo ergò flatuosa erit? Flatulenta namq; quæ sunt, vel humiditatis quid habent superflua: vel insuper etiam calorem debiliorem. At inquiunt plebeij, tormina

utris parit. Respondemus, parere ea non per se, sed per accides: quatenus vel folliculi ejus immaturi, qui excrementitia scatent humiditate, usurpantur: vel corpus aggrediuntur obstructionib. prædeditum: aut phlegmate refertum: quo mulieres & pituitosos viros abundare novimus. Eligatur ergo sena matura, ac proba: & præparetur ad purgationem corpus, & sena tormina ne uti- quam parituram deprehendamus.

VII.

Utrum folia, an folliculi senæ, quos etiam filiquas vo- cant, sint efficaciores? Mesue lib. de simpl. purg. c. 15. folliculos præfert foliis. Verum non quosvis: sed eos solum, qui ex viridi nigricant; qui modicè amari: qui subadstringentes: qui perfecti at- que absoluti: qui recentes: in quibus semen amplum compressum. Vetustate enim perire virtutem scribit. Subalbidos atq; imper- fectos damnat. Mesue sequuntur Fernellius l. 5. meth. c. 10. Fuch- sius l. 1. de comp. med. c. 79. Costeus in annot. c. 15. l. de simpl. purg. Mesue: & alij plures, inter quos Andernacus. Et rationabile sa- nè est, veteres Medicos, quibus nota erat sena, folliculis tantum u- sos. Mesue namque senam plantæ folliculum appellat. Et A- ctuarius lib. 5. meth. c. 8. dicit, Sene fructum esse, qui ex Syria & Aegypto aduehatur. Per fructum nil aliud, quàm folliculum intel- ligens, semen continentē. Eam siquidē Sena partem Mesue & Actu- arius, describebant, qua maximè utebātur. Manardus in annot. super loc. alleg. Mes. sensit contrarium. Experientia, inquit, ipsa ostendit, folia in purgandi vi esse potentiora. Et Fallopius lib. de purg. simpl. c. 59. ingenuè fatetur, libentiùs se folia, quàm folliculos usurpare. Hinc videmus, multò maiorem foliorum, quàm follicu- lorum, copiam passim venditari. Nos sic statuimus. Si tales folliculos, quales Mesue describit, nostris in regionibus habere pos- semus, utiq; foliis valere iussis folliculos eligeremus. Idq; & ob pro- priam, & contentorum seminum virtutem. Verum, cum qui ad nos feruntur, vel adhuc sint immaturi: vel vetustate consumpti, & ve-

& vesica ut plurimum vacua, colore & sapore nativo privata: palmam folijs damus. Illi enim flatus gignunt, & ventris torsiones excitant. Hi verò parum, aut nihil operantur: utpote viribus exhausti. Folia autem, siquidem sint viridia, & crassa, si-ve corpulenta, (nam hac subalbidis & tenuibus Mesue anteponit) efficacia sunt satis, & in magna quoque copiâ ad nos vehuntur.

VIII.

Rectène Absinthium, Centaurium minus, Fumaria, Hyssopus, Thymus, Capillus Veneris, Eupatorium, Stœchas &c. inter purgatiâ Mesue numerentur? Si pro purgantibus in genere ea omnia habenda, quæ vel urinas movent: vel quacumque ratione alvum subducunt: utique propositis modò simplicibus locus inter purgantia erit. At si ea tantum purgantia dicenda, quæ facultate nobis occultâ peculiare humores trahunt, de quibus quidem hætenus à nobis disputatum fuit, haud sanè videmus, quomodo enumerata simplicia inter τὰ καθαρτικά stare possint. Hoc enim modo minimè purgant: ut experientia testatur. Quam ob causam nostrates practici ea non purgantibus: sed ijs, quæ ad purgandum juvant, & præparant; & ijs, in quibus purgantia maceranda permiscenda ve sunt, adscribuntur.



Π Α Ρ Ε Ρ Γ Α.

I.

Utrum per τὸ θεῖον, quod inesse morbis Hipp. lib. prognost. scribit, non tantum coelestium corporum influxus, & aëris nos ambientis conditio: verum etiam quævis alia abstrusa abditaque causa intelligi possit, ac debeat A.

II.

Rectène curatio causarum morbificarum ablatio definiatur? N.

Verum-

III.

Verumné illud Hippocratis l. de loc. in hom. radix muliebrium affectuum uterus: & illud in Epist. ad Demetriū Regem, radix plurimorum gravissimorumque morborū in utroque sexu caput? Verissimum.

IIII.

Num omnis calculus vesicæ originem trahat à calculo renum, ut Fernelius putat? N.

V.

Quid de illo Damasceni aphor. 82. sentiendum? quodvis catharticum necessariò bilem flavam exagitat? Rationi consentaneum.

VI.

An verum, quod Hipp. de menstruo sanguine dixit, *ειδελφόν*, germanum lacti esse? A.

VII.

An cerebrum & ossa inflammari possint? A.

VIII.

Verumné, quod vulgò dici solet, recidivas deteriores & periculosiores esse morbis, qui illarum sunt fontes atque radices? A.

IX.

Denturné morbi, ut Fernelius loquitur, totius substantiæ? A.

X.

An omnis calculi efficiens causa sit renum fervor: materia humor pituitosus? N.

F I N I S.